

ಲುಕನು ಬರೆದ ಯೆಸುವಿನ ಸುವಾರ್ತೆ ಲುಕ ಬರ್ದಲ ಯೆಸುನಿ ಸುವಾರ್ತಾ ವಳಕ

ಲುಕಾ ಬರ್ದಲ ಸುವಾರ್ತೆ ನವಾ ವಡಂಬಡಿಕೆಮಾನು ಯೆಸು ಕ್ರಿಸ್ತನ ಜಿವನನಾ ಹುತಿ ವಿವರಣೆ ದಿವಾನು 4 ಪುಸ್ತಕಮಾನಿ 1 ಪುಸ್ತಕಧಯೊಸ ಎ ಹರಿ ಯಕ್ಕ ಪುಸ್ತಕನೆ ಸುವಾರ್ತೆ ಕೈನ ಬಲಾವಸ. ಇನು ಮತ್ಲಬ ಚೊಕಿ ವಾರ್ತಾ ತೆ ಕ್ಹಾರು ಯೆಸುನು ಮರಣ ಥಯಲ್ಪರ ಮತ್ತಾಯ, ಮಾರ್ಕ, ಲುಕ ವರಿ ಯೊಹಾನ, ಕವಾಲಾವೊನಾ ಹುತಿ ಬರ್ದಲ ವ್ಹ್ಯೆ ಲುಕ ಕ್ಹಾಲಿ ಯೆಸುನು ಜಿವನನಾ ಚರಿತ್ರನಾ ಹುತಿ ಯಕ್ಕಜ ಬರದ್ಲೊ ನತ್ತಿ. ತೆನ್ನೊಸೊ ತೆ ಯೆಸುನಾ ಮರಣ ವರಿ ಪುನರುತ್ಥಾನ ಥಯಲ್ಪರ ತಿನು ಶಿಷ್ಯಾ ಕರ ಕ್ಹಾರು ದಕ್ಖಾವಿಷಯಲನಾಹುತಿ ಬರದ್ಲೊಸ. ತೆ ಪುಸ್ತಕನಾ ನಾಮ ಅಪೊಸ್ತಲೊನಾ ಕಾಮೊ ಕಲಾಪೊ ಲುಕಾ ಬರ್ದಲ ಸುವಾರ್ತೆ ಎಜ್ಜ ಟೈಮ್ಮಾ ಬರ್ದಲ ವ್ಹ್ಯೆ ಕವಾನು ಖಚಿತ ಥೈನ ನತ್ತಿ. ವರಿಬಿ ಘನ್ನಾ ವಿದ್ವಾಂಸೊ ಕ್ರಿಸ್ತನಾ ಹುಟಲ್ಪರ ಘನ್ನಿ ತರಾ 60 ವರಕ್ಖ ಥಯಲ್ಪರ ಬರ್ದಲ ವಸೆ ಕೈನ ವಪ್ಪಿಲಿವಸ.

ಬರ್ದಾಲೊ ಲುಕಾ ಕವಾಲೊ ಯಕ್ಕ ಡಾಕ್ಟರ ವ್ಹತ್ತೊ. ತಿನು ಬರ್ದಾನು ತರಿಕೊ ವರಿ ಶಿಕ್ಕಲವಾಲೊ ಮನಕ್ಖ ವ್ಹತ್ತೊ. ಕವಾನು ದೆಕಾಡಿನ ದಿವಸ. ಲುಕಾ ಯೆಸುನು ಜಿವಣಾ ಹುತಿ ನಿಖರಚತಾಕ್ಖ ವಿವರಣೆ ಕವಾನೆ ಮನಸ ಕರೊ, ತೆ ಕ್ಹಾರು ಘಟಣೆ ತೆ ಕ್ಹಾರು ಥಯಲ ತಿಮ್ಮಜ್ಜ ಕದ್ಲೊ ಇಮ್ಮ ಒದಾಲಾವೊನೆ ಇನಾಹುತಿ ಪೈದೊ ಥಾವಾ ವರಕ್ಖ ಕರೊ. ಲುಕ 1—3 ತೆ ಯಹುದ್ದಿ ನ್ಹೊತ್ತೊ ಕೊಲೆಸ್ಸ 4:10-14 ವರಿ ಯಹುದ್ದಿಯೊ ನೈಸೊ ಮನ್ಸಹೊಬಿ ಕಳ್ಳೆಲ್ಯ ಕೈನ ಕವಾನು ಮಯಾಮಾ ತೆ ಬರದ್ಲೊ ಎ ತೆ ಯಹುದ್ದಿಯೊನಾ ಪದ್ಧತಿಯೊನಾ ಹುತಿ ತಿನಾಕ್ಖ ತೆಜ್ಜ ವಿವರಣೆ ದಿವಾನು ದೆಕ್ಯಾಮ ಅಪೊನೆ ಗ್ವತ್ತ ಥೈನ ಆವಸ. ಲುಕ 1—8

ಲುಕಾ ಬರ್ದಲ ಸುವಾರ್ತೆಯು ಮತ್ತಾಯ ವರಿ ಮಾರ್ಕ ಬರ್ದಲ ಸುರ್ತೆ ಲಿಂಗತಜ್ಜ ಛೆ. ಕಾಕದ್ಯಾಮ ತೆ ಕ್ಹಾರಿಯೊ ಯಕ್ಕ ಥರಾನಿ

ವಿಷಯಯಮಾ ಕವಸ. ಎ ತನ್ನ ಪುಸ್ತಕೋಮಾ ಲುಕಾ ಬಾಪ್ತಿಸ್ಮಾ ದಿಲಾವಾಲೊ ಥಯಲ ಯೊಹಾನ ಹುಟ್ಟಲನಾ ಹುತಿ ಘನ್ನು ವಿವರದಿವಸ ಲುಕಾ ಮಾಫಿನಾ ಹುತಿ ಕವಸ. (ಲುಕ 3 ಅದ್ಯಾಯ 3 ವಾ ವಚನ 11:4, 17:3-4 23:34; 24:47; ವರಿ ಪ್ರಾಥನಾನಾ ಹುತಿ ಕವಸ. (ಲುಕ 3:21, 5:16, 6:12, 11:1-12, 22:32)

ಪಿರಿಕೆ

1. ಲುಕ ತಿನು ಸುವಾರ್ತೆನಿ ವಳಕ ದಿವಸ ವರಿ ತೆ ಕಾ ಬರ್ದಾಡ್ಯೊಸ. ಕೈನ ವಿವರಣೆ ಕವಸ. 1:1-4
2. ತೆ ಥಯಲ್ಪರ ತೆ ಯೆಸುನು ಹುಟ್ಟಲ ವರಿ ತೆ ಸೆವೆನಾ ಹುತಿ ಕಿಮ್ಮ ತಯ್ಯಾರ ಥಯೊ ಕವಾನು ಕವಸ. 1:5—4:13
3. ಬಿಜಿಯೊ ರ್ಹಯಲ ಸುವಾರ್ತೆಮಾ ಎ ಘನ್ನುಮೊಟ್ಟಿ ರ್ಹಯಲ ಭಾಗ ವ್ಹ್ಯೆ ಲಕ್ಕಾ ಲುಕ ಯೆಸು ಕರಲ ಕಾಮೊನಾ ಹುತಿ ಕವಸ ಖಾಸ ಕರಿನ ತೆ ಕರಲ ಅದ್ಭುತನಾ ಹುತಿ ವರಿ ತಿನು ಭೊದನೆನಾ ಹುತಿ ಕವಸ. 4:14—21:38
4. ಲಾಸ್ವಮಾ ಬೆ ಅದ್ಯಾಯಮಾ ಅದ್ಯಾಯ ತೆ ಯೆಸು ಕಿಮ್ಮ ಮರ್ರ್ಯೊ ಕಿಮ್ಮ ಸಮಾದಿ ಕರ್ರ್ಯಾ ವರಿ ಮರಣಮಾತೊ ಕಿಮ್ಮ ಉಟ್ಟೊ ಕವಾನು ಕವಸ. 22—24

ಯೆಸುನಾ ಜಿವನ್ನಾ ಹುತಿ ಲುಕಾ ಬರ್ದಲ

¹ ಸನ್ಮಾನ್ಯ ಥೆಯೊಫಿಲನ, ಹಮಾರಾ ವಚ್ಚಾಥಯಲ ಸಂಗತಿಯೊ ವರಿ ಚರಿತ್ರೆ ತಿಳಸಾನಾಹುತಿ ಘನ್ನಾ ಜನಾ ಕೊಶಿಶ ಕರ್ರ್ಯಾಸ.

² ಶುರುತಾಬಿ ತೆ ಸಂಗತಿಯೊ ಡೊಳೆ ದೆಕಲ ಕ್ಕುದಾನಿಯೊ ವಾತೊ ಕದಲವಾಲಾವೊನಾ ಮೊಡೆ ಹಮೆ ಐಕಲ ಸಂಗತಿಯೊ ತ್ಯನೆ ಬರ್ದ್ಯಾಸ.

³ ತಿನಾಹುತಿ ಹರಿಯಕ್ಕ ಸಂಗತಿಯೊ ಶುರುತಿಬಿ ಮಿಜ ಮ್ಹೆನ್ನತ ಕರಿನ ಒದಿ ಬರ್ದಿನ ತಿಳದಿಲಿದಲ ಹುತಿ ತ್ಯನೆ ಎ ಕ್ಕಾರು ತುನೆ ಯಕ್ಕ ಲೆವಲ (ಸಂವಾ) ತಿಳಸಾನಾ ಹುತಿ ಪುಸ್ತಕನಾ ರುಪಮಾ ಬರ್ದಿನ ಮ್ಹೆಲ್ಯೊಸ.

4 ತುನೆ ಕದಲ ಉಪದೆಶ ಕ್ಹರಿನಿಯೊ ವ್ಹೈ ಕೈನ ಇನಾಹುತಿ ಕ್ಹಲಿಯರ ರ್ಹವಾದೆ.

ಬಾಪ್ತಿಸ್ಮಾ ದಿಲಾವಾಲೊ ಥಯಲ ಯೊಹಾನ ಹುಟ್ಟಾನಾ ಹುತಿ ಕದಲ

5 ಯುದಾಯನೊ ರಾಜ್ಕೊ ಥಯಲ ಹೆರೊದನಾ* ಕಾಲಮಾ ಅಭಿಯನ್ನಾ ಆರೊನನಿ ಒಸಮಾ ಮಳಲ ಜಕರಿಯಾ ಕವಾಲೊ ಯಕ್ಕ ಯಾಜಕ ವ್ಹತ್ತೊ. †ತಿನಿ ಬೈಕೊ ಯಾಜಕೊನಿ ಒಸವಾಲಿ ವ್ಹತ್ತಿ. ತಿನು ನಾಮ ಎಲಿಸಬೆತ ವ್ಹತ್ತು.

6 ತ್ಯುನೆ ಕ್ಹರಿಮಾಜ್ ಕ್ಹುದಾನಿ ನಜರಮಾ ಚೊಕಾ ಥೈನ ವ್ಹತ್ತಾ. ಭಂಬಿಜನಾ ಕರ್ತಾನಿಯೊ ಕ್ಹಾರಿಯೊ ಆಗನ್ಯಾ ವರಿ ನಿಯಮೊ ನಿಶೈ ಕಾಯ್ದಿಲಿನ ತಪ್ಪನೈಸೊ ಕರಾಲಾ ರ್ಹ್ಹಿನ ವ್ಹತ್ತಾ.

7 ತೆನೈಸೊ ಎಲಿಸಬೆತನೆ ವರಿ ಜಕರಿಯಾನೆ ಬಚ್ಚಾನೊಡ್ತಾ; ಕಾಕದ್ಯಾಮ ಎಲಿಸಬೆತ ಗ್ವಡ್ಡ ವ್ಹತ್ತಿ. ಎನೈಸೊ ತ್ಯುನೊನೆ ಘನ್ನಿ ವೈಸ್ ಥೈತಿ.

8 ಯಕ್ಕ ದಿನ್ನ ಜಕರಿಯಾನಿ ಒಸನಿ ಪಾಳಿ ಆತಾಮಾ, ತೆ ಕ್ಹುದಾನಿ ಸನ್ನಿಧಿಮಾ ಯಾಜಕ ಥೈನ ಸೆವೆ ಕರಾಡೊತೊ.

9 ಕ್ಹುದಾನಿ ಸನ್ನಿಧಿಮಾ ಯಾಜಕೊ ಉದನೊ ಧವಾಂಡೊ ದಿವಾಹುತಿ ತಿವ್ವಿ ಪದ್ಧತಿಲಿಂಗತ ಚಿಟಿಯೊ‡ ಫಾಲ್ತಾಮಾ ತಿಮಾ ಜಕರಿಯಾನು ನಾಮ ಐಯು.

* 1:5 1:5 ಹೆರೊದನು ನಾಮ 5 ವಚನಮಾ ನ್ಹ್ಯಾ ಮಹಾ ಹೆರೊದ ವರಿ ಹೆರೊದನ ದಿಕ್ತಾನಾ ಟೈಮಾ ಯೆಸು ಕ್ರಿಸ್ತನೆ ಶಿಲುಬುಪರ ಫಾಲ್ತಾಮಾ ತೆ ಟೈಮ್ತಾ ವ್ಹತ್ತೊ. † 1:5 1:5 ಯಾಜಕ ಕದ್ಯಾಮ ಕ್ಹುದಾನಿ ಸನ್ನಿಧಿಮಾ ಬಲಿ ದಿವಾಲಗಾಡಾಲೊ ವರಿ ಪದ್ಧತ ಕರಾಲೊ ‡ 1:9 1:9 ಚಿಟಿಯೊ ಫಾಲಾನು ಕದ್ಯಾಮ ಮನಕ್ಲೊ ಕಯೊಬಿ ಪೈಸಲೊ ಲ್ಯುಕದ್ಯಾಮ ಚಿಟಿಯೊ ಫಾಲ್ತಾತಾ. ವರಿ ತೆ ಚಿಟಿಯೊ ಫಾಲ್ತಾಮಾ ತ್ಯುನೆ ಕಯು ಸಾಮನ ಲೆತಾತಾ ಕವಾನು ಗ್ವತ್ತನತ್ತಿ. ತ್ಯುನೆ ಲಿವಾನು ಸಾಮನ ತ್ಯುನಾ-ತ್ಯುನಾ ನಾಮೊ ಬರದತಾತಾ. ತೆ ಚಿಟಿಯೊಮಾನು ಯಕ್ಕ ಕಾಡಿನ ದೆಕ್ತಾತಾ.

10 ತಿನಾಹುತಿ ಜಕರಿಯಾ ಕ್ವದಾನಿ ಸನ್ನಿದಿಮಾ ಗೈನ ಉದನೊ ಧವಾಂಡೊ ದೆತಾ ಟೈಮಾ ಮನಕ್ವೊನು ಗುಂಪ ಭಾರಾಜ ರಷ್ಟಿನ ಕ್ವದಾನೆ ಪ್ರಾಥನಾ ಕರ್ಕಿರಾಡ್ಯಾತಾ.

11 ತೆಳಾಮಾ ಕ್ವದಾನೆ ಉದನೊ ಧವಾಂಡೊ ದಿವಾನಿ ಜಗಾನಾ ಸಿದಾ ಬಗಲ ಜಕರಿಯಾನೆ ದೆವದುತ* ಹುಬ್ರಯಲ ದಿಕ್ವೊ.

12 ಜಕರಿಯಾ ತಿನೆ ದೆಕಿನ ಫಾಬ್ರೊಥೈನ ಭುಚ್ಚಯೊ.

13 ವರಿ ತೆ ದುತ ತಿನೆ ಜಕರಿಯಾ, ಭುಚ್ಚನಕೊ; ತಾರಿ ಪ್ರಾಥನಾ ಕ್ವದಾ ಐಕ್ವೊಸ; ತಾರಿ ಬೈಕೊ ಎಲಿಸಬೆತ ಯಕ್ವ ಪಟ್ಟೊ ಜನ್ನಿನ ತುನೆ ದಿವಸ. ತು ತಿನೆ ಯೊಹಾನ ಕೈನ ನಾಮ ಮೈಲು.

14 ತೆ ಹುಟ್ಟಲಹುತಿ ತುಮೊನೆ ಘನ್ನಿ ಖುಶಿ ಮಳಸ; ವರಿ ತೆ ಹುಟ್ಟಲಹುತಿ ಘನ್ನಾ ಮನಕ್ವೊಮಾ ಖುಶಿ ಧಾವಸ.

15 ಯೊಹಾನ ಕರ್ತಾನಿ ನಜರಮಾ ಮೊಟ್ಟೊ ಮನಕ್ವ ಧಾವಸ; ತೆ ದ್ರಾಕ್ಷಿಯೊನು ರಕ್ವ ರ್ವಾವಾದೆ ವರಿ ಕಯುಬಿ ನಶಾನು ರಕ್ವ ರ್ವಾವಾದೆ ತೆ ಪಿತೊಜ ನೈ; ಯೊಹಾನ ಹುಟ್ಟಲ ದಿನತೊಬಿ ತಿಮಾ ಪವಿತ್ರ ಆತ್ಮಾ† ರ್ವಾವಸ.

16 ತೆ ಇಸ್ರಾಯಲನಾ ಘನ್ನಾ ಮನಕ್ವೊನೆ ತ್ಯುನೊ ಕ್ವದಾ ಥಯಲ ಕರ್ತಾಕನ ಲಾವಸ.

17 ವರಿ ತೆ ಕ್ವದಾನೊ ದುತ ಥೈನ ಅಗೊ ಭಾವಸ. ತಿನೆ ಪ್ರವಾದಿ ಥಯಲ ಎಲಿಯಾನಿಯೊ ಚ್ಯಾಳಿಯೊ ವರಿ ಶಕ್ತಿಯೊ ಯೊಹಾನನೆ ಮಳಸ; ಬಾಪೊನೆ ದಿಕ್ರಾವೊನಾ ವಚಮಾ ಸಮಾದಾನ ದಿಲಾವಸ; ನಿತಿನೈಸೊ ವಾಲಾವೊನೆ ನಿತಿವಂತನು ಗ್ಯಾನ ಸಿಕ್ಕಲಾವಸ್; ವರಿ ಮನಕ್ವೊನೆ ಕ್ವದಾನಾ ಹುತಿ ತಯ್ಯಾರ ಕರಸ" ಕದ್ಯೊ.

§ 1:10 1:10 ಯಾಜಕ ಧರಮನೆ ಸಂಭಂದ ರ್ವಯಲ ನಾಯಕ ವ್ಹೈ ಇನು ಕಾಮ ಸು ವ್ಹೈ

ಕದ್ಯಾಮ ಕ್ವದಾನೆ ಬಲಿಯೊ ದಿವಾಲೊ ವ್ಹೈ ಹೆರೊದನಿ * 1:11 1:11 ಗ್ರಿಕ ಪುಸ್ತಕಮಾ ದೆವದುತನೆ ಕ್ವದಾನಿ ವಾತ ಕವಾಲೊ ವ್ಹೈ ದೆವದುತ ಆತ್ಮಾವ್ಹೈ ವರಿ ಕ್ವದಾನೊ ಸೆವಕ ವ್ಹೈ ಕೆಳಾಮಾಬಿ ಯಕ್ವೆಬ ಮನಕ್ವೊನೆ ಕ್ವದಾನಿ ವಾತ ಕವಾನೆ ವಳಾವಸ. † 1:15 1:15 ಪವಿತ್ರ ಆತ್ಮಾ ಕದ್ಯಾಮ ಕ್ವದಾನಿ ಆತ್ಮಾವ್ಹೈ ಪವಿತ್ರ ಆತ್ಮಾ ಬಾ ಥಯಲ ಕ್ವದಾನಾ ಕ್ವಾತೆ ರ್ವಯಲ ವಾಲೊ ವರಿ ತಿನಾ ದಿಕ್ರಾನಾ ಕ್ವಾತೆ ರ್ವಯಲವಾಲೊ ವ್ಹೈ ತೆ ಜಲಮ ರ್ವಯಲ ಆತ್ಮಾವ್ಹೈ ತಿನೆ ಅಂಗ ಕವಾನು ನತ್ತಿ ತೆ ಪರಿಶುದ್ಧ ವ್ಹೈತಿಮಾ ಪಾಪ ನತ್ತಿ.

18 ಜಕರಿಯಾ ತೆ ಕ್ಹುದಾನಾ ದುತನೆ"ತು ಕವಾನು ಕ್ಹರಿ ವ್ಹೈ ಕೈನ ಸು ವಳಕ ಛೆ? ಮಿ ಗಡಿಯೊ ಥೈಗಯೊಸ ವರಿ ಮಾರಿ ಬೈಕೊನೆ ಬಿ ವೈಸ ಥೈಗೈಸ "ಕದ್ಯೊ.

19 ತೆಳಾಮಾ ತೆ ದೆವದುತ "ಮಾರು ನಾಮ ಗಬ್ರಿಯೆಲ ವ್ಹೈ ಮಿ ಕ್ಹುದಾ ಕನ ರ್ಹವಾಲೊ ವ್ಹೈ ವರಿ ಮಿ ಕ್ಹುದಾನಿಯೊ ವಾತೊ (ಸಂದೆಶ) ಮನಕ್ಹೊಕನ ಕವಾಲೊ ವ್ಹೈ ವರಿ ಎ ಛೊಕಿ ವಾತ ಕವಾನಾ ಹುತಿ ಕ್ಹುದಾ ಮನೆ ತುಕನ ಮೊಕ್ಕಲೊಸ.

20 ಎ ಮಾರಿಯೊ ವಾತೊ ಕರೆಟ್ಟ ಟೈಮಾ ಪುರಾ ಥಾವಸ; ಎನೈಸೊ ತು ಎ ನೈ ನಂಬಲಕ್ಹು ಎಕ್ಹಾರು ಪುರಾಥಾವಾನು ದಿನ್ನಲಕ್ಹಾ ಕಿಕನಙ್ಗ ಸು ಕದ್ಯಾವಾಚಿ ಮುಕೊ ಥೈನ ರ್ಹಶಿ ಕದ್ಯೊ.

21 ವರಿ ಜಕರಿಯಾನಾ ಹುತಿ ಭಾರಾ ಕೈದತಾ ಹುಬ್ರಯಲ ಮನಕ್ಹೊ ದೆವಾಲಯಮಾ[‡] ತೆ ವಕ್ಹತ ಕರಲಹುತಿ ಮನಕ್ಹೊ ಫಾಬ್ರಾಥಯಾ.

22 ತೆಕ್ಲಾಮಾಙ್ಗ ಜಕರಿಯಾ ದೆವಾಲಯಮಾತೊ ಭಾರೊ ಆತಾಮಾ ಮನಕ್ಹೊನಾ ಕ್ಹಾತೆ ಸುಙ್ಗ ಬೊಲ್ಯಾವಾಚಿ ರ್ಹತಾಮಾ ಮನಕ್ಹೊ ಇನೆ ದೆವಾಲಯಮಾ ಕ್ಹುದಾ ಕಯೊಬಿ ಯಕ್ಹ ದರ್ಶನ ದಿದ್ಯೊಸ. ಕೈನ ಮನಕ್ಹೊತಿಳದಿನ. ತೆಳಾಮಾತೊಙ್ಗ ಜಕರಿಯಾ[‡] ಮನಕ್ಹೊನೆ ಹತಕ್ಹು ಇಶಾರೊ ಕರತೊ ಮುಕೊಥೈನೆಙ್ಗ ವ್ಹತ್ತೊ.

23 ಜಕರಿಯಾ ಯಾಜಕನಿ ಸೆವೆನಾ ದಿನೊ ಮುಗ್ಗಲಪರ ತೆ ತಿನಾ ಘರೆ ಗೈಪಡ್ಯೊ.

24 ತೆ ದಿನೊ ಥಯಲಪರ ಜಕರಿಯಾನಿ ಬೈಕೊ ಎಲಿಸಬೆತ ಪಾಂಙ್ಗ ಮೈನಾ ಪೆಟೆ ರ್ಹೈನ ಪಾಂಙ್ಗ ಮೈನಾ ಲಕ್ಹಾ ಘರಮಾತಿ ಭಾರಿ ಐ ನೈ.

25 ಎಲಿಸಬೆತ, ದೆಕೊ ಕರತಾ ಮಾರಾಹುತಿ ಹವು ಮ್ಹೊಟು ಕಾಮ ಕರೈಸ "ಮಾರಾ ಮನಕ್ಹೊನಾ ವಚಮಾ ಮಪರ ರ್ಹಯಲ ಯಕ್ಹ ಕೆಟ್ಟ ನಾಮ ಕ್ಹುವಾಡ್ಯೊಸ" ಕದಿ.

[‡] 1:21 1:21 ದೆವಾಲಯ ಕದ್ಯಾಮ ಯೆರುಸಲೆಮ್ಮಾ ರ್ಹಯಲ ದೆವಾಲಯ ವ್ಹೈ ನೈತೊ ಮ್ಹೊಟು ಭಾಂದಲ ದೆಕಾಡಸ ದೆವಾಲಯಮಾ ಯಹುದ್ಯೊ ಆರಾಧನೆ ಕರಸ ನವು ವಡಂಬಡಿಕೆ ಕಾಲ್ಯಾಯೆರುಸಲೆಮನು ದೆವಾಲಯ ಮ್ಹೊಟಿಯೊ ಗೊಡಿಯೊಕ್ಹು ಭಾಂದ್ಯಾಸ. § 1:22 1:22 ದರ್ಶನ ಕದ್ಯಾಮ ಕಯೊಬಿ ಯಕ್ಹ

ಯೆಸು ಕ್ರಿಸ್ತ ಹುಟ್ಟಾನಾ ಹುತಿ ಕದಲ

26 ಎಲಿಸಬೆತ ಛಿ ಮ್ಹ್ಯೆನಾ ಪೆಟಿ ರ್ಹತಾಮಾ ಕ್ಹುದಾ ತಿನಾ ಗಬ್ರಿಯೆಲ ಕವಾನಾ ದುತನೆ ಗಲಿಲಾಯ ಕವಾನಾ ಪ್ರಾಂತ್ಯಮಾ ರ್ಹಯಲ ನಭರೆತೆ ಕವಾನಾ ಗಾಮ್ನಾರ್ಹಯಲ ಜಾಂಜಿಮಾನ ಫೊಕ್ರಿಕನ ವಳಾಯೊ. ತಿನೆ ಕಯಾಜ್ ದಾಣಗಾನಾ ಕ್ಹಾತೆ ಸಂಬದ ನ್ಹೊತು.

27 ತಿನೆ ದಾವಿದನಾ ಖಾಂದಾನವಾಲೊ ಥಯಲ ಯೊಸೆಫನಾ ಕ್ಹಾತೆ ನಾತ್ರ ಧೈತು. ತಿನು ನಾಮ ಮರಿಯಳ ವ್ಹತ್ತು.

28 ದೆವದುತ ತಿನಾ ಕ್ಹಾಮೊ ಐನ "ಕ್ಹುದಾನೊ ಆಶಿರ್ವಾದ ವ್ಹಂದಲವಾಲಿ. ತುನೆ ಫೊಕು ಥಾವಾದೆ ಕರತಾ ತಾರಾ ಕ್ಹಾತೆ ಛಿ "ಕದ್ಯೊ.

29 ದೆವದುತನಾ ವಾತೊ ಐಕಿನ ಘನ್ನಿ ಗಲಿಬಿಲಿ ಧೈನ ಎ ಕೆವೊ ಆಶಿರ್ವಾದ ವ್ಹ್ಯೆಕ್ಳೆನ ವಿಚಾರ ಕರತಿ ಫಾಬ್ರಿ ಧೈ.

30 ದೆವದುತ ತಿನೆ "ಮರಿಯಳ, ಭುಚ್ಚುನಕೊ. ಕ್ಹುದಾ ತುನೆ ಘನ್ನಿ ಕೃಪಾ ದಿದ್ಯೊಸ.

31 ಐಕ! ತು ಪೆಟಿ ರ್ಹ್ಹಿನ ಯಕ್ ಪಟ್ಟೊ ಜನ್ನಿ. ತು ತಿನು ನಾಮ "ಯೆಸು" ಕೈನ ಮ್ಹೆಲು.

32 ತೆ ಮ್ಹೊಟೊ ಮನಕ್ ಕೈನ ಕವೈಲಿವಸ. ಎನ್ನೆಸೊ ಕ್ಹುದಾ ಥಯಲ ಕರ್ತಾನು ದಿಕ್ರೊ ಕವೈಲಿವಸ. ವರಿ ಕ್ಹುದಾ ತಿನೆ ರಾಜೊ ಥಯಲ ದಾವಿದನಾ ಲಿಂಗತ ರಾಜೊ ಕರಸ.

33 ತೆ ಯಾಕೊಬನಾ ಖಾಂದಾನವಾಲಾವೊಪರ ಕೆಳಾಮಾಬಿ ಅದಿಕಾರ (ಹಕ್ಕ) ಚಲಾವಸ; ತಿನಿ ಯಕ್ ರಾಜ್ಯನೆ ಅಂತ್ಯನತ್ತಿ. ಕದ್ಯೊ.

34 ಮರಿಯಳ ದೆವದುತನೆ "ಎ ಕಿಮ ಥಾವಸ? ಮಿ ಹಜುನ ಹಿವಾ ನತ್ತಿ ಕರಲಿದಿತೊ" ಕೈನ ಕದಿ.

35 ದೆವದುತ ಮರಿಯಳನೆ ಪವಿತ್ರ ಆತ್ಮಾತುಪರ ಆವಸ. ಕ್ಹಾರಾವೊತಿ ಮ್ಹೊಟೊ ರ್ಹಯಲ ಕ್ಹುದಾನಿ ತಾಕತನಿ ಛಿವ್ಲಿತುಪರ ಆವಸ. ತಿನಾ ಹುತಿ ಹುಟ್ಟಾನು ಪವಿತ್ರ ಬಚ್ಚು ಕ್ಹುದಾನೊ ದಿಕ್ರೊ "ಕವೈಲಿವಸ.

36 ಎನ್ನಿಸೋ ತಾರು ಕಳಬಳ ಥಯಲ ಎಲಿಸಬೆತ ಛಿತೊ. ತಿನೆ ವೈಸ ಧೈತಬಿ ತೆ ಯಕ್ಕ ಪಟ್ಟೊ ಜನ್ನಸ. ಬಚ್ಚಾನತ್ತಿ ಕೈನ ಮನಕ್ಕೊನಾ ಹತೆ ಕವೈಲಿದಲವಾಲಿ ತೆ ಹಮ್ಮಾ ಛಿ ಮೈನಾ ಪೆಟೆ ಛಿ.

37 ಕಾಕದ್ಯಾಮ ಕ್ಕುದಾನಾ ಹತೆ ನೈಥಾವಾನು ಸುಜ ನತ್ತಿ ಕದ್ಯೊ

38 ತೆಳಾಮಾ ಮರಿಯಳ"ಮಿ ಪ್ರಭುನಿ ದಾಸಿ ವ್ಹೈ ವರಿ ತು ಕದಲ ತಿಮ್ಮಜ ಥಾವಾದೆ"ಕದಿ. ತೆಳಾಮಾ ದೆವದುತ ತ್ಯಾಂತೊ ಗೈಪಾಡ್ಯೊ

ಮರಿಯಳ ಎಲಿಸಬೆತನೆ ಮಳಲ

39 ತೆಳಾಮಾಜ ಮರಿಯಳ ಉಟಿನ ಗಡಬಡೆ ಯುದೆಯಮಾ ರ್ಹಯಲ ಡೊಂಗರೊನಾ ಪ್ರದೇಶಮಾ ರ್ಹಯಲ ಗಾಮೆ ಗೈ

40 ತ್ಯಾ ಜಕರಿಯಾ ಕವಾಲಾನಾ ಘರಮಾ ಗೈನ ಎಲಿಸಬೆತನಾ ಗಳೆ ಮಳಿನ ಹತೊಜೊಡಿ.

41 ಎಲಿಸಬೆತ ಮರಿಯಳನೊ ಗಳೊ ಐಕ್ತಾಮಾ ಎಲಿಸಬೆತನಾ ಪೆಟಮಾ ರ್ಹಯಲ ಬಚ್ಚು ಖುಶಿ ಧೈನ ವದ್ಯಾಡ್ಯು ತೆಳಾಮಾ ಎಲಿಸಬೆತ ಪವಿತ್ರ ಆತ್ಮಾಕ್ತುಭರಿನ

42 ವರಿ ಭೊರ ವದ್ರಿನ ಅಮ್ಮ ಕದಿ" ಕ್ಹಾರಿಯೊ ಬಾಕ್ಡಿಯೊಮಾತಿ ಕ್ಹುದಾನೊ ಘನ್ನೊ ಆಶಿರ್ವಾದ ವ್ಹಂದಿಲಿದಲವಾಲಿ. ವರಿ ತಾರಾ ಮುಲಕ ಹುಟ್ಟಾನು ಬಚ್ಚು ಕ್ಹುದಾ ಆಶಿರ್ವಾದ ದಿದಲ ವ್ಹೈ

43 ಮಾರಾ ಪ್ರಭುನಿ ಯಾ ಥಾವಾಲಿ ಮಕನ ತು ಆಯಲ ಮನೆ ಕೆಕ್ಕೊ ಚೊಕೊ ನಸಿಬ ವ್ಹೈ!

44 ದೆಕ ತಾರೊ ಗಳೊ ಮಾರಾ ಕಾನೆ ಪಡ್ತಾಮಾಜ ಮಾರಾ ಪೆಟಮಾ ರ್ಹಯಲ ಬಚ್ಚು ಖುಶಿಕ್ತು ವದ್ಯಾಡ್ಯು

45 ಪ್ರಭು ತುನೆ ಕದಲ ವಾತೊ ಪುರಾ ಥಾವಸಜ ಕೈನ ನಂಬಲವಾಲಿ ತು ಧನ್ಯವ್ಹೈ.

ಮರಿಯಳ ಕ್ಹುದಾನೆ ಸ್ತುತಿ ಕರಲ

46 ತೆಳಾಮಾ ಮರಿಯಳ,
"ಮಾರೊ ಜಲಮ ಪ್ರಭುನೆಜ ಸ್ತುತಿ ಕರಸ"

- 47 ಮಾರಿ ಆತ್ಮಾ ಮಾರೊ ರಕ್ಷಕ ಥಯಲ ಕ್ಕುದಾನಾ ಹುತಿ ಖುಶಿ
ಥಯುಸ್ಸು
- 48 ಕ್ಕುದಾ ತಿನಿ ದಾಸಿನಿ
ದಿನಸ್ತಿತಿ ದೆಕ್ಕೊಸ. ಆಜ್ಞತಾಜ್ಞ ಕ್ಕಾರಾ
ಮನಕ್ಕೊಮನೆ ಧನ್ಯವೈಕವಸ.
- 49 ತಿನಾಹುತಿ ಸರವಶಕ್ತತ ಥಯಲ ಕ್ಕುದಾ ಮನೆ ಮೊಟ್ಟೊ ಉಪಕಾರ
ಕರೊಸ್ಸು.
- ತಿನು ನಾಮ ಪರಿಶುದ್ಧವೈ
- 50 ಕ್ಕುದಾನಾ ಭೆಮಾ ವರಿ ಭಕ್ತತಿಮಾ ರ್ವಯಲವಾಲಾವೊಪರ ತಿನಿ
ಮರಗಾ
ಕೆಳಾಮಾಬಿ ತ್ಯನೊಪರ ರ್ವವಸ.
- 51 ತಿ ತಿನಿ ತಾಕತಕ್ಕುಸ್ವಕ್ ರ್ವಯಲವಾಲಾವೊನಾ
ತ್ಯನು ಸ್ವಕ್ ಹಾಳ ಕರಿಪಾಡಸ.
- 52 ಕ್ಕುದಾ, ಸ್ವಕ್ ರ್ವಯಲವಾಲಾ ಅದಿಪತಿಯೊನೆ ತ್ಯನೆ ಯಕ್ ಭಗಾತೊ
ಉತಾರಿನ.
- ತೆನ್ನೆಸೊ ಕ್ಕುದಾನೊ ಭೆ ವರಿ ಭಕ್ತಿ ರ್ವಯಲ
ವಾಲಾವೊನೆ ಚೊಕಿ ಭಗಾ ಹುಬ್ಬಾಡಸ.
- 53 ತಿ ಭುಕ್ಕಾ ರ್ವಯಲವಾಲಾವೊನಾ ಚೊಕು ರ್ವಯಲ ಖಲೈನ,
ತೆನ್ನೆಸೊ ಆಸ್ತಿರಹೆವಾಲಾವೊನೆ ಖಾಲಿ ಹತೆ ಮೊಕ್ಕಿಪಾಡಸ.
- 54 ಕ್ಕುದಾ ಅಪ್ಪಾ ಪುರ್ವಜೊನೆ ವಾತದಿದಲ ಪುರಾ ಕರೊಸ್ಸು.
- ಅಪ್ಪೊ ಮುಲ ಪಿತಾ ಥಯಲ ಅಬ್ರಾಹಮನಾ
ಖಾಂದಾನವಾಲಾವೊನೆ ಕೆಳಾಮಾಬಿ
- 55 ಮರಗಾ ದೆಕಾಡು ಕೈನ ತಿನಾ ಸೆವಕೊ ಥಯಲ
ಅಬ್ರಹಾಮ ಇಸ್ರಾಯೆಲನಾ ಮನಕ್ಕನೆ ಹತ ಧರೊಸ್ಸು ಕದಿ.
- 56 ಮರಿಯಳ ಕಮ ಜಾಸ್ತ ತನ ಮ್ಹೊನಾ ಎಲಿಸಬೆತನಾ ಕ್ವಾತಿ ರ್ವಿನ
ಮರಿಯಳ ತಿನಾ ಘರೆ ಗೈ

ಬಾಪ್ತಿಸ್ತಾ ದಿಲಾವಾಲೊ ಯೊಹಾನ ಹುಟ್ಟಲ

- 57 ಎಲಿಸಬೆತನೆ ದಿನೊ ಭರಿನ ಯಕ್ ಪಟ್ಟೊ ಜನ್ನಿ.

58 ಕ್ಹುದಾ ಎಲಿಸಬೆತನೆ ಆಶಿರ್ವಾದ ದಿದಲ ಗ್ವತ್ತ ಧೈನ ತಿನಾ ಕಳಬಳ ವರಿ ಆಜು ಬಾಜುವಾಲಾ ತಿನಾ ಕ್ಹಾತೆ ಮಳಿನ ಘನ್ನಾ ಖುಶಿ ಥಯಾ.

59 ಪಟ್ಟೊ ಹುಟ್ಟಿನ ಆಟ ದಿನ್ನ ಥಾತಾಮಾ ತ್ಯನೆ ತಿನೆ ಸುನ್ನತಿ ಕರಾಹುತಿ ಲಾಯಾ. ತ್ಯನೆ ತೆ ಪಟ್ಟಾನು ನಾಮ ತಿನಾ ಬಾನು ನಾಮ ಜಕರಿಯಾ ಕೈನ ಮ್ಹೆಲು ಕೈನ ವ್ಹತ್ತು.

60 ತೆನ್ನೆಸೊ ತೆ ಪಟ್ಟಾನಿ ಯಾ ತೆ ನಾ*ಮಿ "ನಕೊ! ತಿನೆ ಯೊಹಾನ ಕೈನ ನಾಮ ಮ್ಹೆಲೊ "ಕದಿ.

61 ತ್ಯಾ ಆಯಲವಾಲಾ ಮನಕ್ಹೊ ಎಲಿಸಬೆತನೆ "ತಾರಾ ಖಾಂದಾನಮಾ ಕಿನ್ನುಜ ಎ ನಾಮ ನತ್ತಿತೊ "ಕದ್ಯಾ.

62 ಎ ಪಟ್ಟಾನೆ ಸು ನಾಮ ಮ್ಹೆಲು ಕೈನ ಸ್ವನ್ನಿ ಕರಿನ ತಿನಾ ಬಾನೆ ಪುಚ್ಚಾಮಾ.

63 ತೆಳಾಮಾ ಜಕರಿಯಾ ಪಾಟಿ ಮಂಗೈನ "ಯೊಹಾನಜ "ಮ್ಹೆಲೊ ಕೈನ ಬದಿನ್ ದೆಕಾಡ್ಲೊ ತಿನಾ ಹುತಿ ಕ್ಹಾರಾ ಮನಕ್ಹೊ ಘಾಬ್ರಾಥಯಾ.

64 ತೆಳಾಮಾಜ ಜಕರಿಯಾನೆ ಬೊಲಾನಿ ತಾಕತ ಮಳಿ ತೆಳಾಮಾ ತೆ ಕ್ಹುದಾನಿ ಸ್ತುತಿ ಕರ್ೊ.

65 ಎ ಕ್ಹಾರು ಐಕಿನ ಆಜುಬಾಜುವಾಲಾ ಭುಚ್ಚಯಾ. ವರಿ ಎ ಕ್ಹಾರಿಯೊ ವಿಚಾರೊ ಹುತಿ ಯುದಾಯಮಾನಾ ಮನಕ್ಹೊ ಬೊಲ್ಲಿವಾಡ್ಯಾತಾ.

66 ಐಕಲವಾಲಾ ಕ್ಹಾರಾ ಮನಕ್ಹೊ "ಎ ಪಟ್ಟೊ ಮ್ಹೊಟ್ಟೊ ಥಯಲ್ಪರ ಕೆವೊ ಥಾವಸ ಕೈನ? ತಿಳ್ವಿನ ತ್ಯನೆ ಮನಸ್ಸಮಾ ಮ್ಹೆಲ್ಲಿದ್ಯಾ ವರಿ ಕ್ಹುದಾನಿ ತಾಕತ ತಿಪರ ವ್ಹತ್ತಿ.

ಜಕರಿಯಾ ಪ್ರವಾದನೆ ಕರಲ

67 ಪಾಚಲ್ಲೊ ಯೊಹಾನನೊ ಬಾ ಥಯಲ ಜಕರಿಯ ಪವಿತ್ರ ಆತ್ಮಾಕ್ಹು ಭರಿನ ಕ್ಹುದಾನಿಯೊ ವಾತೊ ಕದ್ಯೊ.

68 "ಇಸ್ರಾಯಲನಾ ಮನಕ್ಹೊನೊ ಕ್ಹುದಾ ಥಯಲ ಕರ್ತಾನೆ ಸ್ತೊತ್ರಾ ತೆ ತಿನಾ ಮನಕ್ಹೊನಾ ಹುತಿ ಆಯೊ ವರಿ ತೆ

ಮನಕ್ಕೊನೆ ಭೊಡಾವಾನೆ ಆಯೊ.

69 ಕ್ಕುದಾ ತಿನೊ ಸೆವಕ ಥಯಲ ದಾವಿದನಾ ಖಾಂದಾನತೊ
ಅಪ್ಪಾ ಹುತಿ ಯಕ್ಕ ಮೊಟ್ಟಾ ರಕ್ಕಷಕನೆ ಅಪೊನೆ ದಿದ್ಯೊಸ.

70 ಎ ಕ್ಕಾರು ತೆ ಪುರ್ವಕಾಲನಾ ತಿನಾ ಪವಿತ್ರ ಪ್ರವಾದಿನಾ ಮೊಡೆ
ಕವಾಲಗಾಡ್ಯೊಸ.

71 ಕ್ಕುದಾ ಅಪೊನೆ ಅಪ್ಪಾ ದುಶ್ಮನೊಕ್ಕು ವಚ್ಚಾಡ್ಯೊಸ. ವರಿ ಅಪೊನೆ ನೈ
ಶೆರಾಲಾವೊಕ್ಕು ವಚ್ಚಾಡ್ಯೊಸ.

72 ಕ್ಕುದಾ ಅಪೊನೆ ಮರಗಾ ದಿವಾ ಹುತಿ ಅಪ್ಪೊ ಪಿತ್ಯ
ಥಯಲ ಅಬ್ರಹಾಮನೆ ಪವಿತ್ರ ವಾತ ದಿದಲ ಶೆ ಮ್ಹೆಲ್ಯೊಸ.

73 ಕ್ಕುದಾ ಅಪ್ಪೊ ಪಿತ್ಯಥಯಲ ಅಬ್ರಹಾಮನೆ ವಾತ ದಿದಲಲಿಂಗತ
ಕರೈಯೊಸ.

74 ತೆ ಅಪೊನೆ ದುಶ್ಮನೊಕ್ಕು ವಚ್ಚಾಡಾನೆ ವಾತ ದಿದ್ಯೊತೊ.

ವರಿ ತೆ ಕಯುಚ್ಚ ಭೆವಾಚಿ ಆರಾಧನಾ ಕರಾನೆ ವಾಟೆ ಕರಿನ ದಿದ್ಯೊ.

75 ಇನಾಹುತಿ ಅಪೆ ತಿನಾ ಕ್ಕಾಮಾ ಅಪ್ಪಿ ಜಿವ್ತಾ ರ್ಹಯಲ ಕ್ಕಾರಾ ದಿನೊ
ತಿನಾ
ಕ್ಕಾಮಾ ಪರಿಶುದ್ಧವರಿ ನಿತಿವಂತೊ ಧೈನ ರ್ಹಾಕೈನ ಉದ್ದೆಶ್ ವ್ಹತ್ತು.

76 ವರಿ ಜಕರಿಯಾ"ದಿಕ್ರಾ ತುತೊ ಮೊಟ್ಟೊ ಪ್ರವಾದಿ
ಕೈನ ಕವೈಲೆಶಿ. ತು ಕರ್ತಾನಾ ಕ್ಕಾಮೊ ಗೈನ ತೆ ಆವಾನಾ
ಟೈಮ ಲಕ್ಕಾ ತಿನಿ ವಾಟೆ ತಯ್ಯಾರ ಕರಶಿ.

77 ಪಾಪ ಮಾಫ ಥಯಾಮ ಯಕ್ಕಚ್ಚ ರಕ್ಷಣೆ ಥಾವಸ ಕವಾನು ತಿನಾ
ಮನಕ್ಕೊನೆ ತಿಳಸ್ಸಿ.

78 ಅಪ್ಪೊ ಕ್ಕುದಾ ಮರಗಾಲೊ ವ್ಹೈ ವರಿ ತೆ ಅಪ್ಪೊಪರ ರಕ್ಕಷಣೆನು
ಉಜಾಲು ದಿವಾಲೊ ವ್ಹೈ.

79 ವರಿ ಅಂದಾರಾಮಾ ಜಿವ್ತಾ ಕರತಾ ರ್ಹಯಲ ವಾಲಾವೊನೆ
ಮರಾನೊ ಭೆ
ರ್ಹಯಲವಾಲಾ ಮನಕ್ಕೊನೆ ಕ್ಕುದಾ ಆಸ್ರೊ ಕರಸ ವರಿ ತೆ ಅಪೊನೆ
ಸಮಾಧಾನ ದಿವಸ.

80 ತೆ ಪಟ್ಟೊ (ಯೊಹಾನ) ಮೊಟ್ಟೊ ಥೈನ ಕ್ಹುದಾನಿ ಆತ್ಮಾ ಕ್ಹು ವರಿ ಅಂಗಕ್ಹು ಬೆಳದಿನ ಇಸ್ರಾಯಲನಾ ಮನಕ್ಹೊನೆ ಕ್ಹುದಾನಿಯೊ ವಾತೊ ಚಾಲು ಕರಾನಿ ದಿನ್ನಲಕ್ಕಾ ಕುನ್ನಜ ರ್ಹವಾನೆ ಥಾಯೆನ್ನೆಸೊ ಜಗಾ ವ್ಹತ್ತೊ.

2

ಯೆಸು ಹುಟ್ಟಲ

(ಮತ್ತಾಯ 1:18-25)

1 ತೆ ದಿನೊಮಾ ಇಡಿ ರೊಮ ರಾಜ್ಯಮಾ ಮನೊಕ್ಕೊನಿ ಗಣತಿ ಥೌ ಕೈನ ಚಕ್ರವರ್ತಿ ಥಯಲ ಅಗಸ್ತಸ ಆದೇಶ ದಿದ್ಲೊ.

2 ಕುರೆನ್ಯ ಸಿರಿಯನನೊ ಅಧಿಪತಿ ಥಯಲ ಟೈಮಾ ಎಜ ಪಸ್ವ ಸಲಾ ಮನಕ್ಹೊನಿ ಗಣತಿ ಥೈ.

3 ವರಿ ಕ್ಹಾರಾ ಮನಕ್ಹೊತೆಳಾಮಾ ತ್ಯನು ನಾಮ ದಾಖಲೊ ಕರಾಹುತಿ ತ್ಯನಾ-ತ್ಯನಾ ಸ್ವಂತ ಗಾಮೊನೆ ಗಯಾ.

4 ತಿನಾ ಹುತಿ ಯೊಸೆಫ ಗಲಿಲಾಯ ಪ್ರಾಂತ್ಯಮಾ ರ್ಹಯಲ ನಜರೆತೆ ಕವಾನಾ ಗಾಮತಾ ಗೈನ ಯುದೆಯಮಾ ರ್ಹಯಲ ಬೆತ್ಲೆಹೆಮ ಕವಾನಾ ಗಾಮೆ ಗಯೊ. ಯೊಸೆಫ ದಾವಿದನೊ ಖಾಂದಾನಾವಾಲೊ ರ್ಹಯಲಹುತಿ ದಾವಿದನು ಗಾಮ ಥಯಲ ಬೆತ್ಲೆಹೆಮೆ ಗಯೊ.

5 ತಿನಾಕ್ಹಾತೆ ನಾತ್ರ ಥಯಲ ಮರಿಯಳನೆಬಿ ಕ್ಹಾತೆ ಲಿನಗಯೊ. (ಮರಿಯಳ ತೆ ಟೈಮಾ ಪೆಟೆ ವ್ಹತ್ತಿ)

6 ತ್ಯನೆ ಬೆತ್ಲೆಹೆಮ್ಮಾ ರ್ಹತಾಮಾ ಮರಿಯಳನೆ ದಿನೊ ಭರಿನ ಜನ್ನಾನೊ ಟೈಮ ಆಯೊ.

7 ಮರಿಯಳ ತಿನಾ ಪೈಲಾರ ಬಚ್ಚು (ಯೆಸುನೆ) ಜನ್ನಿ. ತ್ಯನೊನೆ ರ್ಹವಾನೆ ಜಗಾ ನೈರ್ಹಯಲಹುತಿ. ಮರಿಯಳ ಪಟ್ಟಾನೆ ಫಡಕಾಮಾ ಸುತ್ತಿನ ಬೈಲೊನೆ ಹಕ್ಕಿಮಾ ಚಾರೊ ಖಾವಾನಿ ಜಗಾ ಪಟ್ಟಾನೆ ಕ್ಹುರಾಡಿ.

ಕ್ಹುದಾನಾ ದುತೊ ಕುರುಬುರ್ಯಾವೊನೆ ಕದಲ ವಾತೊ

8 ತೆ ದಿನನಾ ರಾತೆ ಕುರುಬುರ್ಯಾ ತೆ ಪ್ರಾಂತ್ಯನಾ ಗಾಮ್ನಾ ಬಾಭುಮಾ ತ್ಯನಾ ಬಕ್ರಾವೊನೆ ಕೈದಾಡ್ಯಾತಾ.

9 ಕುಡಾನೊ ಯಕ್ಲೊ ದುತ ತ್ಯುನೊಕನ ಆಯೊ. ತೆಳಾಮಾ ಕುಡಾನಿ ಮಹಿಮಾನು ತ್ಯುನಾ ಸುತ್ತ-ಮುತ್ತ ಉಜಾಲು ಥಯು. ತ್ಯುನೆ ಘನ್ನಾ ಭುಚ್ಚಯಾ.

10 ತೆ ದುತ ತ್ಯುನೊನೆ "ಭುಚ್ಚಕೊ ನಕೊ ಐಕೊ ಕ್ಹಾರಾ ಮನಕ್ಹೊನೆ ಮೊಟ್ಟಿ ಖುಶಿ ಕರಾನು ಚೊಕಿ ಸುದ್ದಿಮಿ ತುಮೊನೆ ಕೌಸ.

11 ತೆ ಸುವೈ ಕದ್ಯಾಮ ಆಜುನಾ ಟ್ಟಿಮಮಾ ತುಮಾರಾ ಹುತಿ ದಾವಿದನಾ ಗಾಮ್ಮಾಯಕ್ಲೊ ರಕ್ಷಕ ಹುಟ್ಟೊಸ. ತೆ ಕರತಾ ಥಯಲ ಕ್ರಿಸ್ತ ವ್ಹೆಲ್

12 ತೆ ದುತ ತುಮೊನೆ ಗ್ವತ್ತ ಥಾವಾಹುತಿ ತಿನೆ ವಳ್ಳಾನು ಕಿಮ ಕದ್ಯಾಮ ಫಡಕಾಮಾ ಸುತ್ತಲ ಯಕ್ ಪಟ್ಟಾನೆ ಹಕ್ಕಿಮಾ ಕ್ಹರಯಲ ದೆಕೊಸಿ "ಕದ್ಯೊ

13 ಗಪಕ್ಕಕನೆ ಸ್ವರಗಲೊಕಾನಾ ದೆವದುತೊನು ಗುಂಪ ಐನ ತೆ ಪೈಲಾ ಆಯಲ ದುತನಾ ಕ್ಹಾತೆ ಮಳಿನ ತ್ಯುನೆ ಕುಡಾನೆ ಸ್ತುತಿ ಕರಯ್.

14 ಉಪ್ಪರಲ್ಯಾ ಲೊಕಮ ಕುಡಾನಿ ಮಹಿಮಾ;

ಭುಲೊಕಮಾ ಮನಕ್ಹೊಮಾ ಸಮಾದಾನ ಕುಡಾ ತ್ಯುನೊನೆ ವಲ್ದೊಸ

ಕೈನ ಕುಡಾನೆ ಸ್ತುತಿ ಕರತಾ ಕದ್ಯಾ

15 ದೆವದುತೊ ತ್ಯುನೊ ಕಂತಾ ಸ್ವರ್ಗಲೊಕಮಾ ಗಯಲ್ಪರ ತೆ ಕುರಬುರಯ್ "ಅಪೆ ಹಮ್ಮಾ ಬೆತ್ತೆಹೆಮೆ ಗೈನ ಕರತಾ ಅಪೊನೆ ತಿಳಸಲತಿಮ್ಮ ಎ ವಿಚಾರ ದೆಕಿಯೆ ಚಾಲೊ "ಕೈನ ತ್ಯುನೊ ತ್ಯುನೊಮಾಜು ಬೊಲ್ಲಿದ್ಯಾ

16 ಗಪಕ್ಕಕನೆ ಗೈನ ಮರಿಯಳನೆ ಯೊಸೆಫನೆ ಹಕ್ಕಿಮಾ ಕ್ಹರಯಲ ಬಚ್ಚಾನೆ ದೆಕ್ಯಾ

17 ತ್ಯುನೆ ತೆ ಬಚ್ಚಾನಾ ಹುತಿ ದೆವದುತೊ ಕದಲ ತಿಮ್ಮಜು ಕುರಬುರಯ್ ತ್ಯುನೊಕನ ದುತೊ ಕದಲ ವಾತೊ ಕದ್ಯಾ

18 ಕುರಬುರಯ್ ಕದಲ ಐಕಲವಾಲಾ ತೆಕ್ಕಲಾಜುನಾ ಘಾಬ್ರಾಥಯಾ.

19 ವರಿ ಮರಿಯಳ ತೆ ಕ್ಹಾರಿಯೊ ವಾತೊ ತಿನಾ ಮನಸ್ಸಾಮಾ ಮ್ಹೆಲ್ಲಿನ ವಿಚಾರ ಕರಾಡಿತಿ.

20 ಕುರಬುರ್ರ್ಯಾ ದೆವದುತೊನೆ ದೆಕಲ ತ್ಯುನೆ ಕದಲ ಐಕಿನ ವರಿ ತಿನಾ ಹುತಿ ಕ್ಹುದಾನೆ ಸ್ತುತಿ ಕರತಾ ತ್ಯುನಾ ಬಕ್ರಾ ರ್ಹೆಯಲ ಜಗಾಪರ ಗಯಾ.

ಬಚ್ಚಾನೆ ನಾಮ ಮ್ಹೆಲಲ ವರಿ ದೆವಾಲಯಮಾ ಲಾಯಲ

21 ತೆ ಪಟ್ಟಾನೆ ಆಟ್ಟಾ ದಿನೆ ಸುನ್ನತಿ ಧೈ ತಿನು ನಾಮ "ಯೆಸು" ಕೈನ ಮ್ಹೆಲ್ಯಾ ಮರಿಯಳನಾ ಪೆಟಿಮಾ ಬೆಳದಾತಿ ಪೈಲಾ ಕ್ಹುದಾನು ದುತ ಎಜ ನಾಮ ಮ್ಹೆಲ ಕೈನ ಕದ್ಯೊತೊ.

22 ಶುದ್ಧಿಕರಣ ಕರಾನಾ ಹುತಿ ಮೊಶೆನು ಧರಮಶಾಸ್ತ್ರಮಾ ಬರ್ದಲ ತಿಮಜ ಕಾರಯೊ ಕರಾನೊ ಮರಿಯಳನೊ ವರಿ ಯೊಸೆಫನೊ ಟೈಮ ಆಯೊ. ಯೆಸುನೆ ಕ್ಹುದಾನೆ ಪ್ರತಿಷ್ಠೆನಾ ಹುತಿ ತ್ಯುನೆ ತಿನೆ ಯೆರುಸೆಲೆಮನಿ ದೆವಾಲಯಮಾ ಬಲ್ಯೆಲಾಯಾ.

23 ಕಾಕದ್ಯಾಮ ಪೈಲಾ ಹುಟ್ಟಲ ಪಟ್ಟಾನೆ ಕ್ಹುದಾನೆ ನೆಮ್ಸಿನ ದ್ಯು ಕೈನ ಕ್ಹುದಾನಾ ಧರಮಶಾಸ್ತ್ರಮಾ ಬರ್ದ್ಯಾಸ.

24 ತಿನಾಹುತಿ "ಬೆ ಕ್ಹಬುತರೊ ನೈತೊ ಬೆ ಜಂಗ್ಲಿ ಕ್ಹಬುತರೊ ಬಲಿನಾ ಹುತಿ ದ್ಯು ಕೈನ ಕ್ಹುದಾನಿ ಧರಮಶಾಸ್ತ್ರಮಾ ಕವಸ್ತೊ. ತಿನಾಹುತಿ ತ್ಯುನೆ ಯೆರೊಸೆಲೆಮೆ ಗಯಾ.

25 ತೆ ಕಾಲಮಾ ಸಿಮೊನ ಕವಾಲೊ ಯಕ್ಲೊ ಯೆರೊಸೆಲಿಮಾ ವ್ಹತ್ತೊ. ತೆ ಚೊಕೊ ವರಿ ಕ್ಹುದಾನೊ ಭಕ್ತ ವ್ಹತ್ತೊ. ಎ ಇಸ್ರಾಯೆಲನಾ ಮನಕ್ಲೊನೆ ರಕ್ಷಣೆ ದಿವಾಲೊ ಆವಸ ಕೈನ ದೆಕಾಡ್ಯೊತೊ. ವರಿ ಪವಿತ್ರ ಆತ್ಮಾ ತಿನಾ ಕ್ಹಾತೆ ವ್ಹತ್ತಿ.

26 ಕರತಾ ಮೊಕ್ಕಲಾಯಲ ಕ್ರಿಸ್ತನೆ ದೆಕೆ ಲಕ್ಕಾ ತು ಮರ್ತೊಜ ನೈ ಕೈನ ಪವಿತ್ರ ಆತ್ಮಾ ಸಿಮೊನನೆ ತಿಳಶ್ಯೊತೊ.

27 ಸಿಮೊನ ಪವಿತ್ರ ಆತ್ಮಾನಾ ಮುಲಕ ದೆವಾಲಯೆ ಆಯೊ. ಯೆಹುದಿಯೊನಿ ಧರಮಶಾಸ್ತ್ರನಿ ನಿಯಮ ಪುರಾ ಕರಾನಾಹುತಿ ತಿನಾ ಮಾ ಬಾಪ ಯೆಸು ನ್ಹಾನೊ ರ್ಹತಾಮಾ ದೆವಾಲಯೆ ಲಿನ ಆಯಾ.

28 ಸಿಮೋನ ಪಟ್ಟಾನೆ ಹತಮಾ ಉಚ್ಚೆಲಿನ ಕ್ಹುದಾನೆ ಸ್ತೊತ್ರ ಕೈನ ಅಮ್ಮ ಕದ್ಯೊ

29 "ಕ್ಹುದಾ, ತಾರಿ ವಾಗ್ದಾಲಿಂಗತ ಪುರಾ ಕರಳ್ಳೊ
ಹಮ್ಮಾ ಸಮಾದಾನಕ್ಹುಜಾವಾನೆ ತಾರಾ ಆಳನೆ ಅಪ್ಪಣೆ ಥಾವಾದೆ.

30 ಕಾಕದ್ಯಾಮ ತು ಹಮಾರಾ ಹುತಿ
ದಿದಲ ರಕ್ಷಣೆ ಮಿ ಡೊಳೆ ದೆಕ್ಳೊ

31 ತು ತಿನೆ ಕ್ಹಾರಾ ಮನಕ್ಹೊನಾ ಕ್ಹಾಮೊ ಲಾಯೊ.

32 ತೆ ಯೆಹೊದ್ಯೊ ನೈ ರ್ಹಯಲ ಮನಕ್ಹೊನೆ ತಾರಿ ವಾಟೆ
ದೆಕಾಡಾನು ಉಜಾಲು ವ್ಹೈ ತಿನಾಕ್ಹು ತಾರಾ ಮನಕ್ಹೊ ರ್ಹಯಲ
ಇಸ್ರಾಯೆಲರೊನೆ ಮರ್ಯಾದಿ ಮಳಸ.

33 ಸಿಮೋನ ಪಟ್ಟಾನಾ ಹುತಿ ಕದಲ ವಾತೊ ಐಕಿನ ತೆ ಪಟ್ಟಾನಾ ಮಾ
ಬಾಪ ಘನ್ನಾ ಘಾಬ್ರಾಥಯಾ.

34 ಪಾಚಲ್ಹೊ ಸಿಮೋನ ಆಶಿರ್ವಾದ ದಿನ್ನ ಮರಿಯಳನೆ "ದೆಕೆ ಎ
ಪಟ್ಟಾನಾ ಹುತಿ ಇಸ್ರಾಯಲನಾ ಘನ್ನಾ ಜನಾ ಪಡಸ ಘನ್ನಾ ಜನಾ
ಉಟಸ. ದಕ್ಹಾ ಜನಾ ತಿನೆ ನೈ ವಪ್ಪಿಲೆತಾ. ಎ ಕ್ಹುದಾಕಂತೊ ಆಯೊಸ
ಕವಾನು ವಳಕ ಥಾವಸ.

35 ಇಮ್ಮ ಮನಕ್ಹೊನಾ ಮನಸ್ಸಮಾ ರ್ಹಯಲ ವಿಚಾರೊ ಭಾರಿಯೊ
ಆವಸ. ಅಗಿಯೊ ಥಾವಾನಿಯೊ ವಾತೊ ತಾರಾ ಮನಸ್ಸನೆ ತಲ್ವಾರ
ಘಾಲಲ ಲಿಂಗತ ಥಾವಾಸ "ಕದ್ಯೊ.

36 ದೆವಾಲಯಮಾ ಅನ್ನಳ ಕವಾಲಿ ಯಕ್ಕ ಹೆಣ ಮನಕ್ಹು ಕ್ಹುದಾನಿಯೊ
ವಾತೊ ಕವಾಲಿ ವ್ಹತ್ತಿ. ತೆ ಅಶೆರನ್ನಿ ಖಾಂದಾನ್ನಿ ಘನುವೆಲನಾ
ಕುಟುಂಬವಾಲಿ ವ್ಹತ್ತಿ. ತಿನೊ ಹಿವಾ ಧೈನ ಕ್ಹಾತ ವರಕ್ಹ ಥಯಲಪರ
ತಿನೊ ಮಾಟಿ ಮರಿ ಗಯೊತೊ. ತೆ ಹೆಣ ಮನಕ್ಹನಿ ವೈಸ ಘನ್ನಿ ಧೈತಿ

37 ತೆ ಹೆಣ ಐಂಶಿಪರ ಚಾರ ವರಕ್ಹನಿ ವ್ಹತ್ತಿ. ತೆ ರಾಂಡಿ ವ್ಹತ್ತಿ. ವರಿ
ದೆವಾಲಯ ಛೊಡಿನ ಗಯಾವಾಚಿ ಉಪಾಸ ಕರತಿತಿ. ವರಿ ದಿನ್ನ ರಾತ
ಪ್ರಾಥನಾ ಕರತಿ ಕ್ಹುದಾನೆ ಸ್ತುತಿ ಕರತಿತಿ.

38 ತೆಜ ಟೈಮಾ ತೆ ಬಚ್ಚಾನಾ ಮಾ ಬಾಪಕನ ಐನ, ಕ್ಹುದಾನೆ ಸ್ತೊತ್ರಾ ಕೈನ. ಕ್ಹುದಾ ಯರುಸೆಲೆಮ ಮನೆ ಮರಗಿನ ತ್ಯಾನಾ ಮನಕ್ಕೊನೆ ಲೊಡಾವಾಹುತಿ ವಾಟ ದೆಕತಾ ರ್ಹಯಲವಾಲಾ ಮನಕ್ಕೊನೆ ಯೆಸುನಾ ಹುತಿ ಕದಿ.

ಯೊಸೆಫ ವರಿ ಮರಿಯಳ ತ್ಯನಾ ಘರೆ ಆಯಲ

39 ಕ್ಹುದಾನಾ ಧರಮಶಾಸ್ತ್ರಮಾ ರ್ಹಯಲ ನಿಯಮೊ ಪುರಾ ಕರಲ್ಪರ ಯೊಸೆಫ ವರಿ ಮರಿಯಳ ಗಲಿಲಾಯ ಪ್ರಾಂತ್ಯಮಾ ರ್ಹಯಲ ತಿವ್ವಾ ಸ್ವಂತ ಗಾಮ ಥಯಲ ನಜರೆತೆ ಫರಿನ ಗಯಾ.

40 ತೆ ಪಟ್ಟೊ ಬೆಳ್ಳಿನ ತಾಕತ ಹೊಂದಿನ ಪುರಾ ಗ್ಯಾನಿ ಥಯೊ. ಕ್ಹುದಾನಿ ಕೃಪಾ ತಿಪರ ವ್ಹತ್ತಿ.

ಯೆಸು ಬಾರಾ ವರಕ್ಹನೊ ರ್ಹತಾಮಾ

41 ತಿನಾ ಮಾ ಬಾಪ ಹರಿ ಯಕ್ಕ ವರಕ್ಹ ಪಸ್ಕ ಸನ್ನನಾ ದಿನ್ನೆ ಯೆರೊಸೆಲೆಮೆ ಭಾತಾತಾ.

42 ಇಮ್ಮ ರ್ಹತಾಮಾ ತೆ ಪಟ್ಟೊ ಬಾರಾ ವರಕ್ಹನೊ ಥಯಲ್ಪರ ತ್ಯನೆ ಪಸ್ಕ ಸನ್ನಾ ನಿಯಮನಾ ಪ್ರಕಾರ ತ್ಯಾಗಯಾ.

43 ಸನ್ನಾ ದಿನ್ನೊ ಮುಗ್ಗಲಪರ ತ್ಯನೆ ಗಾಮೆ ಚಾಲ್ಯಾತಾ. ತೆನ್ನೆಸೊ ಯೆಸು ಯೆರುಸೆಲೆಮಾಚ ರ್ಹಿಗಯೊ. ಎ ಕ್ಹಾರು ತಿನಾ ಮಾ ಬಾಪನೆ ಗ್ವತ್ತ ನೊಡ್ತು. ಯೆಸು ತ್ಯನಾ ಕ್ಹಾತೆ ಆಯಲ ತ್ಯನಾ ದೊಸ್ತೊಮಾ ವರಿ ಕಳ ಬಳನಾ ಕ್ಹಾತೆ ವಸೆ ಕೈನ ತಿಳದ್ಯಾತಾ.

44 ಯೊಸೆಫ ವರಿ ಮರಿಯಳ ಯಕ್ಕ ದಿನ್ನ ಪುರಾ ಚಾಲ್ತಾ ಯೆಸುನೆ ಧುಂಡಾನೆ ಗಯಾ. ಪಾಚಾತಾ ದಿಕ್ಸೊ ನೈದಿಕ್ಹಲಕ್ಹು ತ್ಯನಾ ಕಳಬಳಮಾ ವರಿ ತ್ಯನಾ ದೊಸ್ತೊಮಾ ನೈದಿಕ್ಹಲಹುತಿ ತಿನೆ ಹುಡ್ಯಾಡ್ಯಾ.

45 ವರಿ ತೆ ತ್ಯಾ ನೈದಿಕ್ಹಲ ಹುತಿ ಯೆಸುನೆ ಹುಡ್ಯಾನೆ ಯೆರೊಸೆಲೆಮೆ ಫರಿನ ಗಯಾ.

46 ತನವಾ ದಿನೆ ಯೆಸು ಮರಿಯಳನೆ ವರಿ ಯೊಸೆಫನೆ ದಿಕ್ಹೊಲ್ಯೊ ಯೆಸು ದೆವಾಲಯಮಾ ಧಾರಮಿಕ ವಾತೊ ಕವಾಲಾವೊನಾ ಕ್ಹಾತೆ ಬೈಟಿನ ತ್ಯನಿಯೊ ವಾತೊ ಐಕ್ಹೊ ವರಿ ತ್ಯನೊನೆ ಪ್ರಶ್ನೆ ಪುಚ್ಚಾಡ್ಯೊತೊ.

47 ತಿನಿಯೊ ವಾತೊ ಐಕಿನ ತಿನಿ ಗ್ಯಾನಕ್ಕುಜವಾಬ ದಿದಲ ದೆಕಿನ ತ್ಯನೆ ಘನ್ನಾ ಘಾಬ್ರಾಥಯಾ.

48 ಯೆಸುನಾ ಮಾ ಬಾಪ ತಿನೆ ತ್ಯಾ ದೆಕಿನ ತ್ಯನೆ ಘಾಬ್ರಾಥಯಾ. ಮರಿಯಳ ತಿನೆ "ದಿಕ್ರಾ, ತು ಹಮೊನೆ ಅಮ್ಮ ಕಾ ಕರೊ? ದೆಕ ತಾರೊ ಬಾ ವರಿ ಮಿ ತಾರಾ ಹುತಿ ಘನ್ನಾ ಚಿಂತಾಕರಾಡಾತಾ. ವರಿ ತುನೆ ಹುಡ್ಕಾಡ್ಯಾತಾ ಕದಿ.

49 ತೆಳಾಮಾ ಯೆಸು ತ್ಯನೊನೆ "ಮನೆ ತುಮೆ ಹುಡ್ಕಾನು ಕಾ? ಮಾರಾ ಬಾನಾ ಘರಮಾ ರ್ವೊಸ ಕವಾನು ತುಮೆ ತಿಳ್ವಲಿನ ರ್ವೊವಾನು ವ್ಹತು. ಕದ್ಯೊ.

50 ತೆನ್ನೆಸೊ ತಿನಿಯೊ ವಾತೊ ತ್ಯನೊನೆ ತಿಳದಿಯೊ ನ್ಹೆ.

51 ಯೆಸು ತ್ಯನಾ ಕ್ಹಾತೆ ನಜರೆತೆ ಐನ ತಿನಾ ಮಾ ಬಾಪನೆ ವಿಧೆಯ ಥಯೊ. ತಿನಿ ಯಾ ಎ ಕ್ಹಾರಿಯೊ ವಾತೊನಾ ಹುತಿ ವಿಚಾರ ಕರಾಡಿತಿ.

52 ಯೆಸು ಘನ್ನು ಗ್ಯಾನ ವ್ಹಂದಿನ ವರಿ ಅಂಗಮಾ ತಾಕತ ವ್ಹಂದಿನ ಬೆಳತ್ಸೊ ಆಯೊ. ಕ್ಹುದಾನಿ ನಜರಮಾ ವರಿ ಮನಕ್ಹೊನೆ ನಜರಮಾ ಚೊಕೊ ಥಾತೊ ಆಯೊ.

3

ಬಾಪ್ತಿಸ್ಮಾ ದಿಲಾವಾಲೊ ಥಯಲ ಯೊಹಾನ ಭೊದನೆ ಕರಲ

(ಮತ್ತಾಯ 3:1-12; ಮಾರ್ಕ 1:1-8; ಯೊಹಾನ 1:19-28)

1 ಚಕ್ರವರ್ತಿ ಥಯಲ ತಿಬೆರಿಯಸ ಸಿಸರನಿ ಆಡಳಿತನೆ 15 ವರಕ್ಹ ವ್ಹತು. ತೆಳಾಮಾ, ಪೊಂತ್ಯ ಪಿಲಾತನು ಯುದೆಯ ಪ್ರಾಂತ್ಯನೆ ಹೆರೊದ ಗಲಿಲಾಯನೆ ಹೆರೊದನೊ ಬೈ ಥಯಲ ಪಿಲಪ್ಪ ಇತುರೆಯ ವರಿ ತ್ರಕೊನಿತಿ ಪ್ರಾಂತ್ಯನೆ ಲುಸನ್ಯ ಅಬಿಲೆನ ಪ್ರಾಂತ್ಯನೆ ಅಧಿಪತಿ ಥಯೊತೊ.

2 ಅನ್ನನ ವರಿ ಕಾಯಫನ ಖಾಸ ಯಾಜಕೊ ವ್ಹತ್ತಾ. ತೆ ಟೈಮಾ ಜಕರಿಯಾನೊ ದಿಕ್ರೊ ಥಯಲ ಯೊಹಾನ ರಾನ್ಮಾ ರ್ವೊಯಲ ಗಾಮ್ಮಾ ರ್ವೊತಾಮಾ ಕ್ಹುದಾನಿಯೊ ವಾತೊ ತಿನೆ ಮಳಿಯೊ.

3 ಯೊಹಾನ ಯೊರ್ದನ ನದಿನಾ ಆಜುಬಾಜು ಪ್ರಾಂತ್ಯಮಾ ಫರಿನ, ಮನಕ್ಹೊನೆ "ತುಮೆ ತುಮಾರಾ ಪಾಪ ಮಾಫ ಕರಾನಾ ಹುತಿ ಕ್ಹುದಾಕನ

ಫರಿಸ ಬಾಪ್ತಿಸ್ಮ ಕರೈಲಿವೊ ಇನಾಹುತಿ ಕ್ಹದಾ ತುಮಾರಾ ಪಾಪೊಕ್ಕು ಘೊಡಾವಸ" ಕೈನ ಮನಕ್ಕೊನೆ ಕದ್ಯೊ

4 ಪ್ರವಾದಿ ಥಯಲ ಯೆಶಾಯನ ಗ್ರಂಥಮಾ ಬರ್ದಲ
ಲಿಂಗತಜ ಥಾವಾ ಹುತಿ ಎ ಕ್ಹಾರು ಶುರು ಥಯು.

ಕುನ್ನ ಯಕ್ಕ ವದ್ರಾಡ್ಯಸ. ತೆ ಸುವೈಕದ್ಯಾಮ;
"ಕರ್ತಾನಿ ವಾಟ ತಯ್ಯಾರ ಕರೊ ತಿನಿ ವಾಟ ಸಿದಾ ಕರೊ.

5 ಹರ ಯಕ್ಕ ಖಾಡಿಯೊ ಝಕಾವಸ. ಹರ ಯಕ್ಕ
ಡೊಂಗರ ಸಂವಾ ಥಾವಸ. ವಾಕಾ ರಸ್ತಾ ಸಿದಾ ಥಾವಸ.
ಕೆಟ್ಟ ವಾಟೊ ಚೊಕಿಯೊ ಥಾವಸ.

6 ಹರಿ ಯಕ್ಕೊ ಕ್ಹದಾ ವಚ್ಚಾಡಾನು ದೆಕಸ!
ಕವಾನು ವದ್ರಲ ಯಕ್ಕ ಅವಾಜ ಐಕು ಆವಾಡ್ಯಸ.

7 ಮನಕ್ಕೊನು ಗುಂಪ ಯೊಹಾನನಾ ಹತೆ ಬಾಪ್ತಿಸ್ಮ ಕರೈಲಿವಾ ಹುತಿ
ಆಯಾ. ಯೊಹಾನ ತ್ಯನೊನೆ "ಎ ಕ್ಹಾಪೊನಿ ಜಾತ ವಾಲಾವೊ! ಅಗು
ದಿಕ್ಹಾನು ಕ್ಹದಾನಿ ಸಿಟ್ಟಿಕ್ಕು ವಾಚ್ಚಾನಾ ಹುತಿ ತುಮೊನೆ ಹುಶಾರ ರ್ಹವೊ
ಕೈನ ಕದಲವಾಲು ಕುನ್ನವ್ವೆ?

8 ತಿಮ್ಮ ಥೈಯುಮ ತುಮಾರು ಮನಸ್ಸ ಕ್ಹದಾ ಬಗಲ ಫರ್ಯಸ
ಕವಾನು ತುಮೆ ಕರಾನಾ ಕಾಮೊಕ್ಕು ದೆಕಾಡಿನ ದಿವೊ. ಅಬ್ರಹಾಮ
ಅಪ್ಪೊ ಮುಲ ಪಿತ್ಯ ನ್ವವೈಸು "ಕೈನ ತುಮೊಮಾ ಕವೈಲಿವಾಲಾ
ಥಾವೊನಕೊ. ಕ್ಹದಾ ಅಬ್ರಹಾಮನೆ ಆ ದಗ್ಡಾವೊಕ್ಕುಬಿ ಬಚ್ಚಾ ದೆತೊತೊ
ಕೈನ ತುಮೆ ತಿಳದಿಲಿವೊ ವರಿ ಮಿ ತುಮೊನೆ ಕೌಸ.

9 ಝಾಡೊ ಕತ್ರಾನಿಯೊ ಕ್ಷಡಲಿ ತಯಾರ ಥೈಸ. ಚೊಕು ಫಲಾ ನೈ
ದಿವಾನು ಹರ ಯಕ್ಕ ಝಾಡ ಕತ್ತಿನ ಆಗಮಾ ಫಾಲಸ "ಕದ್ಯೊ

10 ತಿನಾ ಹುತಿ ಮನಕ್ಕೊ"ಹಮ್ಮಾ ಹಮೆ ಸುಕರಿಯೆ? ಕೈನ
ಯೊಹಾನೆನೆ ಪುಚ್ಚಾ

11 ಯೊಹಾನ, ತ್ಯನೊನೆ "ತುಮೊಕನ ಬೆ ಅಂಗ್ಡಾರ್ಲ್ಯಾಮ, ವಣ್ಣಾ
ನೈಸೊ ವಾಲಾನೆ ಯಕ್ಕ ಅಂಗ್ಡು ದಿವೊ. ತುಮೊಕನ ಅನ್ನ ರ್ಲ್ಯಾಮ,
ತೆ ಅನ್ನ ವಾಟಿನ ಖಾವೊ "ಕದ್ಯೊ

12 ದಕ್ಕಾ ಮನಕ್ಕೊ ಭುಭಾಡೊ ಲಿವಾಲಾ ಬಿ ಬಾಪ್ತಿಸ್ಮ ಲಿವಾ ಹುತಿ ಯೊಹಾನಕನ ಆಯಾ. ತ್ಯನೆ ಯೊಹಾನನೆ"ಗುರು, ಹಮೆ ಸು ಕರಿಯೆ? ಕೈನ ಪುಚ್ಚಾ.

13 ಯೊಹಾನ ತ್ಯನೊನೆ "ತುಮೊನೆ ಕೆಕ್ಕಲು ಕದ್ಯಾಸ ತೆಕ್ಲಲಿವೊ ವರಿ ಹೆಚ್ಚಿ ಲಿವೊ ನಕೊ "ಕದ್ಯೊ.

14 ವರಿ ದಕ್ಕಾಸೈನಿಕೊ ಯೊಹಾನಕನ ಐನ, ಹಮಾರಾ ಹುತಿ ಸು ಕಸಿ? ಹಮೆ ಸುಕರಿಯೆ? ಕೈನ ಪುಚ್ಚಾ. ಯೊಹಾನ ತ್ಯನೊನೆ "ತುಮೆ ಕಿನೆಜು ಭುಚ್ಚಾಡಿನ ದೊಕ್ಕಾ ಕಾಳ್ಳಿವೊನಕೊ, ಕಿಪರಜು ಸುಳ್ಳ ಸಾಕ್ಷಿ ಕವೊ ನಕೊ. ತುಮಾರಾ ಪಗಾರಮಾ ಖುಶಿ ರಹೊ "ಕದ್ಯೊ.

15 ಇಮ್ಮ ರ್ತತಾಮಾ ಮನಕ್ಕೊ ಆವಾನೊ ರ್ತಯಲ ಕ್ರಿಸ್ತನಿ ವಾಟ ದೆಕಾಲಾ ರ್ತಯಲ ಹುತಿ ತ್ಯನೆ ಕ್ಕಾರಾ ಯೊಹಾನನಿ ವಿಷಯಮಾ "ಎಜ್ಜ ಕ್ರಿಸ್ತ ವಸ "ಕೈನ ತ್ಯನಾ ಮನಸ್ಸಮಾ ವಿಚಾರ ಕರಿಲಿವಾಡ್ಯಾತಾ.

16 ಯೊಹಾನ, ತ್ಯನೊನೆ "ಮಿತೊ ತುಮೊನೆ ಪಾನಿಕ್ಲು ಅಂಗ ಧವೌಸ. ವರಿ ಮಾರಾತಿ ಹೆಚ್ಚಿ ತಾಕತವಾಲೊ ಆವಸ. ಮಿ ತಿನಿಯೊ ಚಪ್ಲೊನಿಯೊ ದೊರಿಯೊ ಛೊಡಾನೆಬಿ ಮಿ ಯೊಗ್ಯ ನತ್ತಿ. ತೆ ತುಮೊನೆ ಪವಿತ್ರ ಆತ್ಮಾಕ್ಲು ಆಗಕ್ಲು ಅಂಗ ಧವಾವಸ.

17 ತೆ ಜಮಾ ರ್ತಯಲ ಬಿಯ್ಯಾನೆ ಶುದ್ಧ ಕರಾನೆ ಆವಸ. ತೆ ಚೊಕಾ ಬಿಯ್ಯಾವೊನೆ ಕೊಂಡಾಕ್ಲು ಜುದಾ ಕರಿನ ತಿನಾ ಗುಂಪಾಮಾ ಘಾಲಸ. ತೆ ಥಯಲಪರ ಕೊಂಡೊ ನೈ ಇಜ್ಲಾವಾನಿ ಆಗ್ತಾ ಬಾಳಿಪಡಸ "ಕದ್ಯೊ.

18 ಯೊಹಾನ ಹಜುನ ಘನಿಯೊ ವಿಷಯಮಾ ಮನಕ್ಕೊನೆ ಹುಶಾರ ಕರಿನ ವರಿ ತುಮಾರಿ ಜಿವ್ವಾ ಚೊಕಿ ಕರಿಲಿವೊ ಕೈನ ತ್ಯನೊನೆ ಕೈಲಿದ್ಯೊ ವರಿ ಸುವಾರ್ತೆ ಕವಾಡೊತೊ.

19 ರಾಜ್ಯಪಾಲ ಥಯಲ ಹೆರೊದ ತಿನೊ ಭೈ ಥಯಲ ಪಿಲಿಪ್ಪಿನಿ ಬೈಕೊನೆ ಹೆರೊದ್ಯಕವಾಲಿನೆ ಹಿವಾ ಕರಲಿದ್ಯೊತೊ. ವರಿ ಹೆರೊದ ಕರಲ ಕ್ಕಾರಾ ಕೆಟ್ಟ ಕಾಮೊಕ್ಲು ಯೊಹಾನ ತಿನೆ ಭುಚ್ಚಾಡ್ಯೊ.

20 ತಿನಾಹುತಿ ಹೆರೊದ ಯೊಹಾನನೆ ಜೆಲಮಾ ಘಲೈನ ತಿನಾ ಕೆಟ್ಟ ಕಾಮೊಮಾ ಎಬಿ ಯಕ್ಕ ಮಳ್ಳೆಲಿದ್ಯೊ.

ಯೋಹಾನನಾ ಹತೆ ಯೆಸುನಿ ಬಾಪ್ತಿಸ್ಮ
(ಮತ್ತಾಯ 3:13-17; ಮಾರ್ಕ 1:9-11)

21 ಯೋಹಾನನೆ ಜೆಲಮಾ ಫಾಲಾತಿ ಅಗ್ಗುರ ಮನಕ್ಲೊ ತಿನಾ ಹತೆ ಬಾಪ್ತಿಸ್ಮ ಕರ್ಯೆಲಿವಾಡಾತಾ. ತೆಳಮಾ ಯೆಸು ಐನ ತಿನಾ ಹತೆ ಬಾಪ್ತಿಸ್ಮ ಕರ್ಯೆಲಿದ್ಲೊ. ಯೆಸು ಪ್ರಾಥನಾ ಕರತಾಮಾ ಹಬಾಳ ಖುಲ್ಲಾ ಧೈಯು.

22 ತೆಳಾಮಾ ಪವಿತ್ರ ಆತ್ಮಾ ಕ್ಹಹಬುತರನಾ ರುಪಮಾ ತಿಪರ ಐನ ಉತರ್ಯ್. ತೆಳಾಮಾಭ ಸ್ವರ್ಗಮಾತೊ ಅವಾಭ ಆಯೊ" ತು ಮಾರೊ ಮಯಾನೊ ದಿಕ್ರೊ ವ್ಹ್ಯೆ ಮಿ ತುನೆ ಮೆಚ್ಯೊಸ "ಕೈನ ಅವಾಭ ಆಯು.

ಯೆಸುನು ಖಾಂದಾನ ಚರಿತ್ರ
(ಮತ್ತಾಯ 1:1-17)

23 ಯೆಸು ಸೆವಾ ಕರಾನು ಚಾಲು ಕರ್ತಾಮಾ ತಿನಿ ವೈಸ 30 ವ್ಹತ್ತಿ. ಯೆಸು ಯೊಸೆಫನೊ ದಿಕ್ರೊ ವ್ಹ್ಯೆ ಕೈನ ಮನಕ್ಲೊ ತಿಳದ್ಯಾತಾ.

24 ಯೊಸೆಫ ಹೆಲಿಯಾನೊ ದಿಕ್ರೊ ವ್ಹ್ಯೆ ಹೆಲಿಯಾ ಮತ್ತಾತನೊ ದಿಕ್ರೊ ವ್ಹ್ಯೆ ಮತ್ತಾತನ ಲೆವಿನೊ ದಿಕ್ರೊ ವ್ಹ್ಯೆ ಲೆವಿ ಮಲ್ಕಿನೊ ದಿಕ್ರೊ ವ್ಹ್ಯೆ ಮೆಲ್ಕಿಯಾ ಯನ್ನಾಯನೊ ದಿಕ್ರೊ ವ್ಹ್ಯೆ ಯನ್ನಾಯನ ಯೊಸೆಫನೊ ದಿಕ್ರೊ ವ್ಹ್ಯೆ

25 ಯೊಸೆಫ ಮತ್ತಾಥಿಯನೊ ದಿಕ್ರೊ ವ್ಹ್ಯೆ ಮತ್ತಾಥಿಯಾ ಆಮೊಸನೊ ದಿಕ್ರೊ ವ್ಹ್ಯೆ ಆಮೊಸ ನಹುಮನೊ ದಿಕ್ರೊ ವ್ಹ್ಯೆ ನಹುಮನ ಎಸ್ಲಿನೊ ದಿಕ್ರೊ ವ್ಹ್ಯೆ ಎಸ್ಲಿಯಾ ನಗ್ಗಾಯಾನೊ ದಿಕ್ರೊ ವ್ಹ್ಯೆ

26 ನಗ್ಗಾಯಾ ಮಹಾಥನೊ ದಿಕ್ರೊ ವ್ಹ್ಯೆ ಮಹಾಥನ ಮತ್ತಾಥಿನೊ ದಿಕ್ರೊ ವ್ಹ್ಯೆ ಮತ್ತಾಥಿಯಾ ಶಿಮಿಯನೊ ದಿಕ್ರೊ ವ್ಹ್ಯೆ ಶಿಮಿಯನ ಯೊಸೆಖನೊ ದಿಕ್ರೊ ವ್ಹ್ಯೆ ಯೊಸೆಖ ಯುದನೊ ದಿಕ್ರೊ ವ್ಹ್ಯೆ

27 ಯುದ ಯೊನಾನನೊ ದಿಕ್ರೊ ವ್ಹ್ಯೆ ಯೊನಾನ ರೆಸನೊ ದಿಕ್ರೊ ವ್ಹ್ಯೆ ರೆಸ ಜೆರುಬಾಬೆಲನೊ ದಿಕ್ರೊ ವ್ಹ್ಯೆ ಜೆರುಬಾಬೆಲ ಸಲಥಿಯೆಲನೊ ದಿಕ್ರೊ ವ್ಹ್ಯೆ ಸಲಥಿಯಾ ಸೆರಿಯನೊ ದಿಕ್ರೊ ವ್ಹ್ಯೆ

28 ಸೆರಿಯಾ ಮೆಲ್ಕಿಯನೊ ದಿಕ್ರೊ ವ್ಹ್ಯೆ ಮೆಲ್ಕಿಯಾ ಅದ್ವಿನೊ ದಿಕ್ರೊ ವ್ಹ್ಯೆ ಅದ್ವಿಯಾ ಕೊಸಾಮನೊ ದಿಕ್ರೊ ವ್ಹ್ಯೆ ಕೊಸಾಮನ ಎಲ್ಮದಾಮನೊ ದಿಕ್ರೊ ವ್ಹ್ಯೆ ಎಲ್ಮದಾಮನ ಎರನೊ ದಿಕ್ರೊ ವ್ಹ್ಯೆ

29 ಎರನ ಯೆಹುಷುವನೊ ದಿಕ್ರೊ ವ್ಹ್ಯೆ ಯೆಹೊಷುವಾ ಎಲಿಜೆಯೆರನೊ ದಿಕ್ರೊ ವ್ಹ್ಯೆ ಎಲಿಯೆಜರ ಯೊರೈನೊ ದಿಕ್ರೊ ವ್ಹ್ಯೆ ಯೊರೈಯ ಮತ್ತಾತನೊ ದಿಕ್ರೊ ವ್ಹ್ಯೆ ಮತ್ತಾತನ ಲೆವಿನೊ ದಿಕ್ರೊ ವ್ಹ್ಯೆ

30 ಲೆವಿಯ ಸಿಮೆಯೊನನೊ ದಿಕ್ರೊ ವ್ಹ್ಯೆ ಸಿಮೆಯೊನ ಯುದನೊ ದಿಕ್ರೊ ವ್ಹ್ಯೆ ಯುದ ಯೊಸೆಫನೊ ದಿಕ್ರೊ ವ್ಹ್ಯೆ ಯೊಸೆಫ ಯೊನಾವುನೊ ದಿಕ್ರೊ ವ್ಹ್ಯೆ ಯೊನಾವುನ ಎಲಕಿಮನೊ ದಿಕ್ರೊ ವ್ಹ್ಯೆ

31 ಎಲಿಯಕಿಮನು ಮೆಲೆಯನೊ ದಿಕ್ರೊ ವ್ಹ್ಯೆ ಮೆಲೆಯನ ಮೆನ್ನನೊ ದಿಕ್ರೊ ವ್ಹ್ಯೆ ಮೆನ್ನನ ಮತ್ತಾಥನೊ ದಿಕ್ರೊ ವ್ಹ್ಯೆ ಮತ್ತಾಥನ ನಾತಾನನೊ ದಿಕ್ರೊ ವ್ಹ್ಯೆ ನಾತಾನನ ದಾವಿದನೊ ದಿಕ್ರೊ ವ್ಹ್ಯೆ

32 ದಾವಿದ ಜೆಸ್ಸಿಯಾಯನೊ ದಿಕ್ರೊ ವ್ಹ್ಯೆ ಜೆಸ್ಸಿಯಾ ಒಬೆದನೊ ದಿಕ್ರೊ ವ್ಹ್ಯೆ ಒಬೆದನ ಬೊವಜನೊ ದಿಕ್ರೊ ವ್ಹ್ಯೆ ಬೊವಜನ ಸಲ್ಮೊನನೊ ದಿಕ್ರೊ ವ್ಹ್ಯೆ ಸಲ್ಮೊನನ ನಹಸ್ಸೊನನೊ ದಿಕ್ರೊ ವ್ಹ್ಯೆ

33 ನಹಸ್ಸೊನನ ಅಮ್ಮಿನಾದಬನೊ ದಿಕ್ರೊ ವ್ಹ್ಯೆ ಅಮ್ಮಿನಾದಾಬ ಅದ್ವಿನನೊ ದಿಕ್ರೊ ವ್ಹ್ಯೆ ಅದ್ವಿನನ ಅನ್ಯೆರಯನೊ ದಿಕ್ರೊ ವ್ಹ್ಯೆ ಅನ್ಯೆರಯ ಹೆಸ್ಸೊನನೊ ದಿಕ್ರೊ ವ್ಹ್ಯೆ ಹೆಸ್ಸೊನ ಪೆರೆಸನೊ ದಿಕ್ರೊ ವ್ಹ್ಯೆ ಪೆರೆಸನ ಯುದನನೊ ದಿಕ್ರೊ ವ್ಹ್ಯೆ

34 ಯುದನ ಯಾಕೊಬನೊ ದಿಕ್ರೊ ವ್ಹ್ಯೆ ಯಾಕೊಬ ಇಸಾಕನೊ ದಿಕ್ರೊ ವ್ಹ್ಯೆ ಇಸಾಕ ಅಬ್ರಹಾಮನೊ ದಿಕ್ರೊ ವ್ಹ್ಯೆ ಅಬ್ರಹಾಮ ತೆರೆಹನೊ ದಿಕ್ರೊ ವ್ಹ್ಯೆ ತೆರೆಹನ ನಹೊರನೊ ದಿಕ್ರೊ ವ್ಹ್ಯೆ

35 ನಹೊರನ ಸೆರುಗನನೊ ದಿಕ್ರೊ ವ್ಹ್ಯೆ ಸೆರುಗನ ರೆಗುವನೊ ದಿಕ್ರೊ ವ್ಹ್ಯೆ ರೆಗುವನ ಪೆಲೆಗನನೊ ದಿಕ್ರೊ ವ್ಹ್ಯೆ ಪೆಲೆಗನ ಎಬರನೊ ದಿಕ್ರೊ ವ್ಹ್ಯೆ ಎಬರನ ಸಾಲನೊ ದಿಕ್ರೊ ವ್ಹ್ಯೆ

36 ಸಾಲನ ಕಯಿನನೊ ದಿಕ್ರೊ ವ್ಹ್ಯೆ ಕಯಿನನ ಅರಪಕ್ಷದನೊ ದಿಕ್ರೊ ವ್ಹ್ಯೆ ಅರಪಕ್ಷದನ ಶಿಮನನೊ ದಿಕ್ರೊ ವ್ಹ್ಯೆ ಶಿಮನ ನೊಹಾನೊ ದಿಕ್ರೊ

ವ್ಹೈ ನೊಹಾ ಲಾಮೆಕನೊ ದಿಕ್ರೊ ವ್ಹೈ

³⁷ ಲಾಮೆಕನ ಮೆತುಶಲನೊ ದಿಕ್ರೊ ವ್ಹೈ ಮೆತುಶಲ ಹನೊಕನೊ ದಿಕ್ರೊ ವ್ಹೈ ಹನೊಕ ಯೆರೆದನೊ ದಿಕ್ರೊ ವ್ಹೈ ಯೆರೆದನ ಮಹಲಲೆಲನ ದಿಕ್ರೊ ವ್ಹೈ ಮಹಲಲೆಲನ ಕಯಿನಾನೊ ದಿಕ್ರೊ ವ್ಹೈ

³⁸ ಕಯಿನಾನ ಎನೊಶನೊ ದಿಕ್ರೊ ವ್ಹೈ ಎನೊಶನ ಸೆಥನನೊ ದಿಕ್ರೊ ವ್ಹೈ ಸೆಥನ ಆದಾಮನೊ ದಿಕ್ರೊ ವ್ಹೈ ಆದಾಮ ಕ್ಹುದಾನೊ ದಿಕ್ರೊ ವ್ಹೈ

4

ಯೆಸುನೆ ಸೈತಾನ ಶೊಧನೆಮಾ ಪಾಡಾನೆ ಕರಲ

(ಮತ್ತಾಯ 4:1-11; ಮಾರ್ಕ 1:12-13)

¹ ಯೆಸು ಯೊರ್ದನ ನದ್ವಿಕಂತೊ ಪಾಚೊ ಫರಿನ ಆಯೊ. ತೆ ಪವಿತ್ರ ಆತ್ಮಾಕ್ಹು ಭರಯೊತೊ. ಪವಿತ್ರ ಆತ್ಮಾಯೆಸುನೆ ರಾನ್ಮಾಚ್ಲೆ.

² ತ್ಯಾ ಸೈತಾನ ತಿನೆ ಚಾಳಕ್ಹ ದಿನ್ವ ಶೊಧನೆಮಾ ಪಾಡ್ಲ್ಯಾ ತೆ ದಿನೊಮಾ ಯೆಸು ಸುಜ್ಞ ಖಾದ್ಯೊ ನ್ಹೊತೊ. ತೆ ದಿನೊ ಥಯಲ್ಪರ ಯೆಸುನೆ ಭುಕ್ಕ ಲಾಗಿ.

³ ತೆಳಾಮಾ ಸೈತಾನ ಯೆಸುನೆ "ತು ಕ್ಹುದಾನೊ ದಿಕ್ರೊ ರ್ಹಯೊಮ, ಆ ದಗಡಾನೆ ರೊಕ್ಲೊ ಥಾ ಕೈನ ಅಪ್ಪಣೆ ದೆ "ಕದ್ಯೊ.

⁴ ತೆ ವಾತೆ ಯೆಸು, ಸೈತಾನನೆ "ಮನಕ್ಹ ರೊಕ್ಲೊ ಖಾದ್ಯಾಮಜ್ಜ ವಾಚ್ಚೊ ನೈ. (ಧರಮೊಪದೆಶ ಕಾಂಡ 8:3) ಕೈನ ಮೊಶೆನಾ ಧರಮ ಶಾಸ್ತ್ರಮಾ ಬರ್ದಲ ಲಿತೊ "ಕೈನ ಕದ್ಯೊ.

⁵ ತೆ ಥಯಲ್ಪರ ಸೈತಾನ ಯೆಸುನೆ ಉಚ್ಚು ರ್ಹಯಲ ಡೊಂಗರಪರ ಬಲೈ ನಿಂಗೈನ, ಯಕ್ ಕ್ಷಣಮಾ ಭುಲೊಕ್ಹರ ರ್ಹಯಲ ರಾಜ್ಯ ದೆಕಾಡಿನ,

⁶ "ಎ ಕ್ಹಾರಿ ರಾಜ್ಯನು ಅದಿಕಾರ ತುನೆ ದ್ಯುಸ. ಎ ಕ್ಹಾರಿ ರಾಜ್ಯನಿ ಅದಿಕಾರ ಮಾರಾ ಹತ್ಮಾ ಲಿ, ವರಿ ಎ ಮಿ ಮನಸೆ ಆಯಲವಾಲಾನೆ ದ್ಯುಸ.

⁷ ತು ಮನೆ ಅಡ್ಡ ಪಾಡ್ಯೊಮ ಎ ಕ್ಹಾರು ಮಿ ತುನೆ ದ್ಯುಸ "ಕದ್ಯೊ.

8 ತೆ ವಾತೆ ಯೆಸು"ತಾರೊ ಕರತಾ ಥಯಲ ಕ್ಹುದಾನೆ ಎಕ್ಕಜ್ ಸ್ತುತಿ ಕರು, ವರಿ ತಿನೆ ಎಕ್ಕಜ್ ಅಡ್ಡ ಪಡು ಕೈನ ಮೊಶೆನಾ ಧರಮ ಶಾಸ್ತ್ರಮಾ ಬರ್ದಲ ಛೆತೊ! ಕದ್ಯೊ

9 ಪಾಚಲ್ಲೊ ಸೈತಾನ ಯೆಸುನೆ ಯೆರುಸಲೆಮೆ ಬಲೈ ನಿಂಗೈನ ದೆವಾಲಯನಿ ಘನ್ನಿಲುಚ್ಚಿ ರ್ಡ್ಡಯಲ ಜಗಾಪರ ನಿಂಗೈನ ಹುಬ್ರಾಡಿನ"ತು ಕ್ಹುದಾನೊ ದಿಕ್ಲೊ ರ್ಡ್ಡಯೊಮ, ನ್ಹಾಂತೊ ಹೆಟೊ ಉಡ! ಕದ್ಯೊ

10 "ಕ್ಹುದಾ ತುನೆ ವಘಾಡಾನೆ ತಿನಾ ದುತೊನೆ ಅಪ್ಪಣೆ ದಿವಸ. (ಕಿರ್ತನೆ 91:1)

11 ತಾರಾ ಪಗೊನೆ ಮಂಗಾಳಾ ಲಾಗೆ ನೈಸೊ ತ್ಯುನೆ ತುನೆ ತ್ಯುನಾ ಹತೊಮಾ ಉಚ್ಚೆಲಿವಸ ಕೈನ ಮೊಶೆನಾ ಧರಮ ಶಾಸ್ತ್ರಮಾ ಬರ್ದಲ ಛೆತೊ! ಕದ್ಯೊ (ಕಿರ್ತನೆ. 91:1)

12 ತೆ ವಾತೆ ಯೆಸು ತಾರೊ ಕರ್ತಾ ಥಯಲ ಕ್ಹುದಾನೆ ಪರಿಕ್ಷಾ ಕರು ನೈ ಕವಾನು ಮೊಶೆನಾ ಧರಮ ಶಾಸ್ತ್ರಮಾ ಬರ್ದಲ ಛೆತೊ ಕದ್ಯೊ (ಧರಮೊಪದೇಶ ಕಾಂಡ 6:16)

13 ಸೈತಾನ ಯೆಸುನೆ ಎ ಕ್ಹಾರಿ ಪರಿಕ್ಷಾ ಲಿನ ಪಾಚಲ್ಲೊ ಯೆಸುನೆ ದಕ್ಲೊ ಟೈಮ ಲಕ್ಕಾ ತ್ಯಾಂತೊ ಛೊಡಿನ ಗಯೊ.

ಯೆಸು ಮನಕ್ಲೊನೆ ಉಪದೇಶ

(ಮತ್ತಾಯ 4:12-17; ಮಾರ್ಕ 1:14-15)

14 ಯೆಸು ಪವಿತ್ರ ಆತ್ಮಾನಿ ತಾಕತ ಕ್ಹು ಭರಿನ ಗಲಿಲಾಯನೆ ಫರಿನ ಗಯೊ. ಯೆಸುನಿ ಸುದ್ದಿ ಗಲಿಲಾಯ ಪ್ರಾಂತ್ಯನಾ ಮನಕ್ಲೊಮಾ ಗ್ವತ್ತ ಛೈ.

15 ಯೆಸು ಸಭಾಮಂದಿರಮಾ ಕ್ಹುದಾನಿಯೊ ವಾತೊ ಕವಾನು ಶುರು ಕರೈ. ತೆ ಐಕಲ ವಾಲಾ ಕ್ಹಾರಾ ಮನಕ್ಲೊ ಘನ್ನಾ ನೆಣಶ್ಯಾ

ಯೆಸು ತಿನಾ ಸ್ವಂತ ಗಾಮ್ಮಾ ತಿರಸ್ಕಾರ

(ಮತ್ತಾಯ 13:53-58; ಮಾರ್ಕ 6:1-6)

16 ಯೆಸು ತೆ ಮ್ಹೊಟೊ ಥಯಲ ನಜರೆತೆ ಕವಾನಾ ಗಾಮೆ ಐನ ಸಬ್ಬತ ದಿನಮಾ ಸಭಾಮಂದಿರಮಾ ಗೈನ. ತ್ಯುನಿಯೊ ಪದ್ಧತಿ ಲಿಂಗತ ಯೆಸು ಒದಾನಾ ಹುತಿ ಉಟಿನ ಹುಬ್ರಯೊ.

17 ಪ್ರವಾದಿ ಥಯಲ ಯೆಶಾಯಾ ಬರ್ದಲ ಪುಸ್ತಕ ಯೆಸುನೆ ಒದಾನೆ ದಿದ್ಯಾತಾ. ಯೆಸು ತೆ ಬುಕ್ಕಕಮಾನು ಒದ್ಲೊ.

18 "ಕ್ಹುದಾನಿ ಆತ್ಮಾಮಪರ ಲೆ. ಗರಿಬ ಮನಕ್ಲೊನೆ ಫೊಕಿ ಸುದ್ದಿಕವಾ ಹುತಿ. ಕ್ಹುದಾ ಮನೆ ಅಭಿಶೆಕ ಕರೊಸ. ಪಾಪ ಕವಾನಿ ಯಕ್ಕ ಜೆಲಮಾ ರ್ಲಯಲವಾಲಾವೊನಾ ಮನಕ್ಲೊನೆ ಫೊಡಾವಾನೆ ವರಿ ಕುಡ್ತಾವೊನೆ, ಡೊಳಾ ದಿವಾನೆ ವರಿ ತ್ಯುನೊನೆ ಫೊಕಿ ಸ್ತಿತಿನಾ ಹುತಿ ಮನಸ ಭಗ್ಗಿ ಗಯಲವಾಲಾವೊನಾ ಹುತಿ ತ್ಯುನು ಮನಸ ಫೊಕು ಕರಾಹುತಿ. ಮನೆ ಕ್ಹುದಾ ಮೊಕ್ಕಲೊಸ"

19 ಕ್ಹುದಾ ತಿನಾ ಮನಕ್ಲೊನೆ ವಫಾಡಾನೆ ನೆಮಿಸಲ ಫೊಕೊ ವರಕ್ಟ ಲಾವಾನಾ ಹುತಿ ಮನೆ ವಳಾಯೊಸ"

20 ತೆ ಒದಲ್ಪರ ಯೆಸು ತೆ ಯೆಶಾಯನು ಗ್ರಂಥ ಸುತ್ತಿನ ಸಬಾಮಂದಿರನಾ ಆಳನಾ ಹತ್ಮಾದಿನ್ನತ್ಯಾಬೈಟ್ಲೊ. ಸಬಾಮಂದಿರಮಾ ರ್ಲಯಲವಾಲಾ ಮನಕ್ಲೊಯೆಸುನೆ ಯಕ್ಕ ಸಂವಾ ದೆಕಾಡಾತಾ.

21 ತೆಳಾಮಾ ಯೆಸು, ತ್ಯುನೊನೆ "ಮಿ ಹಮ್ಮಾ ಒದಲ ವಾಕ್ಯಾ ಆಜ್ಞ ಕ್ಹರಿಮಾಜ್ಞ ಎ ಪುರಾ ಥಯ್ತು"ಕದ್ಲೊ.

22 ಕ್ಹಾರಾ ಮನಕ್ಲೊತಿನೆ ಘನ್ನೊ ಫೊಕೊ ವ್ಹೈಕದ್ಯಾ ತ್ಯುನೆ ತಿನಿಯೊ ಫೊಕಿಯೊ ವಾತೊ ಐಕಿನ ಫಾಬ್ರಾಥೈನ"ಎ ಇಮ್ಮಕಿಮ ಬೊಲಾನೆ ಸಾದ್ಯ ಲೆ? ಎ ಯೊಸೆಫನೊ ದಿಕ್ರೊ ನ್ಹವ್ಹೊಸು? ಕೈನ ಬೊಲ್ಲಿವಾಡ್ಯಾತಾ.

23 ಯೆಸು ತ್ಯುನೊನೆ"ತುತೊ ಡಾಕ್ಟರ ವ್ಹೈ ಪೈಲಾ ತುನೆ ಅರಾಮ ಕರಲೆ "ಪೈಲಾನಿ ಗಾದೆ ಮನೆ ಕವೊಸಿ ಕವಾನು ಮನೆ ಗೊತ್ತ ಲೆ" ತು ಕಪೆರನೊರ್ಮಿಮಾ ಕರಲ ದಕ್ತಾ ಕಾಮೊ ತಾರಾ ಹುತಿ ಐಕ್ಯಾಸ. ತೆಜ್ಜ ಕಾಮೊ ತಾರಾ ಸ್ವಂತ ಗಾಮ್ತಾಕರ" ಕೈನ ಕವಾಡ್ಯಾಸ.

24 ಯೆಸು ತ್ಯುನೊನೆ ಕದ್ಲೊ. ಮಿ ತುಮೊನೆ ಕ್ಹರಿಜ್ಜ ಕೌಸ ಪ್ರವಾದಿನೆ ತಿನಾ ಸ್ವಂತ ಗಾಮ್ತಾ ನೈ ಮಳ್ಳೆಲೆತಾ.

25 ಐಕೊ ಎಲಿಯಾನಾ ಕಾಲಮಾ ಕ್ಹಡಾತನ ವರಕ್ಟ ಇಸ್ರಾಯೆಲ ದೆಶಮಾ ಪಾನಿ ಐಯು ನೊಡ್ತು. ತೆಜ್ಜ ದೆಶಮಾ ಬರಗಾಲ ವ್ಹತ್ತು. ತೆ ಟೈಮಾ ಇಸ್ರಾಯೆಲಮಾ ರಾಂಡಿ ಬಾಕಡಿಯೊ ಘನ್ನಿಯೊ ವ್ಹತ್ತಿಯೊ

ಕವಾನು ಕ್ಹರಿ ವ್ಹೊ

26 ತೆನ್ನೆಸೊ ಎಲಿಯಾನೆ ಬಿಜಿಯೊ ರಾಂಡಿ ಹೆಣ ಮನಕ್ಹೊಕನ ಮೊಕ್ಕಲ್ಯಾ ವಾಚಿ ಸಿದೊನ ದೆಶನೆ ಮಳಲ ಸೆರೆಪ್ಪ ಗಾಮ್ನಾ ರ್ಹಯಲ ಯಕ್ಹ ರಾಂಡಿ ಹೆಣ ಮನಕ್ಹಕನ ಕ್ಹುದಾ ಎಲಿಯಾನೆ ಮೊಕಲ್ಯೊ.

27 ಪ್ರವಾದಿ ಥಯಲ ಎಲಿಶಾನಾ ಕಾಲ್ಮಾ ಘನ್ನಾ ಕುಸ್ವರೊಗಿಯೊ ಇಸ್ರಾಯೆಲಮಾ ವ್ಹತ್ತಾ. ತೆನ್ನೆಸೊ ತ್ಯುನೊಮಾನಾ ಕಿನೆಚ್ಚ ಅರಾಮ ಥಯಾವಾಚಿ ಸಿರಿಯಾ ದೆಶವಾಲೊ ಥಯಲ ನಾಮಾನನೆ ಯಕ್ಹಚ್ಚ ಅರಾಮ ಥಯ್ಯು ಕೈನ ಕದ್ಯೊ.

28 ಸಬಾಮಂದಿರಮಾ ರ್ಹಯಲ ಕ್ಹಾರಾ ಮನಕ್ಹೊ ಎ ವಾತೊ ಐಕಿನ ಘನ್ನಾ ಶಿಟ್ಟಿಥಯಾ.

29 ಯೆಸುನೆ ಗಾಮ್ನಾ ಭಾರಾ ಫಾಲ್ಯಾ ತೆ ಗಾಮ ಯಕ್ಹ ಡೊಂಗರಪರ ವ್ಹತ್ತಾ. ತ್ಯುನೆ ಯೆಸುನೆ ತ್ಯಾಂತಾ ಬಲ್ಯೆನಿಂಗೈನ ಡೊಂಗರಪರತಾ ಥಕ್ಕಿಪಾಡಿಯೆ ಕೈನ ಕೈಲಿವಾಡ್ಯಾತಾ.

30 ತೆನ್ನೆಸೊ ಯೆಸು ತ್ಯುನಾ ವಚ್ಚಾತೊ ಗೈಪಡ್ಯೊ.

ಕೆಟ್ಟಿ ಆತ್ಮಾರ್ಹಯಲ ವಾಲಾನೆ ಅರಾಮ ಕರಲ
(ಮಾರ್ಕ 1:21-28)

31 ತ್ಯಾಂತೊ ಯೆಸು ಗಲಿಲಾಯನಾ ಕಪೆನೊರ್ಮಿ ಕವಾನಾ ಗಾಮೆ ಗಯೊ. ತ್ಯಾ ಸಬ್ಬತ ದಿನಮಾ ತ್ಯುನೊನೆ ಉಪದೇಶ ಕರಾನು ಶುರು ಕರಯ್ಲೊ.

32 ತಿನೆ ಕ್ಹಾರು ಅದಿಕಾರ ರಹೆವಾಲಾ ಲಿಂಗತ ಕವಾಡೊತೊ. ತ್ಯುನೆ ತೆ ವಾತೆ ಘನ್ನಾ ಫಾಬ್ರಾಥಯಾ.

33 ತೆ ಸಬಾಮಂದಿರಮಾ ಕೆಟ್ಟಿ ಆತ್ಮಾಧರಲ ಯಕ್ಹ ದಾಣಗೊ ವ್ಹತ್ತೊ.

34 ತೆ ಯೆಸುನೆ ದೆಕಿನ ಜೊರ ವದಿನ ನಜರೆತನಾ ಯೆಸು! ಮಾರಿ ಉಸಾಬರಿ ತುನೆ ಕಾ? ಹಮೊನೆ ನಾಶಕರಾನೆ ಆಯೊಸು? ತುನೆ ವಳಕ್ಕೊಸ. ತು ಕ್ಹುದಾ ವಳಾಯಲ ಪರಿಶುದ್ಧ ವ್ಹೈಕದ್ಯು.

35 ವರಿ ಯೆಸು ತೆ ಕೆಟ್ಟ ಆತ್ಮಾನೆ "ಗಪ ರ್ಲಿ ಇನೆ ಛೊಡಿನ ಭಾರು ಆ" ಕೈನ ಅಪ್ಪಣೆ ದಿದ್ಲೊ ತೆ ಕೆಟ್ಟ ಆತ್ಮಾ ತೆ ದಾಣಗಾನಾ ಹೆಟು ಪಾಡಿನ ಸುಜ್ಜ ತರಾಸ ಕರ್ಯಾ ವಾಚಿ ತಿನೆ ಛೊಡಿನ ಗೈಪಡಿ.

36 ತೆ ದೆಕಲ ಕ್ಹಾರಾ ಮನಕ್ಲೊ "ಎ ಕೆಯ್ಯೊ ವಾತೊ ವ್ಹಸೆ! ತೆ ಅದಿಕಾರಕ್ಲ ವರಿ ತಾಕತಕ್ಲ ಕೆಟ್ಟ ಆತ್ಮಾವೊನೆ ಅಪ್ಪಣೆ ದೆತಾಮಾ, ತೆ ಗೈ ಪಡಸ್ತೊ "ತ್ಯುನೊಮಾ ಕೈನ ಬೊಲ್ಲಿದ್ಯಾ

37 ವರಿ ತಿಮ್ಮ ಥೈನ ಯೆಸುನಿ ಸುದ್ದಿ ತೆ ಪ್ರಾಂತ್ಯಮಾ ಘನ್ನಿ ಜಗಾ ಗ್ವತ್ತ ಥೈ

ಯೆಸು ಘನ್ನಾ ಮನಕ್ಲೊನೆ ಅರಾಮ ಕರಲ

(ಮತ್ತಾಯ 8:14-17; ಮಾರ್ಕ 1:29-34)

38 ಯೆಸು ಸಬಾಮಂದಿರಮಾತೊ ಗೈನ ಸಿಮೊನನಾ (ಪೆತ್ರಾ) ಘರೆ ಆಯೊ. ತ್ಯಾ ಸಿಮೊನನಿ ಫೈ ತೌ ಐನ ಕ್ಲರೈತಿ ತಿನೆ ಅರಾಮ ಕರ ಕೈನ ಯೆಸುಕನ ತ್ಯಾರ್ಲ್ಯಲವಾಲಾ ಮಾಂಗಿಲಿದ್ಯಾ

39 ಯೆಸು ತಿಕನ ಗೈನ ತಿನಾ ಜಡ್ಡನೆ ಭುಚ್ಚಾಡ್ಲೊ ತೆಳಾಮಾ ಸಿಮೊನನಿ ಫೈ ಅರಾಮ ಥೈ. ತಿನಾ ಹುತಿ ತೆ ಉಟಿನ ತ್ಯುನೊನೆ ಸೆವಾ ಕರಿ.

40 ಸುರ್ರೊ ಡುಬಲ್ಪರ, ಕಿನಾ-ಕಿನಾ ಘರಮಾ ತರಾ ತರಾನಾ ರೊಗ ರ್ಲ್ಯಲವಾಲಾವೊನಾ ಯೆಸುಕನ ಲಾಯಾ. ತೆ ರೊಗಿಯೊಪರ ಯೆಸು ತಿನೊ ಹತ್ತ ಮ್ಹೆಲಿನ ಅರಾಮ ಕರ್ಲ್ಯೊ

41 ಘನ್ನಾ ಮನಕ್ಲೊನಾ ಅಂಗಮಾತಾ ಕೆಟ್ಟ ಆತ್ಮಾ ತು ಕ್ಲದಾನೊ ದಿಕೊ ವ್ಹೈ ಕೈನ ಜೊರ ವದ್ರಿನ ತ್ಯುನಾ ಅಂಗಮಾತಾ ಭಾರಾ ಆಯಾ ಯೆಸು ತ್ಯುನೊನೆ ಬೊಲೊ ನಕೊ ಕೈನ ಕದ್ಲೊ. ಕಾಕದ್ಯಾಮ ತೆ ಕೆಟ್ಟ ಆತ್ಮಾವೊನೆ ಯೆಸುಜ್ಜ ಕ್ರಿಸ್ತ ವ್ಹೈ ಕೈನ ಗೊತ್ತ ವ್ಹತ್ತು.

ಯೆಸು ಕ್ರಿಸ್ತ ಸಬಾಮಂದಿರಮಾ ಉಪದೆಶ ಕದಲ

(ಮಾರ್ಕ 1:35-39)

42 ಮರ್ನಾ ದಿನ್ನೆ ಪಾಟೆ ಯೆಸು ಕುನ್ನಜ್ಜ ನೈಸೊ ರ್ಲ್ಯಲ ಜಗಾ ಯೆಸು ಗಯೊ. ಮನಕ್ಲೊ ಗುಂಪ-ಗುಂಪ ಥೈನ ತಿನೆ ಹುಡಕ್ತಾ ತೆ

ರಠ್ಠಯಲ ಜಗಾ ಐನ ತು ಹಮೋನೆ ಛೋಡಿನ ಜೌ ನಕೊ ಕೈನ ತಿನಾ ಸುತ್ತೆ ಹುಬ್ಬಯಾ.

⁴³ ವರಿ ಯೆಸು ತ್ಯುನೊನೆ"ಮಿ ಕ್ಕುದಾನಿ ರಾಜ್ಯನಿ ಸುವಾರ್ತೆ ಬಿಜಾ ಗಾಮೋಮಾಬಿ ಕೌ ಇನಾ ಹುತಿಜ ಮಿ ಆಯೊಸ ಕದ್ಯೊ.

⁴⁴ ತೆ ಥಯಲ್ಪರ ಯೆಸು ಯುದಾಯ ದೆಶನಾ ಸಬಾಮಂದಿರೊಮಾ ಕ್ಕುದಾನಿಯೊ ವಾತೊ ಕವಾಡೊತೊ.

5

ಯೆಸುನಾ ಪಾಚಾ ಆಯಲ ಪೆತ್ರಾ, ಯಾಕೊಬ, ಯೊಹಾನ
(ಮತ್ತಾಯ 4:18-22; ಮಾರ್ಕ 1:16-20)

¹ ಯಕ್ಕ ದಿನ್ನ ಯೆಸು ಗೆನೆಜರೆತ ಕವಾನಾ (ಗಲಿಲಾಯ) ನದಿನಾ ದಂಡಿಕನ ಹುಬ್ಬೆಲ ಟೈಮಾ, ಮನಕ್ಕೊ ಯಕ್ಕಪರ ಯಕ್ಕ ಥಕಲ್ತಾ ತ್ಯಾ ಯೆಸುನಾ ಸುತ್ತೆ ಐನ ಕ್ಕುದಾನಿಯೊ ವಾತೊ ಐಕಾಡ್ಯಾತಾ.

² ಯೆಸು ನದಿನಾ ದಂಡಿಕನ ಬೆ ಹಡಗಾ ದೆಕ್ಕೊ ಹಡಗಾಮಾ ರಠ್ಠಯಲ ಮಚ್ಚಿಯೊ ಧರಾಲಾ ಭಾರಾ ಐನ ತ್ಯುನಿಯೊ ಬಲಿಯೊ ಧವಾಡ್ಯತಾ.

³ ಯೆಸು ಸಿಮೊನನೊ ಹಡ್ಗೊ ಚಡಿನ ಬೈಟ್ಸೊ ವರಿ ಹಡಗಾನೆ ದಂಡಿತೊ ನಕ್ಕರ ದುರ ಥಕಲ ಕೈನ ಯೆಸು ಸಿಮೊನನೆ ಕದ್ಯೊ ವರಿ ಯೆಸು ಹಡಗಾಪರ ಬೈಟಿನ ಮನಕ್ಕೊನೆ ಉಪದೆಶ ಕರಾಡೊತೊ.

⁴ ಉಪದೆಶ ಕರಲ್ಪರ ಯೆಸು ಸಿಮೊನನೆ ಹಡಗಾನೆ "ಉಂಡು ರಠ್ಠಯಲ ಜಗಾ ನಿಂಗೈನ. ಮಚ್ಚಿಯೊ ಧರಾಹುತಿ ತುಮಾರಿಯೊ ಬಲಿಯೊ ಪಾನಿಮಾ ಫಾಲೊ "ಕದ್ಯೊ.

⁵ ತೆಳಾಮಾ ಸಿಮೊನ, ಯೆಸುನೆ "ಗುರು, ಹಮೆ ಕ್ಕಾರಿ ರಾತ ಕಷ್ಟಪಡದ್ಯಾತಬಿ ಯಕ್ಕ ಮಚ್ಚಿಬಿ ಮಳಿ ನೈ ವರಿ ತು ಕದಲ ಹುತಿ ಹಮೆ ಬಲಿ ಪಾನಿಮಾ ಫಾಲಾಡ್ಯಾಸ "ಕದ್ಯೊ.

⁶ ತ್ಯುನೆ ತ್ಯುನಿಯೊ ಬಲಿಯೊ ಪಾನಿಮಾ ಫಾಲ್ತಾಮಾ ತ್ಯುನಿಯೊ ಬಲಿಯೊ ಫಾಟಿ ಜಾವಾಯಕ್ಕಿಯೊ ಮಚ್ಚಿಯೊ ಥಿಗ ಗಟ್ಟಿ ಮಳಿಯೊ.

7 ತೆಳಾಮಾ ತ್ಯುನೆ ಬಿಜೆಕ ಹಡಗಾಮಾ ರ್ವಯಲ ತ್ಯುನಾ ದೊಸ್ತೊನೆ ಹತೊಕ್ಕುಸ್ವನ್ನಿ ಕರಿನ ಬಲಾಯಾ ತ್ಯುನಾಬಿ ಬೆ ಹಡಗಾ ಮಚ್ಚಿಯೊ ಭರಿನ ಡುಬಾವರಖಾ ಥಯಾ.

8 ಸಿಮೊನ ಯೆಸುನಾ ಖಾಮೊ ಉಂದಾಗುಡ್ತಾ ಘಾಲ್ಲಿನ ಪಗೆ ಪಡಿನ "ಸ್ವಾಮಿ, ಮಿ ಪಾಪಿ ವ್ಹ್ಯೆ ಮನೆ ಛೊಡಿನ ಜಾ "ಕೈನ ಮಾಂಗಿಲಿದ್ಯೊ.

9 ಕ್ಹಾರಾ ಮಚ್ಚಿಯೊ ಧರಾಲಾ ಘಾಬ್ರಾಥಯಾ. (ಇವ್ವೆ ಭಂಬಿಜನಾ ಸಿಮೊನನಾ ಕ್ಹಾತೆ ವಾಟೊಲಿವಾಲಾ ವ್ಹತ್ತಾ)

10 ಎ ದೆಕಿನ ಜೆಬೆದಾಯನಾ ದಿಕ್ತಾ ಥಯಲ ಯಾಕೊಬ ವರಿ ಯೊಹಾನ ಘಾಬ್ರಾಥಯಾ. ಯೆಸು ಸಿಮೊನನೆ "ಭುಚ್ಚಕುನಕೊ. ಆಜತೊಜ ತು ಮಚ್ಚ್ಯೊ ಧರಾಲೊ ನ್ಹವ್ಯೆ. ವರಿ ಮನಕ್ಹೊನೆ ಕ್ಹುದಾಕನ ಲಾವಾಲೊ ಥಾಸಿ "ಕದ್ಯೊ.

11 ತ್ಯುನೆ ತ್ಯುನಾ ಹಡಗಾ ದಂಡಿಯೆ ಲೈನ ಭಾಂದಿನ. ಕ್ಹಾರು ಛೊಡಿನ ಯೆಸುನಾ ಪಾಚಾ ಗಯಾ.

ಯೆಸು ಕುಷ್ಠ ರೊಗಿನೆ ಅರಾಮ ಕರಲ

(ಮತ್ತಾಯ 8:1-4; ಮಾರ್ಕ 1:40-45)

12 ಯಕ್ಕ ದಿನ್ನ ಯೆಸು ಯಕ್ಕ ಗಾಮ್ತಾ ರ್ವತಾಮಾ ಯಕ್ಕ ಕುಷ್ಠರೊಗಿ ಯೆಸುನೆ ದೆಕಿನ ತಿನಾ ಕ್ಹಾಮೊ ಉಂದಾ ಗುಡ್ತಾ ಘಾಲ್ಲಿನ ಅಡ್ಡಪಡಿನ "ಪ್ರಭು, ತು ಮನಸ್ಸ ಕರಯ್ತೊಮ ಮನೆ ಅರಾಮ ಕರಶಿ ಕೈನ ಮನೆ ಗ್ವತ್ತ ಛಿ ಕೈನ ಮಾಂಗಿಲಿದ್ಯೊ.

13 ಯೆಸು "ತಿನೆ ತುನೆ ಅರಾಮ ಕರಾನೆ ಮನೆ ಮನಸ್ಸೆ ಛಿ ತುನೆ ಅರಾಮ ಥಾವಾದೆ" ಕೈನ ತಿನೆ ಮುಟ್ಟೊ ತೆಳಾಮಾಜ ತಿನೆ ಅರಾಮ ಥಯ್ತು.

14 ಯೆಸು ತಿನೆ, ಎ ಕ್ಹಾರು ತಾರಾ ಖಾಮು ಥಯಲ ಅದ್ಭುತ ಕಿಕನಜ ಕೌ ನಕೊ, ತೆನ್ನೆಸೊ ತು ಗೈನ ಸಾಕ್ಷಿ ಥಾವಾನಾ ಹುತಿ ಯಾಜಕನೆ ತಾರು ಅಂಗ ದೆಕಾಡಿನ ಮೊಶೆ ನಿಯಮ ಕರಲ ಶುದ್ಧವಿಚಾರೊ ಪುರಾಕರ ಕೈನ "ಅಪ್ಪಣೆ ದಿದ್ಯೊ.

15 ಗಾಮ್ಯಾಯಿಸುನಿ ಸುದ್ದಿ ಘನ್ನಿ ಫೈಲಿ ಗೈ. ಘನ್ನಾ ಮನಕ್ಕೊತಿನಿಯೊ ವಾತೊ ಐಕು ಕೈನ ತ್ಯನಾ ರೊಗೊ ಗೈನ ಅರಾಮ ಥಾವು ಕೈನ ತಿಕನ ಆಯಾ.

16 ತೆಳಾಮಾ ಯೆಸು ಯಕ್ಕಲೊಜ್ಜ ಕುನ್ನಜ್ಜ ನೈಸೊ ರ್ಹವಾನ ಜಗಾ ಗೈನ ಪ್ರಾಥನಾ ಕರೊಕ್ಕೊ.

ಯೆಸು ಯಕ್ಕ ಲಕ್ಕೊ ಮಾರಲವಾಲಾನೆ ಅರಾಮ ಕರಲ

(ಮತ್ತಾಯ 9:1-8; ಮಾರ್ಕ 2:1-12)

17 ಯಕ್ಕ ದಿನ್ನ ಯೆಸು ಮನಕ್ಕೊನೆ ಭೊದನೆ ಕರಾಡೊತೊ. ತ್ಯಾಜ್ಜ ಗಲಿಲಾಯ ಪ್ರಾಂತ್ಯತಾ ವರಿ ಯುದೆಯ ಯೆರುಸೆಲಿಮತಾ ಆಯಲ ಫರಿಸಾಯರೊ ವರಿ ನಿಯಮೊನಾ ಶಾಸ್ತ್ರಿಯೊ ತ್ಯಾ ವ್ಹತ್ತಾ. ರೊಗೊ ಅರಾಮ ಕರಾನಿ ಕರ್ತಾನಿ ತಾಕತ ಯೆಸುಮಾ ವ್ಹತ್ತಿ.

18 ಇಮ್ಮ ರ್ಹತಾಮಾ ಯಕ್ಕ ಲಕ್ಕೊ ಮಾರಲವಾಲಾ ರೊಗಿನೆ ದಕ್ಕಾ ಜನಾ ವಚ್ಚಾನಾ ಕ್ಹಮಾತಾಜ್ಜ ಉಚ್ಚಿನ ಯೆಸು ರ್ಹಯಲ ಜಗಾ ಲಾವಾನೆ ಕೊಶಿಶ ಕರೊಕ್ಕೊ.

19 ವರಿ ತ್ಯಾ ಘನ್ನಾ ಮನಕ್ಕೊನು ಕುಡಿನ ಯೆಸುನಾ ಸುತ್ತಿ ರ್ಹಯಲ ಹುತಿ ತ್ಯನೊನೆ ತೆ ಲಕ್ಕೊ ಮಾರಲವಾಲಾನೆ ಯೆಸುಕನ ನಿಂಜಾವಾನೆ ನೈ ಥಯಲ ಹುತಿ ತ್ಯನೆ ಘರಪರ ನಿಂಗೈನ ಘರಪರಲ್ಯು ಛತ್ತ ಕಾಡಿನ ತೆ ರೊಗಿನೆ ವಚ್ಚಾನಾ ಕ್ಹಮಾತಾಜ್ಜ ಯೆಸುನಾ ಕ್ಹಮಾ ಉತಾರೊಕ್ಕೊ.

20 ಯೆಸು ತಿವ್ವೊಬರೊಕ್ಕೊದೆಕಿನ ತೆ ರೊಗಿನೆ, ಮಾರಾ "ದೊಸ್ತ ತಾರು ಪಾಪ ಮಾಫ ಥಯುಸ "ಕೈನ ಕದೊಕ್ಕೊ.

21 ತ್ಯಾ ರ್ಹಯಲವಾಲಾ ಶಾಸ್ತ್ರಿಯೊ ಫರಿಸಾಯರೊ. ತೆ ಐಕಿನ "ಎ ಕ್ಹುದಾನಾ ವಿರುದ್ಧ ಬೊಲಾಲೊ ಕುನ್ನ ವ್ಹೈ? ಕ್ಹುದಾನೆ ಯಕ್ಕಾನೆಜ್ಜ ಪಾಪ ಮಾಫ ಕರಾನೆ ಥಾವಸ "ಕೈನ ತ್ಯನೊ ತ್ಯನೊಮಾಜ್ಜ ವಿಚಾರ ಕರಲಿವಾಡ್ಯತಾ.

22 ವರಿ ಯೆಸು ತ್ಯನಿಯೊ ವಿಚಾರೊ ತಿಳದಿಲಿನ ತ್ಯನೊನೆ"ತುಮೆ ತಮಾರಾ ಮನಸ್ಸಾ ಇಮ್ಮ ಕಾ ವಿಚಾರ ಕರಲಿವಾಡ್ಯಸ?

23 ಕಯು ಆಸಾನ ವ್ಹೈ? ತಾರು ಪಾಪ ಮಾಫ ಥಯುಸ, ಕೈನ ತೆ ಲಕ್ಕೊ ಮಾರಲವಾಲಾನೆ ಕವಾನು? ನೈತೊ ಉಟಿನ ಜಾ ಕವಾನು?

24 ತೆನೈಸೊ ಮನಕ್ಕನಾ ದಿಕ್ಕಾನೆ ಭುಲೊಕ್ಕರ ಪಾಪ ಮಾಫ ಕರಾನೆ ಅದಿಕಾರ ಛಿ ಕವಾನು ತುಮೊನೆ ಗ್ವತ್ತರ ಲಕ್ಕೊನೆ "ತೆ ಲಕ್ಕೊ ಮಾರಲವಾನೆ ದೆಕಿನ" ಉಟಿ! ತಾರು ವಚ್ಚಾನು ಲಿನ ಘರೆ ಜಾ"ಕದ್ಯೊ

25 ತೆಳಾಮಾಜ್ಜ ತೆ ಲಕ್ಕೊ ಮಾರಲವಾಲೊ ಕ್ಹಾರಾವೊನಾ ಕ್ಹಾಮೊ ಉಟಿನ ಹುಬ್ರಯೆನ, ತಿನು ವಚ್ಚಾನು ಲಿನ ಕ್ಹುದಾನೆ ಸ್ತುತಿ ಕರತೊ ತಿನಾ ಘರೆ ಗಯೊ.

26 ತೆಳಾಮಾ ಕ್ಹಾರಾ ಮನಕ್ಕೊ ಘನ್ನಾ ಘಾಬ್ರಾ ಥೈನ ಕ್ಹುದಾನೆ ಸ್ತುತಿ ಕರತಾ ವರಿ ಭುಚ್ಚಕ್ಕತಾ"ಆಜಾನಾ ದಿನಮಾ ಹಮೆ ಯಕ್ಕ ಅದ್ಭುತ ದೆಕ್ಕಾ"ಕದ್ಯೊ

ಯೆಸುನಾ ಪಾಚೊ ಆಯಲ ಲೆವಿ

(ಮತ್ತಾಯ 9:9-13; ಮಾರ್ಕ 2:13-17)

27 ಪಾಚಲ್ಲೊ, ಯೆಸು ತ್ಯಾಂತೊ ಜಾತಾಮಾ, ಭುಭಾಡೊಲಿವಾಲೊ ಕಟ್ಟಾಪರ ಬೈಟಲವಾಲೊ ಲೆವಿನೆ ದೆಕಿನ "ತು ಮಾರಾ ಪಾಚೊ ಆ"ಕದ್ಯೊ

28 ಲೆವಿ ಉಟಿನ ಕ್ಹಾರು ತ್ಯಾಜ್ಜ ಛೊಡಿನ ಯೆಸುನಾ ಪಾಚೊ ಗಯೊ.

29 ಪಾಚಲ್ಲೊ ಲೆವಿ ಯೆಸುನಾ ಹುತಿ ತಿನಾ ಘರಮಾ ಖಾವಾನೆ ಮೊಟ್ಟು ಫಂಕ್ಷನ ಕರಾಯೊ ತೆಳಾಮಾ ಭುಭಾಡೊಲಿವಾಲಾ ಘನ್ನಾ ಜನಾ ವರಿ ಘನ್ನಾ ಮನಕ್ಕೊವ್ಹತ್ತಾ.

30 ತೆಳಾಮ ಫರಿಸಾಯರೊ ವರಿ ಶಾಸ್ತ್ರಿಯೊ ಯೆಸುನಾ ಶಿಷ್ಯಾವೊನೆ "ತುಮೆ ಭುಭಾಡೊಲಿವಾಲಾವೊನಾ ಕ್ಹಾತೆ ವರಿ ಪಾಪಿಯೊನಾ ಕ್ಹಾತೆ ಕಾ ಅನ್ನ ಖಾವಾಡ್ಯಾಸ ವರಿ ಪಿವಾಡ್ಯಾಸ? ಕೈನ ಪುಚ್ಚಾ

31 ತೆಳಾಮಾ ಯೆಸು ತೆ ಐಕಿನ ಅರಾಮ ನೈಸೊವಾಲಾನೆ ಡಾಕ್ಟರನಿ ಜರುರತ ಛಿ ಅರಾಮ ರ್ಹಯಲವಾಲಾವೊನಾ ನ್ಹವೈ

32 ತುಮಾರಾ ಪಾಪನೆ ಪಶ್ಚಾತ್ತಾಪ ಪಡಿನ ಕ್ಷುದಾಬಗಲ ಫರೊ ಕೈನ ನಿತಿವಂತಕ್ಕು ರ್ವಯಲವಾಲಾವೊನಾ ಮಿ ಬಲಾವಾನೆ ನತ್ತಿ ಆಯೊ. ಪಾಪಿಯೊನಾ ಹುತಿ ಆಯೊಸ" ಕದ್ಯೊ.

ಉಪಾಸ ರ್ವವಾನಾ ಹುತಿ ಯೆಸು ಕದಲ
(ಮತ್ತಾಯ 9:14-17; ಮಾರ್ಕ 2:18-22)

33 ದಕ್ಕಾ ಮನಕ್ಕೊ ಯೆಸುನೆ"ಫರಿಸಾಯರೊನಾ ಶಿಷ್ಯಾ ವರಿ ಯೊಹಾನನಾ ಶಿಷ್ಯಾ ಹಗ್ಗಿಲ್ಲಾ ಉಪಾಸ ವರಿ ಪ್ರಾಥನಾ ಕರಸ; ವರಿ ತಾರಾ ಶಿಷ್ಯಾ ಖಾವಾಡ್ಯಾಸ ಪಿವಾಡ್ಯಾಸ ಕೈನ ಕತಾಮಾ

34 ಯೆಸು ತ್ಯನೊನೆ "ನೌರೊ ಹಿವಾನಾ ಮನಕ್ಕೊನಾ ಕ್ಹಾತಿ ರ್ವಯಲಕ್ಕಾ ತ್ಯನೆ ಭುಕ್ಕಾ ಜಾವಸು?

35 ವರಿ ನೌರಾನೆ ತ್ಯನೊಕಂತೊ ನಿಂಜಾವೊನೊ ಟೈಮ ಆವಸ ತೆಳಾಮಾ ತ್ಯನೆ ವಂದತ ಕರಸ" ಕದ್ಯೊ.

36 ಪಾಚಲ್ಲೊ ಯೆಸು ತ್ಯನೊನೆ ಯಕ್ಕ ಸಾಮ್ಯ ಕದ್ಯೊ ತೆ ಸುವೈ ಕದ್ಯಾಮ "ಕುನ್ನಬಿ ಜುನ್ನಾ ಅಂಗ್ಡಾನೆ ಥಿಗ್ಗು ಲಗಾಡಾ ಹುತಿ ನವಾ ಅಂಗ್ಡಾನೆ ಪ್ಲಾಡ್ತಾ ನೈ.

37 ತಿನಾಲಿಂಗತಜ ನೌ (ನವು) ದ್ರಾಕ್ಷಿಯೊನೊ ರಕ್ತ ಜುನ್ನಿಯೊ ದ್ರಾಕ್ಷಿಯೊನಿ ರಕ್ತನಿಯೊ ಚಾಮ್ಡಾನಿ ಕೈಚಿಲಾವೊಮಾ ಭರಿನ ಮುಕ್ಕತಾ ನೈ. ವರಿ ಭರಿನ ಮೈಲ್ಯಾಮ ನೌ ದ್ರಾಕ್ಷಿಯೊನು ರಕ್ತ ತೆ ಜುನ್ನಿಯೊ ಚಾಮ್ಡಾನಿ ಕೈ ಚಿಲಾವೊನೆ ಫಾಡಿನ ಹೆಟು ಪಡಿನ ಕೆಟ್ಟಿ ಜಾವಸ, ವರಿ ಕೈಚಿಲಾ ಹಾಳ ಧೈ ಜಾವಸ.

38 ಮನಕ್ಕೊ ನೌ ದ್ರಾಕ್ಷಿಯೊನು ರಕ್ತ ನೈಯೊ ಚಾಮ್ಡಾವೊನಿ ಕೈಚಿಲಾವೊಮಾ ಭರಿನ ಮೈಲಸ.

39 ಜುನ್ನು ದ್ರಾಕ್ಷಿಯೊನು ರಕ್ತ ಪಿದಲವಾಲೊ ನೌ ದ್ರಾಕ್ಷಿಯೊನು ರಕ್ತನಿ ಸ್ವಾದ ಗೊತ್ತ ಥಾತು ನೈ. ತೆ ಮನಕ್ಕ ಜುನ್ನು ದ್ರಾಕ್ಷಿಯೊನು ರಕ್ತ ನೆಜ ಪಸಂದ ಕರಸ"

6

ಸಬ್ಬತ ದಿನ್ವರ ಮಾಲಕ ವ್ಹೈ

(ಮತ್ತಾಯ 12:1-8; ಮಾರ್ಕ 2:23-28)

1 ಯಕ್ಕ ಸಬ್ಬತ ದಿನಮಾ ಯೆಸು ಖೆತ್ರೊಮಾತೊ ಭಾತಾ ಟೈಮಾ ತಿನಾ ಶಿಷ್ಯಾ ಖೆತ್ರೊಮಾನಾ ಬುಟ್ಟಾ ಭಾಗಿಲಿನ ಹತೊಕ್ಕು ತಿಕ್ಕಿನ ಖಾತಾ ಚಾಲ್ಯಾತಾ.

2 ತೆಳಾಮಾ ಪರಿಸಾಯರೊ ಯೆಸುನೆ "ತುಮೆ ಸಬ್ಬತ ದಿನಮಾ ನೈಸೊ ಕರಾನು ಕಾಮ ಕರಾಡಾಸ್ತೊ? ಎ ಮೊಶೆನಾ ಧರಮಶಾಸ್ತ್ರನಾ ವಿರುದ್ಧ ವ್ಹೈ "ಕದ್ಯಾ

3 ತೆ ವಾತೆ ಯೆಸು, ಫರಿಸಾಯರೊನೆ "ದಾವಿದ ತಿನಾ ಕ್ಹಾತೆ ರ್ಹೆಯೆಲವಾಲಾವೊನೆ ಭುಕ್ಕಕಲಾಗಲ ಟೈಮಾ ತೆ ಸುಕರ್ರೊಕ್ಕೆನ ತುಮೆ ಒದ್ಯಾನತ್ತಿಸು?

4 ದಾವಿದ ಕ್ಹುದಾನಿ ಸನ್ನಿಧಿಮಾ ಗೈನ ಕ್ಹುದಾನೆ ಚಡಾಯಲ ರೊಕ್ಕೊ ಯಾಜಕನೆ ಛೊಡಿನ ಬಿಚು ಕುನ್ನಜ ನೈಸೊ ಖಾವಾನೊ ರೊಕ್ಕೊ ದಾವಿದ ಖೈನ ವರಿ ತಿನಾ ಕ್ಹಾತೆ ರ್ಹೆಯೆಲವಾಲಾವೊನಾ ಖಲಾಯೊಸ್ತೊ? ಕದ್ಯೊ

5 ಮನಕ್ಟನೊ ದಿಕೊ ಸಬ್ಬತ ದಿನ್ವರ ಮಾಲಕ ಥಯೊಸ "ಕೈನ ಯೆಸು ಕದ್ಯೊ

ಸಬ್ಬತ ದಿನಮಾ ಹತ ಅರಾಮ ಥಯಲ ಮನಕ್ಟ

(ಮತ್ತಾಯ 12:9-14; ಮಾರ್ಕ 3:1-6)

6 ವರಿ ಯಕ್ಕ ಸಬ್ಬತ್ ದಿನಮಾ ಯೆಸು ಸಬಾಮಂದಿರಮಾ ಗೈನ ಉಪದೆಶ ಕರ್ಮಾಮಾ ತ್ಯಾ ಯಕ್ಕೊ ದಾಣಗೊ ಸಿದಾ ಹತ ಕುಕ್ಕೊ ಗಯಲವಾಲೊ ತ್ಯಾ ವ್ಹತ್ತೊ.

7 ಯೆಸು ತಿನೆ ಸಬ್ಬತ್ ದಿನಮಾ ಅರಾಮ ಕರ್ಮೊಮ ತಿಪರ ತಪ್ಪ ಘಾಲಿಯೆ ಕೈನ ಫರಿಸಾಯರೊ ವರಿ ಶಾಸ್ತ್ರಿಯೊ ಟೈಮ ದೆಕಾಡಾತಾ.

8 ವರಿ ತ್ಯಾನಿ ವಿಚಾರ ಯೆಸುನೆ ತಿಳದಿತಿ. ಯೆಸು ಹತ ಕುಕ್ಕೊ ಗಯಲವಾಲಾನೆ "ತು ಐನ ನ್ಹಾ ಹುಬ್ರೆ "ಕದ್ಯೊ ತೆ ಉಟಿನ ಐನ ಹುಬ್ರಯೊ.

9 ತೆಳಾಮಾ ಯೆಸು ತ್ಯುನೊನೆ"ಸಬ್ಬತ ದಿನಮಾ ಕಯು ಕಾಮ ಕರಾನು ಚೊಕು ವ್ಹೊ? ಚೊಕು ಕಾಮ ಕರಾನು ಸು ಕೆಟ್ಟಕಾಮ ಕರಾನು ಚೊಕು ವ್ಹೊ? ಜಲಮ ವಚ್ಚಾಡಾನು ಸು? ಜಲಮ ಕಾಡಾನು? ಕೈನ ಪುಚ್ಚೊ.

10 ಯೆಸು ತಿನಾ ಸುತ್ತಿ ಹುಬ್ರಯಲವಾಲಾವೊನೆ ದೆಕಿನ, ತೆ ಮನಕ್ಹನೆ, ಯೆಸು "ತಾರೊ ಹತ ಅಗೊ ಕರ" ಕದ್ವೊ ತೆ ತಿನೊ ಹತ ಅಗೊ ಕರೊ ತೆಳಾಮಾಜ ತಿನೊ ಹತ ಅರಾಮ ಥಯೊ.

11 ಫರಿಸಾಯರೊ ವರಿ ಶಾಸ್ತ್ರಿಯೊ ಘನ್ನಾ ಶಿಟ್ಟ ಧೈನ. ತ್ಯುನೆ "ಅಪೆ ಕೈ ಉಪಾಯಕ್ತು ಯೆಸುನೆ ಸು ಕರಿಯೆ? ಕೈನ ತ್ಯುನೊ ತ್ಯುನೊಮಾಜ ಬೊಲ್ಲಿವಾಡ್ಯಾತಾ. (ಪ್ಯಾನ್ ಕರಾಡಾತಾ)

ಯೆಸುನಾ ಬಾರಾ ಅಪೊಸ್ತಲೊ

(ಮತ್ತಾಯ 10:1-4; ಮಾರ್ಕ 3:13-19)

12 ಯಕ್ ದಿನ್ನ ಪ್ರಾಥನಾ ಕರಾ ಹುತಿ ಯೆಸು ಡೊಂಗರಪರ ಗೈನ ಕ್ಹಾರಿ ರಾತ ಪ್ರಾಥನಾ ಕರೊ.

13 ಮರ್ನಾ ದಿನ್ನ ಪಾಟಿ ಯೆಸು ತಿನಾ ಶಿಷ್ಯಾವೊನೆ ಬಲೈನ ತ್ಯುನೊಮಾನಾ ಬಾರಾ ಶಿಷ್ಯಾವೊನೆ ಇನಿಲಿನ ತ್ಯುನೊನೆ ಅಪೊಸ್ತಲೊ ಕೈನ ನಾಮ ಮ್ಹೊ.

14 ತ್ಯುನೆ ಕುನ್ನ ವ್ಹೊ ಕದ್ಯಾಮ ಸಿಮೊನನೆ (ಯೆಸು ಪೆತ್ರಾ ಕೈನ ನಾಮ ಮ್ಹೊ) ವರಿ ತಿನೊ ಬೈಥಯಲ ಅಂದ್ರೆಯ, ಯಾಕೊಬ, ವರಿ ಯೊಹಾನ, ಫಿಲಿಪ್ಪ ವರಿ ಬಾರ್ತೊಲೊಮಾಯ,

15 ಮತ್ತಾಯ ತೊಮ, ಯಾಕೊಬ (ಅಲ್ಫಾಯನೊ ದಿಕ್ರೊ) ವರಿ (ದೆಶಪರ ಮಯಾ ರ್ಥಯಲ ವಾಲೊ) ಸಿಮೊನ,

16 ಯುದ ಯಾಕೊಬನೊ ದಿಕ್ರೊ ವರಿ ಇಸ್ಕರಿಯುತ ಯುದ (ಯೆಸುನೆ ಧರೈನ ದಿದಲ ವಾಲೊ)

17 ಯೆಸು ವರಿ ಅಪೊಸ್ತಲೊ ಡೊಂಗರಪರತಾ ಉತ್ರನ ಸಿದಾ ರ್ಥಯಲ ಜಿಮಿನ್ನರ ಹುಬ್ರಯಾ. ತ್ಯಾ ತಿನಾ ಪಾಚಾ ಆಯಲ ಶಿಷ್ಯಾವೊನು ಮ್ಹೊಟು ಗುಂಪ ವರಿ ಯುದಾಯತಾ ಯೆರುಸಲೆಮ್ಮಾ

ತುರ ಸಿದೊನ ಗಾಮ್ತಾ ವರಿ ಸಮುಂದರನಿ ಆಜುಬಾಜುಮಾ ರ್ವಯಲ ಮನಕ್ಲೊನು ಮ್ಹೊಟು ಗುಂಪ ತ್ಯಾವ್ವತ್ತು.

18 ತ್ಯುನೆ ಕ್ಹಾರಾ ಯೆಸುನಿಯೊ ವಾತೊ ಐಕು ಕೈನ ವರಿ ತೆ ಮನಕ್ಲೊಮಾ ರ್ವಯಲ ರೊಗೊ ಕ್ಲೊ ಅರಾಮ ಥೌ ಕೈನ ತಿಕನ ಆಯಾತಾ. ವರಿ ತ್ಯುನಾಮಾ ದಕ್ಹಾ ಮನಕ್ಲೊಮಾ ಕೆಟ್ಟ ಆತ್ಮಾವ್ವತ್ತಿಯೊ. ತ್ಯುನೆ ಕ್ಹಾರಾ ಅರಾಮ ಥಯಾ.

19 ಕ್ಹಾರಾ ಮನಕ್ಲೊಯೆಸುನೆ ಮುಟ್ವಾನಾ ಹುತಿ ಕೊಶಿಶ ಕರಾಡಾತಾ. ಕಾಕದ್ಯಾಮ ಯೆಸುಮಾತಿ ತಾಕತ ಭಾರಿ ಐನ ಕ್ಹಾರಾ ಮನಕ್ಲೊನೆ ಅರಾಮ ಕರಾಡಿತಿ!

20 ಯೆಸು ತಿನಾ ಶಿಷ್ಯಾವೊನೆ ದೆಕಿನ ಸು ಕದ್ಯೊ ಕದ್ಯಾಮ,
"ಗರಿಬೊ ರ್ವಯಲವಾಲಾ ತುಮೆ ಧನ್ಯವ್ಹೆ;

ಕ್ಹುದಾನಿ ರಾಜ್ಯ ತುಮಾರಿ ವ್ಹೆ

21 ಭುಕ್ಕಾ ರ್ವಯಲವಾಲಾ ತುಮೆ ಧನ್ಯವ್ಹೆ,
ತುಮೆ ತ್ಯಪ್ತ ಥಾವೊಸಿ. ವರಿ ತುಮೆ ಹಮ್ಮಾ

ರವಾಲಾ ತುಮೆ ಧನ್ಯವ್ಹೆ;

ಪಾಙ್ಗಾತಾ ತುಮೆ ಅಕ್ಲೊಸಿ.

22 ಮನಕ್ಲೊನಾ ದಿಕ್ರಾನಾ ಹುತಿ ಮನಕ್ಲೊ ತುಮೊಪರ ಸಿಟ್ಟ ಮ್ಹೊಲಸ ತುಮೊನೆ ಕೆಟ್ಟ ವ್ಹೆ ಕವಸ ವರಿ ತುಮಾರಿ ಮರ್ಯಾದಿ ಕಾಡಸ ವರಿ ಎ ಕ್ಹಾರು ತಡ್ಡಿಲಿವಾಲಾ ತುಮೆ ಧನ್ಯವ್ಹೆ

23 ತೆ ಟೈಮಾ ಖುಶಿ ರ್ವವೊ. ಕಾಕದ್ಯಾಮ ಸ್ವರ್ಗಮಾ ತುಮೊನೆ ಘನ್ನು ಫಲ ಮಳಸ. ಎ ಮನಕ್ಲೊ ತುಮೊನೆ ಕರಲ ತಿಮ್ಮಜ್ಜ ತ್ಯುನಾ ಪಿತ್ರೊಬಿ ಪ್ರವಾದಿಯೊನಾ ಕ್ಹಾತೆ ಕರ್ರಾಸ.

24 ವರಿ ಸೌಕಾರ ರ್ವಯಲವಾಲಾ ತುಮಾರಿ ಯಕ್ಕ ಪರಸ್ತಿ ಮಿ ಸು ಕೌ!

ತುಮಾರಿ ಸುಖಾನಿ ಜಿವ್ವಾ ತುಮೊನೆ ಮಳಿಸ.

25 ಹಮ್ಮಾ ಪೆಟ ಭರಲವಾಲಾ ಮನಕ್ಲೊ ತುಮಾರಿ ಗತಿ ಮಿ ಸು ಕೌ!

ತುಮೆ ಭುಕ್ಕಾ ಥಾವೊಸಿ. ಹಮ್ಮಾ ಅಕ್ಹಾಲಾ ಮನಕ್ಲೊ

ತುಮಾರಿ ಗತಿ ಮಿ ಸು ಕೌ! ತುಮೆ ದುಖಿ ಧೈನ ರವೊಸಿ.

26 "ಮನಕ್ಕೊನಾ ಮೊಡೆ ಕೆಳಾಮಾಬಿ ಛೊಕೊ ಛಿ ಕವೈಲಿವಾಲಾ ತುಮಾರಿ ಗತಿ ಸು ಕೌ! ತ್ಯನಾ ಪಿತ್ರೊ ಸುಳ್ಳು ಪ್ರವಾದಿಯೊನೆ ಛೊಕಾ ಛಿ ಕತಾತಾ.

ತುಮಾರಾ ದುಶ್ಮನೊನೆ ಮಯಾ ಕರೊ

(ಮತ್ತಾಯ 5:38-48; 7:12)

27 "ಮಾರಿಯೊ ವಾತೊ ಐಕಾಲಾವೊ ತುಮೊನೆ ಮಿ ಸು ಕೌಸ ಕದ್ಯಾಮ; ತುಮಾರಾ ದುಶ್ಮನೊನೆ ಮಯಾ ಕರೊ. ತುಮೊನೆ ಕದ್ರಾವಾಲಾವೊನೆ ತುಮೆ ಛೊಕು ಕರೊ.

28 ತುಮೊನೆ ಕ್ಷರಾಪಾಲಾವೊನೆ ತುಮೆ ಆಶಿರ್ವಾದ ಕರೊ, ತುಮೊನೆ ಕೆಟ್ಟ ಕರಾಲಾವೊನಾ ಹುತಿ ಪ್ರಾಥನಾ ಕರೊ.

29 ಯಕ್ಕೊ ತುಮೊನೆ ಯಕ್ಕ ಗಾಲ್ಪರ ಮಾರಯೊಮ, ತಿನೆ ಬಿಜೆಕ ಗಾಲ ಮಾರಾನೆ ದಿವೊ. ಯಕ್ಕೊ ತಮಾರಾ ಅಂಗಪರ ಉಪ್ಪರಲ್ಯೊ ಅಂಗ್ಗು ಕಾಳ್ಳಿದ್ಯೊಮ, ತುಮೆ ತಿನೆ ಮ್ಹೆನ್ರು ಅಂಗ್ಗು ದಿವೊ.

30 ತುಮೊಕನ ಮಾಂಗಾಲಾವೊನೆ ಹರಿ ಯಕ್ಲಾನೆ ದಿವೊ. ಯಕ್ಕೊ ತುಮೊಕನ್ನು ಸುಬಿ ಕಾಳ್ಳಿದಲ ರ್ಡಯೊಮ ತೆ ವಾಪಾಸ ಮಾಂಗಿಲಿವೊ ನಕೊ.

31 ಬಿಜಾ ಮನಕ್ಕೊ ತುಮಾರಾ ಕ್ಹಾತೆ ಸು ಕರು ಕೈನ ಆಸ ಛಿ ತೆಜ್ಜ ತುಮೆ ತೆ ಮನಕ್ಕೊನಾ ಕ್ಹಾತೆ ಕರೊ.

32 ತುಮೊನೆ ಮಯಾಕರಾಲಾನೆಜ್ಜ ತುಮೆ ಮಯಾ ಕರ್ಯಾಮ ತೆ ಸು ಉಪಯೊಗ ಛಿ? ಕಾಕದ್ಯಾಮ ಪಾಪಿಯೊಬಿ ತ್ಯನೊನೆ ಮಯಾ ಕರಾಲಾನೆಜ್ಜ ಮಾಯಾ ಕರಸ್ತೊ!

33 ತುಮೊನೆ ಛೊಕು ಕರಾಲಾವೊನೆ ತುಮೆ ಛೊಕು ಕರ್ಯಾಮ ತುಮೊನೆ ಸು ಛೊಕು ವ್ಹೆ? ಪಾಪಿಯೊಬಿ ತಿಮ್ಮಜ್ಜ ಕರಸ್ತೊ!

34 ತುಮೆ ಕಿನೆಬಿ ಸಾಲಾ ದಿದ್ಯಾಮ, ತುಮೊನೆ ಫರಿನ ದಿವಾಲಾವೊನೆ ಸಾಲಾ ದಿದ್ಯಾಮ ತುಮೊನೆ ಸು ಉಪಯೊಗ ವ್ಹೆ? ಪಾಪಿಯೊಬಿ ಬಿಜಾ ಪಾಪಿಯೊನೆ ಸಾಲಾ ದಿದಲ ತೆಕ್ಲ ದಿದಲ ಮಳಸ ಕೈನ ದಿವಸ್ತೊ!

35 "ತಿನಾಹುತಿ ತುಮಾರಾ ದುಶ್ಮನೊನೆ ಮಯಾಕರೊ, ತ್ಯನೊನೆ ಛೊಕು ಕರೊ, ತುಮೆ ತ್ಯನೊನೆ ಸಾಲಾ ದೆತಾಮಾ ವರಿ ಫರಿನ

ದಿವಸ ಕವಾನು ಆಸ ಮ್ಹೆಲೊ ನಕೊ. ತೆಳಾಮಾ ತುಮೊನೆ ಮ್ಹೊಟ್ಟು ಪ್ರತಿಫಲ ರ್ಹಯಲ ರ್ಹವಸ, ವರಿ ಪರಾತ್ಪರ ಕ್ಹುದಾನಾ ದಿಕ್ತಾ ಥಾವೊಸಿ. ಕಾಕದ್ಯಾಮ ಕ್ಹುದಾ ಪಾಪಿಯೊನೆ, ಕೆಟ್ಟ ಮನಕ್ಹೊರ್ಹಯಲ ವಾಲಾವೊನೆ ಚೊಕೊ ವ್ಹೆ.

³⁶ ತುಮಾರೊ ಸ್ವರಗನೊ ಬಾ ಥಯಲ ಕ್ಹುದಾ ಮರಗಾಲೊ ರ್ಹಯಲ ಲಿಂಗತಚ್ಚ ತುಮೆಬಿ ಮರಗಾಲಾ ರ್ಹವೊ.

ಬಿಜಾವೊನೆ ಫೈಸಲೊ ಕರೊ ನಕೊ

(ಮತ್ತಾಯ 7:1-5)

³⁷ "ಬಿಜಾವೊನೆ ತಿರಪ ಕರೊ ನಕೊ, ತೆಳಾಮಾ ತುಮೊನೆಬಿ ತಿರಪ ಥಾತು ನೈ ಅಪರಾದಿ (ಕೆಟ್ಟ ಕರಲವಾಲೊ) ವ್ಹೆ ಕೈನ ಫೈಸಲೊ ಕರೊ ನಕೊ, ತೆಳಾಮಾ ತುಮೆಬಿ ಅಪರಾದಿ ವ್ಹೆ ಕೈನ ಫೈಸಲೊ ಥಾತೊನೈ. ಬಿಜಾವೊನೆ ತುಮೆ ಮಾಫ ಕರೊ ತುಮೊನೆಬಿ ಮಾಫಿ ಮಳಸ.

³⁸ ಬಿಜಾವೊನೆ ದಿವೊ, ಕ್ಹುದಾ ತೆಳಾಮಾ ತುಮೊನೆ ಬಿ ದಿವಸ. ಚೊಕಿ ಅಳತಿ ಕರಿನ ದಾಬಿನ ಹಲೈನ ಪಡೆಲಿಂಗತ ತುಮಾರಾ ಖೊಳಾಮಾ ಫಾಲಸ ತುಮೆ ಅಳತಿ ಕರಾನಿ ಅಳತಿಕ್ಹುಜ್ಜ ಕ್ಹುದಾ ತುಮೊನೆಬಿ ಅಳತಿ ಕರಿನ ದಿವಸ ಕದ್ಲೊ.

³⁹ ಎನ್ನೆಸೊ ಯೆಸು ತ್ಯನೊನೆ ಯಕ್ಕ ಸಾಮ್ಯ ಕದ್ಲೊ. ತೆ ಸುವೈ ಕದ್ಯಾಮ ಯಕ್ಕ ಕುಡ್ಲೊ ಬಿಜೆಕ್ಕಲಾ ಕುಡ್ಲಾನೆ ವಾಟ ದೆಕಾಡಸ್ಸು? ತಿಮ್ಮ ಥಯುಮ ತ್ಯನೆ ಭಂಬಿಜನಾ ಖಾಡಿಮಾ ಪಡಿ ಜಾವಸ್ಲೊ.

⁴⁰ ಗುರುತಿ ಶಿಷ್ಯೊ ಮ್ಹೊಟೊ ನ್ಹವೈ ಶಿಷ್ಯೊ ಪುರಾ ಶಿಕ್ಕಕಲ್ಪರ ಹರಿ ಯಕ್ಲೊತಿನಾ ಗುರು ಲಿಂಗತ ಥಾವಸ.

⁴¹ ಎನ್ನೆಸೊ ತು ತಾರಾ ಡೊಳಾಮಾ ರ್ಹಯಲ ವ್ಹಲಸ ದೆಕ್ಯಾವಾಚಿ ಬಿಚ್ಚಿಕ್ಲಾನೆ ಹಸಾಕರಲೆ ಕಾ ಕಸಿ.

⁴² ಪೈಲಾ ತು ಹಸಾ ಥಾ ತುನೆ ದೆಕಾಲೊ ತುನೆ ದೆಕಿನ ಸುದ್ರಸ.

ಝಾಡ ವರಿ ಫಲ

(ಮತ್ತಾಯ 7:17-20; 12:34-35)

43 ಚೊಕು ರೂಡ ಕೆಟ್ಟ ಫಲ ದೆತು ನೈ, ತಿನಾಲಿಂಗತಜ್ಜ ಕೆಟ್ಟ ರೂಡ ಚೊಕು ಫಲ ದೆತು ನೈ.

44 ಹರಿ ಯಕ್ಕ ರೂಡ ತೆ ದಿವಾನಾ ಫಲಕ್ಕು ತಿನೆ ವಳಕಸ, ಮನಕ್ಕೊ ಕಾಟಾವೊನಾ ರೂಡಮಾ ಉಂಬೊನು ಫಲ ನೈತೊ ದ್ರಾಕ್ಷಿಯೊ ಹುಟ್ಟತ್ತೊ ನೈ.

45 ಚೊಕು ಮನಸ ರ್ವಯಲವಾಲಾನಾ ಚೊಕಿಯೊ ಸಂಗತಿಯೊ ಲಾವಸ. ಮನಸ್ಸಾ ಚೊಕು ರ್ವಯಲಜ್ಜ ಮ್ಹೊಡಾತು ಆವಸ. ವರಿ ಕೆಟ್ಟ ರ್ವಯಲ ಮನಕ್ಕನಾ ಮನಸ್ಸಾರ್ವಯಲಜ್ಜ ಮ್ಹೊಡಾತು ಕೆಟ್ಟ ಆವಸ.

ಬೆ ಜನಾ ಘರ ಭಾಂದಾಲಾ
(ಮತ್ತಾಯ 7:24-27)

46 ಎನ್ನೆಸೊ ತುಮೆ ಮನೆ ಸ್ವಾಮಿ-ಸ್ವಾಮಿ, ಕೈನ ಬಲೈನ ಮಿ ಕವಾನು ಕಾ ನೈ ಕರತಾ?

47 ಮಕನ ಐನ ಮಾರಿಯೊ ವಾತೊ ಐಕಿನ, ತಿನಾ ಲಿಂಗತ ಚಾಲಾಲೊ ತೆ ಕೆವೊ ವ್ಹೈ ಕೈನ ಮಿ ತುಮೊನೆ ಕೌಸ.

48 ತೆ ಘರ ಭಾಂದಾಲಾ ಲಿಂಗತ ಟೆ. ತೆ ಘನ್ನಿ ಉಂಡಿ ಖಾಡಿ ಖಂದಿನ ಫಾಯಾ ಫಾಲಿನ ದಗಡಾಪರ ಘರ ಭಾಂದಲ ಲಿಂಗತ ತೆ ಮನಕ್ಕ ರ್ವವಸ. ಕೆಕ್ಕಲು ಜೊರ ನದಿನು ಪಾನಿ ಐನ ತೆ ಘರನೆ ಪಾನಿ ಲಾಗ್ಯತಬಿ ತಿನೆ ಸುಜ್ಜ ಥಯುನೈ ಕಾಕದ್ಯಾಮ ತೆ ಘರ ದಗ್ಡಾಪರ ಭಾಂದಲ ವ್ಹೈ.

49 ತೆನ್ನೆಸೊ ಮಾರಿಯೊ ವಾತೊ ಐಕಿನ ತಿನಾಲಿಂಗತ ನೈ ಚಾಲಾಲೊ ಉಂಡಿ ಫಾಯಾ ನೈ ರ್ವಯಲ ಲಿಂಗತ ಕ್ಹಾಲಿ ಜಿಮಿನ್ವರ ಭಾಂದಲವಾಲಾ ಲಿಂಗತ ರ್ವವಸ, ತೆ ನದಿನು ಪಾನಿ ತೆ ಘರನೆ ಲಾಗ್ಯಮ ತೆ ಘರ ಭೆಗಿನ ಪಡಿಜಾವಸ"

7

ಯೆಸು ಶತಾದಿಪತಿನಾ ಆಳನೆ ಅರಾಮ ಕರಲ
(ಮತ್ತಾಯ 8:5-13; ಯೊಹಾನ 4:43-54)

¹ ಯೆಸು ಮನಕ್ಕೊನೆ ಎ ಕ್ಹಾರಿಯೊ ವಾತೊ ಕೈನ ಮುಗ್ಸಲ್ವರ ಕಪೆನೌಮಿಯೆ ಕವಾನಾ ಗಾಮೆ ಆಯೊ.

2 ತ್ಯಾಯಕ್ಕೊ ರೊಮನ್ನೊ ಸೆನಾದಿಪತಿ ವ್ಹತ್ತೊ. ಸೆನಾದಿಪತಿ ಮಯಾ ರ್ಹಯಲವಾಲೊ ಯಕ್ಕೊ ಆಳ ಅರಾಮ ನೈಸೊ ಮರವಾನಿ ಸ್ತಿತಿಮಾ ವ್ಹತ್ತೊ.

3 ತೆ ಶೆತಾದಿಪತಿ ಯೆಸುನಿ ಸುದ್ದಿ ಐಕಿನ, ತಿಕನ ರ್ಹಯಲ ಯಹುದ್ಯೊನಾ ನಾಯಕೊನೆ ಯೆಸುಕನ ಮೊಕ್ಕಿನ ತಿನಾ ಸೆವಕನೆ ಅರಾಮ ಕರ ಕೈನ ಮಾಂಗಿಲಿದ್ಯೊ.

4 ತೆ ಯಹುದ್ಯೊನಾ ನಾಯಕೊ ಯೆಸುಕನ ಐನ "ಎ ತಾರೊ ಆಶಿರ್ವಾದ ಹೊಂದಾನೆ ಎ ಸೆನಾದಿಪತಿ ಯೊಗ್ಯೆ"

5 ಕಾಕದ್ಯಾಮ ತೆ ಅಪ್ಪಾ ಮನಕ್ಕೊನೆ ಮಯಾ ಕರಸ ವರಿ ಹಮಾರಾ ಹುತಿ ಸಭಾಮಂದಿರ ಭಾಂದಿನ ದಿದ್ಯೊಸ "ಕೈನ ಘನ್ನಾ ಮಾಂಗಿಲಿದ್ಯಾ.

6 ತಿನಾಹುತಿ ಯೆಸು ತಿವ್ವಾ ಕ್ಹಾತೆ ಫಾಲ್ಯೊ. ಯೆಸು ಘರಕನ್ನಾ ನಜಿಕ ಆತಾಮಾ, ತೆ ಅದಿಕಾರಿ ತಿನಾ ಸೆವಕನೆ ಮೊಕ್ಕಿನ ಯೆಸುನೆ "ಸ್ವಾಮಿ ತು ಮಾರಾ ಘರೆ ಆವಾಯ್ಲಿ ಮಾರಿ ಯೊಗ್ಯೆತೆ ನತ್ತಿ.

7 ತುಕನ ಆವಾನಿ ಯಕ್ಲಿಬಿ ಮನೆ ಯೊಗ್ಯೆತೆ ನತ್ತಿ. ತು ನ್ಹ್ಯಾಂತೊಜ್ಜ ಯಕ್ಲ ಅಪ್ಪಣೆ ದಿದ್ಯೊಮ ಬಸ, ಮಾರೊ ಯಕ್ಲ ಸೆವಕ ಅರಾಮ ಥಾವಸ.

8 ತಾರೊ ಯಕ್ಲ ಅದಿಕಾರ ಮಿ ತಿಳದಿಲಿದ್ಯೊಸ. ಮಿಬಿ ಬಿಜೆಕ್ಲಾನಾ ಅದಿಕಾರಿನಾ ಹತ್ಮಾ ಲೆ, ಮಾರಾ ಹತಮಾ ಸೈನಿಕೊ ಲೆ, ಮಿಬಿ ಯಕ್ಲ ಸೈನಿಕನೆ ಜಾ ಕದ್ಯಾಮ ತೆ ಜಾವಸ, ವರಿ ಯಕ್ಲಾನೆ ಆ ಕದ್ಯಾಮ ತೆ ಆವಸ. ಮಾರಾ ಆಳನೆ, ಆ ಕರ ಕದ್ಯಾಮ ಮನೆ ತೆ ವಿಧೆಯ ಥಾವಸ "ಕೈನ ಯೆಸುಕನ ಕೆ ಕೈನ ತಿನಾ ಆಳನೆ ಮೊಕಲ್ಯೊ.

9 ಯೆಸು ಎ ವಾತೊ ಐಕಿನ ಫಾಬ್ರೊ ಥೈನ ತಿನಾ ಪಾಫಾ ಆಯಲ ಮನಕ್ಕೊನೆ ದೆಕಿನ"ಅಕ್ಕೊ ಮೊಟ್ಟೊ ಬರೊಕ್ಕೊ ರ್ಹಯಲ ಮನಕ್ಹನೆ ಮಿ ಇಸ್ರಾಯಲನಾ ಮನಕ್ಕೊಮಾಬಿ ದೆಕ್ಕೊ ನತ್ತಿ "ಕದ್ಯೊ.

10 ತೆ ಮೊಕ್ಕಲಲ ಮನಕ್ಕೊ ಯೆಸು ಕಂತಾ ಫರಿನ ಜಾತಾಮಾ ತಿನಾ ಆಳನೆ ಅರಾಮ ಥಯಲ ದೆಕ್ಕಾ.

ಯೆಸು ರಾಂಡಿನಾ ದಿಕ್ಲಾನೆ ಜಲಮ ದಿದಲ

11 ಮರ್ನಾ ದಿನ್ನೆ ಯೆಸು ನಾಯಿನ ಕವಾನಾ ಗಾಮೆ ಚಾಲ್ಯಾತಾ, ಯೆಸುನಾ ಶಿಷ್ಯಾ ವರಿ ಮನಕ್ಲೊನು ಗುಂಪಬಿ ಚಾಲ್ಯಾತಾ.

12 ಯೆಸು ತೆ ಗಾಮ್ನಾ ನಜಿಕ ಆತಾಮಾ, ಮರಿಗಯಲ ಯಕ್ಲಾನೆ ಮಜಾರಮಾ ಮ್ಹೆಲಾನೆ ತಿನೆ ಉಚ್ಚೆಲಿನ ಚಾಲ್ಯಾತಾ,ವರಿ ತೆ ರಾಂಡಿ ಬಾಕಡಿನೆ ಯಕ್ಲೊಚ್ಚ ದಿಕ್ರೊ ವ್ಹತ್ತೊ. ತ್ಯುನಾ ಪಾಚು ಮನಕ್ಲೊನು ಮ್ಹೆಟ್ಟು ಗುಂಪಬಿ ವ್ಹತ್ತು.

13 ಯೆಸು ತೆ ರಾಂಡಿ ಬಾಕಡಿನೆ ದೆಕಿನ ತಿನೆ ಮರಗಿನ"ರೌ ನಕೊ "ಕದ್ಯೊ.

14 ಯೆಸು ಮ್ಹಾಡಕನ ನಜಿಕ ಗೈನ ತೆ ಮ್ಹಾಡನೆ ಮುಟ್ಕಾಮಾ ತೆ ಮ್ಹಾಡನೆ ಉಚ್ಚೆಲಿದಲವಾಲಾ ಹುಬ್ರಯಾ. ತೆಳಾಮಾ ಯೆಸು ಮರವಾಲಾನೆ ಎ ಜಾಂಜಿಮಾನ ಪಟ್ನಾ ಉಟ್ಟ ಮಿ ತುನೆ ಕೌಸ. ಕದ್ಯೊ.

15 ಕದಲ ಬರೊಬ್ಬರ ಮರಲವಾಲೊ ಉಟಿನ ಬೈಟ್ಕೊ ವರಿ ಬೊಲಾನೆ ಚಾಲು ಕರನ್ಯೊ ಯೆಸು ತೆ ಪಟ್ನಾನೆ ತಿನಿ ಮಾ ಕನ ವಪ್ಪೊ.

16 ಕ್ಹಾರಾ ಮನಕ್ಲೊ ಭುಚ್ಚಾವರಕ್ಹಾ ಧೈನ ಕ್ಹುದಾನೆ ಸ್ತುತಿ ಕರತಾ, ಮ್ಹೊಟೊ ಪ್ರವಾದಿ ಅಪೊಕನ ಆಯೊಸ! ಕ್ಹುದಾ ತಿನಾ ಮನಕ್ಲೊನೆ ವಚ್ಚಾಡಾನಾ ಹುತಿ ಆಯೊಸ.

17 ಯೆಸು ಎ ಕ್ಹಾರು ಕರಲ ಸುದ್ದಿ ಯುದಾಯಮಾಬಿ ವರಿ ಸುತ್ತೆ ರ್ಹಯಲ ಕ್ಹಾರಾ ಗಾಮೊಮಾ ಪ್ಹೆಲಿ ಗೈ.

ಯೆಸು ವರಿ ಬಾಪ್ತಿಸ್ಮಾ ದಿಲಾವಾಲೊ ಥಯಲ ಯೊಹಾನ

(ಮತ್ತಾಯ 11:2-19)

18 ಯೊಹಾನನಾ ಶಿಷ್ಯಾ ಯೆಸುನಿ ಎ ಕ್ಹಾರಿ ಸುದ್ದಿ ಯೊಹಾನನೆ ಕದ್ಯಾ.

19 ಯೊಹಾನ ತಿನಾ ಶಿಷ್ಯಾವೊಮಾನಾ ಬೆ ಚನಾವೊನೆ ಬಲ್ತೆನ "ಆವಾನೊ ರ್ಹಯಲ ಮಸಿಹಾ ತುಚ್ಚ ವ್ಹೆಸು ನೈತೊ ಬಿಚ್ಚೊ ವ್ಹೆಸು ತೆ ಆವಾನಾ ಹುತಿ ಹಮೆ ಕೈದಿಸು? ಕೈನ ಪುಚ್ಚಾಹುತಿ ಯೆಸುಕನ ತಿನಾ ಶಿಷ್ಯಾವೊನೆ ಮೊಕಲ್ಯೊ.

20 ತಿನಾ ಹುತಿ ಯೊಹಾನನಾ ಶಿಷ್ಯಾ ಯೆಸುಕನ ಐನ "ಆವಾನೊ ರ್ಹಯಲ ಮಸಿಹಾ ತುಚ್ಚ ವ್ಹೆಸು ಸು ಬಿಚ್ಚಾನೆ ಹಮೆ ಕೈದಿಯೆ? ಕೈನ

ಬಾಪ್ತಿಸ್ಮ ದಿಲಾವಾಲೊ ಯೊಹಾನ ತುನೆ ಪುಚ್ಚ ಕೈನ ಹಮೊನೆ ತುಕನ ಮೊಕ್ಕಲೊಸ"

21 ತೆಜ್ಜ ಟೈಮಾ ಯೆಸು ಘನ್ನಾ ಜನಾವೊನೆ ರೊಗ ರ್ಡಯಲವಾಲಾವೊನಾ ಕೆಟ್ಟ ಆತ್ಮಾರ್ಡಯಲವಾಲಾವೊನಾ ಛೊಡೈನ ಆರಾಮ ಕರ್ರೊ ವರಿ ಘನ್ನಾ ಮನಕ್ಕೊನೆ ಕುಡ್ಡಾವೊನೆ ದಿಕ್ಲಾ ವರಕ್ಕು ಕರ್ರೊ

22 ಇಮ್ಮರ್ಡತಾಮಾ ಯೆಸು ಯೊಹಾನನಾ ಶಿಷ್ಯಾವೊನೆ ತಿಳಸಾ ಹುತಿ "ತುಮೆ ಗೈನ ದೆಕಲ ಎಕ್ಲಾರು ಯೊಹಾನನೆ ಕವೊ. ಕುಡ್ಡಾವೊನೆ ಡೊಳಾ ಆವಸ ಲಂಗ್ಡಾ ರ್ಡಯಲ ವಾಲಾ ಚಾಲಸ ಕುಷ್ಟ ರೊಗಿಯೊ ಚೊಕಾ ಥಾವಸ. ಕುಡ್ಡಾರ್ಡಯಲ ವಾಲಾ ಐಕಸ. ಮರಲವಾಲಾ ವಾಚಸ. ಗರಿಬೊನೆ ಸುವಾರ್ತೆ ಕವಸ.

23 ವರಿ ಮಾರಾ ಹುತಿ ಸಂಶೊ ನೈ ಕರಲವಾಲೊ ಧನೈ ವ್ಹೈ" ಕೈನ ಮೊಕ್ಕಲೊ

24 ಯೊಹಾನನಾ ಶಿಷ್ಯಾಗಯಲ್ಪರ, ಯೆಸು ಮನಕ್ಕೊನೆ ಯೊಹಾನನಾ ಹುತಿ ಕವಾನು ಚಾಲು ಕರ್ರೊ"ಸು ತುಮೆ ದೆಕಾನೆ ರಾನ್ಮಾ ಗಯಾತಾ? ವಾರಾ ಕ್ಕುಹಲ್ಲನೊ ಧಾಂಡೊಸು?

25 ತುಮೆ ಭಾರಾ ಸು ದೆಕಾನೆ ಗಯಾತಾ? ನರಮ ವಣ್ಣಾ ಘಾಲ್ಲಿನ ಹುಬ್ರಯಲ ಮನಕ್ಕನೆ ಸು? ನೈ ನರಮ ವರಿ ಚೊಕಾ ವಣ್ಣಾ ಘಾಲ್ಲಿದಲ ವಾಲಾ ಮೊಟ್ಟಾ-ಮೊಟ್ಟಾ ಘರೊಮಾ ರ್ಡವಸ.

26 ಮನೆ ಕವೊ, ತುಮೆ ಭಾರಾ ಸು ದೆಕಾನೆ ಗಯಾತಾ? ಪ್ರವಾದಿನೆ ಸು? ಹೊ ಮಿ ತುಮೊನೆ ಸು ಕೌಸ ಕದ್ಯಾಮ, ಯೊಹಾನ ಪ್ರವಾದಿ ತಿಬಿ ಮೊಟ್ಟೊ ವ್ಹೈ

27 ದೆಕ! ಮಿ ಕ್ಕುದಾ ಮಾರಾ ದುತನೆ ತಾರಾ ಕ್ಕಾಮೊ ಮೊಕ್ಕಲುಸ. ತೆ ತಾರಾ ಹುತಿ ವಾಟೆ ತಯ್ಯಾರ ಕರಸ (ಮಲಾಕಿ 3:1) ಕೈನ ಯೊಹಾನನಾ ಹುತಿ ಬರ್ದ್ಯಾಸ.

28 ಮಿ ತುಮೊನೆ ಕೌಸ,ಎ ಜಗತ್ಮಾ ಹುಟ್ಟಲ ಮನಕ್ಕೊಮಾ ಯೊಹಾನಜ್ಜ ಮೊಟ್ಟೊ ವ್ಹೈ ವರಿಬಿ ಕ್ಕುದಾನಿ ರಾಜ್ಯಮಾ ನ್ಹಾನೊಬಿ

ಯೋಹಾನತೊಬಿ ಮೊಟ್ಟೊ ವ್ಹೈ "ಕದ್ಯೊ.

29 ಯೋಹಾನ ಉಪದೆಶ ಕರತಾಮಾ ಕ್ಹುದಾನಿಯೊ ವಾತೊ ಮನಕ್ಹೊ ಸ್ವಿಕಾರ ಕರ್ಯಾ ಭು ಭಾಡೊಲಿವಾಲಾ ಸ್ವಿಕಾರ ಕರ್ಯಾ ಇವ್ಹೆ ಕ್ಹಾರಾ ಯೋಹಾನನಾ ಹತೆ ಬಾಪ್ತಿಸ್ಮ ಕರೈಲಿದ್ಯಾ.

30 ವರಿ ಫರಿಸಾಯರೊ ಶಾಸ್ತ್ರಿಯೊ ತಿನಾ ಹತೆ ಬಾಪ್ತಿಸ್ಮ ಕರೈಲಿದ್ಯಾ ವಾಚಿ ತ್ಯುನಿ ವಿಚಾರಮಾ ಕ್ಹುದಾನಿ ನಿಯಮನೆ ಇನ್ಕಾರ್ಯಾ.

31 ಇಮ್ಮ ರ್ತತಾಮಾ ಯೆಸು ಎ ಕಾಲನಾ ಮನಕ್ಹೊ ಕಿನೆ ಹೊಲ್ಸು? ತ್ಯುನೆ ಕಿನೆ ಹೊಂದಾಣಕಿ ಥಾವಸ?

32 ತ್ಯುನೆ ಬಾಙರೊಮಾ ಬೈಟಲ ಬಚ್ಚಾಲಿಂಗತ ತಮಾರಾ ಹುತಿ ಪಿಂಗಿ ವಙ್ಚಾ ತುಮೆ ನಾಚ್ಯಾ ನೈ ಮರಲ ಗಿದ್ದ ಕದ್ಯಾ ತುಮೆ ರೊಯಾ ನೈ.

33 ಬಾಪ್ತಿಸ್ಮ ದಿಲಾವಾಲೊ ಯೋಹಾನ ಆಯೊ. ತೆ ಬಿಜಾವೊಲಿಂಗತ ಅನ್ನ ಖಾದ್ಯೊ ನೈ ವರಿ ದ್ರಾಕ್ಷಿಯೊನು ರಕ್ತ ಪಿದ್ಯೊ ನೈ. ತುಮೆ-ತಿನೆ ಕೆಟ್ಟ ಆತ್ಮಾ ಧರಿಸ ಕೈನ ಕವೊಸಿ.

34 ಮನಕ್ಹನೊ ದಿಕ್ರೊ ಆಯೊಸ ವರಿ ತೆ ಅನ್ನ ಖಾವಸ, ದ್ರಾಕ್ಷಿಯೊನು ರಕ್ತ ಪಿವಸ. ತುಮೆ ಕದ್ಯಾ ದೆಕೊ! ಆ ಘನ್ನು ಖಾವಸ, ವರಿ ಪಿದೊಡೊ ವ್ಹೈ ದೊಕಡಾ ಲಿವಾಲಾ ವರಿ ಪಾಪಿಯೊನೊ ದೊಸ್ತೊ ವ್ಹೈ ಕೈನ ಕವೊಸಿ.

35 ಕ್ಹುದಾನಿ ಗ್ಯಾನನೆ ವಪ್ಪಿಲಿದಲವಾಲಾ ಬಚ್ಚಾವೊಕ್ಹು ಕ್ಹರಿ ಕೈನ ದಿಕ್ಹಸ.

ಫರಿಸಾಯರ ಥಯಲ ಸಿಮೊನನ ಘರಮಾ ಯೆಸು.

36 ಪರಿಸಾಯರಮಾನೊ ಯಕ್ಹ ಮನ್ಹಖ ಯೆಸುನೆ ಖಾವಾನೆ ಬಲಾಯೊ ಯೆಸು ತಿನಾ ಘರೆ ಗೈನ ಖಾವಾನೆ ಬೈಟ್ಸೊ.

37 ತೆಳಾಮ ತೆ ಗಾಮಮಾ ರ್ಡಯಲ ಯಕ್ಹ ವ್ಯಬಿಚಾರ ಕರಾಲಿ ಹೆಣ ಮನ್ಹಖ ಯೆಸು ಫರಿಸಾಯರನಾ ಘರಮಾ ಅನ್ನ ಖಾವಾಡ್ಯೊಸ ಕೈನ ತಿನೆ ಗ್ವತ್ತ ಥಯು. ತಿನಾಹುತಿ ತೆ ಹೆಣ ಮನಕ್ಹ ಭರಣಿಮಾ ಬಾಸುನು ತೆಲ ಲೈ.

38 ತೆ ಹೆಣ ಮನಕ್ಹ ಯೆಸು ಕನ ಐನ ತಿನಾ ಪಗೊಕನ ಬೈಟಿನ ರೊತಿ ತಿನಾ ಡೊಳಾಮಾನು ಪಾನಿ ಯೆಸುನಾ ಪಗೊ ಭಿಂಜೈನ ವರಿ ತಿನಾ ಮಾತಾನಾ ಬಾಲೊಕ್ಹು ಯೆಸುನಾ ಪಗೊ ನುಚ್ಚಿನ ವರಿ ತೆ ಹೆಣ ಮನಕ್ಹ ತಿನಾ ಪಗೊನೆ ಮಟ್ಟಿಲಿನ ತೆಲ ಪಗೊಮಾ ರಿಚ್ಚೆಪಾಡಿ.

39 ಯೆಸುನೆ ತಿನಾ ಘರೆ ಖಾವಾನೆ ಬಲಾಯಲ ಫರಿಸಾಯರ ಎ ಕ್ಹಾರು ದೆಕಿನ ತಿನಾ ಮನಸ್ಸಾಯೆಸು ಪ್ರವಾದಿ ರ್ಹಾಯಲ ರ್ಹಾಯೊಮ, ತಿನೆ ಮುಟ್ಟಾಲಿ ತೆ ಹೆಣ ಮನಕ್ಹನೆ ಪಾಪಿ ವ್ಹೈ ಕೈನ ತಿಳದಿಲೆತೊತೊ "ಕೈನ ಕೈಲಿದ್ಯೊ

40 ತೆ ವಾತೆ ಯೆಸು ಫರಿಸಾಯರನೆ"ಸಿಮೊನ ಮಿ ತುನೆ ಯಕ್ಕ ವಾತ ಕೌ ಕೈನ ಲೆ ಕದ್ಯೊ ತೆಳಾಮಾ ಸಿಮೊನ ಯೆಸುನೆ "ಗುರು ಕೆ "ಕದ್ಯೊ

41 ತೆಳಾಮಾ ಯೆಸು ಕದ್ಯೊ ಬೆ ಜನಾ ಮನಕ್ಹೊ ವ್ಹತ್ತಾ. ತ್ಯುನೆ ಯಕ್ಕಜ ಸೌಕಾರಕನ ಸಾಲಾ ಲಿದ್ಯಾತಾ, ತಿಮಾನೊ ಯಕ್ಲೊ ಪಾಂಚ್ ಕ್ಹೊ ರುಪ್ಪಾನಾ ಬಿಲ್ಲಾ ಲಿದ್ಯೊತೊ ವರಿ ಯಕ್ಲೊ ಐವತ್ತ ರುಪ್ಪಾನಾ ಬಿಲ್ಲಾ ಲಿದ್ಯೊತೊ.

42 ತ್ಯುನೊಕನ ಸಾಲಾ ವಾಪಸ ದಿವಾನೆ ಸುಜ್ಜ ನ್ಹೊತಾ. ತೆಳಾಮಾ ತ್ಯುನೊನೆ ಸಾಲಾ ದಿದಲ ವಾಲೊ ಸೌಕಾರ ತ್ಯುನೊನೆ ಕದ್ಯೊ ತುಮೆ ಸಾಲಾ ವಾಪಸ ದಿವೊನಕೊ ಕದ್ಯೊ ತೆಳಾಮಾ ಯೆಸು ಸಿಮೊನನೆ ಪುಚ್ಚೊ ತೆ ಬೆ ಜನಾವೊಮಾ ಕುನ್ನ ಸೌಕಾರನೆ ಹೆಚ್ಚಿ ಮಯಾ ಕರಸ ಕೈನ ಪುಚ್ಚೊ

43 ಸಿಮೊನ ಯೆಸುನೆ "ಹೆಚ್ಚಿ ಸಾಲಾ ಲಿದಲವಾಲೊ "ಕೈನ ಕದ್ಯೊ ಯೆಸು ಸಿಮೊನನೆ "ತು ಕರೆಟ್ಟ ಕದ್ಯೊ "ಕೈನ ಕವಸ.

44 ತೆ ಥಯಲ್ಪರ ಯೆಸು ತೆ ಬಾಕಡಿಕನ ದೆಕಿನ ಸಿಮೊನನೆ"ಆ ಬಾಕ್ಸಿ ದಿಕ್ಹಾಡಿಸು? ಮಿ ತಾರಾ ಘರಮಾ ಆತಾಮಾ ತು ಮಾರಾ ಪಗೊ ಧವಾನೆ ಪಾನಿ ದಿದ್ಯೊ ನೈ ಆ ಬಾಕಡಿತೊ ರೊಯಿನ ತಿನಾ ಡೊಲಾಮಾನು ಪಾನಿಕ್ಹು ಮಾರಾ ಪಗೊ ಧ್ವಯಿನ ತಿನಾ ಮಾತಾನಾ ಬಾಲೊಕ್ಹು ಮಾರಾ ಪಗೊ ನುಚ್ಚಿಸ.

45 ತು ಮನೆ ಯಕ್ಕಬಿ ಮಟ್ಟಲಿದ್ಯೊ ನೈ ಆ ತೊ ಮಾರಾ ಪಗೊನೆ ಮಟ್ಟಲಿವಾನು ಛೊಡಿ ನೈ

46 ತುತೊ ಮಾರಾ ಮಾತೆ ತೆಲ ಲಗಾಡ್ಯೊ ನೈ ಆ ತೊ ಮಾರಾ ಪಗೊನೆ ಬಾಸನು ತೆಲ ಲಗಾಡಿಸ.

47 ತಿನಾ ಹುತಿ ಮಿ ತುಮೊನೆ ಕೌಸ, ಆ ದೆಕಾಡಲ ಘನ್ನಿ ಮಯಾಕ್ಹು

ಅನಾ ಪುರಾ ಪಾಪೋ ಮಾಫ ಥಯಾ. ಕಾಕದ್ಯಾಮ ಆ ಘನ್ನು ಮಯಾ ದೆಕಾಡಿಸ. ಕೈನ ಕದ್ಯೊ.

48 ತೆ ಥಯಲ್ಪರ ಯೆಸು ತೆ ಬಾಕಡಿನೆ "ತಾರಾ ಪಾಪೋ ಮಾಫ ಥಯಾಸ "ಕೈನ ಕದ್ಯೊ.

49 ಖಾವಾನೆ ಬೈಟಲವಾಲಾ ಮನ್ವಖೊ "ಆ ತಿನೆ ತೆ ಸು ಕೈನ ತಿಳಿದಿಲ್ದೊಸ? ಪಾಪೋನೆ ಮಾಫ ಕರಾನೆ ಅಕನ ಕಿಮ ಸಾಧ್ಯ ಟೆ? ಕೈನ ತಿವ್ವಾ ತಿವ್ವಾಮಾಙ ಬೊಲ್ಲಿವಾಡ್ಯಾತಾ.

50 ಯೆಸು ತೆ ಬಾಕಡಿನೆ "ತಾರೊ ಬರೊಕ್ಕೊಜ್ಜ ತುನೆ ರಕ್ಷಣೆ ಮಳ್ಳುಸ ಸಮಾಧಾನ ಕ್ಕುಜಾ.

8

ಯೆಸುನೆ ಸೆವೆ ಕರಲ

1 ಎ ಥಯಲಪರ, ಯೆಸು ಭೊದನೆ ವರಿ ಕ್ಹದಾನಿ ರಾಜ್ಯನ ಹುತಿ ಮನಕ್ಹೊನೆ ತಿಳಸಾತೊ ಖೆಡಾವೊಪರ ಗಾಮೊಪರ ಗಯೊ ವರಿ ತಿನಾ ಕ್ಹಾತೆ 12 ಶಿಷ್ಯಾ ವ್ಹತ್ತಾ.

2 ದಕ್ಲಿಯೊ ಹೆಣ ಮನಕ್ಹೊ ಯೆಸುನಾ ಕ್ಹಾತೆ ವ್ಹತ್ತಿಯೊ. ತೆ ಹೆಣ ಮನಕ್ಹೊಮಾ ರ್ಹಯಲ ರೊಗೊಕ್ಕೊ ಅರಾಮ ಕರೊತೊ ವರಿ ದಕ್ಲಿಯೊ ಹೆಣ ಮನಕ್ಹೊನೆ ತಿವ್ವೊಮಾ ರ್ಹಯಲ ಕೆಟ್ಟ ಆತ್ಮಾಕ್ಹು ಲೊಡಾಯೊತೊ. ಎ ಹೆಣ ಮನಕ್ಹೊಮಾನಿ ಯಕ್ಲಿನು ನಾಮ ಮರಿಯಳ ವ್ಹತ್ತು. ತೆ ಮಗ್ದಲ ಗಾಮ ವಾಲಿ ವ್ಹತ್ತಿ. ಯೆಸು ತಿನಾ ಅಂಗಮಾತೊ ಕ್ಹಾತ ಕೆಟ್ಟ ಆತ್ಮಾ ಲೊಡಾಯೊತೊ.

3 ತೆನ್ನೆಸೊ ಹೆರೊದನಾ ರಾಜ್ಯಮಾ ಅಧಿಕಾರಿ ಥಯಲ ಕುಙನನಿ ಬೈಕೊ ಯೊಹಾನಳ, ಸುಸನ್ನಳ ವರಿ ಬಿಜಿಯೊ ಘನಿಯೊ ಹೆಣ ಮನಕ್ಹೊ ವ್ಹತ್ತಿಯೊ ವರಿ ತೆ ಹೆಣ ಮನಕ್ಹೊ ತಿವ್ವಾ ಸ್ವಂತ ದೊಕಡಾಕ್ಹು ಯೆಸುನೆ ವರಿ ತಿನಾ ಶಿಷ್ಯಾವೊನೆ ಸಹಾಯಾ ಕರತಿಯೊ.

ಬಿಯ್ಯಾ ಬಿತ್ತಾಲಾನಿ ಸಾಮ್ಯ

(ಮತ್ತಾಯ 13:1-17; ಮಾರ್ಕ 4:1-12)

4 ಬಿಜಾ-ಬಿಜಾ ಗಾಮ್ತಾ ಘನ್ನಾ ಮನಕ್ಲೊ ಯೆಸುಕನ ಗುಂಪ ಥೈನ ಆತಾಮಾ ತೆ ತ್ಯುನೊನೆ ಯಕ್ಕ ಸಾಮ್ಯ ಕದ್ಲೊ.

5 "ಯಕ್ಲೊ ರೈತ ಬಿಯ್ಯಾ ಬಿತ್ತಾನಾ ಹುತಿ ತಿನಾ ಖೆರೆತೆಗಯೊ ತೆ ಬಿಯ್ಯಾ ಖೆತರಮಾ ನಾಕ್ಕತಾಮಾ ದಕ್ಲಾ ಬಿಯ್ಯಾ ಮನಕ್ಲೊ ಫರಾನಿ ವಾಟ್ಕಾ ಪಡ್ಯಾ ತೆ ಬಿಯ್ಯಾವೊನೆ ಮನಕ್ಲೊ ಖುಂದಿಪಾಡ್ಯಾ. ವರಿ ಹಬಾಳಮಾ ಉಡಾನಿಯೊ ಪಕ್ಷಿಯೊ ಐನ ತೆ ಬಿಯ್ಯಾ ಖೈಪಾಡಿಯೊ.

6 ಬಿಜಾ ದಕ್ಲಾ ಬಿಯ್ಯಾ ಮಾತಿ ಕಮ ರ್ಲಯಲ ದಗ್ಡಾವೊಪರ ಪಡ್ಯಾ ತೆ ಬಿಯ್ಯಾ ಬೆಳದ್ಯಾ ವರಿ ಪಾನಿ ನೈಸೊಕ್ಕು ಕುಕ್ಕೆ ಗಯಾ.

7 ವರಿ ದಕ್ಲಾ ಬಿಯ್ಯಾ ಕಾಟಾವೊನಿಯೊ ಕಂಟಿಯೊನಾ ಝಾಡೊಮಾ ಪಡ್ಯಾ ತೆ ಬಿಯ್ಯಾವೊನಾ ಕ್ಲಾತೆ ಕಾಟಾವೊನಾ ಝಾಡೊ ಬೆಳ್ಳಿನ ತೆ ಬಿಯ್ಯಾವೊನೆ ಬೆಳ್ಳಾದೆ ದಿದ್ಯಾ ನೈ ಝಾಕಿ ಪಾಡ್ಯಾ.

8 ವರಿ ದಕ್ಲಾ ಬಿಯ್ಯಾ ಚೊಕಿ ಜಿಮಿನ್ವರ ಪಡ್ಯಾ ತೆ ಬೆಳ್ಳಿನ ಕ್ಲೊ ಯಕ್ಲಾ ಫಲ ದಿದ್ಯಾ "ಎ ವಾತೊ ಕೈನ ಯೆಸು "ಐಕಾನೆ ಕಾನೊ ರ್ಲಯಲ ವಾಲೊ ಐಕಾದೆ "ಕೈನ ಕದ್ಲೊ.

9 ಯೆಸುನಾ ಶಿಷ್ಯಾ "ಎ ಸಾಮ್ಯನು ಮತ್ಲಬ ಸುವೈ? ಕೈನ ಯೆಸುನೆ ಪುಚ್ಚಾ.

10 ಯೆಸು, ತ್ಯುನೊನೆ "ಕ್ಲುದಾನಿ ರಾಜ್ಯನಿ ಗುಟ್ಟು ತುಮೆ ತಿಳದಿಲಿವಾದೆ ಕೈನ ಗ್ಯಾನ ತುಮೊನೆ ದಿದ್ಯಾಸ. ಬಿಜಾ ಮನಕ್ಲೊನೆ ಮಿ ಕಾನಿಕ್ಲುಬೊಲುಸ, ಕಾಕದ್ಯಾಮ, ತ್ಯುನೆ ದೆಕ್ಯಾತಬಿ ದಿಕ್ಲತು ನೈ ಐಕ್ಯಾತಬಿ ತಿಳ್ವಲಿತಾ ನೈ.

ಬಿಯ್ಯಾವೊನಾ ಹುತಿ ಯೆಸು ಕದಲ

(ಮತ್ತಾಯ 13:18-23; ಮಾರ್ಕ 4:13-20)

11 "ಎ ಸಾಮ್ಯನು ಮತ್ಲಬ ಅಮ ಛಿ. ಬಿಯ್ಯಾ ಕವಾನು ಕ್ಲುದಾನಿ ವಾತ ವ್ಹೊ.

12 ವಾಟ್ಕಾ ಪಡಲ ಬಿಯ್ಯಾ ಕದ್ಯಾಮ? ಕ್ಲುದಾನಿಯೊ ವಾತೊ ಕುನ್ನ ಐಕಸ. ವರಿ ಸೈತಾನ ಐನ ತ್ಯುನಾ ಮನಸೊಮಾ ರ್ಲಯಲ ಕ್ಲುದಾನಿ

ವಾತೊ ಕಾಳ್ಳಿನ ಗೈಪಾಡ್ಲೊ ತ್ಯನೆ ಕ್ಹುದಾನಿಯೊ ವಾತೊಪರ ಬರೊಕ್ಕೊ ನೈರ್ದಯಲ ಹುತಿ ತ್ಯನೊನೆ ರಕ್ಷಣೆ ಥಾತಿ ನೈ.

13 ಕಮ ಮಾತಿ ದಗ್ಡಾಪರ ಪಡಲ ಬಿಯ್ಯಾ ಕದ್ಯಾಮ ಕುನ್ನ-ಕುನ್ನ ಕ್ಹುದಾನಿಯೊ ವಾತೊ ಖುಶಿಕ್ಹು ಐಕಿನ ತ್ಯನೊಮಾ ಬರೊಕ್ಕೊ ಕಮ ರ್ದಯಲ ಹುತಿ ತ್ಯನೊನೆ ತರಾಸ ಆಯೊಮ ತ್ಯನೆ ಕ್ಹುದಾತಿ ದುರ ಭಾವಸ.

14 ಕಾಟಾವೊನಿಯೊ ಕಂಟಿಯೊಮಾ ಪಡಲ ಬಿಯ್ಯಾ ಕದ್ಯಾಮ. ತ್ಯನೆ ತ್ಯವಾ ಮನಕ್ಲೊವ್ವೊ ದಕ್ಹಾಮನಕ್ಲೊಕ್ಹುದಾನಿಯೊ ವಾತೊ ಐಕಿಸ ವರಿ ಇವ್ವೆ ಜಗತಿನಿ ಸುಖಮಾ ವರಿ ಚಿಂತಾಮಾ, ಸೌಕಾರನಿ ಆಸಮಾ ಆಸ್ತಿನಾ ಹುತಿ ತ್ಯನೆ ತಿನೆಭ ಹೆಚ್ಚಿ ಟೈಮ ದಿನ್ನ ತ್ಯನೆ ಬೆಳತ್ತಾ ನೈ; ತ್ಯನೆ ಭೊಕು ಫಲ ದೆತಾ ನೈ.

15 ತೆನೈಸೊ ಭೊಕಿ ಜಿಮಿನ್ನರ ಪಡಲ ಬಿಯ್ಯಾ ಕದ್ಯಾಮ, ವರಿ ದಕ್ಹಾ ಜನಾ ಕ್ಹುದಾನಿಯೊ ವಾತೊ ಐಕಿನ ಭೊಕಾ ಮನಸ್ಸಾ ಮುಕ್ಕಕಿಲಿನ ತಡ್ಲಿನ ಫಲ ದಿವಸ.

ಪಲಂಗನಾ ಹೆಟೊ ಮ್ಹೆಲಲ ದಿವ್ವೊ

(ಮಾರ್ಕ 4:21-25)

16 "ಕಯೊಭ ಮನಕ್ಹ ದಿವ್ವೊ ಲಗಾಡಿನ ಸಾಮನಕ್ಹು ಝಾಕ್ಕತಾನ್ಯೆ ನೈತೊ ಪಲಂಗನಾ ಹೆಟೊ ಝಾಕಿನ ಮ್ಹೆಲ್ತಾನ್ಯೆ ಘರಮಾ ಆವಾಲಾವೊನೆ ದಿಕ್ಹಾಹುತಿ ಉಜಾಲು ಪಡಾನ ಭಗಾಭ ಮ್ಹೆಲಸ್ತೊ.

17 ಉಜಾಲಾಮಾ ಆವಾನು ಸುಭ ಗುಟ್ಟಿ ನತ್ತಿ, ವರಿ ಸುಬಿ ಝಾಕಿನ ಮ್ಹೆಲಾಮ ತೆ ಭಾರು ಆವಸ, ತುಮೆ ಸುಬಿ ಝಾಕಿನ ಮ್ಹೆಲಲ ರ್ದಯಾಮ ತೆ ತುಮೊನೆ ಮಳಸ.

18 ತಿನಾಹುತಿ ತುಮೆ ಕಿಮ ಕಾನ ದ್ಯ ದೆಕಿಲಿವೊ ಕಾಕದ್ಯಾಮ ರ್ದಯಲ ವಾಲಾನೆ ದಿವಾಲಗಾಡಸ ನೈರ್ದಯಲವಾಲಾಕಂತು ತೆ ತಿನು ವ್ಹೊಕ್ಲೆನ ಕವೈಲಿವಾನು ಕಾಳ್ಳಿವಾ ಲಗಾಡಸ.

ಯೆಸುನಿ ಯಾ ವರಿ ಭಾಯೊ

(ಮತ್ತಾಯ 12:46-50; ಮಾರ್ಕ 3:31-35)

19 ಯೆಸುನಿ ಮಾ ವರಿ ಭಾಯೊ ತೆ ರ್ವಯಲ ಜಗಾ ಐನ ಮನಕ್ವೊನು ಗುಂಪನಾ ಹುತಿ ಯೆಸುಕನ ಜಾವಾನೆ ಥಯು ನ್ಹೆ.

20 ತ್ಯಾರ್ವಯಲ ಯಕ್ಲೊತಿನೆ "ತಾರಿ ಮಾ ತಾರಾ ಭಾಯೊ ತುನೆ ದೆಕು ಕೈನ, ಭಾರಾ ಹುಬ್ರಯಾಸ "ಕದ್ಯೊ.

21 ಕತಾಮಾ ಯೆಸು ತ್ಯಾರ್ವಯಲ ಕ್ವಾರಾವೊನೆ "ಕುನ್ನ ಕ್ವದಾನಿಯೊ ವಾತೊ ಐಕಿನ ತಿನಾಲಿಂಗತ ಚಾಲಸ ತ್ಯುನೆಜ ಮನೆ ಮಾ ವರಿ ಭಾಯೊ ವ್ಹೆ "ಕದ್ಯೊ.

ಯೆಸು ತುಫಾನನೆ ಶಾಂತ ಕರಲ

(ಮತ್ತಾಯ 8:23-27; ಮಾರ್ಕ 4:35-41)

22 ಯಕ್ ದಿನ್ನ ಯೆಸು ತಿನಾ ಶಿಷ್ಯಾವೊನಾ ಕ್ವಾತೆ ಹಡ್ಗೊ ಚಡಿನ "ಅಪೆ ಸಮುಂದರನಿ ಬಿಜಿ ದಂಡಿಯೆ ಗೈಯೆ "ಕೈನ ಕದ್ಯೊ ಕತಾಮಾ ತ್ಯುನೆ ಹಡ್ಗೊ ಚಡಿನ ಗಯಾ.

23 ತ್ಯುನೆ ಸಮುಂದರಪರತಾ ಜಾತಾಮಾ ಯೆಸುನೆ ನಿಂದರ ಲಾಗಿತಿ. ತೆಕ್ಲಾಮಾಜಿ ಜೊರ ವಾರೊ ಸಮುಂದರಪರ ಚುಟ್ಟು ಹಡಗಾಮಾ ಪಾನಿ ಭರಾನು ಚಾಲು ಥಯು. ತಿಮ್ಮ ಥಯಲ ಹುತಿ ತ್ಯುನೆ ಭುಚಿಕಿನ ತ್ರಾಸಮಾ ಪಡ್ಯಾ.

24 ತಿಮ್ಮ ಧಾತಾಮಾ ಯೆಸುನಾ ಶಿಷ್ಯಾ ತ್ಯುನೆ ತಿಕನ ಐನ "ಗುರು! ಗುರು! ಅಪೆ ಡುಬಿ ಚಾಲ್ಯಾಸ" ಕೈನ ತಿನೆ ಉಟಾಡ್ಯಾ ಯೆಸು ತೆಳಾಮಾ ಉಟಿನ ವಾರಾನೆ ಪಾನಿನಾ ಧಡಕಿಯೊನೆ ಭುಚ್ಯಾಡ್ಯೊ ತೆ ಕ್ವಾರು ಶಾಂತ ಥಯು.

25 ತೆಳಾಮಾ ಯೆಸು "ತುಮಾರೊ ಬರೊಕ್ವೊಕಿಜಾ ಛಿ? ಕೈನ ತ್ಯುನೊನೆ ಪುಚ್ಯೊ.

ತೆಳಾಮಾ ಕ್ವಾರಾ ಶಿಷ್ಯಾ ಭುಚ್ಚಿನ ಘಾಬ್ರಾಥಯಾ"ಎ ಕುನ್ನ ವಸ? ಪಾನಿನೆ ವಾರಾನೆ ಅಪ್ಪಣೆ ದಿವಸ, ಎ ಕ್ವಾರು ಯೆಸು ಕದಲ ತಿಮ್ಮಜಿ ಐಕಸ್ತೊ"ತ್ಯುನೊಮಾ ತ್ಯುನೊಮಾಜಿ ಬೊಲ್ಲಿನ ಘನ್ನಾ ಘಾಬ್ರಾ ಥಯಾ;

ಕೆಟ್ಟ ಆತ್ಮಾವೊ ರ್ವಯಲ ಮನಕ್ವೆನೆ ಯೆಸು ಅರಾಮ ಕರಲ

(ಮತ್ತಾಯ 8:28-34; ಮಾರ್ಕ 5:1-20)

26 ಯೆಸು ತಿನಾ ಶಿಷ್ಯಾ ಗಲಿಲಾಯತಾ ಸಮುಂದರ ದಾಟಿನ ಗೆರೆಸಿನೆರ ಕವಾನಾ ಗಾಮೆ ಆಯಾ.

27 ಯೆಸು ಹಡಗಾಮಾತೊ ಉತರತಾಮಾ ತೆ ಗಾಮೊ ಯಕ್ಕ ಮನಕ್ಕ ಯೆಸುಕನ ಏನ ಎ ದಾಣಗಾಮಾ ಕೆಟ್ಟ ಆತ್ಮಾವ್ತಿಯೊ. ಘನ್ನಾದಿನತೊ ತೆ ವಣ್ಣಾಜ್ಜ ಫಾಲ್ಗಿದ್ಯೊ ನ್ಹೊತೊ. ತೆ ಮಜಾರೊನಿಯೊ ಗವಿಯೊಮಾ ರ್ಹೊತೊ.

28 ತೆ ದಾಣಗೊ ಯೆಸುನೆ ದೆಕಿನ ತಿನಾ ಕ್ಹಾಮೊ ಉಂದಾಗುಡ್ಕಾ ಫಾಲ್ಗಿನ ಜೊರ ಅವಾಜಕ್ಕುಯೆಸು ಪರಾತ್ಪರನಾ ದಿಕ್ರಾ ಮಾರಾಕ್ಕು ತುನೆ ಸು ಥಾವಾನು ಛಿ ಮನೆ ಮರಗಿನ ಶಿಕ್ಕಷಾದಿವು ನಕೊ" ಕೈನ ವದ್ರಯು.

29 ಕಾಕದ್ಯಾಮ ಯೆಸು ತೆ ಕೆಟ್ಟ ಆತ್ಮಾನೆ ತಿನೆ ಛೊಡಿನ ಜಾ ಕೈನ ಕದ್ಯೊ ತೆ ಕೆಟ್ಟ ಆತ್ಮಾ ಹಗ್ಗಿಲ್ಲಾ ತೆ ದಾಣಗಾನೆ ತಿನೆ ವಶ್ವಾಲೆತಿತಿ ತೆ ದಾಣಗಾನೆ ಜಿಲ್ಮಾಫಾಲಿನ ಹತೊ ಪಗೊ ಬೆಡಿಯೊಕ್ಕು ಭಾಂದ್ಯಾತಬಿ ತೆ ದಾಣಗೊ ತೆ ಕ್ಹಾರು ತೊಡಿಲಿನ ನಾಕಿಪಾಡತೊತೊ. ತಿಮಾ ರ್ಹಯಲ ಕೆಟ್ಟ ಆತ್ಮಾನೆ ಮನಕ್ಕೊ ನೈಸೊ ಜಗಾ ಜಬರದಸ್ತಿಕ್ಕು ನಿಂಜಾತುತು.

30 ಯೆಸು ತಿನೆ "ತಾರು ನಾಮ ಸುವೈ? ಕೈನ ಪುಚ್ಚೊ ತೆ "ಹಮಾರು ನಾಮ ಗುಂಪ ವ್ಹೊ "ಕದ್ಯೊ ಕಾಕದ್ಯಾಮ ತೆ ಮನಕ್ಕನಾ ಅಂಗಮಾ ಘನಿಯೊ ಕೆಟ್ಟ ಆತ್ಮಾವ್ತಿಯೊ.

31 ವರಿ ತೆ ಪುರಾ ಕೆಟ್ಟ ಆತ್ಮಾ "ಹಮೊನೆ ಪಾತಾಳಮಾ ನಕೊ ಮೊಕ್ಕಲು ಕೈನ "ಯೆಸುಕನ ಮಾಂಗಿಲಿದ್ಯಾ.

32 ತ್ಯಾ ರ್ಹಯಲ ಯಕ್ಕ ಡೊಂಗರಪರ ಥುಕ್ಕಕುರೊನು ಮ್ಹೊಟ್ಟು ಗುಂಪ ಚರಾಡುತು" ಆ ಥುಕ್ಕಕುರೊನಾ ಅಂಗಮಾ ಜಾವಾನೆ ಹಮೊನೆ ಆಗನ್ಯಾ "ದೆ ಕೈನ ತೆ ಕೆಟ್ಟ ಆತ್ಮಾವೊನು ಗುಂಪ ಮಾಂಗಿಲಿದ್ಯಾ ಯೆಸು ತೆ ಕೆಟ್ಟ ಆತ್ಮಾನಾ ಗುಂಪನೆ ಆಗನ್ಯಾದಿದ್ಯೊ.

33 ತೆಳಾಮ ತೆ ಕೆಟ್ಟ ಆತ್ಮಾನು ಗುಂಪ ತೆ ಡುಕ್ಕಕುರೊಮಾ ವ್ಹಕ್ಕಯಾ. ತೆಳಾಮಾಜ್ಜ ತೆ ಡುಕ್ಕಕುರೊನು ಗುಂಪ ತ್ಯಾ ರ್ಹಯಲ ಯಕ್ಕ ತೆಳಾಮಾ ಡುಬಿನ ಮರಿಗಯಾ.

34 ಡುಕ್ಕಕುರೊ ಚರಾವಾಲಾ ಆ ಕ್ಹಾರು ಥಯಲ ದೆಕಿನ ಪುರಾ ಗಾಮವಾಲಾವೊನೆ ಕದ್ಯಾ.

35 ತೆ ಗಾಮನಾ ಮನ್ವಖೊ ಯೆಸುನೆ ದೆಕಾನೆ ಆಯಾ. ತೆ ಕೆಟ್ಟ ಆತ್ಮಾ ಧರಲ ಮನ್ವಖ ಯೆಸುನಾ ಪಗೊಕನ ಬೈಟಲ ದೆಕ್ಯಾ ತೆ ವಣ್ಣಾ ಫಾಲಿನ, ಅರಾಮ ಧೈನ ವರಿ ಶಾಣ್ಯೊ ಧೈನ, ಕೆಟ್ಟ ಆತ್ಮಾ ತಿನೆ ಛೊಡಿನ ಗಯಾತಾ. ಆ ದೆಕಿನ ಮನ್ವಖೊನೆ ಭುಚ್ಚ ವಾಟ್ಕು.

36 ಯೆಸು ತೆ ಮನ್ವಖನೆ ಅರಾಮ ಕರಲ ತರಿಕೊ ದೆಕಲವಾಲಾ ಗಾಮನಾ ಮನ್ವಖೊನೆ ಕದ್ಯಾ.

37 ತೆ ಗಾಮನಾ ಮನ್ವಖೊ ಯೆಸುನೆ"ತು ಆ ಗಾಮ ಛೊಡಿನ ಜಾ "ಕೈನ ಮಾಂಗಿಲಿದ್ಯಾ ಕಾಕದ್ಯಾಮ ತ್ಯುನೆ ಘನ್ನಾ ಭುಚ್ಚಯಾತಾ. ತಿನಾ ಹುತಿ ಯೆಸು ಹಡ್ಕೊ ಚಡಿನ ಜಾತಾಮಾ.

38 ಕೆಟ್ಟ ಆತ್ಮಾ ಛೊಡಿನ ಗಯಲ ಮನ್ವಖ ಐನ ಯೆಸುನೆ "ಮನೆಬಿ ತಾರಾ ಕ್ಹಾತೆ ನಿಂಜಾ" ಕೈನ ಮಾಂಗಿಲಿದ್ಯೊ.

39 ತಿನೆ ಯೆಸು"ತಾರಾ ಘರೆ ಫರಿನ ಜಾ. ಕ್ಹುದಾ ತುನೆ ಕರಲ ಉಪಕಾರ ಮನಕ್ಹೊಕನ ಕೆ ಜಾ "ಕೈನ ತಿನೆ ತ್ಯಾಂತೊ ಮೊಕ್ಲಿಪಾಡ್ಲೊ. ತಿನಾ ಹುತಿ ತೆ ಮನಕ್ಹ ತ್ಯಾಂತೊ ಗೈನ ಯೆಸು ತಿನೆ ಕರಲ ಉಪಕಾರ ಪುರಾ ಗಾಮ್ತಾ ಕದ್ಯೊ.

ಮರಲವಾಲಿ ಛೊಕ್ರಿನೆ ಜಲಮ

(ಮತ್ತಾಯ 9:18,26; ಮಾರ್ಕ 5:21-43)

40 ಯೆಸು ಬಿಜೆಕ ದಂಡಿಯೆ ಆತಾಮಾ ಮನ್ವಖೊ ತಿನೆ ಮರಯ್ಯಾಡ್ಲಿಕ್ಕ ಬಲೈಲಿದ್ಯಾ ಹರಯಕ್ಲಾ ತೆ ಆವಾನಾ ಹುತಿ ಕೈದಾಡ್ಯಾತಾ.

41 ಯಾಯಿರ ಕವಾಲೊ ಯಕ್ ಮನ್ವಖ ಯೆಸುಕನ ಆಯೊ. ತೆ ಯಾಯಿರ ಸಭಾಮಂದಿರನೊ ಅದಿಕಾರಿ ವ್ಹತ್ತೊ. ಯಾಯಿರ ಯೆಸುನಾ ಪಗೊಮಾ ಪಡಿನ ಮಾರಾ ಘರೆ ಆ ಕೈನ ಮಾಂಗಿಲಿದ್ಯೊ.

42 ಕಾಕದ್ಯಾಮ ತಿನೆ ಯಕ್ಲಿಜ ದಿಕ್ರಿ ವ್ಹತ್ತಿ. ತೆ ಬಾರಾ ವರಕ್ಹನಿ ವ್ಹತ್ತಿ. ತೆ ಮರಾನಿ ಹಾಲತಮಾ ವ್ಹತ್ತಿ. ಯೆಸು ಯಾಯಿರನಾ ಘರೆ ಜಾತಾಮಾ ಮನ್ವಖೊ ತಿನಾ ಸುತ್ತೆಬಿ ಆಯಾ.

43 ತೆ ಮನಕ್ಕೊನಾ ಗುಂಪಮಾ ಬಾರಾ ವರಕ್ಕತಿಬಿ ಅಂಗಮಾನು ರಗತ ಜಾವಾಲಿ ತ್ಯಾ ಯಕ್ಕ ಹೆಣ ಮನ್ವಖಿ ವ್ಹತ್ತಿ. ತಿಕನ ರ್ಹಯಲ ಕ್ಹಾರಾ ದೊಕಡಾ ಡಾಕ್ಕಟರನೆ ಫಾಲಿತಿ. ತೆ ತೆಕ್ಲಾ ದೊಕಡಾ ಫಾಲಿತೊಬಿ ಕಯೊಜ್ಜ ಡಾಕ್ಕಟರನೆ ತಿನೆ ಅರಾಮ ಕರಾನೆ ಥಯುನ್ಯೆ.

44 ತೆಳಾಮಾ ತೆ ಹೆಣ ಮನ್ವಖಿ ಯೆಸುನಾ ಪಾಚಿ ಐನ ಯೆಸುನು ಅಂಗ್ಗು ಮುಟ್ಟಿ. ತೆ ಹೆಣ ಮನ್ವಖಿ ಯೆಸುನು ಅಂಗ್ಗು ಧರಲ ಬರೊಬ್ಬರ ತಿನೆ ಅರಾಮ ಥಯು.

45 ತೆಳಾಮಾ ಯೆಸು "ಮನೆ ಧರಲವಾಲು ಕುನ್ನ ವ್ಹೈ? ಕೈನ ಪುಚ್ಚೊ. ಕ್ಹಾರಾ ಮನ್ವಖೊ ಹಮೆ ನತ್ತಿ ಧರಲ್ಯಾ ಕದ್ಯಾ. ತೆಳಾಮಾ ಪೆತ್ರಾ"ಗುರು, ಅಕ್ಲಾ ಮನ್ವಖೊ ತುಪರ ಪಡಿನ ಥಕ್ಕಲಾಡಾಸ್ತೊ"ಕದ್ಯೊ.

46 ತೆನೈಸೊ ಯೆಸು ತಿನೆ ಕುನ್ನ ಯಕ್ಕ ಮನೆ ಧರಯು! ಮಾರಾಮಾತಿ ತಾಕತ ಚಾಲಿಸ ಕವಾನು ಮನೆ ಗ್ವತ್ತ ಥಯು ಕೈನ ಕದ್ಯೊ.

47 ಹಮ್ಮಾ ಮಿ ದಡಿ ರ್ಹವಾನು ಚೊಕು ನ್ವವೈ ಕೈನ ತಿಳ್ಳಿನ ತೆ ಹೆಣ ಮನಕ್ಕ ಯೆಸುನಾ ಕ್ಹಾಮಿ ಐನ ತಿನಾ ಪಗೊಮಾ ಪಡಿನ ತೆ ಯೆಸುನೆ ಶಾನಾ ಹುತಿ ಮುಟ್ಟಿಕವಾನು ವರಿ ಯೆಸುನೆ ಮುಟ್ಟಲ ಬರೊಬ್ಬರ ತಿನೆ ಅರಾಮ ಥಯು ಕೈನ ಕ್ಹಾರಾವೊನಾ ಕ್ಹಾಮಿ ಕದಿ.

48 ತೆಳಾಮಾ ಯೆಸು ತಿನೆ"ದಿಕ್ರಿ, ತಾರೊ ಬರೊಕ್ಕೊ ತುನೆ ಅರಾಮ ಕರೊಸ್. ತು ಸಮಾದಾನ ಕ್ಹುಜ್ಜಾ" ಕೈನ ಕದ್ಯೊ.

49 ಯೆಸು ಹಜ್ಜುನ ಬೊಲ್ಹೊ ರ್ಹತಾಮಾ ಸಬಾಮಂದಿರನೊ ಅದಿಕಾರಿಯೊಮಾನೊ ಯಾಯಿರ ಕವಾಲಾನಾ ಘರ್ತೊ ಐನ "ತಾರಿ ದಿಕ್ರಿ ಮರಿಗೈಸ ತು ಹಮ್ಮಾ ಗುರುನೆ ಕಾ ತ್ರಾಸ ಕರಾಡ್ಯೊಸ"ಕೈನ ಕದ್ಯೊ.

50 ಯೆಸು ತೆ ಏಕಿನ ಯಾಯಿರನೆ"ಭುಚ್ಚು ನಕೊ. ಧೈರ್ಯಕ್ಹು ರ್ಹಿ ಬರೊಕ್ಕೊ ರ್ಹವಾದೆ ತಾರಿ ದಿಕ್ರಿನೆ ಅರಾಮ ಥಾವಸ"ಕೈನ ಕದ್ಯೊ.

51 ಯೆಸು ಯಾಯಿರನಾ ಘರೆ ಗಯೊ. ಪೆತ್ರಾನೆ, ಯೊಹಾನನೆ, ಯಾಕೊಬನೆ ವರಿ ಚೊಕ್ಕರಿನಾ ಮಾ ಬಾಪನೆ ತಿನಾ ಕ್ಹಾತೆ ಆವಾನೆ ಕದ್ಯೊ. ವರಿ ಬಿಜ್ಜು ಕುನ್ನಜ್ಜ ಔ ನೈ ಕದ್ಯೊ.

52 ಮರಿಗಯಲ ತೆ ಚೊಕ್ಕರಿನಾ ಹುತಿ ಕ್ಹಾರಾ ಜನಾ ರವಾಡ್ಯಾತಾ.

ತೆನ್ನಿಸೊ ಯೆಸು ತ್ಯನೊನೆ "ರವೊ ನಕೊ, ತೆ ಮರಿ ನತ್ತಿ; ಕ್ಹುರೈಸ "ಕದ್ಯೊ.

53 ತಿಮ್ಮ ಕತಾಮಾ ಮನಕ್ಕೊ ಯೆಸುನೆ ಕದ್ರಾಯಾ. ಕಾಕದ್ಯಾಮ ತೆ ಚೊಕ್ಕರಿ ಮರಿಗೈಸ ಕೈನ ತ್ಯನೊನೆ ಗ್ವತ್ತ ವ್ವತ್ತು.

54 ಯೆಸು ಮರಿಗಯಲ ಛೊಕ್ಕಿನೊ ಹತ ಧರಿನ "ದಿಕ್ರಿ ಉಟ್ಟ"ಕದ್ಯೊ.

55 ತೆಳಾಮಾಱ ತಿನೆ ಜಲಮ ಆಯೊ. ತೆ ಛೊಕ್ಕಿ ಉಟಿನ ಹುಬ್ಬೈ ಯೆಸು ತಿನಾ ಮಾ ಬಾಪನೆ"ತೆ ಛೊಕ್ಕಿನೆ ಕ್ಹಾವಾನೆ ಸುಬಿ ದಿವೊ "ಕೈನ ಕದ್ಯೊ.

56 ಛೊಕ್ಕಿನಾ ಮಾ ಬಾಪ ಘಾಬ್ರಾ ಧಯಾ. ಎ ಧಯಲ ವಾತ ಕಿನೆಜ್ಜ ಕವೊ ನಕೊ ಕೈನ ಯೆಸು ತ್ಯನೊನೆ ಅಪ್ಪಣೆ ದಿದ್ಯೊ.

9

ಯೆಸು ತಿನಾ ಅಪೊಸ್ತಲೊನೆ ಸೆವೆನೆ ಮೊಕ್ಲಲ

(ಮತ್ತಾಯ 10:5-15; ಮಾರ್ಕ 6:7-13)

1 ಯೆಸು ಬಾರಾ ಅಪೊಸ್ತಲೊನೆ ಬಲೈನ, ತ್ಯನೊನೆ ರೊಗೊನೆ ಅರಾಮ ಕರಾನಿ ತಾಕತ ದಿನ್ನ ಕೆಟ್ಟ ಆತ್ಮಾವೊಪರ ಅದಿಕಾರ ದಿದ್ಯೊ.

2 ಕ್ಹುದಾನಿ ರಾಜ್ಯನಾ ಹುತಿ ಕವಾ ಹುತಿ ವರಿ ರೊಗೊಮಾ ರ್ವಯಲ ವಾಲಾವೊನೆ ಅರಾಮ ಕರಾ ಹುತಿ ಯೆಸು ಅಪೊಸ್ತಲೊನೆ ಮೊಕಲ್ಯೊ.

3 ತೆಳಾಮಾ ಯೆಸು ಅಪೊಸ್ತಲೊನೆ ಸು ಕದ್ಯೊ ಕದ್ಯಾಮ, ತುಮೆ ಗಾಮೊಯೆ ಜಾತಾಮಾ ಲಾಕ್ಡಿ ನಕೊ ಕೈಚಿಲಾ ನಕೊ ದೊಕಡಾ ನಕೊ ಭುತ್ತಿ ನಕೊ. ಬೆ ಅಂಗ್ಡಾ ನಕೊ ನಿಂಜಾವೊ.

4 ತುಮೆ ಕಯಾಬಿ ಯಕ್ಕ ಘರಮಾ ರ್ವತಾಮಾ ತೆ ಗಾಮ ಛೊಡಿನ ಜಾಯೆಲಕ್ಕಾ ತ್ಯಾಜ ರ್ವವೊ.

5 ವರಿ ಕಯಾಬಿ ಗಾಮ ವಾಲಾ ತುಮೊನೆ ಮಳ್ಳೆ ನೈ ಲಿದ್ಯಾಮ ತುಮೆ ತೆ ಗಾಮ ಛೊಡಿನ ಜಾತಾಮಾ ತಮಾರಾ ಪಗನೆ ಲಾಗಲ ಧುಳ್ಳ ರುಾಡ್ಡಿ ಲಿವೊ ತೆ ತ್ಯನೊನೆ ಸಾಕ್ಷಿ ಧೈನ ರ್ವವಾದೆ ಕದ್ಯೊ.

6 ತೆಳಾಮಾ ತೆ ಬಾರಾ ಜನಾ ಅಪೊಸ್ತಲೊ ಗಾಮೊಪರ ಗೈನ ತ್ಯಾ-ತ್ಯಾ ಸುವಾರ್ತೆ ಕೈನ ರೊಗಿಯೊನೆ ಅರಾಮ ಕರತಾ ಗಯಾ.

ಯೆಸುನಾ ಹುತಿ ಅಧಿಕಾರಿ ಥಯಲ ಹೆರೊದನಿ ಗಲಿಬಿಲಿ
(ಮತ್ತಾಯ 14:1-12; ಮಾರ್ಕ 6:14-29)

7 ಯೆಸುನಾ ಹುತಿ ವರಿ ಅಪೊಸ್ತಲೊ ಕರಲ ಅದ್ಭುತ ಕಾಮೊಕ್ಕು ರಾಜ್ಯಪಾಲ ಥಯಲ ಹೆರೊದ ಘನ್ನೊ ಗಲಿಬಿಲಿ ಥಯೊ ಕಾಕದ್ಯಾಮ ಬಾಪ್ತಿಸ್ಮ ದಿಲಾವಾಲೊ ಯೊಹಾನಭ ಮರಲವಾಲಾವೊಮಾತೊ ಉಟ್ಟೊಸು? ಕೈನ ದಕ್ಖಾಭನಾ ಕವಾಡಾತಾ.

8 ಹಜುನ ದಕ್ಖಾಭನಾ "ಪ್ರವಾದಿ ಥಯಲ ಎಲಿಯಾ ಅಪೊಕನ ಆಯೊಸ ಕವಾಡಾತಾ. ಹಜುನ ದಕ್ಖಾಭನಾ ಪೈಲಾ ರ್ಹಯಲ ಪ್ರವಾದಿಮಾನೊ ಯಕ್ಕೊ ಜಿವ್ವೊ ಥೈನ ಉಟ್ಟೊಸ" ಕವಾಡಾತಾ.

9 ತೆಳಾಮಾ ಅಧಿಕಾರಿ ಹೆರೊದ "ಮಿ ಯೊಹಾನನಿ ಗರದನ ಕತ್ರಯೊಸ ವರಿ ಎ ಕ್ಹಾರು ಅದ್ಭುತ ಕರಾಲೊ ಎ ಮನಕ್ಹ ಕುನ್ನ ವ್ಹೈ? ವಿಚಾರ ಕರತೊ ಯೆಸುನೆ ದೆಕಾನೆ ಕೊಶಿಶ ಕರ್ರೊ.

ಯೆಸು ಪಾಂಚ ಹಜಾರತಿಬಿ ಜಾಸ್ತಿ ಮನಕ್ಹೊನೆ ಅನ್ನ ಖಲಾಯಲ
(ಮತ್ತಾಯ 14:13-21; ಮಾರ್ಕ 6:30-44; ಯೊಹಾನ 6:1-14)

10 ಅಪೊಸ್ತಲೊ ಸುವಾರ್ತೆ ಕೈನ ಮುಗ್ಗಿನ ಐನ ತ್ಯುನೆ ಕರಲ ಕ್ಹಾರಾ ಕಾಮೊ ಯೆಸುಕನ ಕದ್ಯಾ ತೆಳಾಮಾ ಯೆಸು ತ್ಯುನೊನೆ ಬೆತ್ನಾಯ ಕವಾನಾ ಗಾಮ್ನಾನಜಿಕ ಬಲ್ವೆನಿಂಗೈಯೊ.

11 ವರಿ ಯೆಸು ತ್ಯಾಗಯಲ ಮನಕ್ಹೊನೆ ಗೊತ್ತ ಥಯು ತೆ ಮನಕ್ಹೊ ಯೆಸುನಾ ಪಾಚಾ-ಪಾಚಾ ಗಯಾ. ಯೆಸು ತ್ಯುನೊನೆ ಬಲ್ವೆನ ಕ್ಹುದಾನಿ ರಾಜ್ಯನಾ ಹುತಿ ತ್ಯುನೊನೆ ಕದ್ಯೊ ರೊಗ್ಮಾ ರ್ಹಯಲವಾಲಾವೊನಾ ಅರಾಮ ಕರ್ರೊ.

12 ತೆ ದಿನ್ನಾ ಕ್ಹಾಂಜೆ ಬಾರಾ ಶಿಷ್ಯಾ ಯೆಸುಕನ ಐನ, ಎ ಜಗಾಪರ ಕುನ್ನಜ ರ್ಹತು ನೈತಿನಾ ಹುತಿ ಮನಕ್ಹೊನಾ ಗುಂಪ್ವೆ ಮೊಕ್ಲಿಪಾಡ ತ್ಯುನೆ ಸುತ್ತಿ ಮುತ್ತಿ ರ್ಹಯಲ ಗಾಮೊಯೆ ಗೈನ ತ್ಯುನೊನೆ ಖಾವಾನ ಅನ್ನನಾ ಹುತಿ ವೆವಸ್ತಾ ಕರಲಿವಾದೆ ವರಿ ರ್ಹವಾನೆ ಜಗಾ ಕರಲಿವಾದೆ

13 ವರಿ ಯೆಸು ಶಿಷ್ಯಾವೊನೆ "ತುಮೆಜ ತ್ಯುನೊನೆ ಖಾವಾನೆ ಅನ್ನ ದಿವೊತೊ "ಕದ್ಯೊ ತೆ ವಾತೆ ಶಿಷ್ಯಾ "ಹಮೊಕನ ಖಾಲಿ ಪಾಂಚ ರೊಕ್ಲಾ

ವರಿ ಬೆ ಮಚ್ಚಿಯೊ ಛಿ ಹಮೆ ಗೈನ ಆ ಮನಕ್ಪೊನೆ ಖಾವಾನೆ ಅನ್ನ ಇಕ್ಕಾತು ಲಾಯ್ಸು? ಕದ್ಯಾ.

14 ತ್ಯಾ ಕಮ್ಪಿ ಕಮ ಪಾಂಚ್ ಹಜಾರ ದಾಣ್ಣಾ ವ್ಹತ್ತಾ, ಯೆಸು ತಿನಾ ಶಿಷ್ಯಾವೊನೆ "ಇವನೊನೆ ಐವತ್ತ-ಐವತ್ತ ಜನಾವೊನೆ ಸಾಲೆ ಬೈಟಾಡೊ "ಕದ್ಯೊ.

15 ತೆಳಾಮಾ ತೆ ಕದಲತಿಮ್ಮ ತ್ಯಾನೆ ಕರ್ಮಾ ತೆ ಕ್ಹಾರಾ ಮನಕ್ಪೊ ಬೈಟ್ಯಾ.

16 ತೆಳಾಮಾ ಯೆಸು ತೆ ಪಾಂಚ್ ರೊಕ್ಕಾ ವರಿ ಬೆ ಮಚ್ಚಿಯೊ ಹತ್ತಾಲಿನ ಸ್ವರಗನೆ ದೆಕಿನ ತೆ ಅನ್ನನಾ ಹುತಿ ಕ್ಹುದಾನೆ ಸ್ತೊತ್ರಾ ಕೈನ ಪಾಚಲ್ತೊ ಯೆಸು ತೆ ರೊಕ್ಕಾ ಭಾಗಿನ ಶಿಷ್ಯಾವೊನೆ ಮನಕ್ಪೊನೆ ವಾಟೊ ಕೈ ದಿದ್ಯೊ.

17 ಹರ ಯಕ್ಲೊ ಪೆಟೆ ಭರಿನ ಖೈನ ತೃಪ್ತ ಥಯಾ ಉಗ್ರಲ ತುಕ್ಹಾ ಮಳಾತಾಮಾ ಬಾರಾ ಟೊಪ್ಪಿಯೊ ಭರಿಯೊ.

ಪೆತ್ರಾನೊ ಬರೊಕ್ಪೊ

(ಮತ್ತಾಯ 16:13-19; ಮಾರ್ಕ 8:27-29)

18 ಯಕ್ವದಿನ ಯೆಸು ಯಕ್ವಲೊಜ್ ಪಾಥನಾ ಕರತಾಮಾ, ತಿನಾ ಶಿಷ್ಯಾಮಳಿನ ತಿಕನ ಆಯಾ, ಯೆಸು ತ್ಯನೊನೆ ಮನಕ್ಪೊ ಮನೆ ಕುನ್ನ ವ್ಹೈಕವಸ? ಕೈನ ಪುಚ್ಚೊ.

19 ತೆ ವಾತೆ ಶಿಷ್ಯಾ ದಕ್ಹಾ ಮನಕ್ಪೊ ತುನೆ ಬಾಪ್ತಿಸ್ಮ ದಿಲಾವಾಲೊ ಯೊಹಾನ ವ್ಹೈಕವಸ. ಹಜುನ ದಕ್ಹಾ ಜನಾ ಎಲಿಯಾ ವ್ಹೈಕವಸ, ವರಿ ದಕ್ಹಾ ಜನಾ ಪಾಚೊ ರ್ಹಯಲ ಪ್ರವಾದಿಯೊಮಾನೊ ಯಕ್ಲೊ ಜುತೊ ಥೈನ ಉಟಿನ ಆಯೊಸ ಕವಸ.

20 ತೆಳಾಮಾ ಯೆಸು ಶಿಷ್ಯಾವೊನೆ "ಮನೆ ತುಮೆ ಕುನ್ನ ವ್ಹೈಕವೊಸಿ" ಕೈನ ಪುಚ್ಚೊ ಪೆತ್ರಾ ಯೆಸುನೆ "ತು ಕ್ಹುದಾನೊ ಮಸ್ಸಿಹಾ ವ್ಹೈ" ಕದ್ಯೊ.

ಯೆಸು ತೆ ಮರಾನು ಅಗ್ಗುರಜ್ ಕದಲ

(ಮತ್ತಾಯ 16:21-28)

21 ಎ ವಾತ ಕಿನೆಜ್ ಕವೊ ನಕೊ ಕೈನ ಯೆಸು ಶಿಷ್ಯಾವೊನೆ ಅಪ್ಪಣೆ ಕರ್ಮೊ.

22 ಪಾಚಲ್ಲೊ ಯೆಸು ಮನಕ್ಕನೊ ದಿಕ್ಲೊ ಘನ್ನೊ ತ್ರಾಸ ತಡ್ಡಿಲಿನ ಯಹುದ್ಯನಾ ನಾಯಕೊನಾ ಹತೆ ಖಾಸ ಯಾಜಕೊನಾ ಹತೆ ಶಾಸ್ತ್ರಿಯೊನಾ ಹತೆ ಇನ್ನಾರ ಧೈನ ಮರವಾನೆ ಶಿಕ್ಷಾ ದಿಲಾವಸ ವರಿ ತೆ ಮರಿನ ತನ ದಿನ್ವರ ಜುತೊ ಧೈನ ಉಟಿನ ಆವಸ "ಕದ್ಯೊ

23 ಯೆಸು ತಿನಿಯೊ ವಾತೊ ಕತೊ ತೆ ಕ್ಹಾರಾವೊನೆ ಸು ಕದ್ಯೊ ಕದ್ಯಾಮ ಮಾರಾ ಪಾಚೊ ಔಸ ಕವಾಲೊ ತೆ ತಿನೊ ಕ್ಹಾರು ಇಕ್ಹರಿನ ದಿನ್ನೆಬಿ ತಿನಿ ಶಿಲುಬಿ ಉಚೈಲಿನ ಮಾರಾ ಪಾಚೊ ಆವಾದೆ "ಕದ್ಯೊ

24 ಕುನ್ನ ತಿನೊ ಜಲಮ ವಚ್ಚಾಡಿಲಿವುಸ್ ಕವಾಲೊ ತಿನೊ ಜಲಮ ಜವೈಲಿವಸ, ಮಾರಾಹುತಿ ತಿನೊ ಜಲಮ ಜವೈಲಿವಾಲೊ ತಿನೊ ಜಲಮ ವಚ್ಚಾಡಿಲಿವಸ.

25 ಯಕ್ಲೊ ಜಗತಮಾನು ಕ್ಹಾರು ಗಲ್ಲಿನ ಮಕ್ಕಯೊಮ ತಿನೆ ತೆ ತಿನೊ ಜಲಮ ಜವೈಲಿದ್ಯೊಮ ತಿನಾ ಹುತಿ ತಿಕ್ಪುಸು ತಿನೆ ಫೈದೊ ಟೆ?

26 ಕಯೊಬಿ ಮಕ್ಕು ವರಿ ಮಾರಿಯೊ ವಾತೊಕ್ಪು ಸರಮಾವಸ ಮಿ ಮಹಿಮಾನಾ ಕ್ಹಾತೆ ಬಾ ನಿ ಮಹಿಮಾನಾ ಕ್ಹಾತೆ ವರಿ ಸ್ವರಗನಾ ಪರಿಶುದ್ಧ ದುತೊನಾ ಮಹಿಮಾನಾ ಕ್ಹಾತೆ ಆತಾಮಾ ತಿನೆ ದೆಕಿನ ಮಿ ಸರಮಾವುಸ.

27 ಮಿ ಕ್ಹರಿಮಾಜ ಕೌಸ ನ್ಹ್ಯಾ ರ್ಹಯಲ ವಾಲಾವೊಮಾನಾ ದಕ್ಹಾಜನಾ ಕ್ಹುದಾನಿ ರಾಜ್ಯ ದೆಕೆ ಲಕ್ಹಾ ಮರತಾಜ ನೈ ಕದ್ಯೊ.

ಯೆಸುನೊ ರುಪ

(ಮತ್ತಾಯ 17:1-8; ಮಾರ್ಕ 9:2-8)

28 ಎಕ್ಹಾರು ಕೈನ ಆಟದಿನ ಥಯಲ್ವರ ಯೆಸು ಪೆತ್ರಾ ಯಾಕೊಬ ವರಿ ಯೊಹಾನನೆ ಬಲೈನಿಂಗೈನ ಪ್ರಾಥನಾ ಕರಾ ಹುತಿ ಡೊಂಗರಪರ ಗಯೊ.

29 ಯೆಸು ಪ್ರಾಥನಾ ಕರತಾಮಾ ತಿನು ಮೊಡು ಬದ್ಲಿ ಥಯು ಮಿಂಚಾಡ್ಯತು, ತಿನಾ ವಣ್ಣಾಘನ್ನಾ ಮಿಂಚಾಡ್ಯತಾ,

30 ತೆಳಾಮಾಜ ಬೆ ಜನಾ ಯೆಸುನಾ ಕ್ಹಾತೆ ಬೊಲಾಡ್ಯತಾ ತ್ತುನೆ ಕುನ್ನ ವ್ಹೈ ಕದ್ಯಾಮ ಮೊಶೆ ವರಿ ಎಲಿಯಾ,

31 ಎ ಭಂಬಿಜನಾವೊನು ರುಪಬಿ ಘನ್ನು ಮಿಂಚಾಡ್ತು ಕ್ಕುದಾನಿ ಚಿತ್ತ ಧಾವಾನಾ ಹುತಿ ವರಿ ಯೆರುಸೆಲಿಮಾ ಧಾವಾನು ಯೆಸು ಮರವಾನಾ ಹುತಿ ಬೊಲಾಡ್ತಾ,

32 ಘನ್ನಿ ನಿಂದರಮಾ ರ್ವಯಲ ಪೆತ್ರಾ ವರಿ ಯಾಕೊಬ, ಯೊಹಾನ ಹುಶಾರ ಧೈನ ಉಟ್ಟಾಮಾ ಯೆಸುನಿ ಮಹಿಮಾ ವರಿ ತಿನಾ ಕ್ಕಾತೆ ಬೆ ಜನಾ ಬೊಲಾನು ದೆಕ್ಕಾ

33 ತೆ ಬೆ ಜನಾ ಯೆಸುನೆ ಚೊಡಿನ ಜಾತಾಮಾ ಪೆತ್ರಾ ಯೆಸುನೆ ಗುರು ಅಪೆ ನ್ವಾಜ ರ್ವವಾನು ಚೊಕು ವ್ವೆ ನ್ವಾಜ ಅಪೆ ತನ ಝುಪ್ಪಾ ಭಾಂದಿಯೆ ತುನೆ ಯಕ್ಕ ಮೊಶೆನೆ ಯಕ್ಕ ಎಲಿಯಾನೆ ಯಕ್ಕ ತುನೆ ಕದ್ಯೊ ಪೆತ್ರಾ ಸು ಕವಾಡ್ಯೊಸ ತಿನೆಜ ಗೊತ್ತ ನ್ನೊತ್ತು.

34 ಪೆತ್ರಾ ಎಕ್ಹಾರು ಕತಾಮಾ ಮ್ಹಾಡ ಐನ ಛಿಲ್ಲ ಲಿಂಗತ ತ್ಯನಾ ಸುತ್ತೆ ಪೈಲಿ ಗಯು ತೆಳಾಮಾ ಶಿಷ್ಯಾ ಘನ್ನಾ ಭುಚ್ಚಾ ವರಕ್ಹಾಥಯಾ,

35 ತೆಳಾಮಾಜ ತೆ ಮ್ಹಾಡ ಮಾತು ಅವಾಜ ಐಯು "ಎ ಮಾರೊ ಮಯಾನೊ ಥಯಲ ದಿಕ್ರೊ ವ್ವೆ ಮಿ ಇನೆ ಇನಿಲಿದ್ಯೊಸ ಇನೆ ತುಮೆ ತಿನೆ ವಿದೆಯ (ವಿಧೆಯೆ ಕದ್ಯಾಮ ತಿನು ಕ್ಹಾರುಜ ಐಕಿನ ಚಾಲಾನು) ಧಾವೊ "ಕವಾನು.

36 ಎ ವಾತ ಥಯಲಪರ ತ್ಯನೆ ಯೆಸುನೆ ಛೊಡಿನ ಬಿಜು ಸುಜ ದಿಕ್ಹು ನೈ ಶಿಷ್ಯಾ ದೆಕಲ ಕ್ಹಾರು ಯಕ್ಕಬಿ ತೆ ದಿನೊಮಾ ಕಿನೆಜ ಕದ್ಯಾವಾಚಿ ಗಪ್ಪಜ ವ್ಹತ್ತಾ.

ಕೆಟ್ಟ ಆತ್ಮಾ ರ್ವಯಲ ಪಟ್ಟಾನೆ ಯೆಸು ಅರಾಮ ಕರಲ
(ಮತ್ತಾಯ 17:14-18; ಮಾರ್ಕ 9:14-27)

37 ಮರ್ನಾ ದಿನ್ನೆ ಯೆಸು, ತಿನಾ ತನ್ನೆ ಶಿಷ್ಯಾ ಡೊಂಗರಪರತಾ ಉತ್ತಿನ ಆಯಾ. ಮನಕ್ಹೊನು ಮ್ಹೊಟು ಗುಂಪ ಯೆಸುನಾ ಕ್ಹಾಮೊ ಆಯು.

38 ಗುಂಪ್ಪಾ ರ್ವಯಲ ಯಕ್ಕೊ ಮನಕ್ಹ ವದ್ರಿನ "ಗುರು "ಮರಗಿನ ಮಾರಾ ದಿಕ್ರಾನೆ ದೆಕ ಮನೆ ತೆಜ ಯಕ್ಕೊ ದಿಕ್ರೊ ಛಿ

39 ಯಕ್ಕ ಕೆಟ್ಟ ಆತ್ಮಾ ಮಾರಾ ದಿಕ್ರಾಪರ ಆವಸ ತೆಳಾಮಾ ತೆ ವದ್ರಾಡ್ಯಾಸ ಮೊಡಾ ಮಾತು ಬುರುಕ ಘುವಾವಸ, ಕೆಟ್ಟ ಆತ್ಮಾ ತಿನೆ ಘನ್ನೊತ್ರಾಸ ದಿವಸ ವರಿ ಪಾಡಿ ಪಾಡಸ.

40 ಮಾರಾ ದಿಕ್ರಾಮಾತು ತೆ ಕೆಟ್ಟ ಆತ್ಮಾ ಛೊಡಾಕೈನ ತಾರಾ ಶಿಷ್ಯಾವೊಕನ ಮಾಂಗಲಿದ್ಯೊ ತೆನ್ನೆಸೊ ತಿವ್ವಾ ಹತೆ ಥಯು ನೈ ಕೈನ ಯೆಸುಕನ ಕದ್ಯೊ.

41 ತೆಳಾಮಾ ಯೆಸು ತ್ತುನಾ ಶಿಷ್ಯಾವೊಕನ ದೆಕಿನ ಬರೊಕ್ಕೊನ್ನೆಸೊ ವಾಲಾವೊನೆ ಹಞ್ನುನ ಕೆಕ್ಕಲಾ ದಿನ್ನತುಮಾರಾ ಕ್ಹಾತೆ ಮಿ ತಡ್ಡಿಲಿನ ರ್ಹಾ? ಕದ್ಯೊ ತೆ ಮನಕ್ಹನೆ ತಾರಾ ದಿಕ್ರಾನೆ ನ್ಹ್ಯಾ ಬಲೈಲಿನಾ ಆ ಕದ್ಯೊ.

42 ತೆ ಪಟ್ಟೊ ಆತಾಮಾ ತೆ ಕೆಟ್ಟ ಆತ್ಮಾ ತಿನೆ ಜಿಮಿನ್ನರ ಪಾಡಿನ ಪಟ್ಟಾನೆ ವದ್ರಾಡ್ತಿನ ತೆಳಾಮಾ ಯೆಸು ತೆ ಕೆಟ್ಟ ಆತ್ಮಾ ನೆ ಭುಚ್ಚಾಡಿನ ತೆ ಪಟ್ಟಾನೆ ಅರಾಮ ಕರೊ ಪಾಚಲ್ಲೊ ತೆ ಪಟ್ಟಾನೆ ತಿನಾ ಬಾನಾ ಹತ್ಮಾ ವಪ್ಪಿನ ದಿದ್ಯೊ.

43 ತ್ಯಾ ರ್ಹಯಲ ಮನಕ್ಹೊ ಕ್ಹಾರಾ ಕ್ಹುದಾನಿ ಮೊಟ್ಟಿ ತಾಕತನೆ ದೆಕಿನ ಘಾಬ್ರಾಥಯಾ. ಯೆಸು ಕರಲ ಕ್ಹಾರಾ ಕಾಮೊ ದೆಕಿನ ಮನಕ್ಹೊ ವರಿ ದಕ್ಹಾ ಘಾಬ್ರಾಥಯಾ. ಯೆಸು ತಿನಾ ಶಿಷ್ಯಾವೊನೆ

44 "ಮನಕ್ಹನಾ ದಿಕ್ರಾನೆ ದಕ್ಹಾಞ್ನಾವೊನಾ ಅದಿಕಾರಮಾ ವಪ್ಪಸ್ ಎ ತುಮೆ ಇಕ್ಹರು ನೈ ಕದ್ಯೊ.

45 ತೆನ್ನೆಸೊ ಶಿಷ್ಯಾವೊನೆ ತಿಳದ್ಯುನೈ ಕಾಕದ್ಯಾಮ ತೆ ವಾತೊನೊ ಮತ್ಲಬ್ ರ್ಹುಕಾಯಲ ವ್ಹತ್ತು ವರಿಬಿ ಯೆಸುನಾ ಶಿಷ್ಯಾ ತಿನೆ ಪುಚ್ಚಾನೆ ಭುಚ್ಚಯಾ.

ಕ್ಹುದಾನಿ ರಾಜ್ಯಮಾ ಕುನ್ನ ಮೊಟ್ಟು ವ್ಹೈ
(ಮತ್ತಾಯ 18:1-5; ಮಾರ್ಕ 9:33-37)

46 ಯೆಸುನಾ ಶಿಷ್ಯಾ ತ್ತುನಾಮಾ ಕುನ್ನ ಮೊಟ್ಟೊ ವ್ಹೈ ಕೈನ ಬೊಲ್ಲಿವಾಡ್ಯಾತಾ,

47 ತ್ಯನಿಯೊ ಮನಸ್ಸಮಾನಿ ವಿಚಾರ ಯೆಸುನೆ ಗೊತ್ತ ಥಯುತು, ತಿನಾಹುತಿ ಯೆಸು ಯಕ್ಕ ನ್ಹಾನಾ ಬಚ್ಚಾನೆ ಬಲೈನ ತಿಕನ ಹುಬ್ರಾಡಿ ಲಿದ್ಯೊ

48 ಪಾಚಲೊ ಯೆಸು ತಿನಾ ಶಿಷ್ಯಾವೊನೆ "ಯಕ್ಲೊ ಮಾರಾ ನಾಮಪರ ಯಕ್ಕ ನ್ಹಾನಾ ಬಚ್ಚಾನೆ ಮಳೈ ಲಿದ್ಯೊಮ ತೆ ಮನೆ ಮಳೈಲಿದಲ ಲಿಂಗತ ವ್ಹೈ ವರಿ ಯಕ್ಲೊ ಮನೆ ಮಳೈ ಲಿದ್ಯೊಮ ತೆ ಮನೆ ಮೊಕ್ಲಲವಾಲಾನೆ (ಕ್ರುದಾನೆ) ಮಳೈಲಿದಲ ಲಿಂಗತ ವ್ಹೈ ಕದ್ಯೊ ವರಿ ತುಮೊಮಾ ಕುನ್ನ ನ್ಹಾನೊ ವ್ಹೈ ತೆಜ ಮೊಟೊ ವ್ಹೈ "ಕೈನ ಕದ್ಯೊ

ತುಮೊನೆ ವಿರೊಧಿ ನೈ ರ್ಹಯಲವಾಲೊ ತುಮಾರೊ ವ್ಹೈ
(ಮಾರ್ಕ 9:38-40)

49 ಯೊಹಾನ ಯೆಸುನೆ ಕದ್ಯೊ "ಗುರು, ತಾರಾ ನಾಮ ಪರ ಮನಕ್ಲೊಮಾ ರ್ಹಯಲ ಕೆಟ್ಟ ಆತ್ಮಾ ಛೊಡಾವಾನು ಹಮೆ ಯಕ್ಲಾನೆ ದೆಕ್ಯಾ ತಿನೆ ಹಮೆ ತಡದ್ಯಾ "ಕಾಕದ್ಯಾಮ ತೆ ಹಮೊಮಾನೊ ನ್ಹವೈ.

50 ತೆ ವಾತೆ ಯೆಸು "ತಿನೆ ತರಬೊ ನಕೊ, ಕಾಕದ್ಯಾಮ ತುಮೊನೆ ವಿರೊದ ನೈ ರ್ಹಯಲ ವಾಲೊ ತುಮಾರೊಜಿ ವ್ಹೈ ಕದ್ಯೊ

ಸಮಾರಯಾ ಗಾಮವಾಲಾ ಯೆಸುನೆ ಇನ್ನಾರಲ

51 ಯೆಸು ವರಿ ಸ್ವರಗೆ ಜಾವಾನೊ ಟೈಮ ನಜಿಕ ಆವಾಡ್ಯೊಸ, ತಿನಾಹುತಿ ಯೆರುಸೆಲೆಮೆ ಜಾವಾನಾ ಹುತಿ ಮನಸ್ಸ ಘಟ್ಟ ಕರಲಿದ್ಯೊ

52 ಯೆಸು ತಿನಾ ಸಂದೆಶ ಕವಾಲಾವೊನೆ ತಿನಾತಿ ಅಗೊ ಮೊಕಲ್ಯೊ ಯೆಸುನಾ ಹುತಿ ಕ್ಹಾರು ತಯ್ಯಾರ ಕರಾನೆ ತ್ಯನೆ ಸಮರಯಾ ಗಾಮೆ ಗಯಾ.

53 ತೆನೈಸೊ ತೆ ಯೆರೊಸೆಲೆಮೆ ಜಾವಾನು ಕಾರಣ ಸು ವ್ಹೈ ಕದ್ಯಾಮ ಸಮರಯಾನಾ ಮನಕ್ಲೊ ಯೆಸುನೆ ಮರ್ಯಾದಿ ದಿದ್ಯಾ ನೈ.

54 ಯೆಸುನಾ ಶಿಷ್ಯಾ ಯಾಕೊಬ ವರಿ ಯೊಹಾನ "ಎ ದೆಕಿನ ಸ್ವಾಮಿ ಹಬಾಳಮಾತಿ ಆಗ ಪಡಿನ ಇವೊನೆ ಬಾಳಿಪಾಡಾದೆ ಕೈನ ಮಾಂಗಿಲಿಯೆಸು" ಕೈನ ಪುಚ್ಚಾ.

55 ತೆನ್ನೈಸೊ ಯೆಸು ತ್ಯುನೊನೆ ದೆಕಿನ ಭುಚ್ಚಾಡ್ಲ್ಯೊ.

56 ಪಾಚ್ಚಾತಾ ಯೆಸು ವರಿ ತಿನಾ ಶಿಷ್ಯಾ ಬಿಜೆಕ ಗಾಮೆ ಚಾಲ್ಯಾತಾ.

ಯೆಸುನಾ ಪಾಚ್ಚಾ ಆವಾಲಾವೊನಿ ಸ್ಥಿತಿ

(ಮತ್ತಾಯ 8:19-22)

57 ತ್ಯುನೆ ವಾಟ್ಕಾಚಾತಾಮಾ ಯಕ್ಲೊ ಯೆಸುನೆ "ತು ಕಿಚ್ಚಾ ಗಯೊತಬಿ ಮಿ ತಾರಾ ಪಾಚ್ಚೊ ಔಸ "ಕದ್ಲೊ.

58 ಯೆಸು ತಿನೆ ದೆಕಿನ ಕದ್ಲೊ "ನರಿಯೊನೆ ಘರೊ ಛಿ, ಪಕ್ಕಷಿಯೊನೆ ಗುಡ ಛಿ. ತೆನ್ನೈಸೊ ಮನಕ್ವಾನಾ ದಿಕ್ರಾನೆ ಮಾತು ಮುಕ್ತಕಾ ಯಕ್ತಲಿ ಜಗಾ ನತ್ತಿ "ಕದ್ಲೊ.

59 ಯೆಸು ಹಜುನ ಯಕ್ಲಾನೆ "ಮಾರಾ ಪಾಚ್ಚೊ ಆ"ಕದ್ಲೊ. ವರಿ ತೆ ಸ್ವಾಮಿ ಮಿ ಪೈಲಾ ಗೈನ ಮಾರಾ ಬಾನು ತನ್ನ ದಿನ್ನು ಕಾರಾನೆ ಮೌಕೊ ದೆ ಕದ್ಲೊ.

60 ಯೆಸು ತಿನೆ "ಮರಲ ಮನಕ್ಲೊತಿವೊಮಾ ಮರಿನ ಗಯಲವಾಲಾ ತ್ಯುನೆ ತೆ ಕರಾದೆ! ತು ಗೈನ ಕ್ವದಾನಿ ರಾಜ್ಯನಾ ಹುತಿ ಮನಕ್ಲೊಕನ ಕೆ "ಕದ್ಲೊ.

61 ಬಿಜೆಕ್ಲೊ "ಸ್ವಾಮಿ, ಮಿ ತಾರಾ ಪಾಚ್ಚೊ ಔಸ ಪೈಲಾ ಮಾರಾ ಘರವಾಲಾವೊನೆ ಗೈನ ಮಳಿನ ಆವಾನೆ ಮೌಕೊ ದೆ "ಕದ್ಲೊ.

62 ಯೆಸು "ರೞ್ತಿಪರ ಹತ ಘಾಲಿನ ಪಾಚ್ಚೊ ದೆಕಾಲೊ ತೆ ಕ್ವದಾನಿ ರಾಜ್ಯನೆ ಯೊಗೈನ್ಲವೈ "ಕದ್ಲೊ.

10

ಯೆಸು ಸುವಾರ್ತೆ ಕವಾನೆ ಮೊಕ್ಲಲ ಸತ್ತರಪರ ಬೆ ಜನಾವೊನೆ

1 ತೆ ಥಯಲ್ಪರ ಯೆಸು ಸತ್ತರಪರ ಬೆ ಜನಾವೊನೆ ಇನಿಲಿನ ತೆ ಜೊ ಕೈನ ವಿಚಾರ ಕರಲಿದಲ ಗಾಮೊಯೆ ತ್ಯುನೊನೆ ಬೆ-ಬೆ ಜನಾವೊನೆ ಪೈಲಾಜ ಮೊಕ್ಲಿಪಾಡ್ಲ್ಯೊ.

2 ಯೆಸು ತ್ಯುನೊನೆ "ಬೆಳಿ (ಮನಕ್ಲೊ) ಘನ್ನಿ ಛಿ ತೆನ್ನೈಸೊ ಕಾಮ ಕರಾಲಾ ಕಮ ಛಿ ಕ್ವದಾ ಬೆಳಿನೊ ಮಾಲಕ ವ್ಹೈ ವರಿ ಬೆಳಿ ಮಳಾವಾನೆ

ಘನ್ನಾ ಕಾಮ ಕರಾಲಾ ಚಾಯೆ ಕೈನ ಮಾಲಕಕನ (ಕುದ್ದಾಕನ) ಮಾಂಗಿಲಿವೊ.

³ ಹಮ್ಮಾ ತುಮೆ ಜಾ ಸಕೊಸಿ ವರಿ ಮಾರಿಯೊ ವಾತೊ ಐಕೊ ನರಿಯೊನಾ ವಚ್ಚಾ ಬಕ್ರಾವೊನೆ ಮೊಕ್ಕಲಾಲಾಂಗತ ತುಮೊನೆ ಮೊಕ್ಕಲಾಡ್ಯೊಸ.

⁴ ಕೈಚಿಲಾ ರ್ಹ್ವಿನೆಕಾ ದೊಕ್ಡಾ ರ್ಹ್ವಿನೆಕಾ ಚಪ್ಪೊ ರ್ಹ್ವಿನೆಕಾ ನಿಂಜಾವೊನಕೊ, ವಾಟ್ಕಾ ಹುಬ್ಬೈನ ಮನಕ್ಪೊನೆ ಚೊಕು ಥಾವಾದೆ ಕೈನ ಬೊಲೊನಕೊ.

⁵ ತುಮೆ ಘರಮಾ ಜಾವಾತಿ ಅಗ್ಗುರಜ ಆ ಘರಮಾ ಸಮಾಧಾನ ರ್ಹ್ವಾದೆ ಕೈನ ತುಮೆ ಕವೊ.

⁶ ತೆ ಘರಲ್ಯಾ ಮನಕ್ಪೊ ಶಾಂತಿ ಸಮಾಧಾನವಾಲಾ ರ್ಹ್ವಯಾಮ ತುಮಾರೊ ಆಶಿರ್ವಾದ ತ್ಯುನೊಪರ ರ್ಹ್ವವಸ. ನೈತೊ ತೆ ಆಶಿರ್ವಾದ ತುಮೊನೆ ಫರಿನ ಆವಸ.

⁷ ತೆ ಘರಮಾ ರ್ಹ್ವಿನ ತ್ಯುನೆ ದಿವಾನು ಅನ್ನ ತುಮೆ ಖಾವೊ ವರಿ ತ್ಯುನೆ ದಿವಾನು ತುಮೆ ಪಿವೊ, ಕಾಮಕರಾಲೊ ಪಗಾರನೆ ಲಾಯಕ ವ್ಹೈ ತಿನಾಹುತಿ ತೆ ಘರ ಛೊಡಿನ ಬಿಜೆಕ ಘರಮಾ ಜಾವೊನಕೊ.

⁸ ತುಮೆ ಯಕ್ಕ ಗಾಮೆ ಜಾತಾಮಾ ತೆ ಗಾಮ್ನಾ ಮನಕ್ಪೊ ತುಮೊನೆ ಮಳ್ಳೈಲಿದ್ಯಾಮ, ತ್ಯುನೆ ದಿವಾನು ಅನ್ನ ಖಾವೊ

⁹ ತ್ಯಾ ರ್ಹ್ವಯಲ ರೊಗಿಯೊನೆ ಅರಾಮ ಕರೊ, ತ್ಯಾನಾ ಮನಕ್ಪೊನೆ"ಕ್ಪುದಾನಿ ರಾಜ್ಯ ನಜಿಕ ಏಸ "ಕವೊ.

¹⁰ ತೆನೈಸೊ ತುಮೆ ಯಕ್ಕ ಗಾಮೆ ಜಾತಾಮಾ ತ್ಯಾನಾ ಮನಕ್ಪೊ ತುಮೊನೆ ನೈಮಳ್ಳೈಲಿದ್ಯಾಮ ತುಮೆ ತೆ ಗಾಮ್ನಿಯೊ ಒಣಿಯೊಮಾ ಗೈನ,

¹¹ ಅಪ್ಪಾ ಪಗೊನೆ ಲಾಗಲ ಧುಳ್ಳೆ ತೆ ಗಾಮ್ನಾ ವಿರುದ್ಧ ಝಾಡ್ನಿಲಿಪಾಡಿಯೆಸ ಕ್ಪುದಾನಿ ರಾಜ್ಯ ನಜಿಕ ಆವಾಡಿಸ ಕವಾನು ತುಮೊನೆ ಕಳಾದೆ ಕವೊ.

¹² ಮಿ ತುಮೊನೆ ಕ್ಕರಿಜ ಕೌಸ. ಕ್ಪುದಾನಿ ನ್ಯಾಯ ಪೈಸಲಾನಾ ದಿನಮಾ ತೆ ಮನಕ್ಪೊನಿ ಗತಿ ಸೊದೊಮ ಗಾಮ್ನಾ ಮನಕ್ಪೊನಿ ಗತಿತಿಬಿ ಕರಿಣ ಥಾವಸ ಕದ್ಯೊ.

ಬರೊಕ್ಕೊನ್ನೆ ರ್ವಯಲ ಮನಕ್ಕೊನೆ ಯೆಸು ಯಚ್ಚರ ದಿದಲ
(ಮತ್ತಾಯ 11:20-24)

13 "ಕೊರಾಜಿನ ಬೆತ್ಸಾಯಿವಾಲಾ, ತಮಾರಿ ಗತಿ ಮಿ ಸು ಕೌ! ತುಮೊಮಾ ಮಿ ಘನ್ನಾ ಸುಚಕ ಕಾಮೊ ಕರೊ ತೆಜ್ಜ ಸುಚಕ ಕಾಮೊ ತೊರ ವರಿ ಸಿದೊನ ಗಾಮೊಮಾ ಥಾವತ್ತ್ಯೊ. ತ್ಯಾನಾ ಮನಕ್ಕೊಪ್ಪೆಲಾಜ್ಜ ತ್ಯಾನಾ ಪಾಪೊ ಛೊಡಿನ ಪಶ್ಚಾತಾಪ ಪಡಿನ ಕೊತ್ಕಾವೊನಾ ವಣ್ಣಾ ಫಾಲ್ಗಿನ ರಾಕ ಅಂಗೆ ಲಗಾಡಿ ಲೆತಾತಾ.

14 ವರಿ ಕ್ಹುದಾನಿ ನ್ಯಾಯ ಪೈಸಲಾನಾ ದಿನಮಾ ತಾರಿ ಸ್ತಿತಿ ತೊರ ವರಿ ಸಿದೊನ ಗತಿತಿಬಿ ಕರಿಣ ಥಾವಸ ಕದ್ಯೊ.

15 ಕಪೆನೌರ್ಮಿ ತು ಸ್ವರ್ಗಲೊಕಮಾ ಜಾಶಿಸು! ನೈ? ತು ಪಾತಾಳಮಾ ಉತರಸಿ.

16 ತುಮಾರಿಯೊ ವಾತೊ ಐಕಾಲಾ ಮಾರಿಯೊ ವಾತೊ ಐಕಾಲೊ ಥಾವಸ. ತುಮೊನೆ ವಪ್ಪಿಲಿವಾಲಾ ಮನೆ ವಪ್ಪಿಲಿವಸ ಮನೆ ಕುನ್ನ ನೈ ವಪ್ಪಿಲಿವಾಲೊ ಮನೆ ಮೊಕ್ಕಲಲವಾಲಾನೆ (ಕ್ಹುದಾನೆ) ನೈ ವಪ್ಪಿಲೆತೊ, ಕದ್ಯೊ.

ಸತ್ತರಪರ ಬೆ ಜನಾ ಫರಿನ ಆಯಲ

17 ಸತ್ತರಪರ ಬೆ ಜನಾ ಶಿಷ್ಯಾ ಗಾಮೊಪರತಾ ಫರಿನ ಆತಾಮಾ ಘನ್ನಾ ಖುಶಿ ಕ್ಹು ವ್ಹತ್ತಾ ತ್ಯಾನೆ ಯೆಸುನೆ "ಪ್ರಭು ಹಮೆ ತಾರು ನಾಮ ಕತಾಮಾ ಕೆಟ್ಟ ಆತ್ಮಾಬಿ ಹಮೊನೆ ವಿಧೆಯೆ ಥಯ್ಯೊ ಕದ್ಯಾ.

18 ಯೆಸು ತ್ಯಾನೊನೆ ಸೈತಾನ ಬಿಜ್ಜಿನಾ ರುಪಮಾ ಸ್ವರ್ಗಮಾತೊ ಹೆಟೊ ಪಡ್ವಾನು ಮಿ ದೆಕ್ಕೊ.

19 ಐಕೊ, ಕ್ಹಾಪೊ ವರಿ ಇಚ್ಚಿಯೊಪರ ಚಾಲಾನು ತುಮೊನೆ ಮಿ ಅದಿಕಾರ ದಿದ್ಯೊಸ. ವೈರಿಯೊನೆ (ಸೈತಾನ) ರ್ವಯಲ ಅದಿಕಾರಿತೊಬಿ ಹೆಚ್ಚಿ ಅದಿಕಾರ ಮಿ ತುಮೊನೆ ದಿದ್ಯೊಸ ಕದ್ಯೊ. ತುಮೊನೆ ಸುಭ ಕೆಡ ಕರತು ನೈ.

20 ಹೊ ಕೆಟ್ಟ ಆತ್ಮಾವೊಬಿ ತುಮೊನೆ ವಿಧೆಯ ಧಾವಸ ಎ ಅದಿಕಾರ ತುಮೊನೆ ಛಿ ರ್ವಯಲ ಹುತಿ ಖುಶಿ ಧಯೆ ನೈಸೊ ತುಮಾರಾ ನಾಮೊ ಸ್ವರ್ಗಮಾ ಬರ್ದಲ ಛಿ ಕವಾನಾ ಹುತಿ ಖುಶಿ ಕ್ಷುರ್ವೊ.

ಯೆಸು ಬಾನೆ ಕರಲ ಪ್ರಾಥನಾ

(ಮತ್ತಾಯ 11:25-27; 13:16-17)

21 ಪಾಚಲ್ಯೊ ಯೆಸು ಪವಿತ್ರ ಆತ್ಮಾಕ್ಟು ಘನೊ ಖುಶಿ ಧೈನ ಅಮ್ಮ ಪ್ರಾಥನಾ ಕರಲ್ಯೊ ಸ್ವರಗ ಲೊಕನೊ ಭುಲೊಕನೊ ಕ್ಷುದಾ ಧಯಲ ಬಾ ಮಿ ತುನೆ ಸ್ತುತಿ ಕರುಸ ತು ಗ್ಯಾನಿಯೊನೆ ಗ್ಯಾನ ರ್ವಯಲವಾಲಾವೊನಾ ಎ ಸಂಗತಿ ಝಾಕಿನ ಮುಕ್ತಕಲ ಹುತಿ ಮಿ ತುನೆ ಸ್ತುತಿ ಕರುಸ ವರಿ ತು ನ್ಹಾನಾ ಬಚ್ಚಾವೊಲಿಂಗತ ರ್ವಯಲ ಮನಕ್ಪೊನೆ ಎ ಸಂಗತಿಯೊ. ಝಾಕಿನ ಮ್ಹೆಲ್ಯಾವಾಚಿ ಕದ್ಯೊ ಹೊ ತೆಜ ತಾರಿ ಆಸ ವ್ಹತ್ತಿ.

22 ಮಾರೊ ಬಾ ಮನೆ ಕ್ಷಾರುಜ ದಿದ್ಯೊಸ. ದಿಕ್ರೊ ಕುನ್ನ ವ್ಹೈ ಕಿನೆಜ ಗೊತ್ತ ನತ್ತಿ. ಬಾ ನೆ ಯಕಜ ಗೊತ್ತ ಛಿ. ವರಿ ಬಾ ಕುನ್ನ ವ್ಹೈ ಕವಾನು ದಿಕ್ರಾನೆ ಯಕಜ ಗೊತ ಛಿ. ದಿಕ್ರೊ ಬಾನಾ ಹುತಿ ಕಿನೆ ತಿಳ್ಸ ತೆ ಯಕ್ಲೊಜ ಬಾನಾ ಹುತಿ ತಿಳದಿಲಿವಸ.

23 ಪಾಚಲ್ಯೊ ಯೆಸು ತಿನಾ ಶಿಷ್ಯಾವೊನೆ ಫರಿನ ದೆಕ್ರೊ ತ್ಯಾ ತಿನಾ ಶಿಷ್ಯಾಯಕ್ ಜ ವ್ಹತ್ತಾ ಯೆಸು ತ್ಯನೊನೆ ಹಮ್ಮಾ ಧಾವಾನು ಸಂಗತಿಯೊ ದೆಕಲ ತುಮೆ ಧನೈವ್ಹೈ.

24 ತಿನಾ ಹುತಿ ಮಿ ತುಮೊನೆ ಕೌಸ ಘನ್ನಾ ಪ್ರವಾದಿಯೊ ರಾಜಾ ಹಮ್ಮಾ ತುಮೆ ದೆಕಾನು ಎ ಸಂಗತಿಯೊ ದೆಕು ಕೈನ ವರಿ ತುಮೆ ಐಕಾನು ಸಂಗತಿಯೊ ಐಕೊ ಕೈನ ಆಸ ರ್ವೈತಬಿ ತೆ ತ್ಯನೊನೆ ಸಾದ್ಯ ಧೈಯು ನೈ "ಕದ್ಯೊ

ಚೊಕಾ ಸಮಾರಯಾವಾಲಾನಿ ಸಾಮ್ಯ

25 ತೆಳಾಮಾ ಶಾಸ್ತ್ರಿಯೊಮಾನೊ ಯಕ್ಲೊ ಯೆಸುನೆ ಪರಿಕ್ಷಾ ಲಿವೊ ಕೈನ ಉಟಿನ ಹುಬ್ಬೆನ ಗುರು ಮಿ ಹಮೆಶಾನೊ ಜಲಮ ಲಿವು ಕದ್ಯಾಮ ಮಿ ಸು ಕರು ಕೈನ ಪುಚ್ಯೊ.

26 ತೆ ವಾತೆ ಯೆಸು ಧರಮ ಶಾಸ್ತ್ರಮಾ ಸು ಬರ್ದಲ ಛೆ? ಕದ್ಯೊ

27 ತೆ ವಾತೆ ತೆ ತಾರೊ ಕ್ಹುದಾ ಥಯಲ ಕರ್ತಾನೆ ಪುರಾ ರ್ವದಯಾ ಕ್ಹು ಪುರಾ ಜಲಮಕ್ಹು ಪುರಾ ತಾಕತಕ್ಹು ಪುರಾ ಮನಸೆ ಮಯಾ ಕರು ವರಿ ತಾರಾಕ್ಹುತು ಕೆಕ್ಲೊಮಯಾ ಕರಶಿ ತಾರಾ ಬಾಜುವಾಲಾನೆ ತೆಕ್ಕಲೊ ಮಯಾ ಕರುಕ್ಲೆನ ಕದ್ಯೊ

28 ಯೆಸು ತಿನಿ ತು ಕದಲ ಕರೆಟ್ಟ ಛೆ ತು ತಿಮ್ಮಜ್ಜ ಕರ ತೆಳಾಮಾ ತುನೆ ಹಮೆಶಾನೊ ಜಲಮ ಮಳಸ "ಕದ್ಯೊ

29 ತೆನೈಸೊ ತೆ ಮನಕ್ಹ ತೆ ಖರಿನೊ ವ್ಹೈ ಕವೈ ಲಿವಾ ಹುತಿ, ಯೆಸುನೆ"ಮಿ ಮಯಾ ಕರಾನು ಮಾರೊ ಬಾಜುವಾಲೊ ಕುನ್ನವ್ಹೈ? ಕೈನ ತಿನೆ ಪುಚ್ಚೊ

30 ತೆಳಾಮಾ ಯೆಸು ತಿನೆ ಸು ಕದ್ಯೊ ಕದ್ಯಾಮ" ಯಕ್ಕ್ ಮನಕ್ಹ ಯೆರುಸೆಲಿಮಾ ಉತ್ತಿನ ಯೆರಿಕೊವೆ ಜಾವಾನಿ ವಾಟ್ಕಾ ಜಾತಾಮಾ. ದಕ್ಹಾಚ್ಚಟ್ಟಾತಿನೆ ಗೊಲ ಫಾಲ್ಯಾ ತ್ಯನೆ ತಿನಾ ಫಾಲ್ಲಿದಲ ವಣ್ಣಾಫಾಡಿನ ತಿಕನ ರ್ವಯಲ ತೆಕ್ಲ ಕಾಳ್ಳಿನ ತಿನೆ ಮಾರ್ಚ್ಯಾ ತಿನೆ ಉಟಾನೆ ಥಾಯೆ ನೈಸೊ ಜಿಮಿನ್ವರ ಪಡಿಗಯೊತೊ. ಚ್ಚಟ್ಟಾ ತಿನೆ ತ್ಯಾಜ್ಜ ಛೊಡಿನ ಗಯಾ. ತೆ ಮರವಾನಿ ಸ್ತಿತಿಮಾ ವ್ಹತ್ತೊ.

31 ತೆಜ್ಜ ವಾಟ್ಕಾ ಯಕ್ಲೊ ಯಾಜಕ ಚ್ಚಾಲೊತೊ ಜಾತಾಮಾ ತೆ ಪಡಲವಾಲಾನೆ ದೆಕಿನಬಿ ದೆಕೆನೈಸೊ ಗಯೊ.

32 ತಿನಾ ಲಿಂಗತಜ್ಜ ಯಕ್ಲೊ ಭು ಭಾಡೊ ಲಿವಾಲೊ ತೆ ಪಡಲ ವಾಲಾನೆ ದೆಕಿನಬಿ ನೈ ದೆಕಲ ಲಿಂಗತ ತ್ಯಾಂತೊ ಗೈಪಾಡ್ಯೊ.

33 ತೆಳಾಮಾ ಯಕ್ಲೊ ಸಮಾರಯಾವಾಲೊ ತೆಜ್ಜ ವಾಟ್ಕಾ ಆತಾಮಾ ತೆ ಮನಕ್ಹ ಮಾರ ಖೈನ ಪಡಲ ಜಗಾ ಐನ ತೆ ಮಾರ ಖೈನ ಪಡಲ ಮನಕ್ಹನೆ ದೆಕಿನ ಘನ್ನೊ ಮರಗ್ಲೊ.

34 ಸಮಾರಯಾವಾಲೊ ಬೆ ರುಪ್ಪಾನಾ ಬಿಲ್ಲಾ ತೆ ಸಮರಯಾವಾಲೊ ತೆ ಮನಕ್ಹನಾ ದುಕ್ಕಕೊಪರ ಒಲಿವ ತೆಲ ವರಿ ದ್ರಾಕ್ಷಿಯೊನೊ ರಕ್ಹ ಲಗಾಡಿನ ತೆ ದುಕ್ಕಕೊಪರ ಫಡಕಾ ಕ್ಹುಭಾಂದಿನ. ಸಮಾರಯಾವಾಲೊ ಯಕ್ಕ್ ಗದಡಾಪರ ಆಯೊತೊ ತೆಜ್ಜ ಗದಡಾಪರ ತೆ ಮಾರ ಖಾದಲ

ಮನಕ್ದನೆ ಫಾಲ್ಲಿನ ದವಾಕ್ವಾನಿಯೆ ನಿಂಗೈನ, ಅರಾಕಿ ಕರಯ್ತೊ ಮರ್ನಾ ದಿನ್ನೆ ತೆ ವಾಕ್ವಾನಿ ವಾಲಾನೆ ದಿನ ಇನೆ ಅರಾಕಿ ಕರ ಕೈನ; ವರಿ ಹೆಚ್ಚಿ ಖರಚ್ ಥಯಾತಬಿ ಮಿ ಬಿಚ್ಚೆಕ್ಕೆಬ ಆತಾಮಾ ವರಿ ತುನೆ ದಿವ್ನ ಕದ್ಯೊ.

35 ಮರ್ನಾ ದಿನೆ, ಸಮರಯಾವಾಲೊ ಬೆ ರುಪ್ಪಾನಾ

36 ತೆಳಾಮಾ ಯೆಸು ಶಾಸ್ತ್ರಿನೆ "ಎ ತನ ಜನಾವೊಮಾ (ಯಾಜಕ, ಭು ಭಾಡೊವಾಲೊ, ವರಿ ಸಮಾರಯಾ ವಾಲೊ) ಕುನ್ನ ಚ್ಚಟ್ಟಾವೊನಾ ಹತೆ ಮಾರ ಖೈನ ಪಡಲವಾಲಾನೆ ಮನಕ್ದನೆ ಕುನ್ನ ಮಯಾ ಕರಯ್ತೊ? ಕೈನ ಪುಚ್ಚೊ.

37 ತೆಳಾಮಾ ಶಾಸ್ತ್ರಿ, ತೆ ಮಾರ ಖೈನ ಪಡಲವಾಲಾನೆ ಆಸ್ತ್ರೊ ಕರಲವಾಲೊ ವ್ಹೈಕದ್ಯೊ.

ತೆಳಾಮಾ ಯೆಸು ತಿನೆ ತಿಮ್ಮ ರ್ವಯುಮ, ತು ಗೈನ ತಾರಾ ಬಾಜುವಾಲಾನೆ ತಿಮ್ಮಜ ಮಯಾ ಕರ"ಕದ್ಯೊ.

ಮರಿಯಳ ವರಿ ಮಾರಥಳ

38 ಯೆಸು ವರಿ ತಿನಾ ಶಿಷ್ಯಾ ಫರತಾ-ಫರತಾ ಯಕ್ಕ ಗಾಮೆ ಆಯಾ, ಮಾರಥಳ ಕವಾಲಿ ಯಕ್ಕ ಹೆಣ ಮನಕ್ದ ಯೆಸುನೆ ತಿನಾ ಘರೆ ಆ ಕದಿ.

39 ತಿನೆ ಯಕ್ಕಲಿ ಮರಿಯಳ ಕವಾಲಿ ನ್ವಾನಿ ಭೆನ ವ್ಹತ್ತಿ. ಯೆಸು ತ್ಯುನಾ ಘರೆ ಆತಾಮಾ ಮರಿಯಳ ಯೆಸುನಾ ಪಗೊಕನ ಬೈಟಿನ ತಿನು ಉಪದೆಶ ಐಕಾಡಿತಿ.

40 ಘರಮಾ ಘನ್ನು ಕಾಮ ರ್ವಯಲ ಹುತಿ ಮಾರಥಳ ಘನ್ನಿ ಶಿಟ್ಟಿ ಥೈನ ಯೆಸುಕನ ಐನ, ಪ್ರಭು, ಮಾರಿ ಭೆನ ಘರನು ಪುರಾ ಕಾಮ ಮಪರ ಯಕ್ಕಲಿಪರಜ ಛೊಡಿನ ತುಕನ ಐನ ಬೈಟಿಸ. ಇನಾಹುತಿ ತುನೆ ಚಿಂತಾ ನತ್ತಿಸು? ಮಾರಾ ಕ್ವಾತೆ ಕಾಮ ಕರ ಕೈನ ತಿನೆ ಕೆ ಕದಿ.

41 ತೆನ್ನೈಸೊ ಯೆಸು ಮಾರಥಳನೆ "ಮಾರಥಳ, ಮಾರಥಳ, ತು ಘನ್ನಿಯೊ ಚಿಂತಾಮಾ ವರಿ ಗಲಿಬಿಲಿಮಾ ಛೆ.

42 ಯಕ್ಕಜ ಯಕ್ಕ ಚೊಕು ರ್ವಯಲ ಮರಿಯಳ ಇನಿಲಿದಿಸ. ತೆ ತಿಮಾತು ಕೆಳಾಮಾಜ ಕಾಡಾನೆ ಥಾತು ನೈ"ಕದ್ಯೊ.

11

ಪ್ರಾಥನಾನಾ ಹುತಿ ಯೆಸು ಕದಲ

(ಮತ್ತಾಯ 6:9-15)

¹ ಯಕ್ಕದಿನ ಯೆಸು ಯಕ್ಕ ಜಗಾಪರ ಪ್ರಾಥನಾ ಕರಾಡೊತೊ ಪ್ರಾಥನಾ ಕರಿನ ಮುಗಸ್ತಾಮಾ, ತಿನಾ ಶಿಷ್ಯಾವೊಮಾನೊ ಯಕ್ಕೊ ಯೆಸುನೆ"ಸ್ವಾಮಿ ಯೊಹಾನ ತಿನಾ ಶಿಷ್ಯಾವೊನೆ ಪ್ರಾಥನಾ ಕರಾನು ಶಿಕ್ಕಾಯಲ ಲಿಂಗತ, ಹಮೊನೆಬಿ ಪ್ರಾಥನಾ ಕರಾನು ಶಿಕ್ಕಾ ಕದ್ಯೊ.

² ತೆ ವಾತೆ ಯೆಸು ತಿನೆ ತುಮೆ ಅಮ್ಮ ಪ್ರಾಥನಾ ಕರೊ ಬಾ,
ತಾರು ನಾಮ ಕೆಳಾಮಾಬಿ ಪರಿಶುದ್ಧ ವ್ಹೈ ಕೈನ ಕವೈಲಿವಾದೆ.

ತಾರೊ ರಾಜ್ಯ ಆವಾದೆ.

³ ಹಮಾರು ದಿನ್ನೆನು ಅನ್ನ ದಿನ್ನೆಬಿ ದೆ

⁴ ಹಮೊನೆ ತಪ್ಪ ಕರಲವಾಲಾನೆ ಹಮೆ ಮಾಫ

ಕರಲ ಲಿಂಗತ ಹಮಾರು ಪಾಪೊ ಮಾಫ ಕರ
ಹಮೊನೆ ಶೊದನೆಮಾ ಪಾಡುನಕೊ.

ಛೊಡ್ಯಾವಾಚಿ ಪ್ರಾಥನಾ ಕರೊ

(ಮತ್ತಾಯ 7:7-11)

⁵ ಯೆಸು ತ್ಯುನೊನೆ ಸು ಕದ್ಯೊ ಕದ್ಯಾಮ ತುಮೊಮಾನೊ ಯಕ್ಕಾನೆ ದೊಸ್ತ ಛೈ ಕೈನ ತಿಳದಿಲಿಯೆ. ಯಕ್ಕ ದಿನ್ನರಾತೆ ತಿನಾ ದೊಸ್ತನಾ ಘರೆ ಗೈನ ತಿನೆ ಮಾರು ದೊಸ್ತ ಮನೆ ಮಳಾನಾ ಹುತಿ ತೆ ಘನ್ನಾ ದುರತೊ ಮಾರಾ ಘರೆ ಆಯೊಸ.

⁶ ತೆನೈಸೊ ಮಾರಾ ದೊಸ್ತನೆ ಖಾವಾನೆ ಅನ್ನ ಮಕನ ನತ್ತಿ.

⁷ ತೆ ಘರಮಾ ರ್ಡ್ಡಯಲ ದೊಸ್ತ ಅನ್ನ ಪುಚ್ಚಾಲಾನೆ "ತು ಗೈಪಡ! ಮನೆ ತ್ರಾಸ ದ್ಯು ನಕೊ! ಬಾಕಲ ಫಾಲ್ಡಿ ಪಾಡ್ಯೊಸ! ಮಿಬಿ ವರಿ ಮಾರಿ ದಿಕ್ರಿ ಕ್ಕುರೈಪಡ್ಯಾಸ, ಮಿ ಉಟಿನ ರೊಕ್ಕಾ ನೈದೆತೊ "ಕದ್ಯೊ.

⁸ ಕ್ವಾಲಿ ತ್ಯುನಿ ದೊಸ್ತಿ ಯಕಜ ತಿನೆ ಉಟಿನ ರೊಕ್ಕಾ ದಿವಾನು ವ್ಯಕ್ಕು ಕರತು ನೈ ಕೈನ ತುಮೊನೆ ಕೌಸ. ತೆ ಹಗ್ಗೊಲ್ಲಾ ಪುಚ್ಚೊ ರ್ಡ್ಡಯ್ಯೊಮ, ತೆ ಉಟಿನ ಫಾಯೆ ಥಯಲ ರೊಕ್ಕಾ ಕ್ಕರಿಮಾಜ ದಿವಸ.

9 ತಿನಾಹುತಿ ಮಿ ತುಮೋನೆ ಕೌಸ, ಮಾಂಗಿಲಿವೊ ತುಮೋನೆ ಮಳಸ. ಹುಡ್ಕೊ ತೆಳಾಮಾ ತುಮೋನೆ ಕ್ವಾಪ್ಪಸ. ವಜಾಡೊ ತೆಳಾಮಾ ತುಮಾರಾ ಹುತಿ ಬಾಕಲ ಕಾಡಸ.

10 ಹೊ ಲೊಡ್ಯಾವಾಚಿ ಮಾಂಗಾಲಾನೆ ಮಳಸ, ಹುಡ್ಕಾಲಾನೆ ಕ್ವಾಪ್ಪಸ, ವಜಾಡಾಲಾನೆ, ತಿನಾ ಹುತಿ ಬಾಕಲ ಕಾಡಸ.

11 ತುಮೋಮಾ ಕೆಕ್ಕಲಾ ಜನಾ ಬಾ ಥಯಾಸ? ತಮಾರಾ ಬಚ್ಚಾ ಮಚ್ಚಿ ಮಾಂಗ್ಯಾಮ, ತುಮೆ ತಿನೆ ಕ್ವಾಪ ದಿವೊಸಿಸು ನೈ!

12 ತುಮಾರಾ ಬಚ್ಚಾ ಇಂಡು ಮಾಂಗ್ಯಾಮ ಇಚ್ಚಿ ದಿವೊಸಿಸು? ನೈ!

13 ತುಮೆ ಬಿಜಾವೊಲಿಂಗತ ಕೆಟ್ಟ ರ್ವಯಾತಬಿ ತುಮಾರಾ ಬಚ್ಚಾವೊನೆ ಚೊಕೊಜ ದಿವೊಸಿ, ತಿನಾಲಿಂಗತಜ ಸ್ವರ್ಗಮಾ ರ್ವಯಲ ತುಮಾರೊ ಬಾ ಬಿ ತುಮೆ ಮಾಂಗಿಲಿವಾನೆ ಪವಿತ್ರ ಆತ್ಮಾ ಕ್ವರಿಮಾಜ ದಿವಸ, ಕದ್ಯೊ.

ಯೆಸುನಿ ತಾಕತ ಕ್ವದಾಕಂತಿ ಆಯಲ ವ್ಹೈ

(ಮತ್ತಾಯ 12:22-30; ಮಾರ್ಕ 3:20-27)

14 ಯಕ್ಕ ಸಲಾ ಯೆಸು ಮುಕಿ ಕೆಟ್ಟ ಆತ್ಮಾ ಧರಲವಾಲಾನೆ ಲೊಡಾವಾಡ್ಯೊತೊ. ತೆ ಕೆಟ್ಟ ಆತ್ಮಾ ತೆ ಮನಕ್ವಾನಾ ಅಂಗಮಾತೊ ಭಾರು ಆತಾಮಾ ತೆ ಮನಕ್ವ ಬೊಲ್ಯೊ. ಎ ದೆಕಲ ಮನಕ್ವೊ ಘಾಬ್ರಾಥಯಾ.

15 ತಿಮಾನಾ ದಕ್ವಾ ಮನಕ್ವೊ ಎ ಕೆಟ್ಟ ಆತ್ಮಾವೊನೊ ಅದಿಕಾರಿ ಥಯಲವಾಲೊ ಬೆಲೆಬೊಲನಿ ತಾಕತ ಕ್ವೊ ಲೊಡಾವಾಸ ಕದ್ಯಾ.

16 ಬಿಜಾ ದಕ್ವಾ ಮನಕ್ವೊ ಯೆಸುನೆ ಪರಿಕ್ಷಾ ಲಿವಾನಾ ಹುತಿ ತು ಕ್ವದಾಕಂತೊ ಮಾಂಗಿಲಿನ ಯಕ್ಕ ಸುಚಕ ಕಾರಯೊ ಕರಿನ ದೆಕಾಡ ಕದ್ಯಾ.

17 ತೆನ್ನೆಸೊ ಯೆಸು ತ್ಯುನಿಯೊ ವಿಚಾರ ತಿಳ್ವಿನ ತ್ಯುನೊನೆ "ಫುಟಿ ಗಯಲ ವರಿ ತಿನಾ ವಿರುದ್ಧ ತೆಜಿ ಲಡಾಯಿ ಕರಾನು ರಾಜ್ಯ ಹಾಳ ಥೈ ಜಾವಸ, ಯಕ್ಕ ಕುಟುಂಬಮಾ ಭೆದ ಭಾವ ರ್ವಯುಮ ತೆ ಕುಟುಂಬ ಉಗರತು ನೈ.

18 "ತಿನಾಲಿಂಗತಜ್ಞ ಸೈತಾನ ತಿನಾ ವಿರುದ್ಧ ತೆಜ್ಜ ಲಡಾಯಿ ಕರಲಿದ್ಯುಮ, ತಿನು ಯಕ್ಕ ಅದಿಕಾರ ಕಿಮ ಉಗ್ರಸ? ಬೆಲೆಬೊಲನಾ ತಾಕತ ಕ್ಕುಮಿ ಕೆಟ್ಟ ಆತ್ಮಾ ಛೊಡಾವಸ ಕೈನ ತುಮೆ ಕವಾಡ್ಯಾಸ್ತೊ.

19 ಮಿ ಬೆಲೆಬೊಲನಿ ತಾಕತಕ್ಕು ಕೆಟ್ಟ ಆತ್ಮಾವೊ ಛೊಡಾವಾನು ರ್ಡ್ಡಯುಮ ತಮಾರಾ ಮನಕ್ಕೊ ಕೆಟ್ಟ ಆತ್ಮಾ ಕೈ ತಾಕತಕ್ಕು ಛೊಡಾವಸ? ತಮಾರಾ ಸ್ವಂತ ಮನಕ್ಕೊ ತುಮೊನೆ ತಪ್ಪ ಕರಾಲಾ ವ್ಹೈಕೈನ ಕವಸ್ತೊ.

20 ತೆನೈಸೊ ಮಿ ಕೆಟ್ಟ ಆತ್ಮಾವೊನೆ ಕ್ಕುದಾನಿ ತಾಕತ ಕ್ಕು ಛೊಡಾವಾಡ್ಯಾಸ್ತೊ ಕ್ಕುದಾನಿ ರಾಜ್ಯ ತುಮಾರಾ ಕ್ಕಾಮಿ ಐಸ ಕೈನ ಎಜ್ಜ ಸಾಕ್ಷಿ ವ್ಹೈ.

21 ಯಕ್ಕೊ ತಾಕತವಾಲೊ ಲಡಾಯಿನು ಕ್ಕಾರು ಸಾಮನ ಅಂಗಪರ ಫಾಲ್ಲಿನ ತಿನು ಘರ ಕೈದತೊ ರ್ಡ್ಡತಾಮಾ ತಿನು ಘರಮಾನು ಸಾಮನ ವಾಗಾತಿ ರ್ಡ್ಡವಸ,

22 ತೆನೈಸೊ ತಿತ್ತಿಬಿ ತಾಕತವಾಲೊ ಐನ ತಿನೆ ಸೊಲ್ಸಿನ್ ಪಾಚಲ್ಲೊ ತೆ ಪೈಲಾನೊ ಮನಕ್ಕು ಬರೊಕ್ಕೊ ಮೈಲ್ಲಿದಲ ತೆ ಲಡಾಯಿನು ಸಾಮನ ಕಾಳ್ಳಿನ ತೆ ಚೊರಿಕರಲ ಕ್ಕಾರು ವಾಟಿನ ದಿವಸ,

23 ಮಾರಾ ಕ್ಕಾತೆ ನೈ ರ್ಡ್ಡಯಲವಾಲೊ ಮನೆ ವಿರುದ್ಧ ವ್ಹೈ ಮಾರಾ ಕ್ಕಾತೆ ನೈ ಮಳಲವಾಲೊ ಜುದಾ ಕರಾವಾಲೊ ವ್ಹೈ.

ಕೆಟ್ಟ ಆತ್ಮಾ ಫರೀನ ಆಯಲ

(ಮತ್ತಾಯ 12:43-45)

24 "ಕೆಟ್ಟ ಆತ್ಮಾ ಯಕ್ಕ ಮನಕ್ಕಮಾತಿ ಭಾರಿ ಆಯಲ್ಪರ ಅರಾಮ ಕರಾನೆ ಜಗಾ ಹುಡ್ಕತಿ ಪಾನಿ ನೈಸೊ ಜಗಾ ಫರಸ, ತೆನೈಸೊ ತಿನೆ ಅರಾಮ ಕರಾನೆ ಜಗಾ ನೈ ಮಳ್ಳಾಮಾ ತೆ ಫರೀನ ಮಿ ರ್ಡ್ಡಯಲ ಪೈಲಾನಾ ಮನಕ್ಕನಾ ಅಂಗಮಾ ವರಿ ಜೊಸ ಕೈನ ಕೈಲಿವಸ.

25 ತೆ ಮನಕ್ಕಕನ ಫರೀನ ಆತಾಮಾ ತೆ ಘರ (ಮನಕ್ಕ) ವಾಗಾತಿ ಥಯಲ ದೆಕಿನ.

26 ತೆ ಕೆಟ್ಟ ಆತ್ಮಾ ಗೈನ ತಿತ್ತಿಬಿ ಕೆಟ್ಟ ರ್ಡ್ಡಯಲ ಬಿಜಿಯೊ ಕ್ಕಾತ ಕೆಟ್ಟ ಆತ್ಮಾವೊನೆ ಬಲೈಲಿನ ಆವಸ. ತೆ ಕೆಟ್ಟ ಆತ್ಮಾ ತೆ ಮನಕ್ಕನಾ ಅಂಗಮಾ

ಹೊಕ್ಕಕಿನ ತ್ಯಾಜ್ಯ ರ್ಹವಸ. ತೆಳಾಮಾ ತೆ ಮನಕ್ಹನೆ ಪೈಲಾತಿಬಿ ಹೆಚ್ಚಿ ತ್ರಾಸ ಧಾವಸ ಕದ್ಲೊ.

ಕ್ಹರಿನಿ ಖುಶಿ

27 ಯೆಸು ಎ ವಾತೊ ಕತೊ ರ್ಹತಾಮಾ ಯಕ್ಕ ಬಾಕ್ಶಿ ಯೆಸುನೆ ತುನೆ ಜನ್ನಿನ ರಾಕಲವಾಲಿ ಧನೈವ್ವೊ ಕೈನ ಕದಿ.

28 ಯೆಸು ತಿನೆ, ಕ್ಹುದಾನಿಯೊ ವಾತೊ ಐಕಿನ ತಿನೆ ಕರೆಟ್ಟು ಫಾಲಾಲಾ ಧನೈವ್ವೊ ಕದ್ಲೊ.

ಹಮೊನೆ ಸಾಕ್ಷಿ ದೆ!

(ಮತ್ತಾಯ 12:38-42; ಮಾರ್ಕ 8:12)

29 ಮನಕ್ಹೊ ಗುಂಪ ಥೈನ ಆತಾಮಾ ಯೆಸು ತ್ಯುನೊನೆ ಸು ಕವಾನು ಚಾಲು ಕರೈಕ್ಕೊ ಕದ್ಯಾಮ ಎ ಕೆಟ್ಟ ಸಂತತಿಜ್ಜ ವ್ಹೊ ಸುಚಕ ಕಾರಯೊ ದೆಕುಸ ಕವಾಡ್ಯೊಸ. ತೆನೈಸೊ ಯೊನನಿ ಜಿವಿತ್ತಾ ದೆಕಾನೆ ಮಳಲ ಸುಚಕ ಕಾರೈಕ್ಕೊ ಬಿಜಾವೊನೆ ಕಿನೆಜ್ಜ ದೆಕಾನೆ ಮಳತು ನೈ.

30 ನಿನೆವಿಮಾ ರ್ಹಯಲ ಮನಕ್ಹೊನೆ ಯೊನ ಯಕ್ಕ ಸುಚನೆ ರ್ಹಯಲ ಲಿಂಗತ ಹೊತೊ. ತಿನಾ ಲಿಂಗತಜ್ಜ ಎ ಕಾಲ್ನಾ ಮನಕ್ಹೊನೆ ಮನಕ್ಹನೊ ದಿಕ್ಲೊ ವಳಕ ಥಯೊಸ.

31 ನ್ಯಾಯ ತಿರಪನಾ ದಿನಮಾ ದಕ್ಕಷಿಣ ದೆಶನಿ ರಾಣಿ ಎ ಖಾಂದಾನ್ನ್ಯಾ ಕ್ಹಾತೆ ಉಟಿನ ಹುಬ್ಬೈನ ಇವ್ವೆ ಅಪರಾದಿ ವ್ಹೊ ಕೈನ ಕವಸ. ಕಾಕದ್ಯಾಮ ಘನ್ನಿ ದುರತಿ ಐನ ಸೊಲೊಮೊನನಿಯೊ ಗ್ಯಾನಿಯೊ ವಾತೊ ಐಕಿನ ವರಿ ತಿಳದಿಲಿವಾನೆ ಐ. ವರಿಬಿ ಮಿ ತುಮೊನೆ ಸು ಕೌಸ ಕದ್ಲೊ ಕದ್ಯಾಮ ಮಿ ಸೊಲೊಮೊನತಿ ಬಿ ಘನ್ನಿ ಗ್ಯಾನವಾಲೊ (ಯೆಸು) ವ್ಹೊ.

32 ನ್ಯಾಯ ತಿರಪನಾ ದಿನಮಾ ನಿನೆವೆ ಗಾಮವಾಲಾ ಎ ಸಂತತಿವಾಲಾವೊನ ಕ್ಹಾತೆ ತ್ಯುನೊನೆ ಅಪರಾದಿ ವ್ಹೊ ಕೈನ ಕವಾಲೊ ಯೊನ ಕದಲ ಕ್ಹುದಾನಿಯೊ ವಾತೊ ಐಕಿನ ತೆ ಗಾಮನಾ ಮನಕ್ಹೊ ತ್ಯುನಾ ಪಾಪನೆ ಪಶ್ಚಾತಾಪ ಪಡಿನ. ಕ್ಹುದಾ ಬಗಲ ಫರಯಾ. ತೆನೈಸೊ ಮಿ ಪ್ರವಾದಿ ಥಯಲ ಯೊನ ತಿಬಿ (ಯೆಸು) ಮ್ಹೊಟೊ ವ್ಹೊ.

ಜಗತ್ತೆ ಉಜಾಲು ಧೈನ ರ್ವವೊ
(ಮತ್ತಾಯ 5:15; 6:22-23)

33 ಕುನ್ನಬಿ ದಿವ್ವೊಲಗಾಡಿ ಸಾಮನ್ಯಾನ್ಯೆತೊ ಬಿಜಿ ಜಗಾಮಾ ರ್ವಾಕಿನ ಮ್ಹೆಲ್ಲಾ ನೈ ಮ್ಹ್ವೊ ಆವಾಲಾವೊನೆ ಉಜಾಲು ಪಡಾ ಹುತಿ ದಿವ್ವೊ ಲೈನ ಗೊಡಿಪರ ಮ್ಹೆಲಸ.

34 ತಾರಾ ಡೊಳಾ ತಾರಾ ಅಂಗನೆ ಉಜಾಲು ಥಯಾಸ. ತಾರಾ ಡೊಳಾ ಸಿದಾರ್ವತಾಮಾ ತಿನಾ ಲಿಂಗತ ತಾರು ಅಂಗ ಉಜಾಲಾ ಲಿಂಗತ ರ್ವವಸ. ತೆ ಕೆಟ್ಟ ರ್ವಯೊಮ ತಿನಾಲಿಂಗತ ಅಂಗಬಿ ಅಂದಾರಾ ಲಿಂಗತ ರ್ವವಸ. ತಿನಾ ಹುತಿ ತಾರಾಮಾ ರ್ವಯಲ ಉಜಾಲು ಅಂದಾರು ಧೈಯುಸು ದೆಕ.

35 ತಾರು ಅಂಗ ಪುರಾ ಉಜಾಲು ರ್ವಯುಮ ಯಕ್ಕ ಬಗಲಬಿ ಅಂದಾರು ರ್ವಯುಮ ದಿವ್ವಾನು ಉಜಾಲು ಪಡಿನ ತುನೆ ಉಜಾಲು ದಿವಾನಾ ಕಾಲಮಾ ಕಿಮ ತಿಮ್ಮಜ ತೆ ಪುರಾ ಉಜಾಲು ಧೈನ ರ್ವವಸ ಕದ್ಯೊ.

36 ತಾರು ಪುರಾ ಅಂಗ ಉಜಾಲು ರ್ವಯಮ ತಾರಾ ಅಂಗನಾ ಕಯಾಜ ಭಾಗನೆ ಅಂದಾರು ರ್ವತು ನೈ ಇನಾಹುತಿ ಕ್ವಾರು ಉಜಾಲು ಧೈನಜ ರ್ವವಸ ಕಿನಾ ಲಿಂಗತ ಕದ್ಯಾಮ ದಿವ್ವೊ ಉಜಾಲು ದಿನ್ನ ಕ್ವಾರಿ ಬಗಲ ಉಜಾಲು ಧೈನ ರ್ವವಸ.

ಯೆಸು ಫರಿಸಾಯರೊನೆ ತಾಕಿತ ಕರಲ
(ಮತ್ತಾಯ 23:1-36; ಮಾರ್ಕ 12:38-40; ಲುಕ 20:45-47)

37 ತೆ ಬೊಲ್ವೊ ರ್ವತಾಮಾ ಯಕ್ಕೊ ಫರಿಸಾಯರವಾಲೊ ಯೆಸುನೆ ಖಾವಾನೆ ಆ ಕೈನ ಮಾಂಗಿಲೆತಾಮಾ ತೆ ಮ್ಹ್ವೊ ಗೈನ ಖಾವಾನಾ ಹುತಿ ಬೈಟ್ವೊ.

38 ಯೆಸು ತಿನಾ ಹತೊ ಧ್ವಲಿದ್ಯಾವಾಚಿ ಖಾವಾನೆ ಬೈಟಲ ದೆಕಿನ ತೆ ಫರಿಸಾಯರ ವಾಲೊ ಘಾಬೊಥಯೊ.

39 ಯೆಸು ಫರಿಸಾಯರನೆ ತುಮೆ ತಾಂಬಿಯಾ ವರಿ ವಾಟ್ಕಾ ಭಾರಾತು ಯಕ್ಕಜ ಧವೊಸಿ. ತೆನ್ನೆಸೊ ತುಮಾರು ಮ್ಹೈನು ಮೊಸಕ್ಕು ಕೆಟ್ಟ ಕ್ಹಭರಿ ಗಯುಸ.

40 ತುಮೆ ಗ್ಯಾನ ನೈಸೊ ವಾಲಾ ವ್ಹೈ! ಮನಕ್ಹನೆ ಭಾರಾತೊಬಿ ಮ್ಹೈತೊಬಿ ಕರಲವಾಲೊ ಕ್ಹದಾಞ ವ್ಹೈ

41 ತಿನಾ ಹುತಿ ಸಾಮನ್ಯಾ ರ್ಹಯಲ ಖಾವಾನು ಅನ್ನ ಗರಿಬೊನೆ ದಿವೊ ತೆಳಾಮಾ ತುಮೆ ಪುರಾ ಶುದ್ಧ ಥಾವೊಸಿ.

42 ಫರಿಸಾಯರೊ, ತುಮಾರಿ ಗತಿ ಮಿ ಸು ಕೌ! ತುಮೆ ಕ್ಹದಾನೆ ತುಮೊಕನ ರ್ಹಯಲ ಹರಿ ಯಕಮಾ ಲಾಸ್ಪನೊ ವಾಟೊ ದಿವೊಸಿ. ತುಮಾರಾ ಖಿತರಮಾ ಬೆಳ್ಳಾನು ಮರುಗ, ಸದಾಪು ಹಜುನ ಘನ್ನಿಯೊ ತರಕಾರಿಯೊ ಮಾ ಲಾಸ್ಪನೊ ವಾಟೊ ದಿವೊಸಿ. ವರಿ ಬಿಜಾವೊನೆ ನ್ಯಾಯ ತಿರಸಾನು ಕ್ಹದಾನೆ ಮಯಾಕರಾನು ಇಕ್ಕರಿಪಾಡ್ಯಾಸ. ತುಮೆ ಪೈಲಾ ಕ್ಹದಾನೆ ದಿವಾನು ಪೈಲಾ ದಿವೊ ವರಿ ಕ್ಹಾರಾವೊನೆ ಮಯಾಕರಾನು ಪೈಲಾ ಕರೊ.

43 ಫರಿಸಾಯರೊ ತುಮಾರಿ ಗತಿ ಮಿ ಸು ಕೌ, ಸಭಾಮಂದಿರಮಾ ಖಾಸ ಭಗಾವೊಪರ ವಾನಿಯಾನಿ ವರಿ ವಾಟ್ಪರ ಮನಕ್ಹೊ ತುಮೊನೆ ಪಗೆ ಪಡಾನು ತುಮೊನೆ ಘನ್ನು ಘೊಕು ವ್ಹೈ

44 ತುಮೆ ಬುಜ್ಜೈಗಯಲ ಮಜಾರೊ ಲಿಂಗತ ವ್ಹೈ ಮನಕ್ಹೊ ತುಮೆ ಮಜಾರೊ ನ್ಹವೈ ಕೈನ ತಿಳ್ಳಿನ ತುಮೊಪರ ಚಾಲಸ.

ಶಾಸ್ತ್ರಿಯೊನೆ ಯೆಸು ಕದಲ

45 ಎ ಕ್ಹಾರು ಕದಲ ಐಕಿನ ಧರಮ ಉಪದೇಶ ಕವಾಲೊ ಯಕ್ಲೊ ಯೆಸುನೆ ಭೊದಕ ತು ಎವಾತೊ ಕವಾಕ್ಹು ಹಮಾರಾ ಮನಕ್ಹೊನೆ ಬೆಜ್ಜಾರ ಕರಲ ಲಿಂಗತ ಥಯುಸ ಕತಾಮಾ ಯೆಸು.

46 ಧರಮ ಉಪದೇಶ ಕರಾಲಾವೊ, ತುಮಾರಿ ಗತಿ ಮಿ ಸು ಕೌ? ತುಮೆ ಮನಕ್ಹೊ ನೈ ಪಾಲ್ಸಾನಾ ನಿಯಮೊ ತ್ಯನೊನೆ ಪಾಲ್ಸಾನಾ ಕವೊಸಿತೊ ವರಿ ಎ ನಿಯಮೊ ಪಾಲ್ಸುಜ್ಜ ಕೈನ ಮನಕ್ಹೊನೆ ವತ್ತಾಯ ಕರೊಶಿತೊ. ಮತ್ರಾ ತುಮೆ ತೆ ನಿಯಮೊ ಪಾಲಸ್ತಾ ನೈತೊ.

47 ತುಮಾರಿ ಗತಿ ಸು ಕೌ! ತುಮೆ ಪ್ರವಾದಿಯೊನೆ ಮಜಾರೊ ಭಾಂದೊಶಿ. ತೆನ್ನೆಸೊ ಪ್ರವಾದಿನೆ ಮಾರೆಲ ವಾಲಾ ತುಮಾರಾ ಬಾಪೊಜ್ಜ ವ್ಹೆ!

48 ಅನಾ ಹುತಿ ತುಮಾರಾ ಬಾಪೊ ಕರಲ ಕಾಮೊ ತುಮೆ ವಪ್ಪಿಲಿದ್ಯಾಸ ಮನಕ್ಹೊನೆ ದೆಕಾಡೊಸಿ. ತ್ಯುನೆ ಪ್ರವಾದಿಯೊನೆ ಖಲಾಸ ಕರಿಪಾಡ್ಯಾ ತುಮೆ ತೆಜ್ಜ ಪ್ರವಾದಿಯೊನಿಯೊ ಮಜಾರೊ ಭಾಂದೊಸಿ!

49 ತಿನಾ ಹುತಿ ಕ್ಹುದಾನು ಗ್ಯಾನ ಸು ಕವಸ ಕದ್ಯಾಮ,ಮಿ ಮಾರಾ ಪ್ರವಾದಿಯೊನೆ ವರಿ ಅಪೊಸ್ತಲೊನೆ ಮೊಕ್ಕಲುಸ. ಮಾರಾ ದಕ್ಹಾ ಪ್ರವಾದಿಯೊನೆ ವರಿ ಅಪೊಸ್ತಲೊನೆ ಕೆಟ್ಟ ಮನಕ್ಹೊನಾ ಹತ್ಮಾ ಮರಿ ಜಾವಸ ವರಿ ದಕ್ಹಾಜನಾ ಕಷ್ಟಮಾ ಪಡಸ.

50 ತಿನಾಹುತಿ ದುನಿಯಾ ಶುರುತಿಬಿ ಮರಲ ಕ್ಹಾರಾ ಪ್ರವಾದಿಯೊನೆ ಕಾರಣ ಥಯಲ ಎ ಕಾಲನಾ ಮನಕ್ಹೊತುಮೆ ಶಿಕ್ಷಾನೆ ಗುರಿ ಥಾವೊಸಿ.

51 ಹೆಬಲನೆ ಮಾರಲ ಹುತಿ ಜಕರಿಯಾನೆ ಮಾರಲಹುತಿ ತುಮೊನೆ ಶಿಕ್ಷಾ ಮಳಸ. ಜಕರಿಯಾನೆ, ಬಲಿದಿವಾನಿ ಜಗಾ ವರಿ ದೆವಾಲಯನಾ ವಚ್ಚಾಖಲಾಸ ಕರಾಯಾ. ಹೊ ಇವೊನೆ ಮಾರಲ ಹುತಿ ತುಮೊನೆ ಶಿಕ್ಷಾ ಮಳಸ.

52 ಧರಮ ಉಪದೆಶ ಕರಾಲಾ ತುಮಾರಿ ಗತಿ ಮಿ ಸು ಕೌ! ಕ್ಹುದಾನಾ ಹುತಿ ತುಮೊನೆ ಗ್ವತ್ತ ಛಿ ವರಿಬಿ ತುಮೆ ತುಮಾರು ತುಮೆಜ್ಜ ಕರೊಶಿ. ಮನಕ್ಹೊಕನ ಕ್ಹುದಾನಾ ಹುತಿ ಕತಾಬಿ ನೈ ಶಿಕ್ಕಲಾತಾಬಿ ನೈ "ಕೈನ ಯೆಸು ಕದ್ಯೊ

53 ಯೆಸು ತ್ಯಾಂತೊ ಜಾತಾಮಾ ಧರಮ ಕರೊ ಕವಾಲಾ ವರಿ ಫರಿಸಾಯರೊ ಯೆಸುನೆ ವರಿ ದಕ್ಹಾ ತ್ರಾಸ ಕರಾನು ಚಾಲು ಕರ್ಯಾ ತ್ಯುನೆ ಯೆಸುನೆ ಘನಿಯೊ ವಾತೊಮಾ ಪ್ರಶ್ನೆ ಪುಚ್ಚಾನು ಚಾಲು ಕರ್ಯಾ

54 ಯೆಸುನೆ ವಾತೊಮಾ ಧರಿಯೆ ಕೈನ ವಿಚಾರ ಕರಲೆತಾ, ಯೆಸು ಸುಬಿ ತಪ್ಪ ಕಸ ಕೈನ ಬಿಜು-ಬಿಜು ಕವಾಡಾತಾ.

12

ಫರಿಸಾಯರೊ ಲಿಂಗತ ಥಾವೊ ನಕೊ

1 ತೆಕ್ಕಾಮಾಜ್ಜ ಹಜಾರೊಸಿ ಮನಕ್ಲೊ ಯಕ್ಕಾನಾ ಯಕ್ಲೊ ಖುಂದಾ ಯಕ್ಕಾ ಕುಡಿನ ಆಯಲ ಹುತಿ ತೆ ಪೈಲಾ ತಿನಾ ಶಿಷ್ಯಾವೊನೆ ಸು ಕದ್ಯೊ ಕದ್ಯಾಮ, ಫರಿಸಾಯರೊನಾ ಖಾಟಾ ಲೊಟ್ಟಿ ವಿಷಯಮಾ ಕದ್ಯಾಮ ತಿವ್ವಿ ಕಪಟತನಾ ಹುತಿ ಹುಶಾರಕ್ಕು ರ್ವೊ.

2 ರುಕಾಯಲ ಕಯುಜ್ಜ ಗ್ವತ್ತ ಥಾವಸ, ದಡೈನ ಮೈಲಲ ಕ್ವಾರಾವೊನಾ ಕ್ವಾಮು ಆವಸ.

3 ಇಮ್ಮರ್ದಯಲ ಹುತಿ ತುಮೆ ಅಂದಾರಾಮಾ ಕದಲ ಉಜಾಲಾಮಾ ಐಕು ಆವಸ. ವರಿ ತುಮೆ ಖೊಲಿಮಾ ರ್ವೊನ ಕಾನ್ಮಾ ಕದಲ ವಾತೊ ಮ್ಹಾಡಿನಾ ಘರಮಾ ಕವಸ.

ಕ್ವುದಾಕ್ವುಯಕ್ಕಜ್ಜ ಭುಚ್ಚಕೊ

(ಮತ್ತಾಯ 10:28-31)

4 "ಮಾರಾ ದೊಸ್ತೊ ಮಿ ತುಮೊನೆ ಸು ಕೌಸ ಕದ್ಯಾಮ, ತುಮಾರಾ ಅಂಗನೆ ಖಲಾಸ ಕರಾಲಾನೆ ಭುಚ್ಚಕೊ ನಕೊ ತ್ಯನೆ ವರಿ ಬಿಜ್ಜು ಸುಜ್ಜ ಕರತಾ ನೈ.

5 ತುಮೆ ಕಿನೆ ಭುಜ್ಜು ಕದ್ಯಾಮ, ತುಮೊನೆ ಖಲಾಸ ಕರಿನ ನರಕಮಾ ಫಾಲಾನೆ ಅಧಿಕಾರ ರ್ವಯಲ ವಾಲೊ ಕ್ವುದಾನೆ ಯಕ್ಕಜ್ಜ ಭುಚ್ಚಕು.

6 "ಪಾಂಚ್ ಚಿವ್ವಿಯೊನಿ ಕಿಮ್ಮತ ಬೆ ಬಿಲ್ಲಾ? ರ್ವಯುತಬಿ ಕ್ವುದಾ ತ್ಯನೊಮಾ ಯಕ್ಕನೆಬಿ ಇಕ್ಕರತೊ ನೈ.

7 ತಿನಾಲಿಂಗತಜ್ಜ ತಮಾರಾ ಮಾತಾಮಾ ಕೆಕ್ಕಲಾ ಬಾಲೊ ಟಿ ಕ್ವುದಾನೆ ಗ್ವತ್ತ ಟಿ. ತಿನಾಹುತಿ ತುಮೆ ಭುಚ್ಚಕೊ ನಕೊ. ತುಮೆ ಘನಿಯೊ ಚಿವ್ವಿಯೊತಿಬಿ ಘನ್ನಾ ಕಿಮ್ಮತ್ನಾ ವ್ವೊ.

ಯೆಸುನಾ ಹುತಿ ಸರ್ಮವೊ ನಕೊ

(ಮತ್ತಾಯ 10:32-33; 12:32; 10:19-20)

8 "ಮಿ ತುಮೊನೆ ಸು ಕೌಸ ಕದ್ಯಾಮ, ಕಯೊಬಿ ಬಿಜ್ಜಾ ಮನಕ್ಲೊನಾ ಕ್ವಾಮೊ ತೆ ಮನಕ್ವ ಮಾರೊ ವ್ವೊ ಕದ್ಯಾಮ ಮನಕ್ವನೊ ದಿಕ್ರೊ ಬಿ ತೆ ಮನಕ್ವನೆ ದೆವದುತೊನಾ ಕ್ವಾಮೊ ತಿನೆ ಮಾರೊ ವ್ವೊ ಕೌಸ.

9 ವರಿ ಕಯೊಬಿ ಬಿಜಾ ಮನಕ್ಖೊನಾ ಕ್ವಾಮೊ ತೆ ಮನಕ್ವಮಾರೊ ನ್ಹವೈ ಕದ್ಯಾಮ, ಮನಕ್ವನೊ ದಿಕ್ರೊ ತಿನೆ ದೆವದುತೊನಾ ಕ್ವಾಮೊ, ತೆ ಮನಕ್ವನೆ ಮಾರೊ ನ್ಹವೈ ಕೌಸ.

10 "ಕುನ್ನಬಿ ಮನಕ್ವನಾ ದಿಕ್ರಾನಾ ವಿರುದ್ಧ ಬೊಲಲ ರ್ವಯೊಮ ತಿನೆ ಮಾಫ ಮಳ್ಸ ವರಿ ಪವಿತ್ರ ಆತ್ಮಾನೆ ದೊಶ ದಿವಾಲಾನೆ ಮಾಫ ಮಳ್ತಜಿ ನೈ

11 ಮನಕ್ಖೊ ತುಮೊನೆ ಸಬಾಮಂದಿರಮಾ ಅದಿಕಾರಿಯೊನಾ ಕ್ವಾಮಾ ನ್ಯಾಯಾದಿಪತಿಯೊನಾ ಕ್ವಾಮಾ ಮಂತ್ರಿಯೊನಾ ಕ್ವಾಮಾ ತುಮೊನೆ ಯಳ್ವಿನ ನಿಂಜಾತಾಮಾ ತ್ಯುನಾ ಕ್ವಾಮೊ ಸು ಬೊಲುಕ್ವೆನ ತುಮೆ ಚಿಂತಾನಕೊ ಕರೊ.

12 ತೆ ಟೈಮಾ ತುಮೆ ಬೊಲಾನು ಪವಿತ್ರ ಆತ್ಮಾ ತುಮೆ ಸು ಕೌ ಕೈನ ತಿಳ್ವಾವಸ"

ಸ್ವಾರತನಾ ಹುತಿ ಯೆಸು ಕದಲ

13 ನಜಿಕ್ವಾರ್ವಯಲವಾಲೊ ಯಕ್ಲೊಯೆಸುನೆ, ಭೊದಕ ಹಮಾರೊ ಬಾ ಛೊಡಿನ ಗಯಲ ಮಾರಿ ಬಾನಿ ಆಸ್ತಿಮಾ ಮನೆ ವಾಟೊ ದೆ ಕೈನ ಮಾರಾ ಮೊಟ್ಟಾ ಭೈನೆ ಕೆ ಕದ್ಯೊ

14 ತೆನೈಸೊ ಯೆಸು "ಮಿ ತುಮಾರಿ ನ್ಯಾಯ ಕರಾನೆ ವರಿ ತುಮಾರಾ ಬಾನಿ ಆಸ್ತಿಮಾ ತುಮೊನೆ ಭಂಬಿಜನಾವೊನೆ ವಾಟಿನೆ ದಿವಾನೆ ಮನೆ ಕುನ್ನ ಕದ್ಯಸ?

15 ತೆ ಧಯಲಪರ ಯೆಸು ತ್ಯಾ ರ್ವಯಲ ಮನಕ್ಖೊನೆ "ಹುಶಾರ, ಕೈಬಿ ಆಸನೆ ಸ್ವಾರಥಮಾ ಪಡೆನೈಸೊ ಭಾಗಾ ರ್ವವೊ. ಕಾಕದ್ಯಾಮ ಯಕ್ಲಾನೆ ಕೆಕ್ಕಲಿಬಿ ಆಸ್ತಿ ರ್ವೈತಬಿ ತೆ ಆಸ್ತಿಕ್ವುತೆ ಮನಕ್ವನೊ ಜಲಮ ನೈ ವಘಾಡಿಲೆತೊ "ಕದ್ಯೊ

16 ಪಾಚಲ್ತೊ ಯೆಸು ಮನಕ್ಖೊನೆ ಯಕ್ವ ಸಾಮ್ಯ (ಸಾಮ್ಯ ಕದ್ಯಾಮ ತಿನೆ ಮಳ್ಳಿನ ಕವಾನು) ಕದ್ಯೊ" ಯಕ್ಲೊಘನ್ನೊಸೌಕಾರ ವ್ವತ್ತೊವರಿ ತಿನೆ ಘನ್ನಿ ಜಗಾ ವ್ವತ್ತಿ ವರಿ ಯಕ್ವಸಲಾ ತಿನಿ ಜಿಮಿನ್ವರ ಘನ್ನ ಅನಾಜ ಉಟ್ಟುತು.

17 ತಿಳಾಮಾ ತಿ ಸೌಕಾರ ರ್ವಯಲವಾಲೊ ಮಿ ಹಮ್ಮಾ ಸು ಕರು? ಮಾರು ಅನಾಙ್ ಭರಿನ ಮುಕ್ಕಕಾನೆ ಙ್ಗನಾ ನತ್ತಿ! ತಿನಾಕ್ಕು ತೆ ಕೈಲಿದ್ಯೊ.

18 ಪಾಚಲೊ ತಿ ಸೌಕಾರ, ಮಿ ಸು ಕರು ಕವಾನು ಮನೆ ಗ್ವತ್ತ ಛಿ. ಮಾರು ಅನಾಙ್ ಮೈಲಾನು ಘರ ಪಾಡಿನ, ಅನಾಙ್ ಮೈಲಾನಾ ಹುತಿ ಮಿ ಮೊಟ್ಟು ಘರ ಭಾಂದುಸ. ವರಿ ಅನಾಙ್ ಕ್ಕಾರು ಙ್ಗಮಾ ಕರಿನ ಭರಿನ ಮೈಲಾವುಸ್,

19 ಪಾಚಲೊ ಮಿ ಮಾರಾ ಹುತಿ ಘನ್ನಾ ವರಕ್ಕ ಚಾಯೆಥಯಲ ಅನಾಙ್ ಕುಡ್ಸಿನ ಮೈಲ್ಯೊಸ, ಖಾ. ಪಿ. ಖುಶಿ ಕರ! ಕೈಲ್ಯುಸ, ವಿಚಾರ ಕರಲಿದ್ಯೊ.

20 ತೆನ್ನೆಸೊ ಕ್ಕುದಾ ತಿನೆ, ತು ಗ್ಯಾನ ನೈಸೊವಾಲಾ! ಆಙ್ ರಾತೆಙ್ಗ ತು ಮರಸಿ! ಹಮ್ಮಾ ಕೆ ತು ಕುಡ್ಸಿನ ಮೈಲಲ ಅನಾಙ್ ತೆ ಸು ಥಾಸ? ತೆ ಕ್ಕಾರು ಅನಾಙ್ ಕಿನಾ ಪಾಲ ಥಾಸ? ಕೈನ ಪುಚ್ಚೊ.

21 "ತಿನಾಹುತಿ ಕುಡ್ಸಿನ ಮೈಲಲ ಅಸ್ತಿ ಲಾಸ್ತೆ ತಿನಿ ಗತಿ ಅಮ್ಮಙ್ ಥಾವಸ. ಎ ಮನಕ್ಕ ಕ್ಕುದಾನಿ ನಙ್ಗರಮಾ ಸೌಕರ ನ್ವವ್ವೆ.

ಕ್ಕುದಾನಿ ರಾಙ್ಗನೆ ಪೈಲಾ ಸ್ಥಾನ

(ಮತ್ತಾಯ 6:25-34)

22 ಯೆಸು ತಿನಾ ಶಿಷ್ಯಾವೊನೆ ಅಮ್ಮ ಕದ್ಯೊ" ಎ ಕಾರಣ ಕ್ಕು ಮಿ ತುಮೊನೆ ಸು ಕೌಸ ಕದ್ಯಾಮ, ತಿನಾ ಙ್ಗಲಮನಾ ಹುತಿ ಖಾವಾನು ಅನ್ನ ವರಿ ಫಾಲ್ಲಿವಾನಾ ಹುತಿ ವಣ್ಣಾವೊನಾ ಹುತಿ ಚಿಂತಾ ಕರೊ ನಕೊ.

23 ಖಾವಾನಾ ಅನ್ನತಿಬಿ ಙ್ಗಲಮ ಹೆಚ್ಚಿನ ವ್ಹೆ ವಣ್ಣಾವೊತಿಬಿ ಅಂಗ ಙ್ಗರುರತ ವ್ಹೆ.

24 ಪಕ್ಕಷಿಯೊನೆ ದೆಕೊ. ತೆ ಬಿತ್ತತಿಯೊ ನೈ, ಕಾಟ್ಟಿಯೊ ನೈ ತೆ ಪಕ್ಕಷಿಯೊ ಅನಾಙ್ ತ್ಯುನಾ ಗುಡ್ಡಾ ಕುಡ್ಸಿನ ಮೈಲ್ತಿಯೊ ನೈ. ಕ್ಕುದಾ ತ್ಯುನೊನೆ ಙ್ಗತ್ತನ ಕರಸ್ತೊ. ತುಮೆ ಪಕ್ಕಷಿಯೊತಿಬಿ ಕ್ಕುದಾನಿ ನಙ್ಗರಮಾ ಘನ್ನಾ ಚೊಕಾ ವ್ಹೆ.

25 ತುಮೆ ಅನ್ನನಾ ಹುತಿ ವಣ್ಣಾವೊನಾ ಹುತಿ ಕೆಕ್ಕಲಾ ಚಿಂತಾ ಕರಾತಬಿ ತುಮೆ ನಕ್ಕರಬಿ ಬೆಳತ್ತಿ ನೈ?

26 ನ್ಹಾನಾ ಕಾಮೊ ತುಮೊನೆ ನೈ ಕರಾನೆ ಥಯುತಬಿ ಮೊಟ್ಟಾ ಕಾಮೊ ಕರಾನು ಕಾ ಚಿಂತಾ ಕರೊಶಿ?

27 ರಾನ್ಮಾರ್ವಯಲ ಬೆಳ್ಳಾನ್ಹಾ ಫುಲ್ಲೊನೆ ದೆಕೊ. ತೆ ಫುಲ್ಲೊರಾಬ್ತಾ ನೈ ತ್ಯುನಾ ವಣ್ಣಾ ಶಿಲೆತಾ ನೈ ತಿಮ್ಮ ರ್ವಯೊತಬಿ ಸೊಲೊಮೊನ ರಾಜಾನಿ ಅದಿಕಾರ ರ್ವತಾಮಾ ತ್ಯುನಾಮಾ ಯಕ್ಕ ಫುಲ ಲಿಂಗತಬಿ ಚೊಕಾ ವಣ್ಣಾ ಫಾಲ್ಗಿದ್ಯೊನೈ.

28 ಎ ಬರೊಕ್ಕೊ ನೈಸೊವಾಲಾವೊ ಹಮ್ಮಾ ರ್ವ್ವಿನ ವ್ವಂತ್ತಾ ಬಳಿ ಜಾವಾಲಾ ರಾನ್ಮಾನಾ ಚಾರೊನೆ ದೆಕೊ. ಕ್ವದಾ ತ್ಯುನೊನೆ ಕೆಕ್ಕೊ ಚೊಕೊ ಕರೊಸ್ಸಿ. ತೆ ಚಾರಾತಿಬಿ ಕ್ವದಾ ತುಮೊಪರ ಮಯಾ ಛೆ. ತುಮೊನೆ ಕೆಕ್ಕೊ ದೆಸ.

29 "ತುಮೆ ಸು ಖೌ? ಸು ಪ್ಯು? ಕೈನ ಕೆಳಾಮಾಬಿ ತುಮೆ ವಿಚಾರ ಕರೊ ನಕೊ. ವರಿ ಚಿಂತಾ ಕರೊ ನಕೊ.

30 ಎ ಕ್ವಾರು ಮಳಾದೆ ಕೈನ ಎ ಭುಲೊಕ್ಕಾ ಮನಕ್ಕೊ ಪ್ರಯತ್ನ ಕರಸ. ಎ ಕ್ವಾರು ತುಮೊನೆ ಚಾಯೆ ಕವಾನು ಸ್ವರ್ಗಮಾ ರ್ವಯಲ ತುಮಾರಾ ಬಾನೆ (ಕ್ವದಾನೆ) ಗ್ವತ್ತ ಛೆ.

31 ತೆನೈಸೊ ತುಮೆ ಪೈಲಾ ಕ್ವದಾನಾ ರಾಜ್ಯನಾ ಹುತಿ ಟೈಮ ದಿವೊ. ಪಾಚಾತು ತುಮೊನೆ ಚಾಯೆಥಯಲ ಕ್ವಾರುಜ ದಿವಸ.

ದೊಕಡಾವೊಪರ ಬರೊಕ್ಕೊ ನಕೊ ಕರೊ

32 "ನ್ಹಾನು ಮನಕ್ಕೊನು ಗುಂಪ ಭುಚ್ಚಕೊ ನಕೊ, ತುಮೊನೆ ತೆ ರಾಜ್ಯ ದಿವಾನೆ ತುಮಾರಾ ಬಾನೆ ಆಸ ಛೆ.

33 ತುಮೊಕನ ರ್ವಯಲ ಆಸ್ತಿ ಇಕ್ಕಿನ, ಇಕ್ಕಿನ ಆಯಲ ದೊಕ್ಕಾ ತ್ರಾಸ್ತಾ ರ್ವಯಲ ಮನಕ್ಕೊನೆ ದಿವೊ. ಎ ಲೊಕಮಾ ಸೌಕಾರತನಾ ಹಮೆಶಾ ರ್ವತಿ ನೈ ತಿನಾಹುತಿ ಹಮೆಶಾ ರ್ವವಾನುಜ ಗಳಿನ ಮ್ವೆಲೊ. ಹಾಳ ನೈ ಥಾವಾನು ಆಸ್ತಿ ಸ್ವರ್ಗಮಾ ಗಳ್ಳೊ ತೆ ಆಸ್ತಿನೆ ಚ್ವಟ್ಟಾ ಚೊರಿ ಕರತಾ ನೈ ವರಿ ತಿನೆ ನುಶಿಯೊ ಲಾಗ್ತಿಯೊ ನೈ.

34 ತಮಾರಿ ಆಸ್ತಿ ಕಿಚಾ ರ್ವವಸ ತ್ಯಾಜ ತುಮಾರು ಮನಸ ರ್ವವಸ.

ಕೆಳಾಮಾಬಿ ತಯಾರ ಧೈನ ರ್ವವೊ
(ಮತ್ತಾಯ 24:42-44)

35 ತುಮೆ ವಣ್ಣಾ ಫಾಲ್ಲಿನ ತಯಾರ ರ್ವವೊ, ತುಮಾರೊ ದಿವ್ವೊ ಲಾಗಲ ರ್ವವಾದೆ.

36 ತುಮೆ ತೊ ತಮಾರೊ ಮಾಲಕ ಐನ ಬಾಕಲ ವಜಾಡಲ ಬರೊಬ್ಬರ ಬಾಕಲ ಕಾಡಾಲಾ ಥಾವೊ ಹಿವಾನು ಅನ್ನ ಖೈನ ಕೆಳಾಮಾ ಆವಸ ಕವಾನು ಗೊತ್ತ ನತ್ತಿ. ತುಮೆ ಕೆಳಾಮಾಬಿ ತಯಾರ ರ್ವವೊ.

37 ಮಾಲಕ ಐನ ಕಯೊ-ಕಯೊ ಆಳ ಹುಶಾರ ಲೆ ಕೈನ ದೆಕಸ. ತೆಜ ಆಳೊ ಧನ್ಯವ್ವೊ ತೆಜ ವಣ್ಣಾ ಫಾಲ್ಲಿನ ತೆಜ ಆಳೊನೆ ಮಾಲಕ ತೆ ಆಳೊನೆ ಬಲೈನ ಬೈಟಾಡಿ ಅನ್ನ ಫಾಲಿನ ದಿವಸ ಕೈನ ಮಿ ತುಮೊನೆ ಕ್ಕರಿಜ ಕೌಸ.

38 ವರಿ ತೆ ಆಳೊ ತ್ಯುನಾ ಮಾಲಕನಾ ಹುತಿ ರಾತ್ನಾ ಬೆ ವಾಸ್ತಾ ನೈತೊ ತನ ವಾಸ್ತಾ. ಕೈದಾನು ಮಾಲಕ ದೆಕಿನ ಹಜುನ ಜಾಗಾ ಲೆ ಕೈನ ತಿಳ್ವಿನ ತೆ ಘನ್ನೊ ಮಿಶಿ ಥಾವಸ.

39 ಎ ತುಮೊನೆ ಶೆ ರ್ವವಾದೆ. ಚ್ಚಟ್ಟೊ ಆವಾನು ಟೈಮ ಮಾಲಕನೆ ಗ್ವತ್ತ ರ್ವಯುಮ, ತೆ ತಿನಾ ಘರಮಾ ಚೊರಿಕರಾನೆ ದಿವಸ್ಸು? ನೈ.

40 ತಿನಾಲಿಂಗತಜ ತುಮೆ ತಯಾರ ರ್ವವೊ! ತುಮೊನೆ ಗ್ವತ್ತ ನೈರ್ವಯಲ ಟೈಮಾಜ ಮನಕ್ಕನೊ ದಿಕ್ರೊ ಆವಸ"

ಬರೊಕ್ಕೊರ್ವಯಲವಾಲೊ ಆಳ ಕುನ್ನವ್ವೊ?

41 ತೆಳಾಮಾ ಪೆತ್ರಾ ಯಿಸುನೆ ಗುರು ಎ ಸಾಮ್ಯ ತು ಕದಲ ಹಮಾರಾ ಹುತಿ ವ್ವೊಸು, ಸು ಮನಕ್ಕೊನಾ ಹುತಿ ವ್ವೊ? ಕೈನ ಪುಚ್ಚೊ.

42 ಯೆಸು ಅಮ್ಕದ್ಯೊ" ಗ್ಯಾನಿ ರ್ವಯಲ ವರಿ ಬರೊಕ್ಕಾನೊ ಥಯಲ ಆಳ ಕುನ್ನ ವ್ವೊ? ಟೈಮ ಟೈಮೆ ಕರೆಟ್ಟ ಕುಲಿ ಆಳೊನೆ ಅನಾಜ ತುಕಾ ಕರಿನ ದಿವಾನಾ ಘರಪರ ನೆಮಿಸಲ ಆಳಜ ಬರೊಕ್ಕೊವಾಲೊ ವ್ವೊ.

43 ತೆ ಆಳ ತಿನು ಕಾಮ ಕ್ಕರಿ ಕ್ಕು ಕರತೊ ರ್ವಯೊಮ, ಮಾಲಕ ಆತಾಮಾ ತೆ ಆಳನೆ ಘನ್ನಿ ಮಿಶಿ ಥಾವಸ.

44 ಮಿ ತುಮೊನೆ ಕ್ಕರಿ ಕೌಸ. ಮಾಲಕ ಆತಾಮಾ ತಿನಿ ಆಸ್ತಿಪರ ತೆ ಆಳನೆಜ ನೆಮ್ಸಸ.

45 ತೆನ್ನೈಸೊ ತೆ ಆಳ ಕೆಟ್ಟ ರ್ಲಯೊಮ ತಿನೊ ಮಾಲಕ ಭೆಗಿನ ಆತೊ ನೈ ಕೈನ, ಕೈಲಿದ್ಯೊಮ ಸು ಧಾಸ? ತೆ ಆಳ ಮಾಲಕನಾ ಬಿಜಾ ಆಳೊನೆ ಮಾರಾಸ ವರಿ ಖೈನ ಪಿನ ನಶಾಮಾ ರ್ಲವಸ.

46 ಪಾಚಲೊ ತೆ ಮಾಲಕ ತೆ ಆಳನೆ ಗ್ವತ್ತ ನೈಸೊ ಟೈಮಾ ಐನ ತೆ ಆಳನೆ ಶಿಕ್ಷಾ ದಿನ್ನ ತೆ ಮಾಲಕ ಬರೊಕ್ಕೊನ್ನೈ ರ್ಲಯಲ ಮನಕ್ಕೊಮಾ ತಿನೆ ಡಕ್ಕಲಿ ಪಾಡಸ.

47 ತಿನೊ ಮಾಲಕ ತಿನಾಕ್ಕು ಸು ಆಸ ಮ್ಹೆಲ್ಲೊಸ ಕೈನ ತೆ ಆಳನೆ ಗೊತ್ತ ವ್ಹತ್ತು. ತೆನ್ನೈಸೊ ತೆ ಆಳ ತಯ್ಯಾರ ನ್ಹೊತೊ. ವರಿ ತಿನೊ ಮಾಲಕ ದಿದಲ ಕಾಮ ತೆ ಆಳ ಕರೈಯೊ ನ್ಹೊತೊ. ತಿನಾಹುತಿ ತೆ ಆಳನೆ ಮಾಲಕ ಶಿಕ್ಷಾ ದಿವಸ!

48 ತೆನ್ನೈಸೊ ತಿನಾ ಮಾಲಕನಿ ಆಸ ನೈ ತಿಳದಿಲಿದಲ ಆಳ ತಪ್ಪ ಕರೈಯೊಮ ತಿನೆ ಕಮ ಶಿಕ್ಷಾ ಮಳಸ. ವರಿ ತಿನಾ ಮಾಲಕ ಕದಲ ಕಾಮ ಛೊಡಿನ ತಪ್ಪ ಕಾಮ ಕರೈಯೊಮ ತೆ ಆಳನೆ ಘನ್ನಿ ಶಿಕ್ಷಾ ಮಳಸ.

(ಮತ್ತಾಯ 10:34-36)

49 ವರಿ ಮಿ ಜಗತ್ತಾ ಆಗ ಫಾಲಾನೆ ಆಯೊಸ! ಯಕ್ಕಲಾಮಾಜ್ ಬಳ್ಳು ರ್ಲೊ

50 ವರಿ ಮಿ ಬಿಜಿ ತರಾನಿ ಬಾಪ್ತಿಸ್ತ ವ್ಹಂದು. ತೆ ವ್ಹಂದೆಲಕ್ಕಕಾ ಮಿ ಘನ್ನೊ ಕಷ್ಟಮಾ ಛೆ.

51 ಮಿ ಜಗತ್ತೆ ಸಮಾದಾನ ದಿವಾನೆ ಆಯೊಸ ಕೈನ ತುಮೆ ತಿಳದ್ಯಾಸು? ನೈ! ಮಿ ಜಗತ್ತಾ ಮನಕ್ಕೊಮಾ ಭೆದ ಹುಟ್ಟಾನೆ ಆಯೊಸ!

52 ಆಜತೊ, ಪಾಂಚ್ ಜನಾ ರ್ಲಯಲ ಕುಟುಂಬಮಾ ಭೆದ ಹುಟ್ಟಸ. ತ್ಯುನೊಮಾನಾ ತನ ಜನಾ ಬೆ ಜನಾವೊನೆ ವಿರುದ್ಧ ಥಾವಸ. ಬೆ ಜನಾ ತನ ಜನಾವೊಪರ ವಿರುದ್ಧ ಥಾವಸ.

53 ಬಾಪ ದಿಕ್ರಾಮಾ ಭೆದ ಹುಟ್ಟಸ. ದಿಕ್ರೊ ಬಾಪನೆ ವಿರೊದ ಥಾವಸ. ಬಾಪ ದಿಕ್ರಾನೆ ವಿರೊದ ಥಾವಸ. ಮಾ ವರಿ ದಿಕ್ರಿಮಾ ವಿರೊದ ಥಾವಸ. ದಿಕ್ರಿ ಮಾನೆ ವಿರುದ್ಧ ಥಾವಸ. ಮಾ ತಿನಿ ದಿಕ್ರಿನೆ ವಿರುದ್ಧ ಥಾವಸ. ಪೈ ವ್ಹವುಮಾ ಭೆದ ಹುಟ್ಟಸ. ವ್ಹವು ಪೈನಾ ವಿರುದ್ಧ ಥಾವಸ. ಪೈ ವ್ಹವುನಾ ವಿರುದ್ಧ ಥಾವಸ"

ಟೈಮ ವರಿ ದಿನೊ ತಿಳದಿಲಿವೊ
(ಮತ್ತಾಯ 16:2-3)

54 ಪಾಚಲ್ಲೊ ಯೆಸು ಅಮ್ಮ ಕದ್ಯೊ "ಮ್ಹಾಡ ಪಶ್ಚಿಮ ದಿಕ್ಕಕತೊ ಮೊಟ್ಟು ಥಾವಾನು ದೆಕತಾ ರ್ಹತಾಮಾ ತೆ ದಿನಮಾ ಪಾನಿ ಆವಸ, ಕೈನ ಕವೊಸಿ. ತಿನಾ ಲಿಂಗತಜ್ಜ ಪಾನಿ ಆವಸ.

55 ದಕ್ಷಿಣ ದಿಕ್ಕೊ ವಾರೊ ಘುಟಸ, ಎ ದಿನೊಮಾ ಘನ್ನಿ ಝಳಾ ಥಾವಸ, ಕವೊಸಿ ತೆ ತಿಮ್ಮಜ್ಜ ಥಾವಸ,

56 ತುಮೆ ಕಪಟ್ಟಾ ವ್ಹೈ! ತುಮೆ ಎಕ್ಕಾರು ತಿಳದಿಲಿವೊಸಿ, ಹಮ್ಮಾ ಥಾವಾನು ತುಮೆ ತಿಳದಿಲಿವಾನೆ ಥಾತು ನೈಸು?

ತುಮಾರೊ ತ್ರಾಸ ಮುಗಸೈಲಿವೊ
(ಮತ್ತಾಯ 5:25-26)

57 ತುಮೆಜ್ಜ ಕಾ ತಿರಪ ಕರು ನೈ?

58 ಯಕ್ಕೊ ತುಮೊಪರ ಅಪವಾದ ಫಾಲಾನೆ ಕೊರಟೆ ಭಾತಾಮಾ ತಮಾರಿ ಸಮಶ್ಯಾ ವಾಟ್ತಾಜ್ಜ ಬಗೆ ಹರಸಿಲಿವೊ ತುಮೊಕನ ಥಾವಾ ಯಕ್ಕು ಬಗೆ ಹರಸಿಲಿವೊ ನೈತೊ ತುಮೊನೆ ಬಿಜಕ್ಕೊ ಜಜ್ಜಾ ಕ್ಕಾಮೊ ಯಳ್ಳಿನ ನಿಂಜಾವಸ. ತೆ ಜಜ್ಜತುಮೊನೆ ಜೆಲ್ಮಾಫಾಲಾ ಲಗಾಡಸ್.

59 ತಿಮ್ಮ ಥೈಯುಮ ತಮೊಕನ ರ್ಹಯಲ ತೆಕ್ಲಾ ದೊಕಡಾ ವರಿ ಆಸ್ತಿ ಜವೈಲಿವೊಸಿ ವರಿ ತೆಕ್ಲ ಥಯು ತಬಿ ತುಮೆ ಜೆಲ್ಮಾತಾ ಭಾರಾ ಆವಾನೆ ಥಾತುಜ್ಜ ನೈ"

13

ಮನಸ್ಸಬದ್ಧಿ

1 ತೆ ಟೈಮಾ ತ್ಯಾ ರ್ಹಯಲವಾಲಾ ದಕ್ವಾಜನಾ ಯೆಸುಕನ ಐನ, ಗಲಿಲಾಯಮಾ ಬಲಿ ದೆತಾವಾಲಾವೊನೆ ಪಿಲಾತನ ಖಲಾಸ ಕರಾಯಲ, ಯೆಸುಕನ ಕದ್ಯಾ

2 ಯೆಸು ತ್ಯನೊನೆ ಕದ್ಯೊ"ತೆ ಖಲಾಸ ಥಯಲವಾಲಾ ಮನಕ್ಲೊ ಗಲಿಲಾಯಮಾ ರ್ಡಯಲ ಮನಕ್ಲೊತೊಬಿ ಘನ್ನಾ ಪಾಪಿಯೊ ವ್ಹೈ ಕೈನ ತುಮೆ ತಿಳದ್ಯಾಸು?

3 ಮಿ ನ್ಹವೈ "ತ್ಯನೆ ತೆವಾ ಪಾಪಿಯೊ ನ್ಹೊತಾ, ತೆನ್ನೆಸೊ ತುಮೆ ತಮಾರಾ ಪಾಪನೆ ಪಶ್ಚಾತಾಪ ಪಡಿನ ಕ್ಹುದಾ ಬಗಲ ನೈ ಫರಯಾಮ ತ್ಯನಾ ಲಿಂಗತಙ್ಗ ಹಾಳ ಥಾವೊಸಿ!

4 ಸಿಲೊವಾಮಾ ಗೊಪುರ ಪಡ್ತಾಮಾ,ಮರಿಗಯಲ ಅಟ್ರಾ ಜನಾವೊನಾ ಹುತಿ ತುಮಾರಿ ವಿಚಾರ ಸು ವ್ಹೈ?

5 ನ್ಹವೈ ತ್ಯನೆ ತೆವಾ ಪಾಪಿಯೊ ನ್ಹೊತಾ! ತುಮೆ ತಮಾರಾ ಪಾಪೊ ಪಶ್ಚಾತಾಪ ಪಡಿನ ಕ್ಹುದಾ ಬಗಲ ನೈ ಫರಯಾಮ ತ್ಯನಾ ಲಿಂಗತಙ್ಗ ತುಮೆ ಹಾಳ ಥಾವೊಸಿ"ಕದ್ಯೊ.

ಫಲ ನೈದಿವಾನು ರ್ಘಾಡ

6 ಪಾಚಲೊ ಯೆಸು ತ್ಯನೊಕನ ಯಕ್ಕ ಸಾಮ್ಯ ಕದ್ಯೊ: ಯಕ್ಲೊ ತಿನಾ ದ್ರಾಕ್ಷಿಯೊನಾ ಮಳಾಮಾ ಯಕ್ಕ ಅಂಜುರನು ರ್ಘಾಡ ಲಗಾಡ್ಯೊ ವರಿ ದಕ್ಹಾ ದಿನ್ನ ಥಯಲಪರ ತೆ ಮನಕ್ಲ ತೆ ಅಂಜುರನಾ ರ್ಘಾಡಮಾ ಫಲ ಉಟ್ಟು ವಸೆ ಕರಿನ ತ್ಯಾ ಆಯೊ. ತೆ ರ್ಘಾಡಮಾ ದೆಕ್ತಾಮಾ ಫಲ ಉಟ್ಟು ನ್ಹೊತು.

7 ತೆ ಮನಕ್ಲ ಮಳೊ ಕೈದಾನಾ ಹುತಿ, ಯಕ್ಕ ಆಳನೆ ತೆ ಮಳಾಮಾ ಮುಕ್ಲೊ ತೆ ಮಳಾನೊ ಮಾಲಕ ತಿನಾ ಆಳನೆ ಕದ್ಯೊ ಮಿ ಆ ರ್ಘಾಡ ಫಾಲಿನ, ತನ, ವರಕ್ಲ ಥಯಾ. ಹಙ್ಗುನಬಿ ಫಲ ನತ್ತಿ ದಿದ್ಯೊ ಎ ರ್ಘಾಡನೆ ಕತ್ರಿಪಾಡ. ಕದ್ಯೊ ಎ ರ್ಘಾಡನಾ ಹುತಿ ಜಿಮಿನಬಿ ಗ್ವಡ್ಡ ಧೈಗೈಸ. ಕದ್ಯೊ

8 ತಿಮ್ಮ ಕತಾಮಾ ಆಳ ಮಾಲಕನೆ ಕದ್ಯೊ ಮಾಲಕ ಹಙ್ಗುನ ಯಕ್ಕ ವರಕ್ಲ ತು ತಡ್ಡಿಲೆ ಆ ಅಂಜುರನು ರ್ಘಾಡ ಫಲ ದೆಸ,ಮಿ ತೆ ರ್ಘಾಡನಾ ಸುತ್ತೆಬಿ ಖಂದಿನ ಗ್ವಬ್ರಾ ಫಾಲುಸ,

9 ತೆಳಾಮಾ ಅಗಲ್ಯಾ ವರಕ್ಲೆ ಎ ರ್ಘಾಡ ಫಲ ದೆಸ. ವರಿ ಎ ರ್ಘಾಡ ಫಲ ನೈದಿದ್ಯುಮ ಮಿಙ್ಗ ಕತ್ರಿನ ನಾಕಿ ಪಾಡುಸ, ಕದ್ಯೊ

ಯೆಸು ಕ್ಷುಅರಾಮ ಥಯಲ ಹೆಣ ಮನಕ್ವ

10 ಯೆಸು ಸಬ್ಬತ ದಿನಮಾ ಯಕ್ ಸಬಾಮಂದಿರಮಾ ಉಪದೆಶ ಕರಾಡೊತೊ.

11 ತೆ ಸಬಾಮಂದಿರಮಾ ಯಕ್ ಕೆಟ್ಟ ಆತ್ಮಾಧರಲ ಹೆಣ ಮನಕ್ವತ್ಯಾ ವ್ಹತ್ತಿ, ತೆ ಹೆಣ ಮನಕ್ವತೆ ಕೆಟ್ಟ ಆತ್ಮಾಕ್ವಾ ಅಟ್ರಾ ವರಕ್ವತಿಬಿ ಡುಗಿ ವ್ಹತ್ತಿ.

12 ಯೆಸು ತಿನೆ ದೆಕಿನ, ತಿಕನ ಬಲ್ಯೆನ"ಯಾ ತುನೆ ರ್ವಯಲ ರೊಗ ತುನೆ ಛೊಡಿನ ಗೈಪಡ್ಯುಸ" ಕದ್ಯೊ.

13 ಯೆಸು ತಿಪರ ಹತ ಮ್ಹೆಲ್ತಾಮಾ ತೆ ಹೆಣ ಮನಕ್ವಸಿದಾ ಹುಬ್ರಯಿ, ತೆಳಾಮಾ ತೆ ಹೆಣ ಮನಕ್ವಕ್ವದಾನೆ ಸ್ತುತಿ ಕರಿ.

14 ಯೆಸು ಸಬ್ಬತ ದಿನಮಾ ತೆ ಹೆಣ ಮನಕ್ವನೆ ಅರಾಮ ಕರಲ ಹುತಿ ತೆ ಸಬಾಮಂದಿರನಾ ಅದಿಕಾರಿಯೊ ಶಿಟ್ಟಿ ಥೈನ "ಮನಕ್ವೊನೆ ಕಾಮ ಕರಾ ಹುತಿ ಅಟ್ವಾಡಾನಾ ಛಿ ದಿನ್ನ ಛಿ ತೆ ದಿನೊಮಾ ಐನ ತುಮೆ ಅರಾಮ ಥಾಸಕೊಸಿ, ಸಬ್ಬತ ದಿನಮಾ ಅರಾಮ ಕರ್ಯೆಲಿವೊ ನಕೊ "ಕದ್ಯಾ.

15 ತೆ ವಾತೆ ಯೆಸು, ತುಮೆ ಕಪಟ್ಕಾ ವ್ಹೈ ತುಮೆ ತುಮಾರಾ ಪಶು ಪಕ್ಷಿಯೊನೆ ದಿನ್ನೆಬಿ ತ್ಯುನೊನೆ ಪಾನಿ ಪಿಲಾವಾನೆ ಲಿನಭಾವೊಸಿ. ವರಿ ಸಬ್ಬತ ದಿನಮಾ ಎ ಕ್ವಾರು ಕರೊಶಿ.

16 ಮಿ ಅರಾಮ ಕರಲ ಹೆಣ ಮನಕ್ವಅಬ್ರಹಾಮನಿ ಖಾಂದಾನವಾಲಿ ವ್ಹೈ ಸೈತಾನ ಎ ಹೆಣ ಮನಕ್ವನೆ ಅಟ್ರಾ ವರಕ್ವತು ಬಂದನಮಾ ಮ್ಹೆಲ್ಯುತು, ತಿನಾ ಹುತಿ ಎ ಹೆಣ ಮನಕ್ವನೆ ಸಬ್ಬತ ದಿನಮಾ ತಿನೊ ರೊಗ ಮಿ ಅರಾಮ ಕರಯ್ತೊ ತಿನಾ ಹುತಿ ಕ್ವರಿಮಾಞ ಎ ತಪ್ಪ ನ್ಹವೈ"ಕದ್ಯೊ.

17 ಎ ವಾತೊ ಐಕಿನ ಯೆಸುನೆ ವಿರುದ್ಧ ರ್ವಯಲವಾಲಾ ಮನಕ್ವೊ ಸರಮಾಯಿಗಯಾ. ವರಿ ಯೆಸು ಕರಲ ಅದ್ಭುತ ದೆಕಿನ ತ್ಯಾನಾ ಮನಕ್ವೊ ಖುಶಿ ಥಯಾ.

ಕ್ವದಾನಿ ರಾಜ್ಯ ಕಿನಾಲಿಂಗತ ಛಿ?

(ಮತ್ತಾಯ 13:31-32; ಮಾರ್ಕ 4:30-32)

18 ಪಾಚಲ್ತೊ ಯೆಸು"ಕ್ವದಾನಿ ರಾಜ್ಯ ಕಿನೆ ಹೊಲ್ಲಿಯೆ? ಮಿ ತೆ ಕಿನೆ ಹೊಲ್ಯು?

19 ಕುದ್ದಾನಿ ರಾಜ್ಯ ಸಾಸವಿ ಕಾಳ ಲಿಂಗತ ಛಿ. ಯಕ್ಲೊ ತಿನಾ ಮಳಾಮಾ ಎ ಸಾಸವಿ ಕಾಳನೊ ಬಿಯ್ಯೊ ಫಾಲಸ. ತೆ ಬೆಳ್ಳಿನ ರುಾಡ ಥಾವಸ, ಪಕ್ಷಿಯೊ ತೆ ರುಾಡನಿಯೊ ಲೊಂಗಿಯೊಪರ ಘರ ಭಾಂದಿಲಿವಸ. ಕದ್ಯೊ

20 ವರಿ ಅಮ್ಮ ಕದ್ಯೊ 'ಕುದ್ದಾನಿ ರಾಜ್ಯ ಮಿ ಕಿನೆ ಹೊಲ್ಸು?

21 ತೆ ಖಾಟಾ ಲೊಟನೆ ಹೊಲಸ್, ತೆ ಯಕ್ಲ ಹೆಣ ಮನಕ್ಲ ತೆ ಲಿನ ಲೊಟ್ಯಾ ಪಾನಿ ಫಾಲಿನ ಮಳಾತಾಮಾ ತೆ ಲೊಟ ಖಾಟೊ ಥಯೊ "ಕದ್ಯೊ

ನ್ವಾನು ಬಾಕಲ

(ಮತ್ತಾಯ 7:13-14)

22 ಯೆಸು ಕ್ಕಾರಾ ಖೆಡಾವೊಪರ ವರಿ ಗಾಮೊಪರ ಉಪದೆಶ ಕರತೊ ಯೆರೊಸೆಲಿಮೆ ಚಾಲೊತೊ.

23 ತೆ ದಿನಮಾ ಯಕ್ಲೊ ಯೆಸುನೆ "ಸ್ವಾಮಿ ದಕ್ಖಾ ಮನಕ್ಲೊ ರಕ್ಷಣೆ ಹೊಂದಸ ಕ್ಕಾಲಿ ದಕ್ಖಾ ಮನಕ್ಲೊಸು? ಕೈನ ಪುಚ್ಚೊ

24 ತೆ ವಾತೆ ಯೆಸು ಸ್ವರಗೆ ಜಾವಾನು ಅಗ್ಗಿ ನ್ವಾನಾ ಬಾಕಲಮಾತಾ ಜಾವಾನಾ ಹುತಿ ತ್ರಾಸ ಖಾವೊ! ಘನ್ನಾ ಮನಕ್ಲೊತ್ಯಾ ಜಾವಾನೆ ಕೊಶಿಶ ಕರಸ, ತೆನ್ನೆಸೊ ತ್ತುನೊಕನ ಥಾತು ನ್ಹೆ.

25 ಘರನೊ ಮಾಲಕ ಉಟಿನ ಬಾಕಲ ರುಾಕಲ್ಪರ, ತುಮೆ ಭಾರಾ ಹುಬ್ರೈನ ಖಾಲಿ ವಜಾಡು, ವಜಾಡ್ಯಾ ತಬಿ ತೆ ಮಾಲಕ ಬಾಕಲ ಕಾಡ್ತೊ ನ್ಹೆ. ಸ್ವಾಮಿ ಹಮಾರಾಹುತಿ ಬಾಕಲ ಕಾಡ! ಕೈನ ತುಮೆ ಕವೊಸಿ. ತೆ ಮಾಲಕ ತುಮೊನೆ ತುಮೆ ಕುನ್ನ ವ್ಹೆ ಮನೆ ಗ್ವತ್ತನತ್ತಿ. ತುಮೆ ಕಿಜಗಾನಾ ವ್ಹೆ? ಕೈನ ಕವಸ.

26 ತೆಳಮಾ ತುಮೆ ಹಮೆ ತಾರಾ ಕ್ಕಾತೆ ಖಾದಲವಾಲಾ ವ್ಹೆ. ವರಿ ಪಿದಲವಾಲಾ ವ್ಹೆ. ತು ಹಮೊನೆ ಉಪದೆಶ ಕರಲವಾಲೊ ವ್ಹೆ. ಕೈನ ಕವೊಸಿ.

27 ತೆಳಾಮಾ ತೆ ತುಮೊನೆ, ತುಮೆ ಕುನ್ನವ್ವೆ ಮನೆ ಗ್ವತ್ತ ನತ್ತಿ, ತುಮೆ ಕಿಜ್ಜಾನಾ ವ್ವೆ, ನ್ವಾಂತ್ತಾ ಗೈಪಡೊ. ತುಮೆ ಪಾಪನು ಕಾಮ ಕರಾಲಾ ಮನಕ್ಲೊವ್ವೆ ಕೈನ ಕವಸ.

28 "ಅಬ್ರಹಾಮ,ಯಾಕೊಬ, ಇಸಾಕ ವರಿ ಕ್ಹಾರಾ ಪ್ರವಾದಿಯೊ ಕ್ಹುದಾನಿ ರಾಜ್ಯಮಾ ರ್ಲಯಲ ತುಮೆ ದೆಕೊಸಿ. ವರಿ ತುಮೊನೆ ಭಾರಾ ಫಾಲಾಲಗಾಡಸ. ತೆಳಾಮಾ ತುಮೆ ಭುಚಿಕಿನ ವರಿ ಸಿಟ್ಟಕ್ಕುವದೊಸಿ.

29 ಮನಕ್ಲೊ ಪುರವತಾ, ಪಶ್ಚಿಮ, ಉತ್ತರ, ದಕ್ಕಷಿಣತಾ ಆವಸ. ತುನೆ ಕ್ಹುದಾನಿ ರಾಜ್ಯಮಾ ಖಾವಾನೆ ಬೈಟಸ್.

30 ಹಮ್ಮಾ ಲಾಸ್ವೆ ರ್ಲಯಲ ವಾಲಾ ದಕ್ಹಾಜನಾ ಪಸ್ವ ಥಾವಸ, ಪಸ್ವ ರ್ಲಯಲವಾಲಾ ಲಾಸ್ವೆ ಥಾವಸ"

ಯೆರುಸಲೆಮಮಾ ಯೆಸುನು ಮರಣ (ಮತ್ತಾಯ 23:37-39)

31 ತೆ ಟೈಮಾ ದಕ್ಹಾಫರಿಸಾಯರೊ ಯೆಸುಕನ ಐನ, ತು "ನ್ವಾಂತೊ ಗೈಪಡ! ಹೆರೊದ ತುನೆ ಖಲಾಸ ಕರುಸ ಕವಾಡ್ಯೊಸ"ಕದ್ಯಾ.

32 ಯೆಸು ತ್ಯುನೊನೆ, ತುಮೆ ಗೈನ ತೆ ನರಿನೆ (ಹೆರೊದ್ವೆ) ಆಜಾನಾ ದಿನಮಾ ವರಿ ವ್ಹಂತ್ತಾ ಮನಕ್ಲೊನೆ ಮಿ ಕೆಟ್ಟ ಆತ್ಮಾವೊಕ್ಕು ಛೊಡೊಸ. ವರಿ ರೊಗಿಯೊನೆ ಅರಾಮ ಕರಾನು ಕಾಮ ಪುರಾ ಕರುಸ, ಮರನಾದಿನ್ನೆ ಮಾರು ಕಾಮ ಪುರಾ ಖಲಾಸ ಥಾಸ ಕವೊ.

33 ಪಾಚಲ್ತೊ ಮಿ ಯೆರೊಸೆಲಿಮೆ ಜೊ ಕಾಕದ್ಯಾಮ ಪ್ರವಾದಿಯೊನೆ ತ್ಯಾಜ್ಜ ಖಲಾಸ ಕರಸ.

34 "ಯೆರೊಸೆಲಿ, ಯೆರೊಸೆಲಿ ತು ಪ್ರವಾದಿಯೊನೊ ಖಲಾಸ ಕರಶಿ. ಕ್ಹುದಾ ತುಕನ ಮೊಕ್ಕಲಲ ಮನಕ್ಲೊನೆ ತು ಮಂಗಾಳಾ ಮಾರಿನ ಖಲಾಸ ಕರಶಿ. ಕುಕಡಿ ತಿನಾ ಬಚ್ಚಾವೊನೆ ತಿನಾ ರೆಕ್ಕಕ್ಕಯಾನ ಹೆಟು ಬೈಟಾಡಿ ಲಿದಲ ಲಿಂಗತ ಮಿ ತಾರಾ ಮನಕ್ಲೊನೆ ಸಹಾಯಾ ಕರಾನೆ ಕೆಕ್ಕಲಿಕಿ ಸಲಾ ಮಿ ಚಿಂತಾ ಕರೊವರಿ ತು ಮನೆ ಮರ್ಯಾದಿ ದಿದ್ಯುನ್ಯೆ.

35 ತಾರಿ ಯಕ್ಕ ದೆವಾಲಯ ಖಾಲಿ ಧೈಜಾವಸ. ಕರ್ತಾನಾ ನಾಮ ಪರ ಆವಾಲಾನೆ ಆಶಿರ್ವಾದ! ಕೈನ ಕವಾನಾ ಟೈಮ ಲಕ್ಕಾ ತು ಮನೆ ದೆಕುಜ್ಜ ನೈ ಕೈನ ಮಿ ತುನೆ ಕೌಸ, ಕದ್ಯೊ.

14

ಸಬ್ಬತ ದಿನಮಾ ಅರಾಮ ಕರಾನು ಚೊಕು ವ್ಹೈಸು?

1 ಯಕ್ಕ ಸಬ್ಬತದಿನಮಾ ಯೆಸು ಖಾಸ ಫರಿಸಾಯನಾ ಘರಮಾ ಖಾವಾನೆ ಗಯೊ. ತ್ಯಾ ರ್ವಯಲ ಮನಕ್ಹೊ ಯೆಸುನೆ ಯಕ್ಕ ಸಂವಾ ದೆಕಾಡಾತಾ.

2 ತೆಳಾಮಾ ಯೆಸುನಾ ಕ್ಹಾಮಾ ಜಲೊದರ ರೊಗರರ್ವಯಲವಾಲಾನೆ ಲೈನ ಬೈಟಾಡ್ಯಾ.

3 ಯೆಸು ಫರಿಸಾಯರೊನೆ ಧರಮೊಪದೆಶ ಕರಾಲಾ ಶಾಸ್ತ್ರಿಯೊನೆ "ಸಬ್ಬತ್ ದಿನಮಾ ರೊಗಿಯೊನೆ ಅರಾಮ ಕರಾನು ಚೊಕು ವ್ಹೈಸು? ಸು ತಪ್ಪವ್ಹೈ? ಕೈನ ಪುಚ್ಚೊ.

4 ತ್ಯಾನೆ ಸುಜ್ಜ ಕದ್ಯಾನ್ಯೆ ತೆಳಾಮಾ ಯೆಸು ರೊಗ ರ್ವಯಲ ಮನಕ್ಹನೆ ಮುಟ್ಟಿನ ಅರಾಮ ಕರಿನ ತಿನೆ ಮೊಕ್ಕಲಿಪಾಡ್ಲೊ.

5 ಯೆಸು ಫರಿಸಾಯರೊನೆ ವರಿ ಶಾಸ್ತ್ರಿಯೊನೆ "ಸಬ್ಬತ್ ದಿನಮಾ ತುಮಾರಾ ದಿಕ್ರಾನೆ ತುಮೆ ರಾಕಲ ಪಶುವೊನೆ ಇರಮಾ ಪಡಿಗಯಾಮ, ತೆಳಾಮಾಜ್ಜ ತುಮೆ ತ್ಯಾನೊನೆ ಇರ ಮಾತಾಭಾರಾ ಕಾಡಿನ ವಚ್ಚಾಡೊಸಿ ಕವಾನು ತುಮೊನೆ ಗ್ವತ್ತ ಟಿ "ಕದ್ಯೊ.

6 ತೆ ವಾತಿ ಫರಿಸಾಯರೊ ರ್ವೈನೆಕಾ ಶಾಸ್ತ್ರಿಯೊ ರ್ವೈನೆಕಾ ಜವಾಬ ದಿದ್ಯಾನ್ಯೆ.

ತುನೆ ಮೊಟ್ಟೊ ವ್ಹೈ ಕೈನ ಕವೈ ಲಿವು ನಕೊ

7 ಅತಿಥಿಯೊ ಧೈನಾಯಲ ದಕ್ಖಾಜ್ಜನಾ ಬೈಟಾನಾ ಹುತಿ ಚೊಕಿ ಜಗಾ ಹುಡ್ಕಾನು ಯೆಸು ದೆಕಿನ ತ್ಯಾನೊಕನ ಯಕ್ಕ ಸಾಮ್ಯ ಕದ್ಯೊ.

8 "ಯಕ್ಕೊತುನೆ ಹಿವಾಮಾ ಖಾವಾನೆ ಬಲಾಯೊಮ, ತು ಫೊಕಿ ಜಗಾ ಬೈಟು ನಕೊ. ತೆ ತುತ್ತಿ ಘನ್ನೊ ಫೊಕೊ ರ್ವಯಲವಾಲಾನೆ ಬಲಾಯಲ ರ್ವಸ.

9 ತು ಫೊಕಿ ಜಗಾ ಬೈಟಲ ರ್ವಯೊಮ, ತುನೆ ಹಿವಾಮಾ ಬಲಾಯಲ ವಾಲೊ ತೆ ಐನ, ತುನೆ ಆ ಜಗಾ ಅನೆ ಫೊಡಿನ ದೆ ಕೈನ, ತುನೆ ಕಸ. ತೆಳಮಾ ತು ಸರಮಾಯಿನ ಲಾಸ್ವನಿ ಜಗಾಪರ ಬೈಟಿಕ್ಲ.

10 ತಿನಾಹುತಿ ಯಕ್ಕೊತುನೆ ಹಿವಾನೆ ಬಲಾತಾಮಾ ಲಾಸ್ವನಿ ಜಗಾಪರ ಗೈನ ಬೈಟ. ತೆಳಮಾ ತುನೆ ಹಿವಾನೆ ಬಲಾಯಲ ವಾಲೊ ಐನ. ದೊಸ್ತ ತು ಫೊಕಿ ಜಗಾ ಬೈಟ ಕವಸ!, ತೆಳಮಾ ಹಿವಾಮಾ ಆಯಲ ಕ್ಹಾರಾ ಮನಕ್ಕೊತುನೆ ಮರ್ಯಾದಿ ದಿವಸ.

11 ಕುನ್ನಬಿ ಮಿಜ ಮೊಟ್ಟೊ ವೈಕ್ಯೆ ಕವೈಲಿವಾಲೊ ನ್ಹಾನೊ ಧಾವಸ. ನ್ಹಾನೊ ಧೌಸ ಕೈನ ಕವೈಲಿವಾಲೊ ತೆ ಮೊಟ್ಟೊ ಧಾವಸ"

ತುಮೊನೆ ಪ್ರತಿಫಲ ಮಳಸ

12 ಪಾಚೆಲ್ಲೊ ಯೆಸು ಖಾವಾನಾ ಹುತಿ ಬಲಾಯಲ ಫರಿಸಾಯರನೆ"ರಾತೆ ಖಾವಾನೆ ವರಿ ದುಪಾರೆ ಖಾವಾನೆ ತಾರಾ ದೊಸ್ತೊನೆ ಭಾಯೊನೆ ಕುಟುಂಬವಾಲಾನೆ ವರಿ ಸೌಕಾರ ರ್ವಯಲ ತಾರಾ ಆಜುಬಾಜು ವಾಲಾನೆ ಘರೆ ಬಲಾಯೊಮ, ತ್ಕುನೆ ತುನೆಬಿ ತುನೆ ಖಾವಾನಾ ಹುತಿ ಘರೆ ಬಲಾವಸ, ತೆಳಮಾ ತೆಜ ತುನೆ ಪ್ರತಿಫಲ ಧಾವಸ.

13 ತಿನಾ ಬದ್ಲಿ ತು ಖಾವಾನೆ ಅನ್ನ ಕರತಾಮಾ ಗರಿಬ ಮನಕ್ಕೊನೆ, ಅಪಾಯಿಜ ರ್ವಯಲವಾಲಾವೊನಾ ಲಂಗ್ಡಾವೊನೆ ವರಿ ಕುಡ್ಡಾವೊನೆ ಖಾವಾನೆ ಬಲಾ.

14 ತೆಳಮಾ ತುನೆ ಆಶಿರ್ವಾದ ಮಳಸ, ಕಾಕದ್ಯಾಮ, ಎ ಮನಕ್ಕೊ ಖಾವಾನಾ ಹುತಿ ತುನೆ ಘರೆ ಬಲಾತಾ ನೈ. ತ್ಕುನೊಕನ ಸುಜ ನತ್ತಿ. ತೆನ್ನೆಸೊ ಕ್ಹರಿನಾ ಮನಕ್ಕೊ ಜಿವ್ತಾ ಥೈನ ಉಟಿನ ಆತಾಮಾ, ತುನೆ ಪ್ರತಿಫಲ ಮಳಸ "ಕದ್ಯೊ

ಕ್ವಾವಾನೆ ದಿದಲ ಸಾಮ್ಯ
(ಮತ್ತಾಯ 22:1-10)

15 ಯೆಸುನಾ ಕ್ವಾತೆ ಖಾವಾನಾ ಹುತಿ ಬೈಟಲವಾಲಾವೊಮಾ ಯಕ್ಲೊ ಎ ವಾತೊ ಐಕಿನ, ಯೆಸುನೆ"ಕ್ವುದಾನಿ ರಾಜ್ಯಮಾ ಖಾವಾಲಾಚಿ ಧನ್ಯ ವ್ಹೆ"ಕದ್ಲೊ

16 ತೆಳಾಮಾ ಯೆಸು ತಿನೆ ಸು ಕದ್ಲೊ ಕದ್ಯಾಮ; ಯಕ್ಲೊ ಘನ್ನಾ ಮನಕ್ಲೊನೆ ಖಾವಾನಾ ಹುತಿ ಅನ್ನಕರಾಯಲ ಟೈಮ್ಮಾಘನ್ನಾಮನಕ್ಲೊನೆ ಬಲಾಯೊ.

17 ಖಾವಾನೊ ಟೈಮ ಆತಾಮಾ, ತೆ ತಿನಾ ಆಳೊನೆ ಮೊಕ್ಲಿನ, ಆವೊ ಅನ್ನ ತಯ್ಯಾರ ಛಿ, ಕೈನ ಖಾವಾನೆ ಆಯಲ ವಾಲಾವೊನೆ ಕದ್ಲೊ

18 ತೆನ್ನೆಸೊ ತೆ ಖಾವಾನೆ ಆಯಲವಾಲಾ ಮನಕ್ಲೊ ಹಮೊನೆ ಆವಾನೆ ಥಾತು ನೈ ಕದ್ಯಾ. ಹರಿ ಯಕ್ಲೊ ಯಕೆಕ ನ್ಯವಾ ಕದ್ಯಾ ಪೈಲಾ ವಾಲೊ ಮಿ ಹಮ್ಮಾ ಖಿತರ ಇಕ್ವಾತು ಲಿದ್ಲೊಸ. ವರಿ ಮಿ ತ್ಯಾ ಗೈನ ಕೈದು, ಮನೆ ಮರಗಿನ ಮಾಫ ಕರ, ಕದ್ಲೊ

19 ಬೆವಾವಾಲೊ, ಮಿ ಹಮ್ಮಾ-ಹಮ್ಮಾ ಪಾಂಚ ಭೊಡಿ ಬೈಲೊ ಇಕ್ವಾತೊ ಲಿದ್ಲೊಸ, ಮಿ ಗೈನ ತೆ ಬೈಲೊ ಚೊಕಿಯೊ ಛಿಸು ನೈಕೈನ ದೆಕು, ಮನೆ ಮರಗಿನ ಮಾಫ ಕರ ಕದ್ಲೊ

20 ತನ್ನಾವಾಲೊ ಮಿ ಹಮ್ಮಾ-ಹಮ್ಮಾ ಹಿವಾ ಕರಲಿದ್ಲೊಸ, ಮನೆ ಆವಾನೆ ಥಾತು ನೈಕೈನ ಕದ್ಲೊ

21 ತಿನಾ ಹುತಿ ತೆ ಆಳ ಪಾಚೊ ಫರಿನ ಗೈನ ತಿನಾ ಮಾಲಕನೆ ತೆ ಕ್ವಾರು ಕದ್ಲೊ. ತೆಳಾಮ ತೆ ಮಾಲಕ ಘನ್ನೊ ಸಿಟ್ಟ ಧೈನ ತಿನಾ ಆಳನೆ ಎ ಗಾಮ್ನಿಯೊ ಒಣಿಯೊಮಾ ವರಿ ಸಂದಿಯೊಮಾ ಭೆಗಿನ ಗೈನ ಗರಿಬೊನೆ ಅಪಾಯಿಚಿ ರ್ಡ್ಡಿಯಲವಾಲಾವೊನಾ ಕುಡ್ಡಾವೊನೆ ಲಂಗ್ಡಾವೊನೆ ನ್ಹಾ ಬಲೈಲಿನ ಆ, ಕದ್ಲೊ

22 "ತೆಳಾಮಾ ತೆ ಆಳ ಗೈನ ಐನ ಮಾಲಕ, ತು ಕದಲ ತಿಮ್ಮಜಿ ಕರಲೊ. ವರಿ ತೆಕ್ಲಾ ಮನಕ್ಲೊ ಆಯಾ ತಬಿ ಅಪೊಕನ ಹಜುನ ಮನಕ್ಲೊನೆ ಜಗಾ ಛಿ. ಕದ್ಲೊ

23 ತೆಳಾಮಾ ತೆ ಮಾಲಕ ತಿನಾ ಆಳನೆ ಕದ್ಯೊ ತು ಗೈನ ರಸ್ತಾವೊಪರ
ಜಾವಾಲಾ ಖೆತ್ರೊಮಾತಾ ಜಾವಾಲಾ ಮನಕ್ಲೊನೆ ವರಿ ಕುನ್ನ ಮಳಸ
ತ್ಯುನೊನೆ ಬಲೈಲಿನಚ ಆ, ಮಾರು ಘರ ಮನಕ್ಲೊಕ್ಕು ಭರಿ ಭಾವಾದೆ.

24 ಮಿ ಪೈಲಾ ಬಲಾಯಲ ಮನಕ್ಲೊಮಾ ಯಕ್ಲೊಬಿ ಮಾರಾ ಅನ್ನನು
ಸವಾದ ದೆಕು ನೈಕದ್ಯೊ

ವಿಚಾರ ಕರಾಲಾ ಥಾವೊ
(ಮತ್ತಾಯ 10:37-38)

25 ಯಕ್ ಸಲಾ ಘನ್ನಾಮನಕ್ಲೊಯೆಸುನಾ ಕ್ವಾತೆ ಗುಂಪ-ಗುಂಪ ಥೈನ
ಜಾತಾಮಾ ತ್ಯುನೊನೆ ದೆಕಿನ ಅಮ್ಮ ಕದ್ಯೊ

26 ಮಕನ ಆವಾಲೊ ಮುತ್ತಿ (ಯೆಸುತಿಬಿ) ಹೆಚ್ಚಿ ತಿನಾ ಮಾ ಬಾಪನೆ,
ಬೈಕೊನೆ, ಬಚ್ಚಾವೊನೆ ತಿನಾ ಭಾಯೊ ಭೆನೊನೆ ವರಿ ತಿನಾಕ್ವುತೆ ಮಯಾ
ಕರಾಲೊ ರ್ಲಯೊಮ ತೆ ಮಾರೊ ಶಿಷ್ಯೊ ಥಾವಾನೆ ಸಾದ್ಯ ನತ್ತಿ.

27 ಮಾರಾ ಪಾಚೊ ಆವಾಲೊ ತಿನಿ ಶಿಲುವಿ ತೆಜ ಉಚೈಲಿನ
ಜಾವಾಲೊ ಮಾರೊ ಶಿಷ್ಯೊ ಥಾವಾನೆ ಸಾದ್ಯ ಛಿ ಕದ್ಯೊ

28 "ತು ಯಕ್ ಘರ ಭಾಂದು ಕದ್ಯಾಮ ಪೈಲಾ ಬೈಟಿನ ತಿನೆ ಕೆಕ್ಲಾ
ಖರಚ್ ಥಾಸ ಕೈನ ತಿಳದಿಲಿವ. ತೆ ಘರ ಭಾಂದಾನೆ ತುಕನ ಘನ್ನಾದೊಕ್ಲಾ
ಛಿಸು ಕೈನ ಲೆಕ್ಕೊ ಫಾಲಿನ ದೆಕ,

29 ನೈತೊ, ತು ಘರ ಭಾಂದಾನು ಕಾಮ ಚಾಲು ಕರ್ರೊಮ ತೆ ಘರ
ಭಾಂದಾನೆ ನೈಥಯುಮ,

30 ಮನಕ್ಲೊತುನೆ ದೆಕಿನ ಆ ಮನಕ್ಲ ಘರ ಭಾಂದಾನು ಕಾಮ ಚಾಲು
ಕರ್ರೊವರಿ ತಿನಾ ಹತೆ ಥಯು ನೈಕೈನ ತುನೆ ಕದ್ರಾವಸ,

31 ಯಕ್ಲೊ ರಾಜೊ ಬಿಜೆಕ್ಲಾ ರಾಜಾನಾ ವಿರುದ್ಧಯುದ್ಧನೆ ಜಾತಾಮಾ,
ಪೈಲಾ ತೆ ರಾಜೊ ಬೈಟಿನ ವಿಚಾರ ಕರಲಿವಸ, ತಿಕನ ದಕ್ಲ ಹಜಾರ
ಸೈನಿಕೊ ರ್ಲಯಾಮ. ಇಕ್ಲ ಹಜಾರ ಸೈನಿಕೊ ರ್ಲಯಲ ಹಜುನ ಯಕ್ಲಾ
ರಾಜಾನೆ ಸೊಲ್ವಾನೆ ಸಾದ್ಯ ನತ್ತಿ. ಕೈನ ತೆ ರಾಜೊ ವಿಚಾರ ಕರಲಿವಸ.

32 ತೆ ಬಿಜೆಕ್ಲಾ ರಾಜಾನೆ ನೈಸೊಲ್ವಾನೆ ಥಯುಮ, ತ್ಯುನಾ ಮನಕ್ಲೊನೆ
ಮೊಕ್ಕಿನ ಶಾಂತಿ ಸಮಾದಾನೆ ಬೊಲ್ಲಿನ ಫೈಸಲೊ ಕರಲಿವಸ.

33 ತಿನಾ ಲಿಂಗತಜ್ಞ ತುಮೆ ವಿಚಾರ ಕರು. ತುಮೆ ಮಾರಾ ಪಾಚಾ ಔಸ ಕದ್ಯಾಮ ತುಮೊಮಾ ರ್ಹಯಲ ಮಾರಾ ಶಿಷ್ಯಾ ಥಾವಾನೆ ಸಾದ್ಯನತ್ತಿ!

ಸವಾದ ನೈಸೊ ಮಿಟ್ಟು

(ಮತ್ತಾಯ 5:13; ಮಾರ್ಕ 9:50)

34 ಮಿಟ್ಟು ಚೊಕು ವ್ಹೈ ವರಿ ಮಿಟ್ಟುಜ್ಜ ತಿನು ಸವಾದ ಜವೈಲಿದ್ಯಮ ತೆ ಮಿಟ್ಟಾನೆ ಶಾಕ್ಲುಜ್ಜ ಸ್ವಾದ ಕರಾನೆ ಸಾದ್ಯನತ್ತಿ.

35 ತಿನಾಹುತಿ ಮಾತಿನೆ ರ್ಹೈನೆಕಾ ಗೊಬ್ರಾನೆ ರ್ಹೈನೆಕಾ ಉಪಯೊಗ ನತ್ತಿ, ಮನಕ್ಹೊ ತಿನೆ ಭಾರಾ ನಾಕಿ ಪಾಡಸ. ಕಾನೊ ರ್ಹಯಲವಾಲಾ ಮಾರಿಯೊ ವಾತೊ ಐಕೊ!

15

ಜವೈಗಯಲ ಬಕ್ರು

(ಮತ್ತಾಯ 18:12-14)

1 ಯಕ್ಕ ದಿನ್ನ ಘನ್ನಾ ಭು ಭಾಡೊಲಿವಾಲಾ ವರಿ ಪಾಪಿಯೊ ಯೆಸು ಕವಾನು ಉಪದೇಶ ಐಕು ಕೈನ ಆಯಾತಾ.

2 ತೆಳಾಮಾ ಫರಿಸಾಯರೊ ವರಿ ಶಾಸ್ತ್ರಿಯೊ"ದೆಕೊ! ಎ ಮನಕ್ಹ (ಯೆಸು) ಪಾಪಿಯೊನೆ ಬಲೈನ ತ್ಯುನಾ ಕ್ಹಾತೆ ಮಳಿನ ಅನ್ನ ಖಾವಾಡ್ಯೊಸ"ಕತಾ ಯೆಸುಪರ ಗುಣ ಗುಟ್ಟಾಡ್ಯಾತಾ.

3 ತೆಳಾಮಾ ಯೆಸು ತ್ಯುನೊನೆ ಯಕ್ಕ ಸಾಮ್ಯ ಕದ್ಯೊ.

4 ತುಮೊಮಾನಾ ಯಕ್ಲಾಕನ ಕ್ಹೊ ಬಕ್ರಾ ಛಿ ಕೈನ ತಿಳದಿಲಿಯೆ ತೆ ಕ್ಹೊ ಬಕ್ರಾವೊಮಾನು ಯಕ್ಕ ಬಕ್ರು ಜವೈಗಯುಮ, ತೆ ಮನಕ್ಹ ನವ್ವದಪರ ನೌ ಬಕ್ರಾ ತ್ಯಾಜ್ಜ ಛೊಡಿನ ಜವೈಗಯಲ ಯಕ್ಕ ಬಕ್ರಾನೆ ಹುಡ್ಕತೊ ಜಾವಸ. ತೆ ಬಕ್ರು ಮಳೆ ಲಕ್ಹಾ ತೆ ಹುಡ್ಕತೊಜ್ಜ ರ್ಹವಸ.

5 ತೆ ಮನಕ್ಹನೆ ಜವೈಗಯಲ ಬಕ್ರು ಮಳ್ತಮಾ ಘನ್ನೊ ಖುಶಿ ಥಾವಸ. ತೆ ಬಕ್ರಾನೆ ಖಾಂದಾಪರ ಉಚೈಲಿನ ತಿನಾ

6 ಘರೆ ಆವಸ ತೆ ತಿನಾ ದೊಸ್ತೊನೆ ವರಿ ಆಜುಬಾಜುವಾಲಾನೆ ಬಲೈನ ಮಾರಾ ಕ್ಹಾತೆ ಖುಶಿ ಕರೊ, ಮಾರು ಜವೈಗಯಲ ಬಕ್ರು ಮಳ್ಳುಸ ಕವಸ.

7 ತಿನಾ ಲಿಂಗತಜ್ಞ, ಯಕ್ಕ ಪಾಪಿ ತಿನು ಮನಸ. ಕ್ಹುದಾ ಬಗಲ ಫರಯೊಮ ಸ್ವರಗಾಮಾ ಘನ್ನಾ ಖುಶಿ ಥಾವಸ ಕೈನ ಮಿ ತುಮೊನೆ ಕೌಸ. ನೌವ್ವದಪರ ನೌ ಮನಕ್ಕೊ ಕ್ಹುದಾಬಗಲ ಫರಲ ವಾಲಾತಿಬಿ ಯಕ್ಕ ಪಾಪಿ ಕ್ಹುದಾ ಬಗಲ ಫರಯೊಮ ತಿನಾ ವಾಸ್ತರ ಘನ್ನಾ ಖುಶಿ ಥಾವಸ.

8 ನೈತೊ "ಯಕ್ಕ ಹೆಣ ಮನಕ್ಕಕನ ದಕ್ಕ ರುಪ್ಪಾನಾ ಬಿಲ್ಲಾ ಛಿ ಕೈನ ತಿಳಿದಿಲಿಯೆ. ತೆ ಹೆಣ ಮನಕ್ಕತಿಮಾನೊ ಯಕ್ಕ ರುಪ್ಪಾನೊ ಬಿಲ್ಲೊ ಜವೈ ಲಿಪಾಡಸ್. ತೆ ದಿವ್ವೊ ಲೈನ ತಿನು ಫರ ರ್ಪಾಡಸ. ತೆ ರುಪ್ಪಾನೊ ಬಿಲ್ಲೊ ಮಳೆ ಲಕ್ಕಾ ಹುಡ್ಡಸ,

9 ಜವೈ ಗಯಲ ರುಪ್ಪಾನೊ ಬಿಲ್ಲೊ ಮಳಲ್ಪರ ತೆ ತಿನಾ ದೊಸ್ತನಾ ಕ್ಹಾತೆ ಆಜುಬಾಜುವಾಲಾವೊನೆ ಬಲೈನ, ಮಾರಾ ಕ್ಹಾತೆ ಖುಶಿ ಕರೊ ಜವೈ ಗಯಲ ರುಪ್ಪಾನೊ ಬಿಲ್ಲೊ ಮಳ್ಳೊಸ, ಕವಸ.

10 ತಿನಾ ಲಿಂಗತಜ್ಞ ಯಕ್ಕ ಪಾಪಿ ತಿನಾ ಪಾಪನೆ ಪಶ್ಚಾತಾಪ ಪಡಿನ ಕ್ಹುದಾಬಗಲ ಫರಯೊಮ ಸ್ವರ್ಗಮಾ ರ್ವಯಲ ದೆವದುತೊ ಘನ್ನಾ ಖುಶಿ ಥಾವಸ.

ಫರ ಛೊಡಿನ ಗಯಲ ದಿಕ್ಕೊ

11 ಪಾಚಲೊ ಯೆಸು ಅಮ್ಮ ಕದ್ಯೊ" ಯಕ್ಕ ಮನಕ್ಕನೆ ಬೆ ದಿಕ್ರಾ ವ್ಹತ್ತಾ.

12 ತಿಮಾನೊ ನ್ಹಾನೊ ದಿಕ್ಕೊ, ತಿನಾ ಬಾನೆ "ತಾರಿ ಆಸ್ತಿಮಾನೊ ಮಾರೊ ವಾಟೊ ದೆ ಕೈನ ಕದ್ಯೊ ತಿನಾಹುತಿ ತಿನೊ ಬಾ ತಿನಿ ಆಸ್ತಿಮಾನೊ ವಾಟೊ, ತಿನಾ ನ್ಹಾನಾ ದಿಕ್ರಾನೆ ವಾಟಿನ ದಿದ್ಯೊ

13 "ತೆಳಾಮಾ ತಿನೊ ನ್ಹಾನೊ ದಿಕ್ಕೊ ತಿನೊ ವಾಟೊ ಲಿನ ಭಾರಲ್ಯಾ ದೆಶೆ ಗೈಪಡ್ಯೊ ತ್ಯಾ ತೆ ಕೆಟ್ಟ ಚಟಾ ಸಿಕ್ಕಕಿನ ಪುರಾ ಆಸ್ತಿ ಹಾಳ ಕರಲಿ ಪಾಡ್ಯೊ

14 ದಕ್ಕಾ ದಿನ್ವರ ತೆ ರ್ವಯಲ ದೆಶಮಾ ಬರಗಾಲ ಐಯು. ತೆಳಾಮಾ ತೆ ದೆಶಮಾ ಸು ನೊತ್ತು, ತೆ ಪಟ್ಟಾನೆ ಘನ್ನಿ ಭುಕ್ಕ ಲಾಗಿತಿ ತಿನಾ ಹುತಿ ತಿನೆ ದೊಕಡಾನಿ ಜರುರತ ವ್ಹತ್ತಿ.

15 ತಿನಾ ಹುತಿ ತೆ ದೆಶಮಾ ರ್ವಯಲ ಯಕ್ಲಾಕನ ಕುಲಿ ಕರಾನೆ ತಿಕನ ವ್ಹತ್ತೊ. ತೆ ಮನಕ್ಹ ತೆ ಪಟ್ಟಾನೆ ಥುಕ್ಕುಕುರೊ ಚರಾವಾನಾ ಹುತಿ ತಿನೆ ಖೆರತೆ ಮೊಕಲ್ಯೊ.

16 ತೆಳಾಮಾ ತೆ ಪಟ್ಟಾನೆ ಘನ್ನಿ ಭುಕ್ಕ ಲಾಗಿತಿ ತಿನಾಹುತಿ ಥುಕ್ಕುಕುರೊ ಖಾವಾನಿ ತರಕಾರಿ ಖಾಕ್ಯೆನ ತೆ ಪಟ್ಟೊ ಕೈಲಿದ್ಯೊ. ತಿಮ್ಮ ರ್ವಯುತಬಿ ತಿನೆ ತೆ ಖಾವಾನೆ ದಿದ್ಯೊನ್ನೆ.

17 ತೆಳಾಮಾ ತೆ ಪಟ್ಟೊ ಗ್ಯಾನ ಐಯು ತೆ ಕಾಮ ಕರಲ ತಿನೆ ತಿಳದ್ಯು. ವರಿ ತಿನಾ ಮನಸ್ಸಾ ಕೈಲಿದ್ಯೊ. ಮಾರಾ ಬಾನಾ ಘರಮಾ ರ್ವಯಲ ಆಳೊನೆ ಘನ್ನು ಅನ್ನ ರ್ವವಸ ಮಿ ತೊ ನ್ಹ್ಯಾ ಭುಕ್ಕೊ ಮರಾಡ್ಯೊಸ.

18 ಮಿ ನ್ಹ್ಯಾಂತೊ ಗೈಪಡಸು. ವರಿ ಮಿ ಮಾರಾ ಬಾಕನ ಗೈನ ಬಾ ಮಿ ತಾರಾ ವಿರೊದ ವರಿ ಕ್ಹುದಾನಾ ವಿರೊದ ಪಾಪ ಕರ್ರೊಸ,

19 ತಾರೊ ದಿಕ್ರೊ ವ್ಹೈ ಕೈನ ಕವೈಲಿವಾನೆ ಯೊಗ್ಯ ನತ್ತಿ. ಮನೆ ತಾರಾ ಘರನಾ ಆಳೊಮಾ ಮಿಬಿ ಯಕ್ಲೊ ವ್ಹೈ ಕೈನ ತಿಳದಿಲೆ ಕೈನ ಕೈಲಿದ್ಯೊ.

20 ತಿನಾ ಲಿಂಗತಱ ತೆ ತಿನಾ ಬಾಕನ ಚಾಲೊತೊ" ತಿನೊ ನ್ಹಾನೊ ದಿಕ್ರೊ ದುರತೊ ಆವಾನು ವಳ್ಳಿನ ತಿನೆ ಮರಗಿನ ತಿಕನ ನ್ಹಾಟತೊ ಐನ ತಿನಾ ಗಳೆ ಮಳಿನ ದಿಕ್ರಾನೆ ಮಟ್ಟಿ ಲಿದ್ಯೊ.

21 ದಿಕ್ರೊ ತಿನಾ ಬಾಪನೆ, ಬಾ, ಮಿ ಕ್ಹುದಾ ವಿರೊದ ಥೈನ ತುನೆ ವಿರೊದ ಥೈನ ಪಾಪ ಕರ್ರೊಸ. ತಾರೊ ದಿಕ್ರೊ ವ್ಹೈ ಕೈನ ಕವೈಲಿವಾನೆ ಮಿ ಯೊಗ್ಯ ನತ್ತಿ.

22 ತೆನ್ನೆಸೊ ಬಾಪ ತಿನಾ ಸೆವಕೊನೆ, ಐಕೊ! ಚೊಕಾ ವಣ್ಣಾ ಲೈನ ಅನೆ ಫಾಲೊ. ತಿನಾ ಬೊಟೊನೆ ಇಟ್ಟಿಯೊ ಫಾಲೊ. ಪಗೊನೆ ಚೊಕಾ ಚಪ್ಪೊ ಫಾಲೊ.

23 ಘಟ್ಟಮುಟ್ಟ ರ್ವಯಲ ಹೊರಿನೆ ಕಾಟಿನ ಖುಶಿ ಕರಿಯೆ.

24 ಮಾರೊ ದಿಕ್ರೊ ಜವೈ ಗಯೊತೊ,

ಎ ತಪ್ಪಿನ ಗಯೊತೊ. ಹಮ್ಮಾ ವರಿ ಮಳ್ಳೊಸ" ಕದ್ಯೊ ತೆನ್ನೆಸೊ ತ್ಹುನೆ ಖುಶಿ ಕರಾಡಾತಾ.

25 ತೆಳಾಮಾ ಮೊಟ್ಟೊ ದಿಕ್ರೊ ಖೆತರಮಾ ವ್ಹತ್ತೊ. ತೆ ಘರೆ ಆತಾಮಾ ಗಿದ್ದೊ ಕವಾನು ನ್ಹಾಚಾನು ಅವಾಙ್ ಐಕ್ಲೊ.

26 ತಿನಾಹುತಿ ತೆ ತ್ಯುನಾ ಆಳಮಾನಾ ಯಕ್ಲಾನೆ ಬಲೈನ ಆ ಸು ಕರಾಡಾಸ? ತಿನೆ ಪುಚ್ಚೊ.

27 ತೆಳಾಮಾ ತೆ ಆಳ ಕದ್ಯೊ ತಾರೊ ಙ್ಹವೈಗಯಲ ಭೈ ಫರಿನ ಆಯೊಸ. ತಿನಾ ಹುತಿ ತಾರೊ ಬಾ ಘಟ್ಟ ಮುಟ್ಟ ರ್ಹಯಲ ಹೊರಿ ಕಾಟಾ ಲಗಾಡ್ಯೊಸ್. ವರಿ ತಾರೊ ಬಾ ಘನ್ನೊ ಮುಶಿಮಾ ಛಿ! ಕದ್ಯೊ ಕಾಕದ್ಯಾಮ ತಾರೊ ಭೈಫರಿನ ಆಯೊಸ.

28 ತೆಳಾಮಾ ತಿನೊ ಮೊಟ್ಟೊ ದಿಕ್ರೊ ಶಿಟ್ಟ ಡೈನ ತೆ ಘರಮಾ ಗಯೊ ನೈ. ತೆಳಾಮಾ ತಿನೊ ಬಾ ಭಾರೊ ಐನ ತಿನೆ ಮ್ಹ್ವೆ ಆ ಕೈನ ಮಾಂಗಿಲಿದ್ಯೊ.

29 ತೆಳಾಮಾ ತಿನೊ ಮೊಟ್ಟೊ ದಿಕ್ರೊ ತಿನಾ ಬಾನೆ ಮಿ ತಾರೊ ಆಳ ಡೈನ ಘನ್ನಾ ವರಘತೊ ಸೆವಾ ಕರೈಸ! ವರಿ ತು ಕದಲ ತಿಮ್ಮಜ ಮಿ ಐಕ್ಲೊಸ. ವರಿಬಿ ತು ಮಾರಾಹುತಿ ಮಾರಾ ದೊಸ್ತೊನಾ ಹುತಿ ಯಕ್ಲ ಬಕ್ಕರುಬಿ ಕಾಟ್ಯೊ ನತ್ತಿ. ವರಿ ತು ಮಾರಾಹುತಿ ಮಾರಾ ದೊಸ್ತೊನೆ ಖಾವಾನೆ ಅನ್ನ ಕರಾಯೊ ನತ್ತಿ.

30 ತೆನ್ನೆಸೊ ತಾರೊ ನ್ಹಾನೊ ದಿಕ್ರೊ ತಾರಾ ಕ್ಹಾರಾ ದೊಕ್ಹಾ ಸುಳಿಯೊನಾ ಹುತಿ ಙ್ಹವೈ ಲಿದ್ಯೊ. ವರಿ ತೆ ಘರೆ ಫರಿನೆ ಆತಾಮಾ ತಿನಾಹುತಿ ತು ಹೊರಿ ಕಾಟಾಲಗಾಡ್ಯೊ ಕೈನ ಕದ್ಯೊ.

31 ತಿಮ್ಮ ಕತಾಮಾ ತಿನೊ ಬಾ ಕದ್ಯೊ ದಿಕ್ರಾ, ತುತೊ ಮಾರಾ ಕ್ಹಾತೆ ಕೆಳಾಮಾಬಿ ರ್ಹಸ್ಸಿ. ಮಕನ ರ್ಹಯಲ ಕ್ಹಾರುಙ್ ತಾರು ವ್ಹ್ವೆ.

32 ಅಪೆ ಮುಶಿ ಕರು ಕಾಕದ್ಯಾಮ ತಾರೊ ಭೈತೊ ಙ್ಹವೈ ಗಯೊತೊ. ತೆ ಮರಿಗಯೊತೊ ಜಿವ್ವೊ ಥಯೊಸ ವರಿ ಅಪೊಕನ ಫರಿನ ಆಯೊಸ.

16

ಕ್ಹರಿನಿ ಆಸ್ತಿ

1 ಯೆಸು ತಿನಾ ಶಿಷ್ಯಾವೊನೆ ಸು ಕದ್ಯೊ ಕದ್ಯಾಮ. ಯಕ್ಲ ಕಾಲ್ಮಾಯಕ್ಲ ಸೌಕಾರ ವ್ಹತ್ತೊ. ತೆ ಸೌಕರ, ತೆ ಕರಾನೊ ವ್ಯಾಪಾರ ದೆಕಿಲಿವಾಹುತಿ ಯಕ್ಲ

ಆಳನೆ ಮೈಲೊತೊ. ದಕ್ಕಾದಿನ್ನ ಧಯಲ್ವರ, ತೆ ಆಳ ಸೌಕಾರನೆ ಮೊಸ ಕರಾಡ್ಯೊಸ ಕವಾನು ಸೌಕಾರನೆ ಗ್ವತ್ತ ಧಯು.

2 ತಿನಾಹುತಿ ತೆ ಸೌಕಾರ ತಿನಾ ಆಳನೆ ಬಲೈನ, ತಾರಾ ಹುತಿ ಮನೆ ಸುದ್ದಿ ಐಸ. ಕದ್ಯೊ ಮಾರಾ ದೊಕ್ಕಾ ತು ಶಾನಾ ಹುತಿ ಖರಚ್ಯೊ ಕರೊಸ ಕೈನ? ತು ಮನೆ ಲೆಕ್ಕೊ ದೆ ತು ಕೆ. ಇತ್ತಿ ಉಪ್ಪರ ಮಿ ಕರಾನು ವ್ಯಾಪಾರ ತು ನಕೊ ದೆಕಿಲಿವ, ಕದ್ಯೊ

3 ತೆಳಾಮಾ ತೆ ಆಳ ತಿನಾ ಮನಸ್ಸಾ ಮಿ ಸು ಕರು ಕೈನ? ವಿಚಾರ ಕರಲಿದ್ಯೊ. ಮಾರೊ ಮಾಲಕ ಮನೆ ಕಾಮ ಪರತೊ ಕಾಡಿ ಪಾಡಸ! ಖಾಡಿಯೊ ಖಂದಾನೆ ಮನೆ ತಾಕತ ನತ್ತಿ. ಭಿಕ ಮಾಂಗಾನೆ ಮನೆ ಸರಮ ವಾಟಸ.

4 ಮಿ ಹಮ್ಮಾ ಸು ಕರು ಕವಾನು ಮನೆ ಗ್ವತ್ತ ಟೆ! ಮಿ ಕಾಮ ಜವೈ ಲಿದಲ್ವರ, ಮಿ ಬಿಜಾ ಮನಕ್ಕೊನೆ ದೊಸ್ತಿ ಕರಲ್ಯಾ ಕಾಮಪರ ಲಿವಾ ವರಕ್ಕು ಮಿ ಹಮ್ಮಾ ಕಯುಬಿ ಚೊಕು ಕಾಮ ಕರಿನ ದೆಕಾಡು. ಕೈನ ಕೈಲಿದ್ಯೊ.

5 ಪಾಚಲ್ತೊ ತೆ ಆಳ ತಿನಾ ಸೌಕಾರಕನ ಸಾಲಾ ಲಿದಲವಾಲಾವೊನೆ ತೆಕ್ಕಾವೊನೆ ಬಲೈನ. ತಿಮಾನಾ ಯಕ್ಕಾನೆ ಬಲೈನ, ತು ಮಾರಾ ಸೌಕರನಿ ಸಾಲಾ ಕೆಕ್ಕಲಿ ದಿವ್. ಕೈನ ಪುಚ್ಯೊ.

6 ತೆಳಾಮಾ ತೆ ಮನಕ್ ಕದ್ಯೊ ಮಿ ಕೊ ಬ್ಯಾರಲೊ ಒಲಿವ ತೆಲ ದ್ಯು ಕದ್ಯೊ. ವರಿ ತೆ ಆಳ ಸಾಲಾವಾಲಾನೆ ಕದ್ಯೊ ತಾರೊ ಲೆಕ್ಕೊ ನ್ಹಾಱೆ. ಬೈಟ ಬೆಗಿನ ಆ ಲೆಕ್ಕಕಾಮಾ ಟೆ ಕಿಲೊ ವ್ಹೊ ಕೈನ ಐವತ್ತ ಅಮಾ ಬರದ, ಕದ್ಯೊ.

7 ಪಾಚಲ್ತೊ ತೆ ಆಳ ಬಿಜೆಕ್ಲಾನೆ ಬಲೈನ ತು ಮಾರಾ ಸೌಕರನೆ ಕೆಕ್ಕಿ ಸಾಲಾ ದ್ಯು. ಕೈನ ತಿನೆ ಪುಚ್ಯೊ. ಹಜಾರ ಕೊತಳಾ ಘೌ ದ್ಯು ಕದ್ಯೊ. ತೆಳಾಮಾ ತೆ ಆಳ ತೆ ಸಾಲಾವಾಲಾನೆ ಕದ್ಯೊ ತಾರೊ ಲೆಕ್ಕೊ ನ್ಹಾಱೆ ಟೆ ಆ ಲೆಕ್ಕಕಮಾ ಕಮ ಬರದ. ಆಟ ಕೊ ಕೊತಳಾ ಕೈನ ಬರದ, ಕದ್ಯೊ.

8 ಪಾಚಲ್ತೊ ತೆ ಸೌಕಾರ ತಿನೊ ಮೊಸ ಕರಲ ಆಳನೆ ಬಲೈನ. ತು ಕೆಕ್ಕಿ ಶಾಣೆತನಾ ಕರೊಸ, ಕದ್ಯೊ. ಹೊ ಲೊಕ್ಕಾನಾ ಮನಕ್ಕೊ ಘನ್ನಾ ಶಾಣ್ಯಾ ವ್ಹೊ.

9 ಮೊಸ ಕರಿನ ರಾಬೆಲ ಆಸ್ತಿಕ್ಕು ದೊಸ್ತ ಕರಲಿವೊ ತೆ ಆಸ್ತಿ ತುಮೊನೆ ಘೊಡಿನ ಜಾತಾಮಾ ತ್ತುನೆ ತುಮೊನೆ ಹಮೆಶಾ ರ್ವವಾನ ಜಗಾ ಬಲೈಲಿವಸ.

10 ದಕ್ಕಾಮಾಜ್ಜ ಬರೊಕ್ಕೊ ರ್ವಯಲವಾಲೊ ಘನ್ನು ರ್ವಯಲ ಟೈಮಾಬಿ ಬರೊಕ್ಕಾವಾಲಾಲಿಂಗತ ರ್ವವಸ. ದಕ್ಕಾಮಾಜ್ಜ ಅನ್ಯಾಯಮಾ ರ್ವಯಲವಾಲೊ ಘನ್ನು ರ್ವಯಲ ಟೈಮಾಬಿ ಅನ್ಯಾಯವಾಲೊ ರ್ವವಸ.

11 ತಿನಾಹುತಿ ತುಮೆ ಮೊಸ ಕರಿನ ಆಸ್ತಿ ದಿದಲಮಾಜ್ಜ ಬರೊಕ್ಕೊ ನೈಸೊ ರ್ವಯಾಮ ಮ್ಹೆನ್ನತ ಕರಲ ಕ್ಕರಿನಿ ಆಸ್ತಿ ತುಮೊನೆ ಕುನ್ನ ದಿಸವ?

12 ಬಿಚ್ಚಿಕ್ಕಲಾನಿ ಆಸ್ತಿಪರ ಬರೊಕ್ಕೊ ನೈ ಮ್ಹೆಲ್ಲ ರ್ವಯಾಮ ತುಮಾತು ಸ್ವಂತ ರ್ವಯಲ ಸಾಮನಜ್ಜ ತುಮೊನೆ ಕುನ್ನ ದೆತು ನೈ.

13 ಕಯೊ ಸೆವಕ ಯಕಜ್ಜ ಟೈಮಾ ಬೆ ಮಾಲಕೊನೆ ಸೆವಾ ನೈ ಕರತೊ. ಯಕ್ಕನೆ ಮಯಾ ಕರಿನ ಯಕ್ಕಾನೆ ದುರ ಕರಸ, ತುಮೆ ಯಕಜ್ಜ ಟೈಮಾ ಕ್ಕುದಾನೆಬಿ ವರಿ ದೊಕಡಾವೊನೆ ಸೆವೆ ನೈ ಕರತಾ"

ಯೆಸು ಕದಲ ವಾತೊ (ಮತ್ತಾಯ 11:12-13)

14 ತೆಳಾಮಾ ಫರಿಸಾಯರೊ ಎ ಕ್ಕಾರು ಐಕಾಡ್ಯಾತಾ. ಫರಿಸಾಯರೊ ದೊಕಡಾವೊಪರ ಆಸ ರ್ವಯಲ ವಾಲಾ ವ್ಹತ್ತಾ ತಿನಾಹುತಿ ತ್ತುನೆ ಯೆಸುನೆ ಕದ್ರಾಯಾ.

15 ವರಿ ಯೆಸು ಫರಿಸಾಯರೊನೆ ಕದ್ಯೊ ಮನಕ್ಕೊನಾ ಕ್ಕಾಮಾ ತುಮೆ ಚೊಕಾ ವ್ಹೈ ಕೈನ ಕವೈಲಿವೊಶಿ. ವರಿ ಕ್ಕರಿಮಾಜ್ಜ ತುಮಾರು ಮನಸ್ಸಾ ರ್ವಯಲ ಕ್ಕುದಾನೆ ಗ್ವತ್ತ ಟಿ. ಮನಕ್ಕೊನಾ ನಜರಮಾ ಚೊಕು ರ್ವಯಲ ಕ್ಕುದಾನಿ ನಜರಮಾ ಕೆಟ್ಟ ವ್ಹೈ.

16 "ಮನಕ್ಕೊ ಮೊಶೆ ಬರ್ದಲ ಧರಮಶಾಸ್ತ್ರ ಪ್ರಕಾರ ಪ್ರವಾದಿಯೊ ಕದಲಜ್ಜ ತಿಮ್ಮಜ್ಜ ಮನಕ್ಕೊ ಜಿವ್ವಾ ಕರು ಕವಾನಿ ಕ್ಕುದಾನಿ ಆಸ ವ್ಹತ್ತಿ. ದಿಕ್ಕಷಾಸ್ಸಾನ ದಿಲಾವಾಲೊ ಯೊಹಾನನಾ ಆಯಲ ಕಾಲ್ಮಾ ಕ್ಕುದಾನಿ

ರಾಜ್ಯನಾ ಹುತಿ ತಿಳ್ಸಸ, ಘನ್ನಾ ಮನಕ್ಕೊ ಕ್ಹುದಾನಿ ರಾಜ್ಯಮಾ ಭಾವಾನಾ ಹುತಿ ಘನ್ನಾ ಕಷ್ಟ ಪಡಾಡ್ತಾಸ.

17 ಹಬಾಳ ಜಿಮಿನ ನೈಸೊ ಥಾವಸ ತೆನ್ನೆಸೊ ಧರಮಶಾಸ್ತ್ರಮಾ ರ್ಹಯಲ ಯಕ್ಕಬಿ ವಾತ ಕಾಡಾನೆ ಥಾತು ನೈ.

18 ಯಕ್ಕೊ ತಿನಿ ಬೈಕೊನೆ ಛೊಡಿನ ಬಿಚ್ಚಿಕ್ಕಿನೆ ಹಿವಾ ಕರಲಿದ್ಯೊಮ ತೆ ವೈಬಿಚಾರ ಕರಾಲೊ ಲಿಂಗತ ಥಾವಸ. ಯಕ್ಕ ಹೆಣ ಮನಕ್ಹ ಮಾಟಿನೆ ಛೊಡಿನ ಬಿಚ್ಚಿಕ್ಕಾನೆ ಹಿವಾ ಕರಲಿದಿಮ ತೆ ವೈಬಿಚಾರ ಕರಾಲಿ ಲಿಂಗತ ರ್ಹವಸ.

ಸೌಕಾರ ವರಿ ಲಾಜರ

19 ವರಿ ಯೆಸು ತ್ಯುನೊಕನ ಅಮ್ಮ ಕದ್ಯೊ" ಯಕ್ಕೊ ಸೌಕಾರ ವ್ಹತ್ತೊ, ತೆ ಸೌಕಾರ ಘನ್ನಾ ಚೊಕಾ ವಣ್ಣಾ ಘಾಲ್ಲೆತೊತೊ. ತೆ ಘನ್ನೊ ಸೌಕಾರ ರ್ಹಯಲ ಹುತಿ ತೆ ದಿನ್ನೆಬಿ ಚೊಕು ಚೊಕೊಜ ಅನ್ನ ಖಾತೊ ಖುಶಿ ಕರ್ತೊತೊ.

20 ತ್ಯಾ ಲಾಜರ ಕವಾಲೊ ಯಕ್ಕೊ ಗರಿಬ ಮನಕ್ಹ ವ್ಹತ್ತೊ. ತಿನೆ ಅಂಗ ಭರಿನ ಘುಮ್ಡಾ ವ್ಹತ್ತಾ ತೆ ಲಾಜರ ಸೌಕಾರನಾ ಘರನಾ ಕ್ಹಾಮೊ ಪಡಲ ರ್ಹತೊತೊ.

21 ವರಿ ಸೌಕಾರ ಖೈನ ಉಗ್ರಲ ಭಾರು ನಾಕಲ ಅಟ್ಟು ಅನ್ನ ಖಾತೊತೊ. ಕುತ್ರಾ ಐನ ಲಾಜರನಾ ಘುಮ್ಡಾ ಚಾಟ್ತಾ.

22 "ದಕ್ಹಾ ದಿನ್ನ ಥಯಲಪರ ಲಾಜರ ಮರಯೊ. ಸ್ವರಗನಾ ದುತೊ ಐನ ತೆ ಲಾಜರನೆ ಅಬ್ರಹಾಮಕನ ಲಿನಗಯಾ, ಯಕ್ಕ ದಿನ್ನ ತೆ ಸೌಕಾರಬಿ ಮರಯೊ. ತಿನೆ ಮಜಾರಮಾ ಬುಜ್ಜಾ.

23 ತೆನ್ನೆಸೊ ತೆ ಸೌಕಾರ ನರಕಮಾ ತ್ರಾಸ ಖಾತೊ ಘನ್ನೊ ದುರ ರ್ಹಯಲ ಅಬ್ರಹಾಮನಾ ಕ್ಹಾತೆ ಲಾಜರನೆ ದೆಕಿನ,

24 ಹಮಾರೊ ಬಾ ಅಬ್ರಹಾಮ, ಮನೆ ಮರಗಿನ ಲಾಜರನೆ ಮಕನ ಮೊಕಲ. ತೆ ತಿನೊ ಬೊಟ ಪಾನಿಮಾ ಡುಬೈನ ಮಾರಿ ಜಿಬ್ಬ ಥಂಡಿ ಥಾವಾ ವರಕ್ಹಿ ಕರ, ಮಿ ಆಗಮಾ ಬಳವಾಡ್ಯೊಸ! ಕದ್ಯೊ.

25 ತೆ ವಾತೆ ಅಬ್ರಹಾಮ ತಿನೆ ದಿಕ್ರಾ ತಾರಿ ಜಿವಿತಮಾ ತು ಸು ಕರಯ್ಚೊ ತುನೆ ಗ್ವತ್ತ್ ನತ್ತಿಸು? ತ್ಯಾ ತುನೆ ಕ್ಹಾರಿ ಸುಕಾ ವ್ಹತ್ತಿ. ತೆನ್ನೆಸೊ ಲಾಭರತೊ ತಿನಿ ಜಿವಿತ ಪುರಾ ಕಷ್ಟ ವರಿ ತ್ರಾಸ ಖಾದ್ಯೊಸ. ತಿನಾ ಹುತಿ ತೆ ಸ್ವರ್ಗಮಾ ತಿನೆ ಸುಖಾ ಲೆ. ತು ಕಷ್ಟ ಖಾವಡ್ಯೊಸ.

26 ತೆನ್ನೆಸೊ ತಾರಾಮಾ ಹಮಾರಾಮಾ ಘನ್ನು ಮೊಟ್ಟು ಫರಕ ಲೆ ತ್ಯಾ ಐನ ತುನೆ ಮದತ ಕರಾನೆ ಕಿನೆಜ್ ಸಾದ್ಯ ನತ್ತಿ. ತೆನ್ನೆಸೊ ತು ರ್ಹಯಲ ಜಗಾತೊ ಹಮೆ ರ್ಹಯಲ ಜಗಾ ಕಿನೆಜ್ ಆವಾನೆ ಸಾದ್ಯ ನತ್ತಿ.

27 ತೆಳಾಮಾ ಸೌಕಾರ ಕದ್ಯೊ ತಿಮ್ಮ ರ್ಹಯಮ ಲಾಭರನೆ ಭುಲೊಕಪರ ರ್ಹಯಲ ಮಾರಾ ಬಾನಾ ಘರೆ ಮೊಕಲ!

28 ಮಾರಾ ಪಾಂಚ ಭಾಯೊ ಲೆ ತ್ಯುನೆ ಮಿ ತ್ರಾಸ ಖಾವಾನ ಜಗಾ ಆವಾನು ನಕೊ, ಕೈನ ತ್ಯುನೊನೆ ಹುಶಾರ ಕರಾದೆ ಕದ್ಯೊ.

29 ತೆ ವಾತೆ ಅಬ್ರಹಾಮ, ಮೊಶೆ ಬರ್ದಲ ಧರಮ ಶಾಸ್ತ್ರ ವರಿ ಪ್ರವಾದಿಯೊನಾ ಬುಕ್ಕೊ ತ್ಯುನೊಕನ ಲೆ ತ್ಯುನೆ ತ್ಯುನಿಯೊ ವಾತೊ ಐಕಾದೆ ಕದ್ಯೊ.

30 ತೆ ವಾತೆ ಸೌಕಾರ, ಬಾ ಅಬ್ರಹಾಮ ತಿಮ್ಮ ಕೌ ನಕೊ ಕುನ್ನಬಿ ಮರಲವಾಲಾವೊಮಾನೊ ಯಕ್ಲೊ ಜಿವ್ತೊ ಧೈನ ಉಟಿನ ಗೈನ ತ್ಯುನೊಕನ ಕವಾದೆ ತೆಳಾಮಾ ತ್ಯುನೆ ಚೊಕಾ ಥಾಸ ಕದ್ಯೊ.

31 ತೆ ವಾತೆ ಅಬ್ರಹಾಮ ತಿನೆ, ನೈ! ತಾರಾ ಭಾಯೊ ಮೊಶೆನು ಧರಮ ಶಾಸ್ತ್ರ ವರಿ ಪ್ರವಾದಿಯೊ ಕದಲ ವಾತೊ ನೈ ಐಕ್ಯಾಮ, ಮರಲವಾಲಾವೊಮಾನಾ ಮನಕ್ಲೊಮಾ ಜಿವ್ತಾ ಧೈನ ಉಟಲ ವಾಲಾವೊನಿಯೊ ವಾತೊ ನೈ ಐಕ್ಯಾ"ಕದ್ಯೊ.

17

ಪಾಪ
(ಮಾರ್ಕ 9:42)

1 ಯೆಸು ತಿನಾ ಶಿಷ್ಯಾವೊನೆ "ಮನಕ್ಲೊನೆ ಪಾಪಮಾ ಚಲಾವಾನಿಯೊ ಸಂಗತಿಯೊ ಖರಿಮಾಜ ಆವಸ. ವರಿ ತೆ ಕಿಕ್ಕು ಆವಸ ತೆ ಮನಕ್ಲನಿ ಗತಿ ಮಿ ಸು ಕೌ!

2 ತಾಕತ ಕಮ ರ್ವಯಲವಾಲಾವೊನ, ಪಾಪ ಕರಾನೆ ಸಿಕ್ಕಲಾವಾಲೊ ತಿನಾ ಗರದನೆ ವಾಟ ದೆಕಾಡಾನೊ ಮೊಟ್ಟೊ ದಗ್ಗೊ ಭಾಂದಿಲಿನ ಸಮುಂದರಮಾ ಪಡಾನು ಚೊಕು ವ್ಹೆ.

3 ತಿನಾಹುತಿ ತುಮೆ ಹುಶಾರ ರಹೊ "ತಾರೊ ಭೈ ಪಾಪ ಕರಲ ರ್ವಯೊಮ, ತಿನೆ ಭುಚ್ಚಾಡ. ವರಿ ತಾರೊ ಭೈ ಕರಲ ಪಾಪನೆ ಪಶ್ಚಾತ್ತಾಪ ಪಾಡ್ಲೊಮ ತಿನೆ ಮಾಫ ಕರ ಕದ್ಲೊ.

4 ತಾರೊ ಭೈ ತಾರಾ ವಿರುದ್ಧ ಯಕ್ಕ ದಿನಮಾ ಕ್ವಾತ ಸಲಾ ಪಾಪ ಕರಿನ ತೆ ಕ್ವಾತ ಸಲಾಬಿ, ತುನೆ ಮಾಫಕರ ಕೈನ ಕದ್ಯಾಮ, ತು ತಿನೆ ಮಾಫ ಕರು "ಕೈನ ಕದ್ಲೊ.

ತುಮಾರೊ ಬರೊಕ್ಕೊ ಕೆಕ್ಕೊ ಮೊಟ್ಟೊ ವ್ಹೆ?

5 ಅಪೊಸ್ತಲೊ ಯೆಸುನೆ "ಹಮಾರೊ ಬರೊಕ್ಕೊ ಹೆಚ್ಚಿ ಧಾವಾ ವರಕ್ಕು ಹಮೊನೆ ಆಶಿರ್ವಾದ ದೆ" ಕದ್ಯಾ.

6 ಯೆಸು ತ್ಯುನೊನೆ ಅಮ್ಮ ಕದ್ಲೊ, "ತುಮಾರೊ ಬರೊಕ್ಕೊ ಸಾಸಿವೆ ಕಾಳ ಯಕ್ಕೊ ಮೊಟ್ಟೊ ಬರೊಕ್ಕೊ ರ್ವಯೊಮ, ತುಮೆ ಉಂಬ್ರೊನಾ ಯಾಡನೆ ತು ಕಿತ್ಯೆನ ಸಮುಂದರಮಾ ಗೈನ ಪಡ ಕದ್ಯಾಮ ತುಮೆ ಕದಲ ತಿಮ್ಮಜ್ಜ ಧಾವಸ.

ಚೊಕಾ ಸೆವಕ ಥೈನ ರ್ವವೊ

7 "ತುಮೊಮಾ ಯಕ್ಲಾನಾ ಖೆತರಮಾ ಕಾಮ ಕರಾಹುತಿ ಯಕ್ಕ ಆಳ ಣಿ ಕೈನ ತಿಳದಿಲಿಯೆ. ತೆ ಆಳ ಖೆತರನಿ ಜಿಮಿನ್ವರ ಹೆರಗತೊ ರ್ವವಸ, ನೈತೊ ತೆ ಆಳ ಬಕ್ರಾ ಚರಾತೊ ರ್ವವಸ. ತೆ ಆಳ ಖೆತರನು ಕಾಮ ಮುಗ್ಗಿನ ಘರೆ ಆತಾಮಾ ತು ತಿನೆ ಸು ಕಸಿ? ಮ್ಹೆ ಆ ತು ಖಾವಾನೆ ಬೈಟ ಕೈನ ಕಸಿಸು?

8 ನೈ! ತು ತಿನೆ, ಮಾರಾ ಹುತಿ ಖಾವಾನೆ ಅನ್ನ ಕರ. ಪಾಚಲೊ ತು ಚೊಕಾ ವಣ್ಣಾ ಫಾಲಿನ ಮನೆ ಖಾವಾನೆ ಅನ್ನ ಫಾಲಿನ ದೆ. ಮಿ ಖೈನ ಪಿದಲಪರ ತು ಖಾ ಕೈನ ತಿನೆ ಕಸಿ.

9 ತಾರೊ ಆಳ ತಿನೊ ಕಾಮ ಕರಲ ಹುತಿ, ತು ತಿನೆ ಘನ್ನಿ ಮರ್ಯಾದಿ ದಿವಾನೆ ಜಾವುನಕೊ. ಆಳ ರ್ಡಯಲಜ್ಜ ಮಾಲಕನಿ ವಾತ ಐಕಾ ಹುತಿ ವ್ಹೆಲ್.

10 ಎಜ್ಜ ನಿಯಮೊ ತುಮೊನೆಬಿ ಲಾಗು ಥಾವಸ. ತುಮೊನೆ ದಿದಲ ಕಾಮೊ ತುಮೆ ಪುರಾ ಕರಲ್ಪರ"ಹಮೆ ಆಳೊ ವ್ಹೆಲ್, ಹಮೆ ಕಾರಾನು ಕರ್ತವ್ಯ ಹಮೆ ಕರ್ಯಾಸ "ಕೈನ ಕೌ"

ನೆಣಸಾಲಾ ಥಾವೊ

11 ಯೆಸು ಯೆರೊಸೆಲಿಮ ಫರತೊ ಗಲಿಲಾಯನೆ ಗಯೊ.

12 ತ್ಯಾ ತೆ ಯಕ್ಕ ಖಿಡೆ ಆಯೊ. ತ್ಯಾ ತಿನೆ ದಕ್ಲ ಜನಾ ದೆಕ್ಯಾ ತ್ಯಾನೆ ಯೆಸುನಾ ಕ್ಹಾಮಾ ಆಯಾ ನೈ. ಕಾಕದ್ಯಾಮ ತ್ಯಾನೆ ಕ್ಹಾರಾಜನಾ ಕುಷ್ಟ ರೊಗಿಯೊ ವ್ಹತ್ತಾ.

13 ತೆನ್ನೆಸೊ ತ್ಯಾನೆ ಯೆಸುನೆ ದೆಕಿನ "ಯೆಸು! ಗುರು! ಮರಗಿನ ಮನೆ ಸಹಾಯಾ ಕರ ಕೈನ ಜೊರ ವದ್ರ್ಯಾ.

14 ಯೆಸು ತ್ಯಾನೊನೆ ದೆಕಿನ"ಜಾವೊ ತುಮಾರು ಅಂಗ ಯಾಜೊಕೊನೆ ದೆಕಾಡೊ ಕೈನ "ತ್ಯಾನೊನೆ ಕದ್ಯೊ ತ್ಯಾನೆ ಯಾಜಕೊನೆ ತ್ಯಾನು ಅಂಗ ದೆಕಾಡಾನೆ ಜಾತಾಮಾಜ್ಜ ತ್ಯಾನೊ ಕುಷ್ಟರೊಗ ರ್ಡಯಲ ಗೈಪಡ್ಯತು.

15 ತ್ಯಾನೊಮಾನೊ ಯಕ್ಕೊ ತೆ ಅರಾಮ ಥಯಲ ದೆಕಿಲಿನ ಫರಿನ ಯೆಸುಕನ ಐನ ಜೊರ ವದ್ರಿನ ಕ್ಹುದಾನೆ ಸ್ತುತಿ ಕರಯ್ಲೊ.

16 ತೆ ಯೆಸುನಾ ಪಗೊಮಾ ಪಡಿನ ಸ್ತುತಿ ಕರಯ್ಲೊ ತೆ ಸಮಾರಯಾ ವಾಲೊ ವ್ಹತ್ತೊ.

17 ಯೆಸು ತಿನೆ ಪುಚ್ಚೊ ತುಮೊನೆ ದಕ್ಲ ಜನಾವೊನೆ ಅರಾಮ ಥೈಸ್ತೊ? ಬಾಕಿನಾ ನೌ ಜನಾ ಕಿಜಾ ಛಿ?

18 ಕ್ಹುದಾನೆ ಸ್ತುತಿ ಕರಾನೆ ಎ ಸಮಾರಯಾವಾಲನೆ ಛೊಡಿನ ಭಿಜ್ಜಾ ಕುನ್ನಜ್ಜ ಐಯುನತ್ತಿಸು? ಕೈನ ಪುಚ್ಚೊ.

19 ಪಾಚಲ್ಲೊ ಯೆಸು ತಿನೆ"ಉಟ್ಟ! ಹಮ್ಮಾ ತು ಘರೆ ಜ್ಜಾ! ತು ಬರೊಕ್ಕೊ ಕರಲ ಹುತಿಜ್ಜ ತುನೆ ಅರಾಮ ಥಯೊಸ "ಕದ್ಯೊ.

ಕ್ಹುದಾನಿ ರಾಜ್ಯ ಆವಾನು ಛೆ

(ಮತ್ತಾಯ 24:23-28,37-41)

20 ಫರಿಸಾಯರೊಮಾನಾ ದಕ್ಹಾ ಜ್ಜನಾ ಯೆಸುನೆ, ಕ್ಹುದಾನಿ ರಾಜ್ಯ ಕೆಳಾಮಾ ಆವಸ? ಕೈನ ಪುಚ್ಚಾ, ಯೆಸು ತ್ಯುನೊನೆ "ಕ್ಹುದಾನಿ ರಾಜ್ಯ ಆವಾಡಿಸ, ತೆನೈಸೊ ತುಮಾರಾ ಡೊಳೆ ದಿಕ್ಹೆಲಿಂಗತ ಆತು ನೈ.

21 "ದೆಕೊ, ಕ್ಹುದಾನಿ ರಾಜ್ಯ ನ್ಹ್ಯಾ ಛೆ" ದೆಕೊ ಐಜ್ಜಾ ಛೆ" ಕೈನ ಮನಕ್ಕೊ ಕಯೆಲಿಂಗತ ನತ್ತಿ. ಕ್ಹುದಾನಿ ರಾಜ್ಯ ತುಮೊಮಾ ಛೆ "ಕದ್ಯೊ.

22 ಪಾಚಲ್ಲೊ ಯೆಸು ತಿನಾ ಶಿಷ್ಯಾವೊನೆ ಕದ್ಯೊ"ಮನಕ್ಹನಾ ದಿಕ್ರಾನೆ ತುಮೆ ಆಸ ಮ್ಹೆಲಲ ದಿನ್ನ ಆವಸ, ವರಿ ತುಮೆ ತೆ ದಿನ್ನ ದೆಕತಾ ನೈ.

23 ಮನಕ್ಕೊ ತುಮೊನೆ, ಐಲೊ ಐಜ್ಜಾ ಛೆ! ಕವಸ. ತುಮೆ ರ್ಹೆಯಲ ಜ್ಜಗಾಜ್ಜ ರ್ಹವೊ. ತಿವ್ವಾ ವಾತೊ ಐಕೊ ನಕೊ. ವರಿ ಹುಡ್ಕೊ ನಕೊ.

24 ಕಾಕದ್ಯಾಮ ಮನಕ್ಹನೊ ದಿಕ್ರೊ ಥಯಲ ಮಿ, ಆತಾಮಾ ತುಮೊನೆ ಗ್ವತ್ತ ಥಾವಸ. ಹಬಾಳಮಾತೊ ಉಜಾಲಾನ ವರಿ ಬಿಜ್ಜಿನಾ ರುಪಮಾ ತೆ ಆವಸ.

25 ತೆನೈಸೊ ಪೈಲಾ ಮನಕ್ಹನೊ ದಿಕ್ರೊ ಘನ್ನು ಕಷ್ಟ್ವ ಖೈನ ಎ ಕಾಲನಾ ಮನಕ್ಕೊ ತಿನೆ ರುಕ್ಕರಾವಸ.

26 ಮನಕ್ಹನೊ ದಿಕ್ರೊ ಫರಿನ ಆವಾನಾ ಟೈಮ್ಮಾ ಎ ಜಗತ್ತಿ ಸ್ತಿತಿ ನೊಹಾನಾ ಕಾಲ್ಮಾ ಥಯಲ ಸ್ತಿತಿ ಥಾವಸ.

27 ನೊಹಾನಾ ಕಾಲ್ಮಾ ಹರಿ ಯಕ್ಕೊ ಖಾತಾ ಪಿತಾ, ಹಿವಾ ಕರಲೆತಾ ಹಿವಾ ಕರಾತಾ ವ್ಹಾತಾ. ನೊಹಾ ಹಡಗಾಮಾ ಗಯಲ ಟೈಮ್ಮಾ ತೆ ಮನಕ್ಕೊ ತಿಮ್ಮಜ್ಜ ಕರತಾತಾ. ತೆಳಾಮಾ ಘನ್ನು ಪಾನಿ ಥೈನ ಕ್ಹಾರಾ ಮನಕ್ಕೊ ಮರಿಗಯಾ.

28 ಲೋಟಾನಾ ಕಾಲ್ಮಾ ಕ್ಹುದಾ ಸೊದೊಮನ ದೆಶ ಕಿಮ ನಾಶ ಥೈಯುತು ತಿಮ್ಮಜ್ಜ ಥಾವಸ. ತೆ ಮನಕ್ಹೊಖಾತಾ, ಪಿತಾ, ವ್ಯಾಪಾರ ಕರತಾ ವರಿ ತ್ಯನೆ ರ್ಹವಾ ಹುತಿ ಮ್ಹೊಟಾ-ಮ್ಹೊಟಾ ಘರೊ ಭಾಂದಿಲೆತಾ ವ್ಹತ್ತಾ.

29 ಲೋಟಾ, ಸದೊಮ ಗಾಮ ಛೊಡಿನ ಜಾತಾಮಾ ತ್ಯಾನಾ ಮನಕ್ಹೊ ತಿಮ್ಮಜ್ಜ ಕರಾಡಾತಾ. ತೆಳಾಮಾ ಹಬಾಳಮಾತಾ ಆಗನಾ ಮಂಗಾಳಾ ಪಡಿನ ತ್ಯನೆ ಕ್ಹಾರಾ ಮರಿಗಯಾ.

30 ಮನಕ್ಹೊನೊ ದಿಕ್ಹೊ ಫರಿನ ಆತಾಮಾ ಜಗತ್ಸಿತ್ತಿ ಇಮ್ಮಜ್ಜ ಥಾವಸ.

31 ತೆ ದಿನೊಮಾ ಅಂಟಾಪರ ರ್ಹಯಲವಾಲೊ ಹೆಟೊ ಉತ್ತಿನ ತಿನಾ ಘರಮಾನು ಲಾವಾನೆ ಜೊ ನೈಸೊ ನ್ಹಾಟೆ ಭಾವಾದೆ

32 ಲೋಟಾನಿ ಬೈಕೊನಾ ಕ್ಹಾತೆ ಥಯಲ ಶೆ ಛಿಸು.

33 ತಿನೊ ಜಲಮ ವಚ್ಚಾಡಿಲಿವಾಲೊ ತಿನೊ ಜಲಮ ಜವೈಲಿವಸ, ವರಿ ತಿನೊ ಜಲಮ ದಿವಾಲೊ ತಿನೊ ಜಲಮ ವಚ್ಚಾಡಿಲಿವಸ.

34 ಮಿ ಆತಾಮಾ ಯಕ್ಕ ಘರಮಾ ಬೆ ಜನಾ ಕ್ಹರಯಲ ರ್ಹಯಾಮ ಯಕ್ಲಾನೆ ಲಿನಂಜಾವುಸ ಯಕ್ಲಾನೆ ಛೊಡಿನ ಜೊಸ.

35 ಬೆಜನಿಯೊ ಹೆಣ ಮನಕ್ಹೊ ಕಾಮ ಕರತಿಯೊ ರ್ಹತಾಮ ಯಕ್ಕಲಿನ ಲಿನಂಜಾವುಸ ಯಕ್ಕಲಿನ ಛೊಡಿನ ಜೊಸ.

36 *

37 ಶಿಷ್ಯಾಯೆಸುನೆ "ಪ್ರಭು, ಎ ಕ್ಹಾರು ಕಿಜಾ ಥಾವಸ? ಕೈನ ಪುಚ್ಚಾ ಯೆಸು ತ್ಯನೊನೆ, ಹದ್ದೊಮಳಿನ ಕಿ ಆಯಲ ರ್ಹವಸ ತ್ಯಾ ಮುರದಾ ರ್ಹಯಲ ರ್ಹವಸಜ್ಜ ಕೈನ ಮನಕ್ಹೊ ತಿಳದಿಲಿವಸ "ಕದ್ಯೊ

18

ತಿನಾ ಮನಕ್ಹೊನೆ ಕ್ಹುದಾ ಕದಲ

1 ನಿರಾಶ ಥಯಾವಾಚಿ ಕೆಳಾಮಾಬಿ ಪ್ರಾಥನಾ ಕರು ಕೈನ ಯೆಸು ತಿನಾ ಶಿಷ್ಯಾವೊನೆ ಯಕ್ಕ ಸಾಮ್ಯ ಲಿನ ಕದ್ಯೊ

* 17:36 17:36 36 ವಚನ ಮಳಾಯಾಸ; ಬೆ ದಾಣ್ಣಾ ಯಕ್ಕಜ್ಜ ಖಿತರಮಾ ರ್ಹವಸ. ಯಕ್ಲಾನೆ ನಿಂಜಾವಸ ಯಕ್ಲಾನೆ ಛೊಡಸ.

2 ಯಕ್ಕ ಗಾಮಾ ಯಕ್ಕ ನ್ಯಾಯಾ ಕರಾಲೊ ವ್ಹತ್ತೊ. ತಿನೆ ಕ್ಹುದಾನೊ ಭೆ ನ್ಹೊತ್ತೊ ವರಿ ಮನಕ್ಲೊ ತಿನಾ ಹುತಿ ಸು ಬೊಲಸ ಕೈನ ತೆ ವಿಚಾರ ಕರತೊ ನ್ಹೊತ್ತೊ

3 ತೆಜ್ಜ ಗಾಮ್ನಾಯಕ್ಕ ರಾಂಡಿ ಬಾಕ್ಡಿ ವ್ಹತ್ತಿ, ತೆ ಬಾಕ್ಡಿ ಘನ್ನಿಸಲಾ ನ್ಯಾಯಾ ಕರಾಲಾಕನ ಏನ, ನ್ಹ್ಯಾ ಯಕ್ಲೊ ಮನೆ ಘನ್ನೊ ತರಾಸ ಕರಸ. ತು ಮನೆ ಮರಗಿನ ನ್ಯಾಯ ದಿಲಾ! ಕೈನ ಮಾಂಗಿಲಿದಿ.

4 ತೆನ್ನೆಸೊ ತೆ ನ್ಯಾಯಾ ಕರಾಲೊ ತೆ ಬಾಕಡಿನೆ ಧ್ಯಾನ ದಿದ್ಯೊ ನೈ. ವರಿ ದಕ್ಖಾ ದಿನ್ವರ ತೆ ನ್ಯಾಯಾ ಕರಾಲೊ ತಿನಾ ಮನಸ್ಸಾ ವಿಚಾರ ಕರಲಿದ್ಯೊ ಮಿ ಕ್ಹುದಾಕ್ಲು ಬಿ ಭುಚ್ಚೊತ್ತೊ ನೈ ವರಿ ಮನಕ್ಲೊನೆ ದಾದ ನೈ ಕರತೊ.

5 ವರಿ ಆ ಬಾಕ್ಡಿ ಏನ ಮನೆ ಘನ್ನಿ ಕಿರಿ-ಕಿರಿ ಲಗಾಡಿಸ. ಇನು ಫೈಸಲೊ ಮಿ ಕರಿಪಾಡುಸ, ವರಿ ಎ ಬಾಕ್ಡಿ ಮನೆ ಕಿರಿ-ಕಿರಿ ನೈ ಕರತಿ, ನೈತೊ ಎ ಬಾಕ್ಡಿ ಮನೆ ಘನ್ನಿ ಕಿರಿ-ಕಿರಿ ಕರತಿಜ ರ್ವವಸ "ಕೈನ ಕೈಲಿದ್ಯೊ

6 ಯೆಸು ಎ ಸಾಮ್ಯ ಕದಲ್ವರ ತಿನಾ ಶಿಷ್ಯಾವೊನೆ ಕದ್ಯೊ. ಏಕೊ ತೆ ಅನ್ಯಾಯಾ ಕರಾಲೊ ನ್ಯಾಯಾದಿಪತಿ ಕದಲ ವಾತಮಾ ಮತ್ಲಭ್ ಛೆ.

7 ಕ್ಹುದಾನಾ ಮನಕ್ಲೊ ಕ್ಹುದಾನೆ ದಿನ್ವ ರಾತ ಪ್ರಾಥನಾ ಕರು. ಕ್ಹುದಾ ತಿನಾ ಮನಕ್ಲೊನೆ ಛೊಕು ರ್ವಯಲಜ್ಜ ಕೆಳಾಮಾಬಿ ದಿವಸ, ಕ್ಹುದಾ ತಿನಾ ಮನಕ್ಲೊನಿ ಪ್ರಾಥನಾನೆ ಭೆಗಿನಜ್ಜ ಜವಾಬ ದಿವಸ.

8 ಕ್ಹುದಾ ತಿನಾ ಮನಕ್ಲೊನೆ ಭೆಗಿನಜ್ಜ ಆಸ್ತೊ ಕರಸ. ಕೈನ ತುಮೊನೆ ಕೌಸ. ತೆನ್ನೆಸೊ ಮನಕ್ಲೊನೆ ದಿಕ್ಲೊ ಆತಾಮಾ ಜಗತ್ನಾ ಮನಕ್ಲೊಮಾ ಬರೊಕ್ಲೊ ದೆಕಸ್ಸು? ಕದ್ಯೊ

ಫರಿಸಾಯರೊ ವರಿ ಭು ಭಾಡೊಲಿವಾಲಾವೊನಿ ಸಾಮ್ಯ

9 ತೆಜ್ಜ ಟೈಮ್ನಾ ತ್ಯಾನಾ ಮನಕ್ಲೊ ಹಮೆಜ್ಜ ಛೊಕಾವೈ ಕೈನ ತಿಳಿದಿಲಿದ್ಯಾತಬಿ ವರಿ ಎ ಮನಕ್ಲೊ ಹಮೆ ಬಿಜ್ಞಾವೊತಿಬಿ ಛೊಕಾ ವ್ಹೆ ಕೈನ

10 ಯಕ್ಕ ಸಲಾ ಫರಿಸಾಯರವಾಲೊ ವರಿ ಭುಭಾಡೊಲಿವಾಲೊ ಪ್ರಾಥನಾ ಕರಾ ಹುತಿ ದೆವಾಲಯೆ ಗಯಾ.

11 ತೆಳಾಮಾ ಫರಿಸಾಯರವಾಲೊ ಭು ಭಾಡೊಲಿವಾಲಾನೆ ದೆಕಿನ ದುರ ಹುಬ್ಬಿನ ಅಮ್ಮಪ್ರಾಥನಾ ಕರಯ್ತೊ ಕ್ಹುದಾ, ಮಿ ಬಿಜಾವೊ ಲಿಂಗತ ಭು ಭಾಡೊಲಿವಾಲೊ ನ್ಹವೈ.

ಮೊಸ ಕರಾಲೊ ನ್ಹವೈ ವೈಭಿಚಾರ ಕರಾಲೊ ನ್ಹವೈ. ತಿನಾ ಹುತಿ ಮಿ ತುನೆ ಸ್ತೊತ್ರಾ ಕೌಸ,

12 ಮಿತೊ ಹಪ್ತಾಮಾ ಬೆಸಲಾ ಉಪಾಸ ಕರುಸ. ಮಿ ರಾಬಲಮಾ ದಕ್ಖಾವಾನೊ ಯಕ್ಕ ಭಾಗ ಮಿ ತುನೆ ದ್ಯುಸ! ಕೈನ ಕದ್ಯೊ.

13 ಭುಭಾಡೊ ಲಿವಾಲೊ ಯಕ್ಕಲೊಜ್ಜ ಹುಬ್ಬಿನ. ಹಬಾಳನೆ ಡೊಳಾ ಉಚ್ಚಿನ ದೆಕ್ಕಾವಾಚಿ ಛಾತಿ ಬಡ್ವೆಲೆತೊ, ಕ್ಹುದಾನಾ ಕ್ಹಾಮೊ ಡ್ವಗ್ಗಿನ, ಕ್ಹುದಾ ಮನೆ ಮರಗ ಮಿ ಪಾಪಿ ವ್ಹೈ ಕೈನ ಪ್ರಾಥನಾ ಕರಯ್ತೊ.

14 ತೆ ಪ್ರಾಥನಾ ಕರಲಪರ ತೆ ಕ್ಹರಿನೊ ವ್ಹೈಕೈನ ಪೈಸಲೊ ಥಯಲಪರ ತೆ ಘರೆ ಗಯೊ ಕೈನ ಮಿ ತುಮೊನೆ ಕೌಸ. ವರಿ ತೆ ಫರಿಸಾಯರ ಕ್ಹರಿನೊ ನ್ಹವೈ ಕೈನ ಪೈಸಲೊ ಥಯೊ. ಮಿ ವ್ಹೈಕೈನ ಕವೈಲಿವಾಲೊ ಹರಿ ಯಕ್ಲೊ ತಗ್ಗಿನ ರ್ಹವಾಲೊ ಥಾವಸ. ವರಿ ತಗ್ಗಿನ ರ್ಹವಾಲೊ ಹರಿ ಯಕ್ಲೊ ತೆ ಮಿ ವ್ಹೈಕೈನ ಕವೈಲಿವಸ.

ಯೆಸು ನ್ಹಾನಾ ಬಚ್ಚಾವೊನೆ ಆಶಿರ್ವಾದ ಕರಲ

(ಮತ್ತಾಯ 19:13-15; ಮಾರ್ಕ 10:13-16)

15 ದಕ್ಖಾ ಮನಕ್ಲೊ ತಿವ್ನಾ ನ್ಹಾನಾ ಬಚ್ಚಾವೊನೆ ಯೆಸುನಾ ಹತೆ ಮುಟಾಕೈನ ತಿಕನ ಲಾಯಾ, ತೆ ತಿನಾ ಶಿಷ್ಯಾ ಐಕಿನ, ಬಚ್ಚಾವೊನೆ ಯೆಸುಕನ ಲಾವೊನಕೊ ಕೈನ ಮನಕ್ಲೊನೆ ಕದ್ಯಾ.

16 ಯೆಸು ತೆ ದೆಕಿನ ನ್ಹಾನಾ ಬಚ್ಚಾವೊನೆ ತಿಕನ ಬಲೈನ ತಿನಾ ಶಿಷ್ಯಾವೊನೆ ಕದ್ಯೊ ನ್ಹಾನಾ ಬಚ್ಚಾವೊನೆ ಮಕನ ಆವಾನೆ ದಿವೊ, ತ್ಯುನೊನೆ ತರಬೊ ನಕೊ. ಕಾಕದ್ಯಾಮ ಕ್ಹುದಾನು ರಾಜ್ಯ ನ್ಹಾನಾ ಬಚ್ಚಾವೊಲಿಂಗತ ರ್ಹಯಲ ವಾಲಾವೊನು ವ್ಹೈ.

17 ಮಿ ತುಮೊನೆ ಕ್ಹರಿಜ್ಜ ಕೌಸ. ಬಚ್ಚಾವೊನಾ ಮನಸ ಲಿಂಗತ ವಪ್ಪಿಲಿವು. ನೈತೊ, ತುಮೆ ಕ್ಹುದಾನಿ ರಾಜ್ಯಮಾ ಜಾತಾ ನೈ. ಕದ್ಯೊ.

ಸೌಕಾರ ಮನಕ್ಕ

(ಮತ್ತಾಯ 19:16-30; ಮಾರ್ಕ 10:17-31)

18 ಯಕ್ಲೊಯಹುದೊನ್ನೊ ನಾಯಕ ಯೆಸುನೆ "ಚೊಕಿಯೊ ವಾತೊ ಕವಾಲಾ, ಹಮೆಶಾನೊ ಜಲಮ ಮಳು ಕದ್ಯಾಮ ಮಿ ಸು ಕರು? ಕೈನ ಪುಚೊ.

19 ಯೆಸು ತಿನೆ"ಮನೆ ಚೊಕೊ ವ್ಹೆ ಕೈನ ಕಾ ಕವಾಡೊಸ? ಕ್ಹುದಾ ಯಕ್ಲೊಜ ಚೊಕೊ ವ್ಹೆ.

20 ಕ್ಹುದಾನಿಯೊ ಆಗನ್ಯಾ ತುನೆ ಗ್ವತ್ತ ಲೆ ಸು; ತು ವ್ಯಭಿಚಾರ ಕರು ನೈ, ಕಿನಿಬಿ ಖಲಾಸ ಕರು ನೈ, ಸುಜ ಚೊರಿ ಕರು ನೈ, ಬಿಜಾ ಮನಕ್ಹೊನಾ ಹುತಿ ಸುಳ್ಳ ಕೌ ನೈ, ತಾರಾ ಮಾ ಬಾಪನೆ ಮರ್ಯಾದಿ ದ್ಯು, ಕೈನ ಕದ್ಯೊ.

21 ತಿಮ್ಮ ಕತಾಮಾ ತೆ ಮನಕ್ಕ ಮಿ ನ್ಹಾನ್ದಂತೊ ಎ ಕ್ಹಾರು ಕರತೊ ಆಯೊಸ, ಕೈನ ಕದ್ಯೊ.

22 ತೆಳಾಮಾ ಯೆಸು ತಿನೆ"ತು ಕರಾನು ಕಾಮ ಬಿಜೆಕ ಲೆ. ತಾರಿ ಆಸ್ತಿ ಇಕ್ಕಿನ ಆಯಲ ದೊಕ್ಡಾಗರಿಬೊನೆ ದೆ. ತೆಳಾಮಾ ತುನೆ ಸ್ವರ್ಗಮಾ ಇನೊ ಪ್ರತಿಫಲ ಮಳಸ. ತು ಮಾರಾ ಪಾಚೊ ಆ"

23 ಯೆಸುನಿಯೊ ವಾತೊ ತೆ ಮನಕ್ಕ ಐಕ್ತಾಮಾ ಘನ್ನೊ ಬೆಜ್ಯಾರ ಥಯೊ ಕಾಕದ್ಯಾಮ ತೆ ಮನಕ್ಕ ಘನ್ನೊ ಸೌಕಾರ ವ್ಹತ್ತೊ.

24 ತೆಳಾಮಾ ಯೆಸು ತಿನೆಜ ದೆಕಿನ, ಸೌಕಾರ ರ್ಹಯಲವಾಲಾ ಕ್ಹುದಾನಿ ರಾಜ್ಯಮಾ ಜಾವಾನು ಘನ್ನು ಕಷ್ಟ ಲೆ!

25 ಸೌಕರ ರ್ಹಯಲವಾಲೊ ಕ್ಹುದಾನಿ ರಾಜ್ಯಮಾ ಜಾವಾನು ಕೆಕ್ಲ ಕಷ್ಟ ಲೆ ಕದ್ಯಾಮ ಕ್ಲೆಯಿನಾ ಡೊಳಾಮಾತು ಹುಂಟೆ ಜಾವಾನು ಆಸಾನ ವ್ಹೆ"ಕದ್ಯೊ.

26 ಮನಕ್ಹೊ ಯೆಸುನಾ ವಾತೊ ಐಕಿನ"ತಿಮ್ಮ ಕದ್ಯಾಮ ರಕ್ಷಣೆ ಕಿನಿ ಥಾವಸ? ಕೈನ ಪುಚ್ಯಾ.

27 ಯೆಸು ತ್ಯುನೊನೆ"ಮನಕ್ಹನೆ ನೈ ಥಾವಾನಾ ಕಾಮೊ ಕ್ಹುದಾ ಕರಸ" ಕೈನ ಜವಾಬ ದಿದ್ಯೊ.

28 ಪೆತ್ರಾ"ದೇಕ ಹಮೆ ಹಮಾರಾ ಘರೊನೆ ಛೊಡಿನ ತಾರ ಪಾಚ್ಛಾ ಆಯಾಸತೊ" ಕೈನ ಕದ್ಯೊ.

29 ತೆ ವಾತೆ ಯೆಸು"ಮಿ ತುಮೊನೆ ಕ್ಹರಿಜ್ಜ ಕೌಸ. ಕ್ಹುದಾನಾ ರಾಜ್ಯನಾ ಹುತಿ ಕುನ್ನ ತಿನು ಘರ, ಬೈಕೊ, ಬಚ್ಚಾ, ಭಾಯೊ-ಭೆನೊ ವರಿ ತಿನಾ ಯಾ ಬಾ ನೆ ಛೊಡಲವಾಲೊ ತೆ ಛೊಡ್ಕಲತಿಬಿ ತಿನೆ ಜಾಸ್ತ ಮಳಸ. ಅಗಾ ಆವಾನಾ ದಿನೊಮಾ ಹಮೆಶಾನು ಜಲಮ ಮಳಸ.

30 ತೆ ತಿನಾ ಜಿಂದಗಿಮಾ ತಿತಿಬಿ ತಿನೆ ಹೆಚ್ಚಿ ಮಳಸ ವರಿ ತಿನಾ ಅಗ್ಲಿ ದುನಿಯಾಮಾ ಕ್ಹುದಾನಾ ಕ್ಹಾತೆ ಹಮೆಶಾ ಜಿವ್ವೊ ರ್ವವಸ" ಕೈನ ಕದ್ಯೊ.

31 ತೆ ಥಯಲ್ಪರ ಯೆಸು ತಿನಾ ಬಾರಾ ಜನಾ ಅಪೊಸ್ತಲೊನೆ ಬಲೈನ ತ್ಯುನೊನೆ ಕದ್ಯೊ ಏಕೊ! ಮಿ ಹಮ್ಮಾ ಯೆರುಸಲೆಮೆ ಚಾಲ್ಯೊಸ. ಕ್ಹುದಾ ತಿನಾ ಪ್ರವಾದಿ ಕಂತೊ ಮನಕ್ಹನಾ ದಿಕ್ರಾನಾ ಹುತಿ ಬರದಾಯಲ ಹರಿಯಕ್ ಸಂಗತಿ ಪುರಾ ಥಾವಸ!

32 ತೆ ಮನಕ್ಹ ತಿನಾ ವಿರುದ್ಧ ಉಟಿನ ಯೆಹುದಿ ನೈ ರ್ವಯಲ ವಾಲಾವೊಕನ ಕ್ಹಾಪ್ಪಸ. ತ್ಯುನೆ ತಿನೆ ಕದರೈನ, ತಿನಾ ಮ್ಹೊಡಪರ ಥುಕ್ಕಕಸ, ತಿನೆ ಅಸಯ್ಕ ಕರಸ.

33 ತ್ಯುನೆ ತಿನೆ ಬಾರಕೊಲ ಕ್ಹುಮಾರಸ ವರಿ ತಿನೆ ಖಲಾಸ ಕರಿಪಾಡಸ! ತೆನೈಸೊ ತೆ ತನ್ನ ದಿನ್ನ ಥಯಲ್ಪರ ವರಿ ಉಟಿನ ಆವಸ" ಕದ್ಯೊ.

34 ಅಪೊಸ್ತಲೊ ಆ ವಾತ ತಿಳದಿಲಿವಾನೆ ಕೊಶಿಶ ಕರ್ತ್ಯಾ ತಬಿ ತಿವ್ವೊಕನ ಥೈಯು ನೈ ಕಾಕದ್ಯಾಮ ತಿನು ಮತ್ಲಬ ತ್ಯುನೊನೆ ಗ್ವತ್ತ ನ್ಹೊತ್ತು.

35 ಯೆಸು ಯೆರಿಕೊ ಗಾಮನಾ ಕ್ಹಾಮೊ ಜಾತಾಮಾ, ತೆ ವಾಟೆ ಯಕ್ಕ ಕುಡ್ಲೊ ಭಿಕ ಮಾಂಗತೊ ಬೈಟ್ಕೊತೊ.

36 ತೆ ವಾಟಮಾ ಮನಕ್ಹೊನಿ ಘನ್ನಿ ಆವಾಜ್ ಏಕಿನ ತೆ ಕುಡ್ಲೊ"ನ್ಹ್ಯಾ ಸು ಥಾವಾಡ್ಯುಸ? ಕೈನ ಪುಚ್ಚೊ.

37 ಮನಕ್ಹೊತಿನೆ "ನಜರೆತನೊ ಯೆಸು ಆವಾಡ್ಯೊಸ" ಕೈನ ತಿಳಶ್ಯಾ.

38 ತೆ ಕುಡ್ಲೊಜೊರ ಆವಾಜ್ ಕ್ಹು"ಯೆಸು, ದಾವಿದನಾ ದಿಕ್ರಾ ಮರಗಿನ ಮನೆ ಮದದ ಕರ! ಕೈನ ವದರೈಯೊ.

39 ಮನಕ್ಕೊನು ಗುಂಪ ತೆ ಕುಡ್ಡಾನೆ ಭುಚ್ಚಾಡ್ತಾ ತಿನೆ ಬೊಲು ನಕೊ ಕೈನ ಕದ್ಯಾ ತೆನ್ನೆಸೊ ತೆ ಕುಡ್ಡೊ ವರಿ ಭೊರ ಆವಾಜ್ ಕ್ಕು "ದಾವಿದನಾ ದಿಕ್ತಾ, ಮರಗಿನ ಮನೆ ಮದದ ಕರ" ಕೈನ ಅಡ್ಡೊ

40 ಯೆಸು ತ್ಯಾಜ ಹುಬ್ಬಿನ"ತೆ ಕುಡ್ಡಾನೆ ಮಕನ ಬಲೈನ ಲಾವೊ" ಕೈನ ಕದ್ಯೊ ತೆ ಕುಡ್ಡೊ ಕ್ಕಾಮೊ ಆಯೊ, ಯೆಸು ತಿನೆ "ಮಿ ತುನೆ ಸು ಕರು ಕೈನ ತು ಕಶಿ? ಕೈನ ಕದ್ಯೊ

41 ತೆಳಾಮಾ ತೆ ಕುಡ್ಡೊ "ಪ್ರಭು, ಮಾರಾ ಡೊಲಾ ವರಿ ದಿಕ್ತಾ ವರಕ್ತಾ ಕರ ಬಾ" ಕದ್ಯೊ

42 ಯೆಸು ತಿನೆ"ತು ನಂಬಲಕ್ತು ತುನೆ ಅರಾಮ ಧೈಯುಸ" ಕೈನ ಕದ್ಯೊ

43 ತೆಳಾಮಾಜ್ ತೆ ಕುಡ್ಡಾನೆ ಪುರಾ ದಿಕ್ತಾಡು. ತೆ ಕುಡ್ಡೊ ಕ್ಕುದಾನೆ ಸೊತ್ರಾ ಕತೊ ಯೆಸುನಾ ಪಾಚೊ ಗಯೊ. ಆ ಕ್ಕಾರ್ ದೆಕಿನ ಮನಕ್ಕೊ ಕ್ಕುದಾನೆ ಸೊತ್ರಾ ಕರಾ

19

ಯೆಸು ವರಿ ಜಕ್ಕಕಾಯಾ

1 ಯೆಸು ಯೆರಿಕೊ ಗಾಮ ಕಂತೊ ಚಾಲ್ಯೊತೊ.

2 ತೆ ಗಾಮ್ ಜಕ್ಕಾಯಾ ಕವಾಲೊ ಯಕ್ಕ ಮನಕ್ಲ ವ್ಹತ್ತೊ. ತೆ ಮನಕ್ಲ ಸೌಕಾರ ವ್ಹತ್ತೊ. ವರಿ ತೆ ಭು ಭಾಡೊ ಲಿವಾಲೊ ವ್ಹತ್ತೊ.

3 ತೆ ಯೆಸುನೆ ದೆಕು ಕೈನ ಘನ್ನು ಮನಸ ವ್ಹತ್ತು. ವರಿ ತ್ಯಾ ಯೆಸುನೆ ದೆಕು ಕೈನ ಘನ್ನಾ ಮನಕ್ಕೊ ವ್ಹತ್ತಾ. ಜಕ್ಕಕಾಯಾ ಘನ್ನೊ ಗಿಡ್ಡೊ ವ್ಹತ್ತೊ ತಿನಾ ಹುತಿ ಮನಕ್ಕೊ ಯೆಸುನಾ ಸುತ್ತಿ ಹುಬ್ರಯಲ ಹುತಿ. ಜಕ್ಕಾಯಾನೆ ಯೆಸುನೆ ದೆಕಾನೆ ಥಯು ನೈ.

4 ತಿನಾಹುತಿ ಜಕ್ಕಾಯಾ ಯೆಸು ಬಿಜಿ ಜಗಾ ಜಾವಾನು ಐಕಿನ ತೆ ಜಗಾಪರ ತಿತ್ತಿ ಅಗ್ಗರಜ್ಜ ಯಕ್ಕ ಪಿಪ್ಪಾನಾ ರೂಡಪರ ಚಡಿನ ಬೈಟ್ಯೊ.

5 ಯೆಸು ತೆ ಜಗಾಪರ ಆತಾಮಾ ರೂಡಪರ ಚಡಿನ್ ಬೈಟಲ ಜಕ್ಕಕಾಯಾನೆ ದೆಕಿನ ಕದ್ಯೊ ಜಕ್ಕಕಾಯಾ ತು ಭೆಗಿನ ಹೆಟೊ ಉತ್ರನ ಆ"ಆಜನಾ ದಿನ್ನೆ ತಾರಾ ಘರೆ ಔಸ ಕದ್ಯೊ.

6 ತೆಳಾಮಾ ಜಕ್ಕಾಯಾ ರೂಡಪರತೊ ಹೆಟೊ ಉತ್ರನ ಐನ್ ಯೆಸುನೆ ಖುಶಿಕ್ಲು ಘರೆ ಬಲೈಲಾಯೊ.

7 ಮನಕ್ಲೊ ಎ ಕ್ಹಾರು ದೆಕಿನ ಯೆಸು ಜಕ್ಕಕಾಯಾ ಯಕ್ಕ ಪಾಪಿ ವ್ಹೈ ತೆ ತಿನಾ ಘರೆ ಕಾ ಜಾತೊ ವಸೆ ಕೈನ್ ಕವಾಡಾತಾ.

8 ತೆಳಾಮಾ ಜಕ್ಕಾಯಾ ಉಟಿನ ಹುಬ್ರೈನ್ ಯೆಸುನೆ ಪ್ರಭು ಮಿ ಮಾರಿ ಆಸ್ತಮಾನೊ ಹೆಚ್ಚಿ ವಾಟೊ ಗರಿಬೊನೆ ದ್ಯುಸ. ವರಿ ಕಿಕಂತು ಬಿ ಮೊಸ ಕ್ಹುಲಿದಲ ರ್ಹಾಯೊಮ ತಿನೆ ಚಾರ ಯಕ್ಕ ಹೆಚ್ಚಿ ದ್ಯುಸ. ಕದ್ಯೊ.

9 ಯೆಸು ಕದ್ಯೊ ಆಜ ಆ ಘರ ಉದ್ದಾರ ಥಯು, ಕಾಕದ್ಯಾಮ ಎ ಮನಕ್ಹು ಬಿ ಅಬ್ರಹಾಮನಾ ಖಾಂದಾನ ವಾಲೊ ವ್ಹೈ.

10 ತಿನಾಹುತಿ ಮನಕ್ಹನೊ ದಿಕ್ಲೊ ಜವೈಗಯಲ ಮನಕ್ಹೊನೆ ಹುಡಕಿನ ರಕ್ಷಣೆ ದಿವಾನೆ ಆಯೊಸ,

ಕ್ಹುದಾ ದಿವಾನಾ ವರಾ ಉಪಯೊಗ ಕರೊ

(ಮತ್ತಾಯ 25:14-30)

11 ಯೆಸು ಯೆರುಸಲೆಮಿನಾ ನಜಿಕ ಆಯೊ. ದಕ್ಖಾಮನಕ್ಲೊ ಕ್ಹುದಾನಿ ರಾಜ್ಯ ನಜಿಕ ಐಸ ಕೈನ್ ತಿಳದಿಲಿದ್ಯಾತಾ. ಎ ವಿಚಾರ ಯೆಸುನೆ ಗ್ವತ್ತ ಥಯುತು. ತಿನಾ ಹುತಿ ತ್ಯುನೊಕನ ಯಕ್ಕ ಸಾಮ್ಯ ಕದ್ಯೊ.

12 ಯಕ್ಲೊ ಚಾಯೆ ಥಯಲ ವಾಲೊ ಘನ್ನೊ ರಾಜ್ಯಾಧಿಕಾರ ಮಳಾನಾ ಹುತಿ ಬಿಜಾ ದೆಶೆ ಗಯೊ. ವರಿ ರಾಜ್ಯಾಧಿಕಾರ ಮಳಲಪರ ಫರಿನ್ ಐನ್ ತಿನಾ ಮನಕ್ಲೊಪರ ಆಳು ಕೈನ್ ತಿನಿ ಆಸ ವ್ಹತ್ತಿ.

13 ತಿನಾಹುತಿ ತಿನಾ ದಕ್ಹ ಆಳೊನೆ ಬಲೈನ್ ತ್ಯುನೊಮಾನಾ ಹರ ಯಕ್ಲಾನೆ ಕ್ಲೊನಾನಾ ಹಜಾರ-ಹಜಾರ ಬಿಲ್ಲಾ ದಿನ್ನ್ ಮಿ ಫರಿನ್ ಆಯೆಲಕ್ಕಾ ಯೆ ದೊಕ್ಕಾ ಕ್ಹುಸುಬಿ ವ್ಯಾಪಾರ ಕರೊ ಕೈನ್ ಕದ್ಯೊ.

14 ತೆನ್ನೆಸೊ ತಿನಾ ಸ್ವಂತ ದೆಶನಾ ಮನಕ್ಲೊ ತಿಪರ ಶಿಟ್ಟ ರ್ಹಯಲ ಹುತಿ, ಮನಕ್ಲೊನು ಯಕ್ಕ ಗುಂಪನೆ ತಿನಾ ಪಾಞಾ ಮೊಕ್ಕಲ್ಯಾ ತೆ

ಗುಂಪನಾ ಮನಕ್ಲೊ ಭಾರಲ್ಯಾ ದೆಶಮಾ ಎ ಮನಕ್ಲ ಹಮೊಪರ ರಾಜೊ ಥಾವಾನೆ ಹಮೊನೆ ಮನಸ ನತ್ತಿ. ಕದ್ಯಾ

15 ತಿಮ್ಮರಯ್ಯ ತಬಿ ತೆ ಮನಕ್ಲ ರಾಜೊ ಥಯೊ. ವರಿ ತೆ ತಿನಾ ದೆಶೆ ಫರಿನ ಆತಾಮಾ, ತಿನಾ ಕೊನಾನಾ ಬಿಲ್ಲಾ ಲಿದಲ ವಾಲಾವೊನೆ ಬಲೈನ ತ್ಯುನೆ ತೆ ದೊಕ್ತಾ ಕ್ಲುಕೆಕ್ಕಲಾ ರಾಬ್ಯಾಸ ಕೈನ ಮಿ ದೆಕು ಕೈನ ಕದ್ಯೊ.

16 ತಿಮಾನೊ ಯಕ್ಲೊ ಆಳ ಐನ ಸ್ವಾಮಿ ತಾರಾ ಯಕ್ಲ ಹಜಾರ ರುಪ್ಯಾಯಾ ಕ್ಲು ದಕ್ಲ ಹಜಾರ ರಾಬ್ಯೊಸ"ಕದ್ಯೊ.

17 ರಾಜೊ ತೆ ಆಳನೆ ತು ಚೊಕು ಕಾಮ ಕರಯ್ಯೊಸ ಶಬಾಶ ಕದ್ಯೊ. ಎ ನ್ವಾನು ಕಾಮ ದಿದಲ ತು ಚೊಕಿ ತರಾ ಕರಯ್ಯೊಸ ತಿನಾ ಹುತಿ ಮಿ ತುಪರ ಬರೊಕ್ಲೊ ಮ್ಹೆಲ್ಲುಸ ಕದ್ಯೊ. ಮಿ ತುನೆ ದಕ್ಲ ಗಾಮೊ ಪರ ಅದಿಕಾರಿ ಕರುಸ ಕದ್ಯೊ.

18 "ಬೆವಾ ಆಳ ಐನ ಸ್ವಾಮಿ, ತು ದಿದಲ ಯಕ್ಲ ಹಜಾರ ರುಪಿಯಾ ಕ್ಲು ಪಾಂಚ ಹಜಾರ ಕಮಾಯೊಸ. ಕದ್ಯೊ.

19 ರಾಜೊ ತೆ ಆಳನೆ ಕದ್ಯೊ. ತುನೆ ಪಾಂಚ ಗಾಮೊಪರ ಅದಿಕಾರ ದ್ಯುಸ. ಕೈನ ಕದ್ಯೊ.

20 ಪಾಚಲೊ ಬಿಜೆಕ್ಲೊ ಆಳ ಐನ ರಾಜಾನೆ ಕದ್ಯೊ. ಎ ಸ್ವಾಮಿ ತು ದಿದಲ ಯಕ್ಲ ಹಜಾರ ರುಪಿಯಾ ನ್ವಾಜ್ಲ ಛಿ

21 ಕಾಕದ್ಯಾಮ ತು ಘನ್ನೊ ಶಿಟ್ಟಿನೊ ಮನಕ್ಲ ವ್ಹೈ ತಿನಾ ಹುತಿ ಮಿ ಭುಚ್ಚಕ್ಕಯೊ. ತು ತಾರು ನೈರಯ್ಯತಬಿ ತು ಕಾಡಿಲೆಸಿ ವರಿ ತು ನೈಬಿತ್ತಲ ರಯ್ಯತಬಿ ತು ತೆ ಬೆಳಿ ಕಾಟಲೆಸಿ ಕೈನ ಕದ್ಯೊ.

22 ತೆಳಾಮಾ ತೆ ರಾಜೊ ತೆ ಆಳನೆ, ಕದ್ಯೊ ತು ಕೆಟ್ಟ ಆಳ ವ್ಹೈ! ತು ಕದಲ ವಾತೊ ಕ್ಲುಜ್ಲ ತಾರಿ ಫೈಸಲೊ ಕರುಸ, ಮನೆ ತು ಘನ್ನೊ ಶಿಟ್ಟಿನೊ ಮನಕ್ಲ ವ್ಹೈ ಕದ್ಯೊ.

23 ತೆ ಕ್ಲರಿ ರಯ್ಯ ಕದ್ಯಾಮ, ತು ಮಾರಾ ರುಪಿಯಾ ಬಡ್ಲಿಕ್ಲು ದಿವಾನು ವ್ಹತ್ತು. ಮಿ ಫರಿನ ಆತಾಮಾ ಮನೆ ದಕ್ಲಿ ಬಡ್ಲಿತಬಿ ಮಳ್ತತಿ ತೊ ಕೈನ ಕದ್ಯೊ.

24 ತೆಳಾಮಾ ರಾಜ್ಞೊ ತ್ಯಾ ಹುಬ್ರಿಯಲ ಮನಕ್ಹೊನೆ ಕದ್ಯೊ ಆ ಆಳಕನ್ನಾ ಹಜಾರ ರುಪಿಯಾ ಕಾಳ್ಳಿನ ದಕ್ಖ ಹಜಾರ ರುಪಿಯಾ ಕಮಾಯಲ ವಾಲಾನೆ ದಿವೊ, ಕೈನ ಕದ್ಯೊ

25 ತೆ ಮನಕ್ಹೊ ರಾಜ್ಞಾನೆ ಕದ್ಯಾ ಸ್ವಾಮಿ ತೆ ಆಳಕನ ಹಮ್ಮಾಜ್ಜ ದಕ್ಖ ಹಜಾರ ರುಪಿಯಾ ಛೆತೊ ಕದ್ಯಾ

26 ರಾಜ್ಞೊ ಕದ್ಯೊ ಮಿ ತುಮೊನೆ ಕೌಸ ಹರಿ ಯಕ್ಕ ಮನಕ್ಹಕನ ದಕ್ಖ ರ್ಹಿಯಲ ವಾಲಾಕಂತು ಹಜುನ ದಿವಸ ನೈರ್ಹಿಯಲವಾಲಾ ಕಂತು ರ್ಹಿಯಲ ಬಿ ಕಾಳ್ಳಿ ಪಾಡಸ.

27 ವರಿ ಮಾರಾ ದುಶ್ಮನೊ ಮಿ ರ್ಹವಾನು ತ್ಯುನೊನೆ ಮನಸೆ ನತ್ತಿ ವರಿ ತ್ಯುನೊನೆ ಧರ್ಲಿನ ಆವೊ ಮಾರಾ ಕ್ವಾಮಾ ತ್ಯುನೊನೆ ಖಲಾಸ ಕರಿ ಪಾಡೊ"

ಯೆರುಸಲೆಮೆ ಯೆಸು ಆಯಲ
(ಮತ್ತಾಯ 21:1-11; ಮಾರ್ಕ 11:1-11; ಯೋಹಾನ 12:12-19)

28 ಯೆಸು ಎ ಕ್ವಾರು ಕದಲ್ಪರ ಯೆರುಸಲೆಮೆ ಚಾಲ್ಯೊ

29 ಯೆಸು ಬೆತ್ವೆ ವರಿ ಬೆಥಾನಿಯಾ ಕವಾನಾ ಗಾಮೊನಾ ನಚಿಕ ಆಯೊ. ತೆ ಗಾಮೊಮಾ ತೆಲನಾ ರ್ಹಾಡೊನು ಡೊಂಗರ ವ್ಹತ್ತು. ಯೆಸು ತಿನಾ ಶಿಷ್ಯಾವೊಮಾನಾ ಬೆ ಜುನಾವೊನ ಬಲ್ತೆನ ತ್ಯುನೊನೆ,

30 ಐಜ್ಜಾ ದಿಕ್ವಾನಾ ಗಾಮೆ ಜಾವೊ. ತುಮೆ ಗಾಮ್ತಾ ಜಾತಾಮಾ ತ್ಯಾ ಯಕ್ಕ ಗದಡು ಭಾಂದಲ ದೆಕೊಸಿ ತಿಪರ ಹಜುನ ಲಕ್ವಾಬಿ ಕುನ್ನಜ್ಜ ಬೈಟ್ಕು ನತ್ತಿ, ತೆ ಗದಡಾನೆ ಛೊಡಿನ ಮಕನ ಲಿನ ಆವೊ.

31 ಕಯಾಬಿ ಮನಕ್ಹೊ ತುಮೊನೆ ಆ ಗದಡಾನೆ ಛೊಡಿಲಿನ ಕಿಜ್ಜಾ ಲಿನಚಾಲ್ಯಾಸ ಕೈನ ಪುಚ್ಚಾಮ ಗುರುನೆ ಆ ಗದಡು ಚಾಯೆ ಧಯುಸ ಕೈನ ಕವೊ. ಕದ್ಯೊ

32 ತೆಳಾಮಾ ತೆ ಶಿಷ್ಯಾ ಗಾಮ್ತಾ ಗೈನ ಯೆಸು ಕದಲ ತಿಮ್ಮಜ್ಜ ತ್ಯುನೆ ಗದಡಾನೆ ದೆಕಿನ ತಿನೆ ಛೊಡ್ತಾ

33 ತೆಳಾಮಾ ಗದಡಾನೊ ಮಾಲಕ ಐನ ತೆ ಶಿಷ್ಯಾವೊನೆ ತುಮೆ ಅಮ್ಮ ಕಾ ಕರಾಡಾಸ? ಕೈನ ಪುಚ್ಚೊ

34 ಶಿಷ್ಯಾತಿನೆ ಆ ಗುರುನೆ ಚಾಯೆ ಥಯುಸ ಕದ್ಯಾ

35 ಶಿಷ್ಯಾತೆ ಗದಡಾನಾ ಬಚ್ಚಾನೆ ಯೆಸುನಾ ಕ್ಹಾಮಾ ಲಾಯಾ. ಶಿಷ್ಯಾ ತಿವ್ವಾ ವಣ್ಣಾ ಕಾಡಿನ ಗದಡಾಪರ ಫಾಲ್ಯಾ ವರಿ ಯೆಸುನೆ ತಿಪರ ಬೈಟಾಡ್ಯಾ

36 ತೆಳಾಮಾ ಯೆಸು ಯೆರುಸೇಲೆಮೆ ಚಾಲ್ಯೊ ತ್ಯಾನಾ ಮನಕ್ಹೊತಿವ್ವಾ ವಣ್ಣಾಯೆಸು ಭಾವಾನಿ ವಾಟ್ವಿರ ವಚ್ಚಾಯಾ.

37 ಯೆಸು ಯೆರುಸೇಲೆಮನಾ ನಜಿಕ ಐನ ತೆಲನಾ ರೂಡನಾ ಡೊಂಗರಕನ ಆಯಾ. ತಿನಾ ಪಾಚಾ ಶಿಷ್ಯಾಬಿ ಆಯಾ ವರಿ ಘನ್ನಾ ಮನಕ್ಹೊಬಿ ವ್ಹತ್ತಾ. ವರಿ ತ್ಯುನೆ ಕ್ಹಾರಾ ಕ್ಹುದಾ ಕರಲ ಕ್ಹಾರಾ ಅಧ್ಭುತ ದೆಕಿನ ಖುಶಿ ಕರತಾ ವರಿ ಸ್ತೊತ್ರಾ ಕತಾ ಆಯಾ.

38 ಕ್ಹುದಾನಾ ನಾಮಪರ ಆವಾಲಾ ರಾಜಾನೆ ಆಶಿರ್ವಾದ ಥಾವಾದೆ ಸ್ವರ್ಗಮಾ ಸಮಾಧಾನ ಥಾವಾದೆ ಕ್ಹುದಾನಿ ಮಹಿಮಾ ಥಾವಾದೆ "ಕೈನ ವದ್ವ್ಯಾ

39 ಫರಿಸಾಯರೊಮಾನಾ ದಕ್ಖಾಜನಾ, ಯೆಸುನೆ ಭೊದಕ, ಇಮ್ಮ ಕ್ಹಾರು ಕೌ ನಕೊ ಕೈನ ತಾರಾ ಶಿಷ್ಯಾವೊನೆ ಕೆ ಕದ್ಯಾ

40 ವರಿ ತೆ ವಾತೆ ಯೆಸು ತ್ಯುನೊನೆ "ಇವ್ವೆ ಎ ಕ್ಹಾರು ಕೌಜ ಇವ್ವೆ ನೈ ಕದ್ಯಾಮ, ತಿವ್ವಾ ಬದಲ ಆ ಮಂಗಾಳಾ ಬೊಲಸ ಕದ್ಯೊ

ಯೆರುಸೇಲೆಮನಾ ಹುತಿ ಯೆಸು ರ್ಯೊಯೊ

41 ಯೆಸು ಯೆರುಸೇಲೆಮಕನ ಆತಾಮಾ ತೆ ಗಾಮನೆ ದೆಕಿನ ರೊಯೊ

42 ವರಿ ಅಮ್ಮ ಕದ್ಯೊ "ಯೆರುಸೇಲೆಮ ತುನೆ ಶಾಕ್ಹು ಸಮಾಧಾನ ಥಾವಸ ಕೈನ ತು ತಿಳದಿಲಿವತ್ತೊ ಕೆಕ್ಕಲು ಕೆ ಚೊಕು ವ್ಹತ್ತು! ವರಿ ತು ತಿಳದಿಲಿದ್ಯೊ ನೈ ಕಾಕದ್ಯಾಮ ಹಮ್ಮಾ ತೆ ರುಕ್ಮೆಗಯುಸ.

43 ಕಾಕದ್ಯಾಮ ಯಕ್ಕ ಟೈಮ ಆವಸ ತಾರಾ ದುಶ್ಮನೊ ತಾರಾ ಸುತ್ತೆ ಗೊಡಿಯೊ ಭಾಂದಿನ ವರಿ ತಾರಾ ಸುತ್ತೆ ಬಿ ಚಾವಿಯೊ ಫಾಲಿ ಪಾಡ್ಯಾಸ.

44 ತುನೆ ಬಿ ತಾರಾ ಮನಕ್ಹೊನೆ ಬಿ ನಾಶ ಕರಸ ನ್ಯಾದಗ್ಡಾಪರ ದಗ್ಡೊ ನೈ ಹುಬ್ಬಾಡತಾ, ಕ್ಹುದಾ ತುನೆ ವಚ್ಚಾಡಾನೆ ಆಯಲ ಟೈಮಾ ತು ನೈ ತಿಳದಿ ಲಿದ್ಯೊಮ ಎ ಕ್ಹಾರು ಥಾವಸ ಕದ್ಯೊ

ದೇವಾಲಯಮಾ ಯೆಸು ಗಯಲ
(ಮತ್ತಾಯ 21:12-17; ಮಾರ್ಕ 11:15-19; ಯೋಹಾನ 2:13-22)

⁴⁵ ಯೆಸು ದೇವಾಲಯಮಾ ಗೈನ, ತ್ಯಾ ಇಕ್ಕಾನೆ ಬೈಟಲ ವಾಲಾವೊನೆ ಭಾರೊ ಫಾಲಿ ಪಾಡಾಡ್ಲೊ.

⁴⁶ ತ್ಯಾನೊನೆ, ಯೆಸು ಕ್ಹುದಾ ಕವಸ "ಮಾರು ಯಕ್ಕ ಘರ ಪ್ರಾಥನಾನು ಘರ ಕವೈಲಿವಸ ಕೈನ ಪವಿತ್ರ ಗ್ರಂಥಮಾ ಬರ್ದಲ ಛಿತೊ. ತುಮೆ ತಿನೆ ಚ್ಚಟ್ಟಾವೊನು ಘರ ಕರಿಪಾಡ್ಯಾಸ.

⁴⁷ ಯೆಸು ದಿನ್ನೆ ಬಿ ಮಂದಿರಮಾ ಉಪದೆಶ ಕರಾನು ಚಾಲು ಕರಯ್ಲೊ ತಿನಾಹುತಿ ತ್ಯಾನಾ ಯಾಜಕೊ ಶಾಸ್ತ್ರಿಯೊ ವರಿ ಮನಕ್ಲೊಪರ ಮ್ಹೊಟಾ ರಯ್ಲಲ ವಾಲಾ ಯೆಸುನೆ ಖಲಾಸ ಕರು ಕೈನ ಟೈಮ ದೆಕಾಡಾತಾ.

⁴⁸ ತೆನ್ನೆಸೊ ಯೆಸುನಿಯೊ ವಾತೊ ಯಕ್ಕ ಛೊಡ್ಯಾವಾಚಿ ಘನ್ನಿ ಧ್ಯಾನ ದಿನ್ನ ಮನಕ್ಲೊಐಕಾಡ್ಯಾತಾ. ವರಿ ತಿನಾ ಲಿಂಗತಱ್ಲ ಚಾಲಾಡ್ಯಾತಾ ತಿನಾ ಹುತಿ ಯಾಜಕೊ ವರಿ ಶಾಸ್ತ್ರಿಯೊ ಮ್ಹೊಟಾ ಮನಕ್ಲೊ ಯೆಸುನೆ ಕಿಮ ಖಲಾಸ ಕರಿಯೆ ಕೈನ ಟೈಮ ದೆಕಾಡಾತಾ.

20

ಯೆಹುದಿನಾ ನಾಯಕೊ ಯೆಸುನೆ ಪುಚ್ಚಲ ವಾತ
(ಮತ್ತಾಯ 21:23-27; ಮಾರ್ಕ 11:27-33)

¹ ಯಕ್ಕ ದಿನ್ನ ಯೆಸು ದೇವಾಲಯಮಾ ವ್ಹತ್ತೊ. ತೆ ಮನಕ್ಲೊನೆ ಉಪದೆಶ ಕರಿನ ಸುವಾರ್ತೆ ಕವಾಡೊತೊ, ಖಾಸ ಯಾಜಕೊ ಶಾಸ್ತ್ರಿಯೊ ವರಿ ಯೆಹುದಿಯೊಮಾನಾ ಮ್ಹೊಟಾ ಮನಕ್ಲೊ ಯೆಸುಕನ ಆಯಾ.

² ತುನೆ ಎ ಕ್ಹಾರು ಕರಾನು ಅದಿಕಾರ ಕುನ್ನ ದಿದ್ಯಾಸ? ವರಿ ಎ ಕ್ಹಾರು ಕಯು ಅದಿಕಾರಕ್ಹು ಕರಾಡ್ಲೊಸ? ಹಮೊನೆ ಕೆ ಕಡ್ಯಾ.

³ ತಿಳಾಮಾ ಯೆಸು ತ್ಯಾನೊನೆ ಕದ್ಯೊ ಮಿ ತುಮೊನೆ ಯಕ್ಕ ಪ್ರಶ್ನೆ ಪುಚ್ಚುಸ. ತುಮೆ ಮನೆ ಕವೊ,

4 ಮನಕ್ಕೊನೆ ಬಾಪ್ತಿಸ್ಮ ಕರಾವಾನೊ ಅದಿಕಾರ ಯೊಹಾನನೆ ಕ್ಹುದಾ ಕಂತೊ ಆಯೊಸ ಸು ಮನಕ್ಕೊ ಕಂತೊ ಆಯೊಸ? ಮನೆ ಕವೊ ಕೈನ ಕದ್ಯೊ

5 ತ್ಯುನೆ ಯಕ್ಕಾನಾ ಕ್ಹಾತೆ ಯಕ್ಕೊ ಬೊಲ್ಲಿನ ಬಾಪ್ತಿಸ್ಮ ಕರಾವಾನೊ ಯೊಹಾನನೆ ಕ್ಹುದಾ ಕಂತೊ ಆಯೊಸ ಕದ್ಯಾಮ ತುಮೆ ತಿಪರ ಕಾ ಬರೊಕ್ಕೊ ಕರ್ರ್ಯಾ ನೈ ಕೈನ ತೆ (ಯೆಸು) ಪುಚ್ಚಿ ಪಾಡಸ್ತೊ?

6 ನೈ ತೊ ಮನಕ್ಕೊತಿ ಎ ಅದಿಕಾರ ಆಯೊಸ ಕದ್ಯಾಮ ಮನಕ್ಕೊ ಅಪೊನೆ ಸುಕರಸ ಕೈನ ತ್ಯುನೆ ಭುಚ್ಚಕ್ಯಾ ಕಾಕದ್ಯಾಮ ಯೊಹಾನ ಯಕ್ಕ ಪ್ರವಾದಿ ವ್ಹೊ ಕೈನ ಬರೊಕ್ಕೊ ಕರ್ರ್ಯಾಸ ಕೈನ ಕೈಲಿದ್ಯಾ

7 ತಿನಾ ಹುತಿ ತ್ಯುನೆ ಹಮೊನೆ ಗ್ವತ್ತ ನತ್ತಿ ಕೈನ ಯೆಸುನೆ ಕದ್ಯಾ

8 ತೆಳಾಮಾ ತ್ಯುನೊನೆ ಯೆಸು ಮಿ ಕೈ ಅದಿಕಾರಕ್ಕು ಎ ಕ್ಹಾರು ಕರಾಡ್ತೊಸ ಕೈನ ತುಮೊನೆ ಕತೊ ನೈ"ಕದ್ಯೊ

ದ್ರಾಕ್ಷಿಯೊನೊ ಮಳಾನಿ ಸಾಮ್ಯ

(ಮತ್ತಾಯ 21:33-46; ಮಾರ್ಕ 12:1-12)

9 ಪಾಚೆಲ್ತೊ ಯೆಸು ಮನಕ್ಕೊಕನ ಯಕ್ಕ ಸಾಮ್ಯ ಕದ್ಯೊ ಯಕ್ಕ ಮನಕ್ಕು ಯಕ್ಕ ದ್ರಾಕ್ಷಿಯೊನೊ ಮಳೊ ಕರಿನ ತೆ ರೈತರೊನೆ ಗುತ್ತಿಗೆಯೆ ದಿನ್ನ ತೆ ತ್ಯಾಂತೊ ಬಿಜಾ ಗಾಮೆ ಗಯೊ. ವರಿ ತ್ಯಾ ಘನ್ನಾ ದಿನ್ನ ವ್ಹತ್ತೊ.

10 ದ್ರಾಕ್ಷಿಯೊ ಕಾಟಿನ ಇಕ್ಕಾನೊ ಟೈಮ ಆತಾಮಾ ತೆ ಮಳಾನೊ ಮಾಲಕ ತಿನೊ ವಾಟೊ ಪುಚ್ಚಾನೆ ತಿನಾ ಯಕ್ಕ ಆಳನೆ ರೈತರೊಕನ ಮೊಕಲ್ಯೊ ತೆನ್ನೆಸೊ ತೆ ರೈತರೊ ತೆ ಆಳನೆ ಮಾರಿನ ಕ್ಹಾಲಿ ಹತೆ ಮೊಕಲ್ಯಾ

11 ತಿನಾ ಹುತಿ ತೆ ಮಾಲಕ ವರಿ ಯಕ್ಕಾ ಆಳನೆ ತ್ಯುನೊಕನ ಮೊಕಲ್ಯೊ ತಿನೆ ಬಿ ತೆ ರೈತರೊಬಿ ಮಾರಿನ ಮರಿಯಾದಿ ಕಾಡಿನ ಖಾಲಿ ಹತೆ ಮೊಕ್ಕಲಿ ಪಾಡ್ಯಾ

12 ವರಿಬಿ ತೆ ಮಾಲಕ ತನವಾ ಸಲಾ ತಿನಾ ಬಿಜಕ್ಕಲಾ ಆಳನೆ ಮೊಕಲ್ಯೊ ವರಿಬಿ ರೈತರೊ ತೆ ಆಳನೆ ಘನ್ನಾ ಮಾರಿನ ತಿನೆಬಿ ಮೊಕ್ಕಲಿ ಪಾಡ್ಯಾ

13 ತೆಳಾಮಾ ತೆ ದ್ರಾಕ್ಷಿನೊ ಮಳಾನೊ ಮಾಲಕ ಮಿ ಸುಕರು ಕೈನ ಕೈಲಿದ್ಯೊ? ಮಾರಾ ಮಯಾನಾ ದಿಕ್ರಾನೆ ತಬಿ ತ್ಯುನೊಕನ ಮೊಕ್ಕಲುಸ ಕೈಲಿದ್ಯೊ.

14 ತೆ ರೈತರೊ ತೆ ಮಾಲಕನಾ ದಿಕ್ರಾನೆ ದೆಕಿನ ತ್ಯುನೆ-ತ್ಯುನೆ ಬೊಲ್ಲಿನ ಇನೆಜ್ಜಿ ಅಪೆ ಮಳಿನ ಖಲಾಸ ಕರಿ ಪಾಡ್ಯಾಮ ಎ ಮಳೊ ಅಪೊನೆ ಧೈಜಾವಸ ಕೈನ ಬೊಲ್ಲಿದ್ಯಾ.

15 ತೆ ಮಾಲಕನಾ ದಿಕ್ರಾನೆ ದ್ರಾಕ್ಷಿನಾ ಮಳಾಮಾತಾ ಭಾರಾ ನಿಂಗೈನ ಖಲಾಸ ಕರಿನ ನಾಕಿಪಾಡ್ಯಾ ತಿಮ್ಮ ಥಯುಮ ತೆ ಮಳಾನೊ ಮಾಲಕ ತ್ಯುನೊನೆ ಸು ಕರಸ? ಕೈನ ಯೆಸು ಪುಚ್ಚೊ.

16 ತೆಳಾಮಾ ತೆ ಮಾಲಕ ಐನ ತೆ ರೈತರೊನೆ ಖಲಾಸ ಕರಿನ ತೆ ದ್ರಾಕ್ಷಿನೊ ಮಳೊ ಬಿಜಾವೊನೆ ವಪ್ಪಸ"

ಮನಕ್ಕೊ ಎ ಐಕಿನ ಇಮ್ಮ ಕೆಳಾಮಾಜ್ಜ ಥಾವು ನೈ! ಕದ್ಯಾ.

17 ವರಿ ಯೆಸು ತ್ಯುನೊನೆ ದೆಕಿನ ತಿಮ್ಮರಯ್ಯುಮ,
ಘರ ಭಾಂದಾಲಾವೊನೆ ನೈಚಾಯೆ ಥಯಲ ಭಿರಕ್ಕೆ
ಪಾಡಲ ದಗ್ಗೊ ಮೆನ ಮುಲಾನೊ ದಗ್ಗೊ ಥಯೊ.
ಎ ವಚನೊ ಮತ್ಲಬ ಸುವೈ?

18 ತೆ ದಗಡಾಪರ ಪಡಾಲೊ ಹರಿ ಯಕ್ಕೊ ತುಕಡಾ-ತುಕಡಾ ಧೈಜಾವಸ. ವರಿ ತೆ ದಗ್ಗೊ ತುಮೊಪರ ಪಾಡ್ಯೊಮ ತೆ ತುಮೊನೆ ಛಿಟಿ ಪಾಡಸ! ಕದ್ಯೊ.

ಯಹುದ್ಯೊ ಯೆಸುನೆ ಮೊಸ ಕರಾನೆ ದೆಕಲ

(ಮತ್ತಾಯ 22:15-22; ಮಾರ್ಕ 12:13-17)

19 ಯೆಸು ಎ ಕ್ಹಾರು ಕತಾಮಾ ಯೆಹುದಿಯೊನಾ ನಾಯಕೊ ಶಾಸ್ತ್ರಿಯೊ ಖಾಸ ಯಾಜಕೊ. ಐಕಿನ ಯೆಸುನೆ ಕೈಲುಪಾಯಕ್ಕುಧರಿಯೆ ಕೈನ ಟೈಮ ದೆಕಾಡಾತಾ. ವರಿ ಮನಕ್ಕೊನಾ ಭಿಕ್ಕು ಯೆಸುನೆ ಚೊಡಿನ ಗಯಾ.

20 ತಿನಾಹುತಿ ಶಾಸ್ತ್ರಿಯೊ ಯಾಜಕೊ ಯೆಸುನೆ ರೊಮ ಅಧಿಕಾರಿಯೊನಾ ಹತ್ಮಾ ಧರಿನ ದ್ಯು ಕೈನ ಟೈಮ ದೆಕಾಡಾತಾ. ತ್ಯುನೆ ದಕ್ಖಾ ಮನಕ್ಲೊನೆ ಯೆಸುನೆ ಶಕ್ಕಕ ಥಾವು ನೈಸೊ ಶಿಕಲೈನ ಯೆಸುಕನ ಮೊಕಲ್ಯಾತಾ. ವರಿ ತ್ಯುನೆ ಯೆಸುನೆ ತಪ್ಪಮಾ ಧರಿಯೆ ಕೈನ ದೆಕಾಡಾತಾ.

21 ತಿನಾ ಹುತಿ ಯಾಜಕೊ ವರಿ ಶಾಸ್ತ್ರಿಯೊ ಶಿಕಲೈನ ಮೊಕ್ಕಲಲ ಮನಕ್ಲೊ ಯೆಸುನೆ ಉಪದೆಶ ಕರಾಲಾ ಗುರು ತು ಕ್ಲರಿನೊಞ್ಚ ವ್ಹೈ ತು ಮೊಡ್ಡು ದೆಕಿನ ಬೊಲಾಲೊ ನ್ಹವೈ ತು ಕ್ಕುದಾನಿ ಕ್ಕರಿನಿ ವಾಟಿಮಾ ಚಲಾವಾಲೊ ವ್ಹೈ!

22 ಹಮ್ಮಾ ಹಮೊನೆ ಕೆ ಹಮೆ ರೊಮನ ಚಕ್ರವರ್ತಿನೆ ಭು ಭಾಡೊ ದಿವಾನು ಘೊಕು ವ್ಹೈಸು ಕೆಟ್ಟಿವ್ಹೈ ಕೈನ ಪುಚ್ಚಾ.

23 ಯೆಸು ಎ ಮನಕ್ಲೊ ಮನೆ ಮೊಸ ಕರಾನೆ ಆಯಾಸ ಕೈನ ಗ್ವತ್ತ ವ್ಹತ್ತು.

24 ತಿನಾ ಹುತಿ ಯೆಸು ತಿವನೊನೆ ಯಕ್ಕ ರುಪ್ಪಾನೊ ಬಿಲ್ಲೊಲೈನ ಮನೆ ದೆಕಾಡೊ ತ್ಯುನೆ ಲೈನ ದೆಕಾಡ್ಯಾ ಯೆಸು ತೆ ಬಿಲ್ಲೊ ಲಿನ ಎ ಬಿಲ್ಲಾಪರ ಕಿನೊ ಸಿಕ್ಕಕೊ ಛೆ? ವರಿ ಕಿನೊ ನಾಮ ಛೆ? ಕೈನ ಪುಚ್ಚೊ ತ್ಯುನೆ ಸಿಸರನೊ ವ್ಹೈಕದ್ಯಾ.

25 ತೆಳಾಮಾ ಯೆಸು ತ್ಯುನೊನೆ ಸಿಸರನೊ ರ್ಡಯಲ ಸಿಸರನೆ ದಿವೊ ವರಿ ಕ್ಕುದಾನು ರ್ಡಯಲ ಕ್ಕುದಾನೆ ದಿವೊ, ಕದ್ಯೊ.

26 ತೆ ಮನಕ್ಲೊಯೆಸು ತಿನಿ ಗ್ಯಾನಕ್ಪುಜವಾಬ ದಿದಲ ಐಕಿನ ಘಾಬ್ರಾ ಥೈನ ಯೆಸುನೆ ಬಿಚ್ಚಿಕ ಸಲಾ ಪುಚ್ಚಾನೆ ಮನಕ್ಲೊಕ್ಪುಥಯು ನೈ.

ಸದ್ವಕಾಯರೊ ಯೆಸುನೆ ಮೊಸ ಕರಾನು ದೆಕಲ

(ಮತ್ತಾಯ 22:23-33; ಮಾರ್ಕ 12:18-27)

27 ತೆಳಾಮಾ ಮರಿನ ಪುನರುತ್ಥಾನ ನೈಥಾತಾ ಕವಾಲಾ ದಕ್ಖಾ ಸದ್ವ ಕಾಯರೊ ಮನಕ್ಲೊಯೆಸುಕನ ಆಯಾ.

28 ತ್ಯುನೆ ಯೆಸುನೆ ದೆಕಿನ ಗುರು, ಯಕ್ಕೊ ಹಿವಾ ಕರಲಿನ ಬಚ್ಚಾ ನೈಸೊ ಬೈ ಕೊನೆ ಘೊಡಿನ ಮರಿ ಗಯೊಮ. ತಿನೊ ನ್ಹಾನೊ ಬೈ ತೆ

ಬಾಕಡಿನೆ ಹಿವಾ ಕರಲಿನ ತಿನಾ ಮೊಟಾ ಭಾಯೊನಾ ನಾಮಪರ ಬಚ್ಚಾ ಹುಟ್ಟುಕ್ಲೆನ ಮೊಶೆ ಬರ್ದಲ ಛಿತೊ.

29 ಯಕ್ ಕಾಲ್ಮಾ ಕ್ಹಾತ ಭಾಯೊ ವ್ಹತ್ತಾ. ಪಸ್ವಲ್ಯೊ ಭೈ ಹಿವಾ ಕರಲಿನ, ಪಾಚಲ್ತೊ ಬಚ್ಚಾ ನೈಸೊ ಮರಿಗಯೊ.

30 ತೆಳಾಮಾ ಬೆವಾ ಭೈ ತೆ ಮಾಟಿ ಮರಲವಾಲಿ ಬಾಕಡಿನೆ ಹಿವಾ ಕರಲಿನ ತೆಬಿ ಬಚ್ಚಾ ನೈಸೊ ಮರಿಗಯೊ.

31 ತೆಳಾಮಾ ತನ್ನಾವಾಲೊ ತೆಞ ಮಾಟಿ ಮರಲವಾಲಿ ಬಾಕಡಿನೆ ಹಿವಾ ಕರಲಿನ ತೆಬಿ ತಿಮ್ಮಜ ಮರಿಗಯೊ. ತಿನಾ ಲಿಂಗತಞ ಕ್ಹಾತೆ ಜನಾ ಬಚ್ಚಾ ನೈಸೊ ಮರಿಗಯಾ.

32 ಲಾಸ್ವಮಾ ತೆ ಬಾಕಡಿಬಿ ಮರಿ ಗೈ

33 ವರಿ ಮರಿನ ಪುನರುತ್ಥಾನ ಥೈನ ಉಟ್ಟಾಮಾ ತೆ ಬಾಕ್ತಿ ಕಿನಿ ಬೈಕೊ ಥೈನ ರ್ವವಸ? ಕೈನ ಪುಚ್ಚಾ

34 ಯೆಸು ಸದ್ವಹಾಯರೊನೆ ಕದ್ಯೊ ದುನಿಯಾಮಾ ದಾಣ್ಣಾ ವರಿ ಹೆಣ ಮನಕ್ಲೊ ಹಿವಾ ಕರಿಲಿವಸ.

35 ಪುನರುತ್ಥಾನೆ ಯೊಗ್ಯ ರ್ವಯಲ ದಕ್ಹಾ ಮನಕ್ಲೊ ಜಿವ್ತಾ ಥೈನ ಉಟಿನ ಆಯಲಪರ ವರಿ ಜಿವ್ತಾರ್ವವಸ. ತ್ಯನೆ ನವೊ ಜಲಮ ಮಳಲ ಟೈಮ್ಮಾ ಹಿವಾಕರಲೆತಾ ನೈ

36 ತೆ ಜಲಮ್ಮಾ ದೆವದುತೊ ಲಿಂಗತ ರ್ವವಸ. ತ್ಯನೊನೆ ಮರಣ ಆತೊ ನೈ ತ್ಯನೆ ಕ್ಹುದಾನಾ ದಿಕ್ತಾ ಥೈನ ರ್ವವಸ.

37 ಮರಲವಾಲಾ ಪುನರುತ್ಥಾನ ಥಾವಸ ಕೈನ ಮೊಶೆ ದೆಕಾಡ್ಯೊಸ. ಆಗ ಲಾಗಲ ಝಾಡನಾ ಹುತಿ ಮೊಶೆ ಬರದತಾ ಟೈಮ್ಮಾ ಪ್ರಭು ಥಯಲ ಕ್ಹುದಾಜ ಅಬ್ರಹಾಮನೊ ಕ್ಹುದಾ, ಇಸಾಕನೊ ಕ್ಹುದಾಜ, ವರಿ ಯಾಕೊಬನೊ ಕ್ಹುದಾಜ ವ್ಹೈ ಕೈನ ಕದ್ಯೊಸ.

38 ಕ್ಹುದಾಜ ತಿವ್ವೊ ಕ್ಹುದಾ ಥಯಲ ಹುತಿ ತ್ಯನೆ ಕ್ಹಾರಾ ಕ್ಹರಿಮಾಜ ಮರ್ತ್ಯಾ ನತ್ತಿ. ಕಾಕದ್ಯಾಮ ಜಿವ್ತಾ ರ್ವಯಲವಾಲಾವೊನೊ ಕ್ಹುದಾ ವ್ಹೈ ಕ್ಹುದಾಮಾ ರ್ವಯಲ ಕ್ಹಾರಾ ಮನಕ್ಲೊ ಜಿವ್ತಾ ರ್ವಯಲ ಲಿಂಗತ ವ್ಹೈ

39 ಶಾಸ್ತ್ರಿಯೊಮಾನಾ ದಕ್ವಾ ಜನಾ "ಕ್ವದಾನಿಯೊ ವಾತೊ ಕವಾಲಾ ತು ಭೊಕು ಜವಾಬ ದಿದ್ಯೊಸ"ಕ್ಳೆನ ಕದ್ಯಾ

40 ಬಿಜೆಕ ಸಲಾ ಯೆಸುನೆ ಪುಚ್ಚಾನೆ ಕಿನೆ ಧೈರಯ ಧೈನ್ಯೆ

ಯೆಸು ದಾವಿದನೊ ದಿಕ್ರೊ ವ್ಹೆಸು?

(ಮತ್ತಾಯ 22:41-46; ಮಾರ್ಕ 12:35-37)

41 ಯೆಸು ತ್ಯನೊನೆ ಕದ್ಯೊ ಕ್ರಿಸ್ತನೆ ದಾವಿದನೊ ದಿಕ್ರೊ ವ್ಹೆ ಕ್ಳೆನ ಮನಕ್ವೊ ಕವಸ್ತೊ ಎ ಕಿಮ?

42 ಕಿರ್ತೆನೆ ಬುಕ್ವಾರ್ವಯಲ ದಾವಿದಜ ಕದ್ಯೊಸ್ತೊ. ಪ್ರಭು (ಕ್ವದಾ) ಮಾರಾ ಪ್ರಭುನೆ (ಕ್ರಿಸ್ತನೆ) ಸು ಕದ್ಯೊಸ ಕದ್ಯಾಮ,

43 ಮಿ ತಾರಾ ದುಶ್ಮನೊನೆ ತಾರಾ ಪಗೊಮಾ ಘಾಲೆಲಕ್ಕಕಾ ಮಾರಾ ಸಿದಾ ಬಗಲ ಬೈಟೆ,

44 ದಾವಿದಜ ಕ್ರಿಸ್ತನೆ ಪ್ರಭು ವ್ಹೆ ಕ್ಳೆನ ಕದಲ್ಪರ ತೆ ದಾವಿದನೊ ದಿಕ್ರೊ ಕಿಮ ಥಾವಸ? ಕ್ಳೆನ ಕದ್ಯೊ

ಶಾಸ್ತ್ರಿಯೊನಾ ಹುತಿ ಹುಷಾರ

(ಮತ್ತಾಯ 23:1-36; ಮಾರ್ಕ 12:38-40)

45 ತ್ಯಾನಾ ಮನಕ್ವೊಯೆಸುನಿಯೊ ವಾತೊ ಐಕಾಡ್ಯಾತಾ.

46 ಯೆಸು ತಿನಾ ಶಿಷ್ಯಾವೊನೆ ಶಾಸ್ತ್ರಿಯೊನಾ ಹುತಿ ಹುಶಾರ ರ್ವವೊ, ತ್ಯನೆ ಭೊಕಾ-ಭೊಕಾ ವಣ್ಣಾ ಘಾಲ್ಲಿನ ಫರಸ ವರಿ ಬಾಭರೊಮಾ ಮನಕ್ವೊನಾ ಹತಿ ನಮಸ್ಕಾರ ಕರೈಲೆ ಲಿವು ಕ್ಳೆನ ಸಭಾಮಂದಿರಮಾ ವರಿ ಖಾವಾನೆ ಫಾಲಾನಿ ಜಗಾ ಭೊಕಿ ಜಗಾ ಬೈಟಾಡು ಕ್ಳೆನ ತಿವ್ವಿ ಆಸ ರ್ವವಸ.

47 ತ್ಯನೆ ರಾಂಡಿ ಹೆಣ ಮನಕ್ವೊನೆ ಮೊಸ ಕರಿನ ತ್ಯನಾ ಘರೊ ವರಿ ತಿವ್ವಿ ಆಸ್ತಿ ಕಾಳ್ಳಿತಾ ಕ್ವದಾಕನ ಮ್ಹೊಟಿ-ಮ್ಹೊಟಿ ಪ್ರಾಥನಾ ಕರತಾ ತ್ಯನೆ ಭೊಕಾ ವ್ಹೆ ಕ್ಳೆನ ದೆಕಾಡಿಲಿವಸ. ಇವ್ವೊನೆ ಮ್ಹೊಟಿ ಶಿಕಶ್ಯಾ ದಿವಸ" ಕ್ಳೆನ ಕದ್ಯೊ

21

ರಾಂಡಿ ಬಾಕಡಿನ್ ಕಾಣಿಕೆ
(ಮಾರ್ಕ 12:41-44)

1 ಸೌಕಾರ ರಹಲವಾಲಾ ಮನಕ್ಲೊ ದೆವಾಲಯಮಾ ಕಾಣಿಕೆನ್ ಪೆಟಗಿಮಾ ದೊಕಡಾ ಫಾಲಾನು ಯೆಸು ದೆಕಾಡ್ಲೊತೊ.

2 ತೆಕ್ಲಾಮಾಜ್ಲ ಯಕ್ಕ ರಾಂಡಿ ಬಾಕ್ಡಿ ಐನ್ ಬೆ ತಾಂಬಾನಾ ಬಿಲ್ಲಾ ಕಾಣಿಕೆನ್ ಪೆಟಗಿಮಾ ಫಾಲಿ.

3 ಯೆಸು ತೆ ದೆಕಿನ ತುಮೊನೆ ಕ್ಹರಿಮಾಜ್ಲ ಕೌಸ. ಕ್ಹಾರಾವೊನ್ ಕಾಣಿಕೆತಿಬಿ ಎ ಬಾಕ್ಡಿ ಫಾಲಲ ಕಾಣಿಕೆ ಘನ್ನಿವ್ಲೊ.

4 ಸೌಕಾರ ರ್ಲ್ಯಯಲ ವಾಲಾ ತ್ಯುನೊನೆ ಛಾಯೆಥಯಲ ತ್ಯುನೆ ಮುಕ್ಕಕಿಲಿನ ಉಗ್ರಲ ಕಾಣಿಕೆ ದಿದ್ಯಾ. ಆ ಬಾಕ್ಡಿ ಜಿವ್ವಾ ಕರಾನೆ ಛಾಯೆ ಥಯಲ ಕ್ಹಾರಾ ದೊಕಡಾ ಕಾಣಿಕೆ ಫಾಲಿಪಾಡಿ. ಕೈನ್ ಕದ್ಯೊ.

ದೆವಾಲಯ ಹಾಳ
(ಮತ್ತಾಯ 24:1-14; ಮಾರ್ಕ 13:1-13)

5 ಶಿಷ್ಯಾವೊಮಾನಾ ದಕ್ಲಾಜ್ಲನಾ ದೆವಾಲಯನಾ ಹುತಿ ಬೊಲ್ತಾ, ಎ ಕೆಕ್ಕಲಾ ಛೊಕಾ ಮಂಗಾಳಾ ಕ್ಹು ಭಾಂದ್ಯಾಸ. ವರಿ ಮನಕ್ಲೊ ಕೈಲಿದಲ ಹರಕೆ ಕ್ಹುಸಾಮನಕ್ಹು ಕೆಕ್ಕಲು ಛೊಕು ದಿಕ್ಲಾಡುಸ.

6 ಇಮ್ಮ ಕತಾಮಾ ಯೆಸು ಶಿಷ್ಯಾವೊನೆ ಕದ್ಯೊ ತುಮೆ ನ್ಹ್ಯಾ ದೆಕಾನು ಪುರಾ ನಾಶ ಥಾವಾನೊ ಟೈಮ ಆವಸ. ವರಿ ನ್ಹ್ಯಾ ದಗಡಾಪರ ದಗ್ಗೊ ನೈಹುಬ್ರೆತೊ ಪಾಡಾ ಲಗಾಡಿಪಾಡಸ.

7 ತೆಳಾಮಾ ಶಿಷ್ಯಾ ಯೆಸುನೆ ಕದ್ಯಾ "ಗುರು, ಎಕ್ಹಾರು ಥಾವಾನು ಕೆಳಾಮಾ ವ್ಹೊ ವರಿ ಎ ಥಾವಾನು ವಳಕ ಸು ವ್ಹೊ ಕೈನ್ ಪುಚ್ಯಾ.

8 ಯೆಸು ತ್ಯುನೊನೆ ತುಮೆ ಹುಶಾರ ರಹೊ ಮೊಸಮಾ ಪಡೊನಕೊ ಮಾರು ನಾಮ ಕೈನ್ ಘನ್ನಾಜ್ಲನಾ ಆವಸ. ತ್ಯುನೆ ಐನ್ ಮಿಜ್ಲ ಕ್ರಿಸ್ತ (ಯೆಸು) ವ್ಹೊ ಕವಸ. ತುಮೆ ತಿವೊಪರ ಬರೊಕ್ಲೊ ಕರೊ ನಕೊ.

9 ಯುದ್ಧೋನಾ ಹುತಿ ದಂಗಾವೊನಾ ಹುತಿ ಸುದ್ದಿಯೊ ಐಕೊಸಿ ವರಿಬಿ ತುಮೆ ಭುಚ್ಚಕೊ ನಕೊ. ಎ ಕ್ಹಾರು ಪೈಲಾ ಥಾವು ತಿಮ್ಮ ಥಯಲ್ವರಬಿ ತೆ ಅಂತ್ಯ ನ್ಹವೈ "ಕೈನ ಕದ್ಯೊ.

10 ವರಿ ಯೆಸು ತ್ಯನೊನೆ ದೆಶನಾ ವಿರುದ್ಧ ದೆಶ ಉಟಸ.

11 ಭುಕಂಪೊ ಥಾವಸ ಬರಗಾಲ ಪಡಸ ಮನಕ್ಹೊನೆ ಘನ್ನೊ ತ್ರಾಸ ಥಾವಸ, ಹಬಾಳಮಾ ನೈಸೊ ಥಾವಾನು ಅದ್ಭುತ ಥಾವಸ.

12 ವರಿ ಎ ಕ್ಹಾರು ಥಾವಾತಿ ಅಗ್ಗುರ ಮನಕ್ಹೊತುಮೊನೆ ಧರಿಲಿನಗೈನ ತ್ರಾಸ ಕರಸ ವರಿ ತುಮೊನೆ ಸಭಾಮಂದಿರಮಾ ಲಿನಜಾವಸ, ತುಮೊನೆ ವೈಸಲೊ ಕರಿನ ಜೆಲಮಾ ಫಾಲಾಲಗಾಡಸ. ವರಿ ರಾಜಾವೊನಾ ಕ್ಹಾಮಾ ಹುಬ್ರಾಡಸ, ತುಮೊಪರ ಅಪವಾದ ಫಾಲಸ. ತುಮೆ ಮಾರಾ ಪಾಚ್ಚಾ ಆವಾಕ್ಲು ಮನಕ್ಹೊತುಮೊನೆ ಎ ಕ್ಹಾರು ಕರಸ.

13 ಇನಾಹುತಿ ತುಮಾರಾ ಬರೊಕ್ಹಾನಾ ಹುತಿ ಸಾಕ್ಷಿ ಕವಾನೆ ಚೊಕೊ ಟೈಮ ವ್ಹೊ.

14 ತೆಳಾಮಾ ತುಮೆ ತ್ಯನೊಕನ ಸು ಕೌ ಕೈನ ಚಿಂತಾ ಕರೊ ನಕೊ.

15 ಕಾಕದ್ಯಾಮ ಮಿಜ ತುಮೊನೆ ಬೊಲಾನು ಗ್ಯಾನ ದ್ಯಸ. ತಿನಾಹುತಿ ತುಮಾರಾ ದುಶ್ಮನೊ ತುಮೆ ಪುಚ್ಚಲ ವಾತನೆ ಜಿವಾಬಿ ದೆತಾ ನೈ.

16 ತುಮೊನೆ ತಮಾರಾ ಮಾ ಬಾಪ ವರಿ ಭಾಯೊ ತುಮಾರಾ ದೊಸ್ಸೊ ತಮಾರಾ ವಿರುದ್ಧ ಥಾವಸ. ತುಮೊಮಾನಾ ದಕ್ಹಾ ಜನಾವೊನೆ ತ್ಯನೆ ಖಲಾಸ ಕರೈಪಾಡಸ.

17 ವರಿ ತುಮೆ ಮಾರಾ (ಯೆಸುನಾ) ಪಾಚ್ಚಾ ಆವಾಕ್ಲು ಮನಕ್ಹೊ ತುಮಾರಾ ದುಶ್ಮನೊ ಥಾವಸ.

18 ತಿಮ್ಮ ಥಯುತಬಿ ತುಮಾರಾ ಮಾತಾನಾ ಬಾಲನೆಬಿ ಧೊಕೊ ಥಾತೊ ನೈ.

19 ತುಮೆ ತಮಾರಾ ಬರೊಕ್ಹಾಪರ ಘಟ್ಟ ರ್ಹಯಾಮ ತಮಾರಾಕ್ಲು ತುಮೆ ವಚ್ಚಾಡಿ ಲಿವೊಸಿ.

ಯೆರುಸಲೇಮನು ನಾಶ
(ಮತ್ತಾಯ 24:15-21; ಮಾರ್ಕ 13:14-19)

20 ಯೆರುಸೇಲೆಮಾನಾ ಸುತ್ತೆ ಸೈನಿಕೊ ಬೆಲಿ ಫಾಲಾನು ತುಮೆ ದೆಕೊಸಿ ತೆಳಾಮಾ ಯೆರುಸೇಲೆಮ ಹಾಳ ಥಾವಾನು ನಜಿಕ ಆಯುಸ ಕೈನ ತುಮೆ ತಿಳದಿಲಿವೊ.

21 ತೆಳಾಮಾ ಯುದಾಯಮಾ ರ್ವಯಲ ವಾಲಾ ಮನಕ್ಲೊ ಡೊಂಗರಪರ ನ್ಹಾಟಿ ಭಾವಾದೆ ಗಾಮ್ಮಾ ರ್ವಯಲ ವಾಲಾ ಭಾರಾ ನ್ಹಾಟಿ ಭಾವಾದೆ ವರಿ ಖೆಡಾಮಾ ರ್ವಯಲ ವಾಲಾ ಗಾಮ್ಮಾ ಔ ನೈಸೊ ತ್ಯಾಜ ರ್ವವಾದೆ.

22 ತೆ ದಿನೊ ಕ್ಹುದಾ ತಿನಾ ಮನಕ್ಲೊನೆ ಶಿಕ್ಷಾ ದಿವಾನಾ ಟೈಮ ವ್ಹೊ ಪ್ರವಾದಿಯೊ ಬರ್ದಲ ಪುರಾ ಥಾವಸ.

23 ತೆ ದಿನೊಮಾ ಪೆಟಿ ರ್ವಯಲ ಬಾಕಡಿಯೊನೆ ವರಿ ನ್ಹಾನಾ ಬಚ್ಚಾ ರ್ವಯಲಲಿಯೊನೆ ಘನ್ನು ತ್ರಾಸ ಥಾವಸ. ಕಾಕದ್ಯಾಮ ಆ ಜಗಾಮಾ ರ್ವಯಲ ಮನಕ್ಲೊಪರ ತ್ರಾಸ ಆವಸ.

24 ಎ ಮನಕ್ಲೊಮಾ ದಕ್ಖಾಜನಾವೊನೆ ಸೈನಿಕೊ ಖಲಾಸ ಕರಿಪಾಡಸ ದಕ್ಖಾ ಜನಾವೊನೆ ಧರಿಲಿನಗೈನ ಬಿಜಾ ದೆಶೆ ಲಿನಜಾವಸ. ವರಿ ಬಿಜಾ ದೆಶವಾಲಾ ತಿವೊ ದಿನ್ನ ಥಾಯೆಲಕ್ಕಾ ಯೆರುಸೇಲೆಮಾ ರ್ವವಸ.

ಮನಕ್ಲನೊ ದಿಕ್ಲೊ ಆವಾನು

(ಮತ್ತಾಯ 24:29-31; ಮಾರ್ಕ 13:24-27)

25 ಸುರೈಯೊ ಚಂದಪ್ಪಾ ವರಿ ಚಿಕ್ಕಿಯೊ ಬಿಜಿ ತರಾಜ ದಿಕ್ಲಸ ವರಿ ಜಿಮಿನ್ನರ ರ್ವಯಲ ಮನಕ್ಲೊಮಾ ಅಲ್ಲೊಲ ಕಲ್ಲೊಲ ಥಾವಸ.

26 ಹಬಾಳಮಾ ರ್ವಯಲ ಶಕ್ತಿಯೊ ಹಲ್ಲಾಕ್ಹು ಜಿಮಿನಪರ ಸು-ಸು ಥಾಸ ಕೈನ ಮನಕ್ಲೊಭುಚಕಸ.

27 ತೆಳಾಮಾ ಮನಕ್ಲನೊ ದಿಕ್ಲೊ (ಯೆಸು) ಮೊಟಿ ತಾಕತಕ್ಹು ಮಹಿಮಾನಾ ಪ್ರಭಾವಕ್ಹು ಹಬಾಳಮಾತೊ ಆವಾನು ಮನಕ್ಲೊದೆಕಸ.

28 ಎ ಕ್ಹಾರು ಥಾತಾಮಾ ಉಪ್ಪರ ದೆಕೊ ಕಾಕದ್ಯಾಮ ತುಮೊನೆ ಬಿಡಗಡೆನೊ ದಿನ್ನ ಆಯೊಸ.

ಯೆಸುನಿ ವಾತೊ ಕೆಳಾಮಾಜ ನುಚಾತ್ಯೊನೈ

(ಮತ್ತಾಯ 24:32-35; ಮಾರ್ಕ 13:28-31)

29 ಪಾಚಲೊ ಯೆಸು ಆ ಸಾಮ್ಯ ಕದ್ಯೊ ಕ್ಹಾರಾ ಝಾಡೊಮಾತಿಬಿ ಅಂಜುರನು ಝಾಡನಿ ಭೊಕಿ ಉದಾಹರಣ ವ್ಹೆ

30 ತೆ ಚಿಗರತಾಮಾಜ್ ತಡಕಾನೊ ದಿನ್ನ ಆಯೊಸ ಕೈನ ತಿಳದಿಲಿವೊಸಿ.

31 ತಿನಾ ಲಿಂಗತಜ್ ಎ ಕ್ಹಾರು ಥಾತಾಮಾ ಕ್ಹುದಾನಿ ರಾಜ್ಯ ಭೆಗಿನ ಆವಸ ಕೈನ ತಿಳದಿಲಿವೊ.

32 ಮಿ ತುಮೊನೆ ಕ್ಹರಿಜ್ ಕೌಸ. ಎ ಕಾಲನಾ ಮನಕ್ಹೊಹಜ್ಜುನ ಜಿವ್ತಾ ರ್ಹತಾಮಾಜ್ ಎ ಕ್ಹಾರು ಥಾವಸ.

33 ಹಬಾಳ ಜಿಮಿನ ಹಾಳ ಥಾವಸ ಮಿ ಕದಲ ವಾತೊ ಕೆಳಮಾಜ್ ಹಾಳ ಥಾತಿಯೊ ನೈ!

ಕ್ಹಾರಾ ಟೈಮಮಾ ತಯಾರ ರ್ಹವೊ

34 "ತುಮೆ ಹುಶಾರ ರ್ಹವೊ! ಖಾವಾಮಾ ಪಿನ ನಶಾಮಾ ದುನಿಯಾನಿ ಚಿಂತಾಮಾ ಡುಬಿಜಾವೊನಕೊ ತುಮೆ ತುಮಾರು ಮನಸ ಘಟ್ಟಿ ಕರಲಿದಲ ಟೈಮಾಜ್ ಲಾಸ್ತನೊ ದಿನ್ನ ಭೆಗಿನ ಐ ಜಾವಸ.

35 ತೆ ದಿನ್ನ ಜಿಮಿನಪರ ರ್ಹಯಲ ಮನಕ್ಹೊನೆ ಫಾಬೊ ಕರಿ ಪಾಡ್.

36 ತಿನಾ ಹುತಿ ಕ್ಹಾರಾಜ್ ಟೈಮ್ ತಯಾರ ಥೈನ ರಹೊ. ಹಮ್ಮಾ ಥಾವಾನಿ ವಿಚಾರೊಕ್ಹು ವಾಚಿನ ವರಿ ಮನಕ್ಹನಾ ದಿಕ್ರಾನಾ ಕ್ಹಾಮಾ ಹುಬ್ರವಾನೆ ತಯಾರ ರಹೊ. ವರಿ ಪ್ರಾಥನಾ ಕರೊ.

37 ಯೆಸು ತೆ ದಿನೊಮಾ ದಿನ್ನ ಕ್ಹಾರಿ ದೆವಾಲಯಮಾ ಮನಕ್ಹೊನೆ ಉಪದೇಶ ಕತೊತೊ. ವರಿ ರಾತ ಕ್ಹಾರಿ ಒಲಿವ ತೆಲನಾ ಝಾಡನಾ ಡೊಂಗರಪರ ರ್ಹತೊತೊ.

38 ದಿನ್ನೆ ಪಾಟೆ, ಮನಕ್ಹೊ ಭೆಗಿನ ಉಟಿನ ಗೈನ ದೆವಾಲಯಮಾ ಯೆಸುನು ಉಪದೇಶ ಐಕಾನೆ ಜಾತಾತಾ.

22

ಯೆಸುನೆ ಖಲಾಸ ಕರಾನೆ ದೆಕಲ ಯಹುದ್ಯೊ

(ಮಾರ್ಕ 14:1-2,10-11; ಯೊಹಾನ 11:45-53)

1 ಖಾಟೊ ನೈಸೊ ರೊಕ್ಲಾನೊ ಸನ್ನ ಕದ್ಯಾಮ ಫಸ್ಕ ಸನ್ನ ನಜಿಕ ಆಯೊತೊ.

2 ಖಾಸ ಯಾಜಕೊ ವರಿ ಶಾಸ್ತ್ರಿಯೊ. ಯೆಸುನೆ ಕಿನೆಜ್ ಗ್ವತ್ತವಾಚಿ ಖಲಾಸ ಕರಿಯೆ ಕೈನ ಟೈಮ ದೆಕಾಡಾತಾ.

ಯೆಸುನಾ ವಿರುದ್ಧ ಯುದ ಮೊಸ ಕರಲ

3 ಯೆಸುನಾ ಬಾರಾ ಶಿಷ್ಯಾವೊನಾ ಇಸ್ಕರಿಯುತ ಯುದ ಕವಾಲೊ ಶಿಷ್ಯೊ ಬಿ ವ್ಹತ್ತೊ. ಸೈತಾನ ತಿಮಾ ಐನ ಯಕ್ಕ ಕೆಟ್ಟ ಕಾಮ ಕರಾನೆ ಸಹಾಯತಾ ಕರ್ಯ್.

4 ಯುದ ಖಾಸ ಯಾಜಕಕೊಕನ ವರಿ ದೆವಾಲಯನಾ ಅದಿಕಾರಿಯೊಕನ ಐನ, ಯೆಸುನೆ ಧರಿನ ದ್ಯುಸ ಕೈನ ತ್ಯುನೊಕನ ಕದ್ಯೊ.

5 ತೆಳಾಮ ತೆ ವಾತ ಐಕಿನ ಯಾಜಕೊನೆ ಘನ್ನಿಮುಶಿ ಥೈ ತು ಯೆಸುನೆ ಧರೈನ ದಿದ್ಯೊಮ ಹಮೆ ತುನೆ ದೊಕಡಾ ದಿಯೆಸ ಕೈನ ವಾತ ದಿದ್ಯಾ.

6 ಯುದ ತೆ ವಾತೆ ಒಪ್ಪಲಿದ್ಯೊ ಪಾಚಲೊ ಯುದ ಯೆಸುನೆ ಧರೈನ ದಿವಾನೆ ಟೈಮ ದೆಕಾಡ್ಯೊತೊ.

ಪಸ್ಕನು ಖಾವಾ ಹುತಿ ತಯ್ಯಾರ

(ಮತ್ತಾಯ 26:17-25; ಮಾರ್ಕ 14:12-21; ಯೊಹಾನ 13:21-30)

7 ಖಾಟೊ ನೈಸೊ ರೊಕ್ಲೊ ಖಾವಾನೊ ದಿನ್ನ ಆಯೊ. ಯೆಹುದಿಯೊನಾ ಮನಕ್ಲೊ ಪಸ್ಕ, ತೆ ದಿನಮಾ ಬಕ್ರಾನಾ ಬಚ್ಚಾವೊನೆ ಕಾಟಿತಾತಾ.

8 ತೆಳಾಮಾ ಯೆಸು, ಪೆತ್ರಾ ವರಿ ಯೊಹಾನನೆ, ತುಮೆ ಗೈನ ಪಸ್ಕ ಸನ್ನನು ಅನ್ನ ಖಾವಾನಾ ಹುತಿ ಅಪೊನೆ ತಯ್ಯಾರ ಕರೊ ಕೈನ ಕದ್ಯೊ.

9 ತ್ಯುನೆ ಅನ್ನ ಖಾವಾನಾ ಹುತಿ ಹಮೆ ಕಿಜ್ಲಾ ತಯ್ಯಾರ ಕರಿಯೆ? ಕೈನ ಯೆಸುನೆ ಪುಚ್ಚಾ.

10 ಯೆಸು ತ್ಯುನೊನೆ ಐಕೊ ತುಮೆ ಯೆರುಸಲೆಮ ಗಾಮ್ಯಾಗೈನ ತ್ಯಾ ಯಕ್ಲೊ ಭರಲ ಪಾನಿನೊ ಘಡೊ ಲಿನ ಜಾವಾಲಾನೆ ತುಮೆ ದೆಕೊಸಿ.

ತುಮೆ ತಿನಾ ಪಾಙ್ತಾ ಜಾವೊ ತೆ ಯಕ್ಕ ಘರಮಾ ಜಾವಸ. ತುಮೆ ತೆ ಘರಮಾ ಜಾವೊ.

11 ತೆ ಘರನಾ ಮಾಲಕನೆ, ಗುರು ತಿನಾ ಶಿಷ್ಯಾವೊನಾ ಕ್ಹಾತೆ ಕೈ ಖೊಲಿಮಾ ಪಸ್ಕ ಸನ್ನನು ಅನ್ನ ಖಾವಾನೆ ಬೈಟಾನೆ. ಕೈನ ಪುಚ್ಚೊ.

12 ತೆಳಾಮಾ ಘರನೊ ಮಾಲಕ ಮ್ಹಾಡಿಪರ ರ್ಹಯಲ ಯಕ್ಕ ಮ್ಹೊಟಿ ಖೊಲಿ ದೆಕಾಡಸ. ತೆ ಖೊಲಿಮಾ ಅಪೊನೆ ಪಸ್ಕನು ಅನ್ನ ಖಾವಾನಾ ಹುತಿ ತ್ಯಾತಯ್ಯಾರ ಕರೊ. ಕೈನ ಕದ್ಯೊ.

13 ತಿನಾ ಹುತಿ ತ್ಯಾನೆ ಗಯಾ. ವರಿ ಯೆಸು ಕದಲ ತೆ ಪುರಾ ಥಯು. ತ್ಯಾನೆ ತ್ಯಾಪಸ್ಕನು ಅನ್ನತಯ್ಯಾರ ಕರ್ಯೊ.

ಪ್ರಭು ಖಾದಲ

(ಮತ್ತಾಯ 26:26-30; ಮಾರ್ಕ 14:22-26)

14 ಪಸ್ಕನಾ ಅನ್ನ ಖಾವಾನೊ ಟೈಮ ಆಯೊ. ಯೆಸು ವರಿ ತಿನಾ ಬಾರಾ ಶಿಷ್ಯಾ ಅನ್ನ ಖಾವಾನಾ ಹುತಿ ಬೈಟ್ಯಾ.

15 ತೆಳಾಮ ಯೆಸು ತ್ಯಾನೊನೆ ಕದ್ಯೊ ಮಿ ಕಷ್ಟಮಾ ಪಡಾತಿ ಅಗ್ಗರ ಮಿ ತುಮಾರಾ ಕ್ಹಾತೆ ಪಸ್ಕನು ಅನ್ನ ಖೌ ಕೈನ ಮಾರಿ ಘನ್ನಿ ಆಸ ವ್ಹತ್ತಿ.

16 ಇನೊ ಮತ್ಲಬ ವ್ಹೈ ಕ್ಹುದಾನಿ ರಾಜ್ಯ ಪುರಾ ಆಯೆಲಕ್ಕಾ ಮಿ ಬಿಜೆಕ ಪಸ್ಕನು ಅನ್ನ ಖಾತೊಞ ನೈ ಕೈನ ಕದ್ಯೊ.

17 ಪಾಚಲ್ಹೊ ಯೆಸು ದ್ರಾಕ್ಷಿಯೊನು ರಕ್ತನೊ ತಾಂಬಿಯೊ ಲಿನ ಕ್ಹುದಾನೆ ಸ್ಹೊತ್ರ ಕೈನ. ತೆ ಶಿಷ್ಯಾವೊನೆ ದಿನ್ನ ತುಮೆ ವಾಟಿನ ಪಿವೊ ಕದ್ಯೊ.

18 ಆಞತೊ ಮಿ ಕ್ಹುದಾನಿ ರಾಜ್ಯ ಆಯೆಲಕ್ಕಾ ಫರಿನ ದ್ರಾಕ್ಷಿಯೊನೊ ರಕ್ತ ಪಿತೊಞ ನೈ ಕದ್ಯೊ.

19 ವರಿ ಯೆಸು ದಕ್ಹೊರೊಕ್ಲೊ ಲಿನ ಕ್ಹುದಾನೆ ಸ್ಹೊತ್ರಾ ಕೈನ ತೆ ಭಾಗಿನ ತಿನಾ ಶಿಷ್ಯಾವೊನೆ ದಿದ್ಯೊ. ಪಾಚಲ್ಹೊ ಯೆಸು, ಮಿ ತುಮಾರಾ ಹುತಿ ದಿವಾನು ಮಾರು ಅಂಗ ವ್ಹೈ ಮಾರಿ ಶೆನಾ ಹುತಿ ತುಮೆ ಇಮ್ಮ ಕರೊ.

20 ವರಿ ತ್ಯಾನು ಖಾವಾನು ಥಯಲಪರ, ಯೆಸು ದ್ರಾಕ್ಷಿಯೊನು ರಕ್ತನೊ ತಾಂಬಿಯೊ ಲಿನ, ಕ್ಹುದಾ ತಿನಾ ಮನಕ್ಹೊನೆ ವಾತ ದಿದಲ ನಯ್ಹೊ.

ವಾತೊನಾ ಹುತಿ ವಳಕ ರ್ವವಾದೆ ಮಿ ತುಮಾರಾ ಹುತಿ ದಿವಾನು ರಗತ ಎ ನೈಯೊ ವಾತೊ ಶುರು ಥಾವಸ. ಕದ್ಯೊ

21 ಯೆಸು, ಮನೆ ಮೊಸ ಕರಾಲೊ ಮಾರಾಙ್ ಕ್ವಾತೆ ಅನ್ನ ಖಾವಾನೆ ಬೈಟ್ಲೊಸ.

22 ಮನಕ್ವನೊ ದಿಕೊ ಕ್ವದಾನಿ ಮರ್ಜಿ ಲಿಂಗತ ಮರಸ, ತೆನ್ನೆಸೊ ಮನಕ್ವನಾ ದಿಕಾನೆ ಮರಾನಾ ಹುತಿ ವಪ್ಪಿನ ದಿವಾಲಾ ಮನಕ್ವನೆ ಘನ್ನು ಕೆಟ್ಟ ಥಾವಸ. ಕೈನ ಕದ್ಯೊ

23 ತೆಳಾಮಾ ಶಿಷ್ಯಾ ಅವೊಮಾ ಎ ಕೆಟ್ಟ ಕುನ್ನ ಕರಸ? ಕೈನ ಯಕ್ಕಾ ಯಕ್ಕ ಬೊಲ್ಲಿದ್ಯಾ

ಕುನ್ನ ಮೊಟ್ಟು ವೈ

24 ಪಾಚಲ್ಲೊ ಶಿಷ್ಯಾವೊನಾ ತಿವೊಮಾ ಕುನ್ನ ಮೊಟ್ಟು ವೈ ಕೈನ ಬೊಲ್ಲಿದ್ಯಾತಾ.

25 ತೆಳಾಮಾ ಯೆಸು ತ್ಯುನೊನೆ, ಎ ಲೊಕನಾ ರಾಙಾ ತಿವ್ವಾ ಮನಕ್ವೊಪರ ರಾಙ್ ಭಲಾವಸ. ಮನಕ್ವೊಪರ ಅದಿಕಾರ ಕರಾಲಾವೊನೆ ಕೆಟ್ಟ ಮನಕ್ವೊವೈ ಕೈನ ಕವಸ.

26 ತೆನ್ನೆಸೊ ತುಮೆ ತಿಮ್ಮ ಥೌ ನೈ ಮೊಟ್ಟೊ ಮನಕ್ವ ನ್ವಾನೊ ಮನಕ್ವ ಥೈನ ರ್ವ ನಾಯಕ ಸೆವಕ ಥೈನ ರ್ವ

27 ಚೊಕೊ ಕುನ್ನ ವೈ? ಖಾವಾನೆ ಬೈಟಲವಾಲೊ? ನೈತೊ ತಿನೆ ಸೆವಾ ಕರಾಲೊ ಸು? ಅನ್ನ ಖಾವಾನೆ ಬೈಟಲವಾಲೊ ಚೊಕು ವೈ ಕೈನ ತುಮೆ ತಿಳದಿಲಿದ್ಯಾಸು? ಮಿ ತುಮೊಮಾ ಸೆವಕ ಲಿಂಗತ ಛಿ!

28 ತುಮೆ ಮನೆ ಕಷ್ಟ ಆಯಲ ಟೈಮ್ಮಾಮಾರಾ ಕ್ವಾತೆ ರ್ವಯಲ ವಾಲಾ ವೈ

29 ಮಾರೊ ಬಾ (ಕ್ವದಾ) ಮನೆ ಅದಿಕಾರ ದಿದ್ಯೊಸ. ಮಾರಾ ಕ್ವಾತೆ ರ್ವಯಲವಾಲಾ ತುಮೊನೆ ಮಿಬಿ ತೆಙ್ ಅದಿಕಾರ ದ್ಯುಸ.

30 ಮಾರಾ ರಾಜ್ಯಮಾ ತುಮೆಬಿ ಮಾರಾ ಕ್ಹಾತೆ ಅನ್ನ ಖಾವೊಸಿ ವರಿ ಪಿವೊಸಿ. ಸಿಂಹಾಸನ್ನರ ಬೈಟಿನ ಇಸ್ರಾಯಲನಾ ಬಾರಾ ಭಾತವಾಲಾವೊನೆ ಪೈಸಲೊ ಕರೊಶಿ.

ಯೆಸುನೆ ಪೆತ್ರಾ ವಳಕ ನತ್ತಿ ಕದಲ

(ಮತ್ತಾಯ 26:31-35; ಮಾರ್ಕ 14:27-31; ಯೊಹಾನ 13:36-38)

31 ಯಕ್ಕ ರೈತ ತಿನು ಘೌ ತುರಾನಾ ಲಿಂಗತ ಸೈತಾನ ತುಮೊನೆ ಪರಿಕ್ಕಪಾಲಿವಾನೆ ಮಾಂಗಿಲಿದ್ಯೊ ಸಿಮೊನ, ಸಿಮೊನ (ಪೆತ್ರಾ)

32 ತಾರೊ ಬರೊಕ್ಕೊ ಕಮ ಧೌನ್ಯೆ ಕೈನ ಮಿ ಪ್ರಾಥನಾ ಕರೊ! ತು ಫರಿನ ಆಯಲ್ಪರ ತಾರಾ ಭಾಯೊನೆ ತು ತಾಕತ ಥೌ. ಕದ್ಯೊ.

33 ತೆ ವಾತೆ ಪೆತ್ರಾ ಯೆಸುನೆ "ಪ್ರಭು, ತಾರಾ ಕ್ಹಾತೆ ಜೆಲೆ ಜಾವಾನೆಬಿ ವರಿ ಮರಾನೆಬಿ ಮಿ ತಯ್ಯಾರ ಛೆ "ಕೈನ ಕದ್ಯೊ.

34 ತೆ ವಾತೆ ಯೆಸು, ಪೆತ್ರಾ, ವ್ಹಂತಾ ಪಾಟೆ ಕುಕಡೊ ಬಾಂಗ ದಿವಾತಿ ಅಗ್ಗರ ತು ಮಾರಿ ವಿಷಯಮಾ ಮನೆ ಗ್ವತ್ತ ನತ್ತಿ ಕೈನ ತನ ಸಲಾ ಕಸಿ. ಕದ್ಯೊ.

ತ್ರಾಸ ತಡ್ಡಿಲಿವಾನೆ ತಯ್ಯಾರ ರ್ವೊವೊ

35 ಪಾಚಲ್ಲೊ ಯೆಸು ಶಿಷ್ಯಾವೊನೆ, ಮಿ ತುಮೊನೆ ಭೊದನೆ ಕವಾನಾ ಹುತಿ ಮೊಕಲ್ತಾಮಾ ದೊಕಡಾವೊನೆ ಕೈಚಿಲಾ ವರಿ ಗಾಮೆ ನಿಂಜಾವಾನಿ ಕೈಚಿಲಾ ನೈಸೊಞ್ಚ, ಚಪ್ಲೊ ನೈಸೊ ಮೊಕಲ್ಯೊ ವರಿಬಿ ತುಮೊನೆ ಸುಬಿ ಕಮ ಧೈಸು? ಕೈನ ಪುಚ್ಯೊ ತೆಳಾಮ ಶಿಷ್ಯಾಸುಞ್ಚ ಕಮ ಧೈಯು ನೈಕದ್ಯಾ.

36 ಯೆಸು ತ್ಯುನೊನೆ "ಹಮ್ಮಾ ತುಮೊಕನ ದೊಕಡಾ ರ್ವಯಾಮ ಕೈಚಿಲಾ ರ್ವೊಮ ತೆ ಲಿನ ಜಾವೊ ತುಮೊಕನ ತಲ್ವಾರ ನೈ ರ್ವಯಾಮ ತುಮಾರು ಉಪ್ಪರಲ್ಯು ಅಂಗ್ಡು ಇಕ್ಕಿನ ತೆ ದೊಕಡಾಕ್ಲು ಯಕ್ಕ ತಲ್ವಾರ ನಿಂಜಾವೊ.

37 ತೆ ಅಪರಾದಿಮಾನೊ ಯಕ್ಲೊ ವ್ಹೆ ಕೈನ ಕವೈಲಿದ್ಯೊ ಕೈನ ಪ್ರವಾದಿಯೊನಾ ಗ್ರಂಥಮಾ ಬರ್ದಲ ಛೆ. ಮಾರಾ ಹುತಿ ಬರ್ದಲ ಪುರಾ ಥೌ ವರಿ ತೆ ಹಮ್ಮಾ ಪುರಾ ಥಾವಸ "ಕೈನ ಕದ್ಯೊ.

38 ತೆಳಾಮ ಶಿಷ್ಯಾ ತಿನೆ, ಪ್ರಭು, ನ್ಹ್ಯಾ ದೆಕ ಬೆ ತಲ್ವಾರ ಛಿ "ಕದ್ಯಾ ಯೆಸು "ತೆಕ್ಕು ಬಸ್ಸ" ಕದ್ಯೊ

ಯೆಸು ಒಲಿವ ತೆಲನಾ ಝಾಡೊನಾ ಡೊಂಗರಪರ ಪ್ರಾಥನಾ ಕರಲ
(ಮತ್ತಾಯ 26:36-46; ಮಾರ್ಕ 14:32-42)

39 ಯೆಸು ಯೆರುಸಲೆಮ ಗಾಮಾತೊ ಒಲಿವ ತೆಲನಾ ಝಾಡೊನಾ ಡೊಂಗರಪರ ಗಯೊ. ತಿನಾ ಶಿಷ್ಯಾಬಿ ತಿನಾ ಕ್ಹಾತೆ ಗಯಾ.

40 ಯೆಸು ತಿನಾ ಶಿಷ್ಯಾವೊನೆ "ತುಮೆ ಶೊದನೆಮಾ ಪಡೆ ನೈಸೊ ಪ್ರಾಥನಾ ಕರೊ "ಕೈನ ಕದ್ಯೊ

41 ಪಾಚಲೊ ಯೆಸು ತ್ಯುನೊತಿ ದಗೊ ಭಿರಕಾವಾನಾ ಯಕ್ಲೊ ದುರ ಗೈನ ತೆ ಉಂದಾ ಗುಡ್ಡಾ ಘಾಲ್ಲಿನ,

42 ಬಾ, ತುನೆ ಮನಸ ರ್ವಯುಮ, ಆ ತ್ರಾಸನೊ ತಾಂಬಿಯೊ ಮಕ್ಳು ದುರ ಕರ ವರಿಬಿ ಮಾರಿ ಚಿತ್ತ ಲಿಂಗತ ನೈಸೊ ತಾರಿ ಚಿತ್ತ ಲಿಂಗತ ಕರ ಕೈನ ಪ್ರಾಥನಾ ಕರೊ.

43 ತೆಳಾಮಾ ಸ್ವರಗತೊ ಯಕ್ಕ ದೆವದುತ ಐನ. ಯೆಸುನೆ ತಾಕತ ಭರೊ.

44 ಯೆಸುನೆ ಘನ್ನು ತ್ರಾಸ ಥಯು. ತೆ ಪ್ರಾಥನಾಮಾ ಘನ್ನೊ ಕಷ್ಟ ಖಾದ್ಯೊ ತಿನೊ ಘಾಮ ರಗತ ಲಿಂಗತ ಚಾಲ್ಯು.

45 ಯೆಸು ಪ್ರಾಥನಾ ಕರಲ್ಪರ ತಿನಾ ಶಿಷ್ಯಾವೊಕನ ಗಯೊ. ತ್ಯುನೆ ಕ್ಹುರೈ ಪಡ್ಯಾತಾ.

46 ಯೆಸು ತ್ಯುನೊನೆ ತುಮೆ ಕಾ ಕ್ಹುರೈ ಪಡ್ಯಾಸು? ಉಟೊ! ಶೊದನೆಮಾ ಪಡೆ ನೈಸೊ ಪ್ರಾಥನಾ ಕರೊ "ಕೈನ ಕದ್ಯೊ

ಯೆಸುನೆ ಧರಲ

(ಮತ್ತಾಯ 26:47-56; ಮಾರ್ಕ 14:43-50; ಯೊಹಾನ 18:3-

11)

47 ಯೆಸು ಬೊಲ್ಲೊ ರ್ವತಾಮಾಜ್ಜ, ಮನಕ್ಲೊನು ಮೊಟ್ಟು ಗುಂಪ ತ್ಯಾ ಐಯು. ಬಾರಾ ಅಪೊಸ್ತಲೊಮಾ ಯಕ್ಲೊ ತೆ ಗುಂಪನಾ ಕ್ಹಾತೆ

ಆವಾಡ್ಯೊತೊ. ತೆಜ್ಜ ಯುದ ವ್ಹೈ ತೆ ಯೆಸುನಾ ಕ್ಹಾಮೊ ಐನ ಮಟ್ಟಿ ದಿದ್ಯೊ

48 ಯೆಸು ತಿನೆ ಯುದ ಯಕ್ಕ್ ಮಟ್ಟಿಲಿನ ಮನಕ್ಟನಾ ದಿಕ್ರಾನೆ ಧರೈನ ದಿವಾನೆ ಆಯೊಸು? ಕೈನ ಕದ್ಯೊ

49 ಯೆಸುನಾ ಶಿಷ್ಯಾಬಿ ತ್ಯಾವ್ವತ್ತಾ. ತ್ಯಾಧಾವಾನು ತ್ಯುನೆ ದೆಕಾಡಾತಾ. ಶಿಷ್ಯಾ ಯೆಸುನೆ, ಪ್ರಭು, ಹಮೆ ಹಮಾರಾ ತಲ್ವಾರೊ ಉಪಯೊಗ ಕರಿಯೆಸು? ಕೈನ ಪುಚ್ಚಾ

50 ಶಿಷ್ಯಾವೊಮನೊ ಯಕ್ಲೊ ತಿನು ತಲ್ವಾರ ಕಾಡಿನ ಮಹಾಯಾಜಕನಾ ಆಳನೊ ಸಿದಾ ಬಗಲನೊ ಕಾನ ಕತ್ರಿಪಾಡ್ಯೊ

51 ಯೆಸು ತಿನೆ "ಹುಬ್ರೆ" ಕದ್ಯೊ ತೆ ಆಳನಾ ಕಾನೆ ಮುಟ್ಟಿನ ಅರಾಮ ಕರೊ

52 ಯೆಸುನೆ ಧರಾ ಹುತಿ ಖಾಸ ಯಾಜಕೊ, ಯಹುದ್ಯೊನಾ ಮೊಟ್ಟಾ ಮನಕ್ಲೊ ವರಿ ಸೈನಿಕೊ ಆಯಾತಾ. ತುಮೆ ಚಾಕಾ ಛುರಿಯೊ ಲಿನ ನ್ಹಾ ಕಾ ಆಯಾಸ? ಮಿ ಅಪರಾದಿ ವ್ಹೈ ಕೈನ ತುಮೆ ತಿಳದ್ಯಾಸು?

53 ದಿನ್ನೆಬಿ ತುಮಾರಾ ಕ್ಹಾತೆ ದೆವಾಲಯಮಾ ವ್ಹತ್ತೊ. ತುಮೆ ಮನೆ ತ್ಯಾ ಕಾ ಧರೈನೈ? ತೆನೈಸೊ ಆಜ್ಜ ತಮಾರೊ ದಿನ್ನ ವ್ಹೈ ಎ ಅಂದಕಾರನೊ ರಾಜ್ಯ ವ್ಹೈ ಕದ್ಯೊ

ಪೆತ್ರಾ ಮೊಸ ಕರಲ

(ಮತ್ತಾಯ 26:57,58,69-75; ಮಾರ್ಕ 14:53,54,66-72; ಯೊಹಾನ 18:12-18,25-27)

54 ತ್ಯುನೆ ಯೆಸುನೆ ಭಾಂದಿನ ಮಹಾಯಾಜಕನಾ ಘರೆ ಬಲೈಲಾಯಾ. ಪೆತ್ರಾ ತ್ಯುನಾ ಪಾಚೊ-ಪಾಚೊ ಆಯೊ. ವರಿ ತೆ ಯೆಸುನಾ ನಚಿಕ ಆಯೊ ನೈ

55 ಸೈನಿಕೊ ಖಾಸ ಯಾಜಕನಾ ಅಂಗಳಾಮಾ ಆಗ ಲಗಾಡಿನ ಅಂಗ ಶಿಕಿಲೆತಾ ಬೈಟ್ತಾತಾ. ಪೆತ್ರಾಬಿ ತ್ಯುನಾ ಕ್ಹಾತೆ ಬೈಟ್ತೊ

56 ಪೆತ್ರಾ ತ್ಯಾ ಬೈಟಲ ಖಾಸ ಯಾಜಕನಿ ಆಳನಿ ದೆಕಿನ. ಆಗನಾ ಉಜಾಲಾಕ್ಲುತೆ ಪೆತ್ರಾನೆ ವಳಕಿ. ತೆ ಆಳನಿ ಪೆತ್ರಾನೆ ಆ ಮನಕ್ಲಯೆಸುನಾ ಕ್ಲುತೆ ರ್ಲಯಲ ವಾಲೊ ವ್ಹೈಕೈನ ಕದಿ.

57 ತೆಳಾಮಾ ಪೆತ್ರಾ. ಎ ಕ್ಕರಿ ನ್ಹವೈಕದ್ಯೊ ತೆ ತಿನೆ ಯಾ ಮನೆ ತೆ ಗ್ವತ್ತ ನತ್ತಿ "ಕದ್ಯೊ.

58 ದಕ್ಲಿಯಳ್ಳರ ಬಿಜೆಕ್ಲೊ ಪೆತ್ರಾನೆ ದೆಕಿನ, ತುಬಿ ಯೆಸುನಾ ಕ್ಲುತೆ ರ್ಲಯಲ ವಾಲಾವೊಮಾನೊ ಯಕ್ಲೊ ವ್ಹೈ"ಕದ್ಯೊ. ತೆಳಾಮಾ ಪೆತ್ರಾ ಎ ಮನಕ್ಲ "ತ್ಯುನೊಮಾನೊ ಮಿ ನ್ಹವೈಕದ್ಯೊ."

59 ವರಿ ಯಕ್ಲ ತಾಸಪರ ಬಿಜೆಕ್ಲೊ ಐನ ಪೆತ್ರಾನೆ ಆ ಮನಕ್ಲ ಕ್ಕರಿಜ್ಜ ಯೆಸುನಾ ಕ್ಲುತೆ ರ್ಲಯಲ ವಾಲೊ ವ್ಹೈ ವರಿ ಆ ಗಲಿಲಾಯವಾಲೊಜ್ಜ ವ್ಹೈ"ಕದ್ಯೊ.

60 ತೆಳಾಮಾ ಪೆತ್ರಾ, ಎ ಮನಕ್ಲ "ತು ಸು ಕವಾಡ್ಯೊಸ ಮನೆ ಗ್ವತ್ತ ನತ್ತಿ "ಕದ್ಯೊ. ಪೆತ್ರಾ ಹಜುನ ಬೊಲ್ತೊ ರ್ಲತಾಮಾಜ್ಜ ಕುಕಡೊ ಬಾಂಗ ದಿದ್ಯೊ.

61 ತೆಳಾಮಾ ಯೆಸು ಪೆತ್ರಾನೆ ಪಾಚೊ ಫರಿನ ದೆಕ್ಲೊ. ಪಾಟೆ ಕುಕಡೊ ಬಾಂಗ ದಿವಾತಿ ಅಗ್ಗುರಜ್ಜ ಮಾರಿ ವಿಚಾರಮಾ ತು ತನ ಸಲಾ ಮನೆ ವಳಕ ನತ್ತಿ ಕೈನ ಕಸಿ ಕೈನ ಯೆಸು ಕದಲ ಶೆ ಕರಲಿದಿಯೊ.

62 ಪಾಚಲ್ತೊ ಪೆತ್ರಾ ಭಾರೊ ಗೈನ ಘನ್ನೊ ರೊಯ್ಲೊ.

ಯೆಸುನೆ ಮನಕ್ಲೊ ಕದ್ರಾಯಲ ವರಿ ಮಾರಲ

(ಮತ್ತಾಯ 26:67-68; ಮಾರ್ಕ 14:65)

63 ಯೆಸುನೆ ಕೈದಾಲಾ ಸೈನಿಕೊ ತ್ಯುನೆ ಯೆಸು ಮ್ಹೊಡು ಝಾಕಿನ, ತಿನೆ ಮಾರಿನ,

64 "ತುನೆ ಕುನ್ನ ಮಾರಯು? ಕೆ ಕೈನ ಕದ್ರಾಯಾ.

65 ತ್ಯುನೆ ಯೆಸುನೆ ಘನ್ನಾ ಕದ್ರೈನ ತಿಪರ ದೊಶ ಘಾಲ್ಯಾ.

ಯೆಹುದಿಯೊನಾ ಮ್ಹೊಟಾ ಮನಕ್ಲೊನಾ ಕ್ಲುಮೊ ಯೆಸು

(ಮತ್ತಾಯ 26:59-66; ಮಾರ್ಕ 14:55-64; ಯೊಹಾನ 18:19-24)

66 ಮರ್ನಾ ದಿನ್ನೆ ಮೊಟ್ಟಾ ಮನಕ್ಕೊಖಾಸ ಯಾಜಕೊ ವರಿ ಶಾಸ್ತ್ರಿಯೊ ಕ್ಕಾರಾ ಮಳಿನ, ಯೆಸುನೆ ಪೈಸಲೊ ಕರಾನೆ ಬಲೈಲಿನಗಯಾ.

67 ತ್ಯಾನೆ ಯೆಸುನೆ ತು "ಕ್ರಿಸ್ತ ರ್ಲ್ಯೊಮ ಹಮೊನೆ ಕೆ" ಕದ್ಯಾ ಯೆಸು ತ್ಯಾನೊನೆ, ಮಿ ಕ್ರಿಸ್ತ ವ್ಹೈ ಕೈನ ಕದ್ಯೊತಬಿ ತುಮೆ ಬರೊಕ್ಕೊ ಕರತಾ ನೈ ಕದ್ಯೊ

68 ಮಿ ತುಮೊನೆ ಪುಚ್ಚೊತಬಿ ತುಮೆ ಮನೆ ಜುವಾಬ ದೆತಾ ನೈ

69 ತಿನಾ ಹುತಿ ಆಜತೊಜ ಮನಕ್ಕೊನೊ ದಿಕೊ ಕ್ಕುದಾನಾ ಬಾಭುಮಾ ಬೈಟಸ "ಕೈನ ಕದ್ಯೊ

70 ತ್ಯಾನೆ ಕ್ಕಾರಾ ಜನಾ "ತಿಮ್ಮ ರ್ಲ್ಯೊಮ ತು ಕ್ಕುದಾನೊ ದಿಕೊ ವ್ಹೈಸು? ಕೈನ ಪುಚ್ಚಾ ಯೆಸು ತ್ಯಾನೊನೆ, ಮಿಜ ತೆ ವ್ಹೈ ತುಮೆಜ ಕವಾಡ್ಯೊಸ್ತೊ "ಕದ್ಯೊ

71 ತೆಳಾಮ ತ್ಯಾನೆ ಹಮ್ಮಾ ಅಪೊನೆ ಕಾ ಸಾಕ್ಷಿ ಚಾಯೆ? ತೆ ತಿಮ್ಮ ಕವಾನು ಅಪೆ ಐಕ್ಯಾತೊ "ಕದ್ಯಾ

23

ಯೆಸುನೆ ಪಿಲಾತನಕನ ನಿಂಗೈಯಲ

(ಮತ್ತಾಯ 27:1,2,11-14; ಮಾರ್ಕ 15:1-5; ಯೊಹಾನ 18:28-38)

1 ವರಿ ತ್ಯಾ ಪಂಚ್ಯಾತಿನಾ ಹುತಿ ಕುಡಿನ ಆಯಲ ವಾಲಾ ಯೆಸುನೆ ಪಿಲಾತನಕನ ಬಲೈಲಿನಗಯಾ.

2 ತ್ಯಾನೆ ಯೆಸುಪರ ದೊಷ ಫಾಲಾನೆ ಶುರು ಕರ್ಲ್ಯಾ ಆ ಮನಕ್ಕ ಹಮಾರಾ ಮನಕ್ಕೊನೆ ತಪ್ಪವಾಟಮಾ ನಿಂಜಾವಾನೆ ಕವಾಡ್ಯೊಸ. ಹಮೆ ಸಿಸರನೆ ಭುಭಾಡೊ ದಿವೊನಕೊ ಕೈನ ಎ ಕವಾಡ್ಯೊಸ. ತೆನ್ನೈಸೊ ಇನಾಕ್ಕು ಎಜ ಕ್ರಿಸ್ತ ವ್ಹೈ ಕೈನ ಕೈಲಿವಾಡ್ಯೊಸ. ಇನಾಹುತಿ ಹಮೆ ಇನೆ ಧರಿನ ಲಾಯಾಸ.

3 ತೆಳಾಮಾ ಪಿಲಾತನ ಯೆಸುನೆ "ತು ಯಹುದ್ಯೊನೊ ರಾಜೊ ವ್ಹೈಸು? ಕೈನ ಪುಚ್ಚೊ ತೆಳಾಮಾ ಯೆಸು ತುಜ್ಜ ಕವಾಡ್ಯೊಸ್ತೊ ಕೈನ ಕದ್ಯೊ

4 ಪಿಲಾತನ, ಖಾಸ ಯಾಜಕೊನೆ ವರಿ ಮನಕ್ಪೊನೆ"ಮನೆ ಆ ಮನಕ್ಪಮಾ ಕಯೊಜ್ಜ ತಪ್ಪ ದಿಕ್ಪಾಡ್ಯ ನತ್ತಿ "ಕದ್ಯೊ

5 ತೆ ವಾತೆ ತ್ಯುನೆ"ಎ ಮನಕ್ಪ ಯುದಾಯಾ ಗಾಮ್ಮಾ ಉಪದೆಶ ಕರಿನ ಮನಕ್ಪೊನೆ ಭಡ್ಕಾಯೊಸ. ಗಲಿಲಾಯಮಾ ಶುರು ಕರಿನ ಎ ಹಮ್ಮಾನ್ಪಾ ಆಯೊಸ" ಕೈನ ಹಗ್ಗಿಲ್ಲಾ ಕದ್ಯಾ

ಹೆರೊದನಾ ಕ್ವಾಮೊ ಯೆಸು

6 ಪಿಲಾತನ ಎ ಐಕಿನ, ಎ ಮನಕ್ಪ ಗಲಿಲಾಯ ವಾಲೊ ವ್ಹೈಸು? ಕೈನ ಪುಚ್ಚೊ

7 ಯೆಸು ಹೆರೊದನಾ ಅಧಿಕಾರಮಾ ರ್ವಯಲ ಗಾಮ ವಾಲೊ ವ್ಹೈ ಕೈನ ತಿಳದಿಲಿನ. ತೆ ಟೈಮ್ಮಾಹೆರೊದ ಯೆರುಸೆಲೆಮ್ಮಾವ್ವತ್ತೊ. ತಿನಾಹುತಿ ಯೆಸುನೆ ಹೆರೊದಕನ ಮೊಕಲ್ಯೊ

8 ಹೆರೊದ ಯೆಸುನೆ ದೆಕ್ತಾಮಾ ಘನ್ನೊ ಮುಶಿ ಥಯೊ, ಕಾಕದ್ಯಾಮ ತೆ ಯೆಸುನಾ ಹುತಿ ಕ್ವಾರುಜ್ಜ ಐಕ್ಯೊತೊ ವರಿ ಯೆಸು ಕರಾನು ಅದ್ಭುತ ದೆಕು ಕೈನ ವ್ಹತ್ತೊ.

9 ಹೆರೊದ ಯೆಸುನೆ ಘನ್ನಾ ಪ್ರಶ್ನೆ ಪುಚ್ಚೊ ತೆಳಾಮಾ ಯೆಸು ಯಕ್ಕಬಿ ಜವಾಬ ದಿದ್ಯೊ ನೈ

10 ಖಾಸ ಯಾಜಕೊ ವರಿ ಶಾಸ್ತ್ರಿಯೊ. ತ್ಯಾಜ್ಜ ಹುಬ್ರಯಾತಾ. ತ್ಯುನೆ ಯೆಸುನಾ ವಿರುದ್ಧ ವದ್ರಾಡ್ಯಾತಾ.

11 ತೆಳಾಮಾ ಹೆರೊದ ವರಿ ಸೈನಿಕೊ ಯೆಸುನೆ ಕದ್ರಾಯಾ ತ್ಯುನೆ ಯೆಸುನೆ ರಾಜಾವೊನಾ ವಣ್ಣಾ ಘಾಲಿನ ಹಿನಾಯಾ. ಪಾಚ್ಚಾತಾ ಹೆರೊದ ಯೆಸುನೆ ಪಿಲಾತನಕನ ಮೊಕ್ಕಲಿ ಪಾಡ್ಯೊ

12 ಪೈಲಾ ಪಿಲಾತನ ವರಿ ಹೆರೊದ ದುಶ್ಮನೊ ವ್ಹತ್ತಾ. ವರಿ ತೆ ದಿನತಾ ತ್ಯುನೆ ಭಂಬಿಜನಾ ದೊಸ್ತೊ ಥಯಾ.

ಯೆಸುನೆ ಮರಾನಿ ಶಿಕ್ಷಾ ದಿದಲ

(ಮತ್ತಾಯ 27:15-26; ಮಾರ್ಕ 15:6-15; ಯೋಹಾನ 18:39—19:16)

¹³ ಪಿಲಾತನ ಖಾಸ ಯಾಜಕೊನೆ ಯೆಹುದಿನಾ ಮ್ಹೊಟಾ ಮನಕ್ಹೊನೆ ಕ್ಹಾರಾ ಜನಾವೊನೆ ಬಲೈನ,

¹⁴ ತ್ಯನೊನೆ"ತುಮೆ ಆ ಮನಕ್ಹನೆ ಮಕನ ಬಲೈ ಲಾಯಾಸ. ಎ ಮನಕ್ಹೊನೆ ತಪ್ಪ ವಾಟಪರ ಚಲಾವಾಡ್ಯೊಸ ಕೈನ ಕದ್ಯಾ ವರಿ ಮಿ ತಮಾರಾ ಕ್ಹಾಮೊ ಇನೆ ವಿಚಾರ ಕರೈಯ್ತೊ ಇಮಾ ಮಿ ಸುಜ ತಪ್ಪ ದಿಕ್ಪು ನೈ. ತುಮೆ ಇಪರ ಫಾಲಾನು ದೊಶ ಹೊಂದಾಡ್ಪು ನತ್ತಿ.

¹⁵ ಎನೈಸೊ ಹೆರೊದನೆಬಿ ಎ ಮನಕ್ಹಮಾ ಸುಜ ತಪ್ಪ ದಿಕ್ಪು ನೈ ಹೆರೊದ ಯೆಸುನೆ ಹಮೊಕನ ವರಿ ಮೊಕಲ್ಯೊಸ, ದೆಕೊ ಯೆಸುಮಾ ಸುಜ ತಪ್ಪ ನತ್ತಿ ಕರೈಯ್ತೊ ತಿನೆ ಮರವಾನಿ ಶಿಕ್ಷಾ ಥೌ ನೈ

¹⁶ ತಿನಾಹುತಿ ಮಿ ಇನೆ ನ್ಹಾನಿ ಶಿಕ್ಷಾದಿನ ಛೊಡಿಪಾಡುಸ" ಕೈನ ಕದ್ಯೊ

¹⁷ ಹರಿ ಯಕ್ಕ ಫಸ್ಕಾನಾ ಸನ್ಮಾ ರಾಜ್ಯಪಾಲ ಥಯಲ ಪಿಲಾತನ ಮನಕ್ಹೊಮಾಂಗಲ ತೆ ಕೈದಿನೆ ಛೊಡಾನಿ ಪದ್ಧತ ವ್ಹತ್ತಿ. *

¹⁸ ತೆನೈಸೊ ಮನಕ್ಹೊ ಯೆಸುನೆ ಜೊರ ವದ್ರಿನ ಮರವಾನಿ ಶಿಕ್ಷಾ ದೆ ಕೈನ ಕವಾಡಾತಾ. ವರಿ ಬರಬ್ಬನೆ ಛೊಡ ಕೈನ ಕವಾಡಾತಾ.

¹⁹ (ತೆ ಜೆಲಮಾ ವ್ಹತ್ತೊ ತೆ ದಕ್ಹಾ ಮನಕ್ಹೊನೆ ಖಲಾಸ ಕರೈಯ್ತೊ)

²⁰ ಪಿಲಾತನ ಯೆಸುನೆ ಛೊಡಿಪಾಡು ಕೈನ ವ್ಹತ್ತೊ. ತಿನಾಹುತಿ ಯೆಸುನೆ ಛೊಡಿಪಾಡು ಕೈನ ಮನಕ್ಹೊನೆ ಕದ್ಯೊ

²¹ ತೆ ನೈಸು ತ್ಯನೆ ವರಿ ತಿನೆ ಮರವಾನಿ ಶಿಕ್ಷಾ ದೆಕಿನ ವರಿ ಜೊರ ವದ್ರ್ಯಾ ವರಿ ತಿನೆ ಶಿಲುವಿಪರ ಚಡಾ ಶಿಲುವಿಪರ ಚಡಾ"ಕದ್ಯಾ

²² ತನ್ವಾ ಸಲಾ ಪಿಲಾತನ ಮನಕ್ಹೊನೆ, ಕಾ? ತೆ ಸು ತಪ್ಪ ಕರೈಯ್ತೊ? ತೆ ತಪ್ಪ ಕರಲವಾಲೊ ನ್ಹವೈ ತಿನೆ ಮರವಾನಿ ಶಿಕ್ಷಾ ದಿವಾನೆ ತಿಮಾ ಸುಜ

* **23:17 23:17.** ದಕ್ಹಾ ಗ್ರಿಕ ಪುಸ್ತಕೊಮಾ 17 ವಚನ ಮಳಾಯಾಸ. ತಿಮಾ ಹರಿಯಕ್ಕ ವರಕ್ಪನಾ ಪಸ್ಕ ಸನ್ನನಾ ಟೈಮ್ನಾ ಪಿಲಾತನ ಮನಕ್ಹೊನಾ ಹುತಿ ಯಕ್ಕ ಕೈದಿನೆ ಛೊಡಾನಿ ಪದ್ಧತ ವ್ಹತ್ತಿ. ಕೈನ ಬರ್ದಲ ಛಿ.

ತಪ್ಪದಿಕ್ಕಾಡು ನತ್ತಿ. ತಿನಾ ಹುತಿ ತಿನೆ ನ್ಹಾನಿ ಶಿಕ್ಷಾ ದಿನ್ನ ಛೊಡಿ ಪಾಡುಸ
"ಕದ್ಲೊ

23 ವರಿ ಮನಕ್ಲೊ ವದ್ರಾನು ದೆಕಿನ ಪಿಲಾತನ ಯೆಸುನೆ ಶಿಲುವಿಪರ
ಚಡ್ಯೆನ ಮರವಾನಿ ಶಿಕ್ಷಾ ದಿದ್ಲೊ.

24 ಪಿಲಾತನ ತ್ತುನೆ ಮಾಂಗಲ ತೆ ಪುರಾ ಕರಾನೆ ಒಪ್ಪಿದ್ಲೊ.

25 ಪಿಲಾತನ, ಬರಬ್ಬನೆ ಛೊಡಿನ ಯೆಸುನೆ ಶಿಲುವಿಪರ ಘಾಲಾಹುತಿ
ಮನಕ್ಲೊನಾ ಹತಮಾ ದಿದ್ಲೊ.

ಯೆಸುನೆ ಶಿಲಬಿಪರ ಚಡಾಯಾ
(ಮತ್ತಾಯ 27:32-44; ಮಾರ್ಕ 15:21-32; ಯೋಹಾನ
19:17-19)

26 ಸೈನಿಕೊ ಯೆಸುನೆ ಶಿಲುವಿಪರ ಚಡಾವಾನೆ ನಿಂಜಾತಾಮಾ
ಖಿತರಮಾತೊ ಗಾಮ್ತಾ ಆತೊ ರ್ಹಯಲ ಸಿಮೊನ ಕವಾಲಾನೆ ದೆಕ್ಯಾ
ಸಿಮೊನ ಕವಾಲೊ ಸಿರೆನ ಗಾಮವಾಲೊ ವ್ಹತ್ತೊ. ಯೆಸುನೆ ಶಿಲುವಿ
ಉಚ್ಚೆಲಿನ ಯೆಸುನಾ ಪಾಚೊ-ಪಾಚೊ ಆ ಕೈನ ವತ್ತಾಯ ಕರ್ಯಾ.

27 ಘನ್ನಾ ಮನಕ್ಲೊ ಯೆಸುನಾ ಪಾಚಾ-ಪಾಚಾ ಆವಾಡಾತಾ. ಮ್ಹೊಟ್ಟು
ಗುಂಪ ಥೈನ ಮಳಲ ಹೆಣ ಮನಕ್ಲೊ ಘನ್ನಿಯೊ ರವಾಡಿಯ್ಯತೊ.

28 ಯೆಸು ತೆ ಹೆಣ ಮನಕ್ಲೊನೆ "ಯೆರೊಸೆಲಿಮಿನಿಯೊ ಹೆಣ
ಮನಕ್ಲೊ ಮಾರಾ ಹುತಿ ರವೊ ನಕೊ ತಮಾರಾ ಹುತಿ ತಮಾರಾ
ಬಚ್ಚಾವೊನಾ ಹುತಿ ರವೊ"

29 ಬಚ್ಚಾ ನೈಸೊ ವಾಲಿಯೊ ಚೊಕಿಯೊ ವ್ಹೈ ಬಚ್ಚಾವೊನೆ ಛಾತಿನು
ದುದ್ದ ನೈ ಪಿಲಾಯಲ ವಾಲಿಯೊ ಚೊಕಿಯೊ ವ್ಹೈ ಕೈನ ಮನಕ್ಲೊ
ಕವಾನು ಟೈಮ ಆವಸ.

30 ತೆಳಾಮಾ ಮನಕ್ಲೊ ಡೊಂಗರನೆ ಮಪರ ಪಡ! ಕೈನ ಡೊಂಗರೊ
ಹಮೊನೆ ಝಾಕಿ ಪಾಡಾದೆ ಕೈನ ವದ್ರಸ.

31 ಮನಕ್ಲೊ ಝಾಡ ಚೊಕು ರ್ಹತಾಮಾ ಇಮ್ಮ ಕರಸ. ವರಿ
ಕುಕ್ಕಾಯಲ ಟೈಮ್ಮಾಕಿಮ ರ್ಹಸ? ಕೈನ ಕದ್ಲೊ.

32 ಯೆಸುನಾ ಕ್ಹಾತೆ ಬೆ ಚ್ವಟ್ಟಾವೊನೆ ಮರವಾನಿ ಶಿಕ್ಕಶಯಾ ದಿದ್ಲಾತಾ.

33 ಯೆಸುನೆ ವರಿ ಬೆ ಚ್ಚಟ್ಟಾವೊನೆ ತ್ತುನೊನೆ "ಕಪಾಲ "ಕವಾನಿ ಜಗಾಪರ ಬಲೈ ಲಿನಗಯಾ. ತ್ತಾ ಯೆಸುನೆ ಶಿಲುವಿಪರ ಚ್ಚಡಾಯಾ ಬೆ ಚ್ಚಟ್ಟಾವೊಮಾ ಯಕ್ಕಾನೆ ಯೆಸುನಾ ಶಿದಾಬಗಲ ಯಕ್ಕಾನೆ ಡಾವಾ ಬಗಲ ಚ್ಚಡಾಯಾ,

34 ತೆಳಾಮ ಯೆಸು, ಬಾ, ಅವೊನೆ ಮಾಫ ಕರ. ಅವನೆ ಸು ಕರಾಡಾಸ ತಿಳದ್ಯಾ ನತ್ತಿ "ಕೈನ ಪ್ರಾಥನಾ ಕರಯ್ತೊ ಸೈನಿಕೊ ಚಿಟಿಯೊ ಘಾಲಿನ ಯೆಸುನಾ ವಣ್ಣಾ ಕಿನೆ-ಕಿನೆ ವಾಟಲಿದ್ಯಾ

35 ಮನಕ್ಕೊ ದೆಕತಾ ತ್ತಾ ಹುಬ್ರಯಾತಾ. ಯೆಹುದಿಯೊನಾ ಮೊಟ್ಟಾ ಮನಕ್ಕೊ ಯೆಸುನೆ ಕದ್ರಾಯಾ. ತ್ತುನೆ ಯೆಸುನೆ ತು ಕ್ಕುದಾ ಇನಿಲಿದಲ ಕ್ರಿಸ್ತ ರ್ವಯೊಮ ತಿನಾಕ್ಕು ತೆ ವಚ್ಚಾಡಿಲಿವಾದೆ. ಎ ಬಿಜಾವೊನೆ ವಚ್ಚಾಡಲ ವಾಲೊ ನ್ವವೈಸು? ಕದ್ಯಾ

36 ಸೈನಿಕೊ ಯೆಸುನೆ ಕದ್ರಾಯಾ. ತ್ತುನೆ ಯೆಸುಕನ ಐನ. ದಕ್ಕು ಖಾಟು ದ್ರಾಕ್ಷಿಯೊನು ರಕ್ತಪಿವಾನೆ ದಿದ್ಯಾ

37 ವರಿ ಯಹುದ್ಯನೊ ರಾಜೊ ರ್ವಯೊಮ, ತಾರಾ ಕ್ಕು ತು ವಚ್ಚಾಡಿಲೆ "ಕದ್ಯಾ

38 (ಶಿಲುಬಿನಾ ಉಪ್ಪರ, ಎ ಯಹುದ್ಯನೊ ರಾಜೊ ವ್ವೈಕೈನ, ಕೈನ ಬರದ್ಯಾತಾ)

39 ತ್ತಾ ಚ್ಚಡಾಯಲ ಬೆ ಚ್ಚಟ್ಟಾವೊಮಾನೊ ಯಕ್ಕೊ ಯೆಸುನೆ "ತು ಕ್ರಿಸ್ತ ನ್ವವೈಸು? ತಿಮ್ಮ ರ್ವಯುಮ ತಾರಾಕ್ಕು ತು ವಚ್ಚಾಡಿ ಲೆ! ವರಿ ಹಮೊನೆಬಿ ವಚ್ಚಾಡ"ಕದ್ಯೊ

40 ತೆನ್ನೈಸೊ ತೆ ಬಿಜೆಕ್ಕೊ ಚ್ಚಟ್ಟೊ. ತಿನೆ ಭುಚ್ಚಾಡ್ಯೊ ತು ಕ್ಕುದಾ ಕ್ಕು ಭುಚ್ಚಕ್ತಾ ನೈಸು? ತುನೆ ಬಿ ಎಜ ಶಿಕ್ಷಾ ಥೈಸ!

41 ತುಬಿ ಮಿ ಪಾಪಿಯೊ ವ್ವೈ ಅವೊನೆ ಅಪ್ಪಾ ಪಾಪನಾ ಹುತಿ ಶಿಕ್ಷಾ ದಿದ್ಯಾಸ. ವರಿ ಎ ಮನಕ್ (ಯೆಸು) ಕಯುಜ ತಪ್ಪ ಕರಯ್ತೊ ನತ್ತಿ. ಕದ್ಯೊ

42 ಪಾಚಲೊ ತೆ ಚ್ಚಟ್ಟೊ ಯೆಸುನೆ ತಾರೊ ರಾಜ್ಯ ಆತಾಮಾ ಮನೆ ಶೆ ಕರಿಲೆ"ಕದ್ಯೊ

43 ತೆಳಾಮಾ ಯೆಸು ತಿನೆ ಏಕ! ಮಿ ಕ್ಹರಿಜ ಕೌಸ. ಆಜ್ಞಾನಾ ದಿನ್ನೆಜ್ಜ ತು ಮಾರಾ ಕ್ಹಾತೆ ಸ್ವರ್ಗಮಾ ರ್ಹ್ಹಿಸಿ. ಕೈನ ಕದ್ಯೊ.

ಯೆಸು ಮರಲ
(ಮತ್ತಾಯ 27:45-56; ಮಾರ್ಕ 15:33-41; ಯೋಹಾನ 19:28-30)

44 ತೆಕ್ಲಾಮಾಜ್ಜ ದುಪಾರ ಧೈಗ್ಯಿತಿ ವರಿ ಇಡಿ ಭುಲೊಕ್ಕರ ಅಂದಾರು ಧೈಗ್ಯಿಯುತು. ತೆ ಅಂದಾರು ದುಪಾರನಾ ಬಾರಾ ವಾಸ್ತಾತು ತನ, ವಾಜೆ ಲಕ್ಕಾ ವ್ಹತ್ತು.

45 ಸುರ್ಯಾನು ಉಜಾಲುಜ್ಜ ನ್ಹೊತ್ತು! ದೆವಾಲಯನೊ ಪಡದೊ ಫಾಟಿನ ಬೆ ಭಾಗ ಥಯೊತೊ.

46 ಪಾಚಲ್ಲೊ ಯೆಸು"ಬಾ, ಮಾರಿ ಆತ್ಮಾತಾರಾ ಹತೊಮಾ ವಪ್ಪುಸ, ಕೈನ ರೊರ ವದ್ತಿನ ಜಲಮ ಟೊಡ್ಯೊ.

47 ತ್ಯಾ ರ್ಹ್ಹಿಯಲ ಸೈನಿಕೊನೊ ಆದಿಕಾರಿ ತಿಮ್ಮ ಥಯಲ ದೆಕಿನ"ಎ ಮನಕ್ಹ ಕ್ಹರಿನೊಜ್ಜ ವ್ಹೊ ಕೈನ ಮನೆ ಗ್ವತ್ತ ವ್ಹತ್ತು" ಕೈನ ಕ್ಹುದಾನಿ ಸ್ತುತಿ ಕರೊ.

48 ಎ ಕ್ಹಾರು ದೆಕಾನೆ ಗಾಮತಾ ಘನ್ನಾ ಮನಕ್ಹೊ ಆಯಾತಾ. ವರಿ ಎ ಕ್ಹಾರು ದೆಕಿನ ಘನ್ನಾ ದುಕಿ ಥೈನ ಫರಿನ ತ್ಯನಾ ಗಾಮೆ ಗಯಾ.

49 ಯೆಸುನಾ ದೊಸ್ತೊ ಬಿ ತ್ಯಾ ವ್ಹತ್ತಾ. ಗಲಿಲಾಯತಿಯೊ ಯೆಸುನಾ ಪಾಚಿಯೊ ಆಯಲ ಹೆಣ ಮನಕ್ಹೊಬಿ ತ್ಯಾ ವ್ಹತ್ತಿಯೊ. ತ್ಯನೆ ದುರತಿಯೊಜ್ಜ ಎ ಕ್ಹಾರು ದೆಕಾಡಿಯೊತ್ಯೊ.

ಯೆಸುನಿ ಮಜಾರ
(ಮತ್ತಾಯ 27:57-61; ಮಾರ್ಕ 15:42-47; ಯೋಹಾನ 19:38-42)

50 ಅರಿಮಥಾಯ ಕವಾನು ಯೆಹುದಿಯೊನು ಯಕ್ಕ್ ಗಾಮ ವ್ಹತ್ತು. ಯೊಸೆಫ ಎಜ್ಜ ಗಾಮವಾಲೊ ಭೊಕೊ ವ್ಹತ್ತೊ. ಎ ಕ್ಹುದಾನಾ ಹುತಿ ಕ್ಹಾರು ತಿಳದಿಲಿದ್ಯೊತೊ. ವರಿ ಕ್ಹುದಾನು ರಾಜ್ಯ ಆವಸ ಕವಾನು ಇನೆ ಗ್ವತ್ತ ವ್ಹತ್ತು.

51 ಯೊಸೇಫ ಯಹುದ್ಯೊನೊ ಮನಕ್ಲೊಪರ ಮ್ಹೊಟೊ ವ್ಹತ್ತೊ. ವರಿ ಯೆಹುದಿಯೊನಾ ಮನಕ್ಲೊಯೆಸುನೆ ಖಲಾಸ ಕರಿಯೆ ಕೈನ ಕತಾಮಾ ತೆ ವಾತೆ ವಪ್ಪೊನ್ನೊತೊ.

52 ಯೆಸುನೊ ಮರಲ ಅಂಗ ದಿಲಾ ಕೈನ ಯೊಸೇಫ ಪಿಲಾತನಕನ ಮಾಂಗ್ಲೊ.

53 ಪಾಚಲ್ತೊ ಯೊಸೇಫ ಯೆಸುನು ಅಂಗ ಶಿಲುವಿಪರತೊ ಹೆಟೊ ಉತಾರಿನ ನರಮ ಪ್ಹಡಕಾಮಾ ಯೆಸುನೆ ಸುತ್ತಿನ ದಗಡಾಮಾ ಕಾಡಲ ಮಜಾರಮಾ ಮ್ಹೆಲ್ಯೊ ತೆ ಮಜಾರಮಾ ಬಿಜಾ ಕಿನೆಜ್ ಫಾಲ್ಯಾನ್ನೊತಾ.

54 ವರಿ ತೆ ದಿನ್ನ ಸಬ್ಬತನೊ ತಯ್ಯಾರನೊ ದಿನ್ನ ವ್ಹತ್ತೊ.

55 ಗಲಿಲಾಯತಾ ಯೆಸುನಾ ಕ್ಹಾತೆ ಆಯಲ ಹೆಣ ಮನಕ್ಲೊ ಯೊಸೇಫನಾ ಪಾಚಿಯೊ ಗಯ್ಲೊ. ತ್ಯಾನೆ ಯೆಸುನೆ ಮುಕ್ಕಕಲ ಮಜಾರ ದೆಕಿಯೊ.

56 ಪಾಚಾತಿಯೊ ತೆ ಹೆಣ ಮನಕ್ಲೊಯೆಸುನಾ ಅಂಗೆ ಲಗಾಡಾನಾ ಹುತಿ ಬಾಸನು ತೆಲ ಲಾವಾನಾ ಹುತಿ ಗಯ್ಲೊ. ಸಬ್ಬತ ದಿನಮಾ ತ್ಯಾನೆ ಅರಾಮ ಕರಿಯೊ. ಮೊಶೆನು ಧರಮ ಶಾಸ್ತ್ರನಾ ಪ್ರಕಾರ ಸಬ್ಬತನಾ ದಿನಮಾ ಮನಕ್ಲೊ ಅರಾಮ ಕರಾನು ವ್ಹತ್ತು.

24

ಯೆಸು ಮರಿನ ಜಿವ್ವೊ ಥಯಲ

(ಮತ್ತಾಯ 28:1-10; ಮಾರ್ಕ 16:1-8; ಯೊಹಾನ 20:1-10)

1 ಐತ್ವಾರನಾ ಪಾಟೆ ಹಞ್ಹುನ ಮಬ್ಬ ರ್ತತಾಮಾ ಯೆಸುನೆ ಮ್ಹೆಲಲ ಮಜಾರಕನ ಹೆಣ ಮನಕ್ಲೊಯೆಸುನಾ ಅಂಗೆ ಲಗಾಡಾನೆ ಬಾಸನು ತೆಲ ತಯ್ಯಾರ ಕರಿನ ಲಯ್ಲೊ.

2 ಮಜಾರನೆ ಝಾಕಲ ದಗ್ಗೊ ಸರಕಾಯಲ ದೆಕಿನ ತ್ಯಾನೆ ಮ್ಹೆಲ್ಯೊ ಆಯ್ಲೊ.

3 ವರಿ ತ್ಯಾನೊನೆ ಯೆಸುನು ಮರಲ ಅಂಗ ದಿಕ್ಪ್ಪುನ್ಯೆ.

4 ತೆ ಹೆಣ ಮನಕ್ಲೊ ಫಾಬ್ರಿಯೊ ಥಯ್ಲೊ. ವರಿ ಘನ್ನಾ ಮಿಂಚಾನಾ ವಣ್ಣಾ ಫಾಲ್ಗಿನ ಬೆ ಜನಾ ತ್ಯಾನೊಕನ ಹುಬ್ರಯಾ.

5 ತೆ ಹೆಣ ಮನಕ್ಲೊ ಘನ್ನಿಯೊ ಭುಚಕಿನ ತ್ಯನಾ ಮೊಡಾ ಹೆಟಾ ಫಾಲ್ಲಿನ ಹುಬ್ರಯ್ಯೊ ತೆ ದುತೊ, ಜಿವ್ವಾರ್ಡಯಲ ವಾಲಾನೆ ತುಮೆ ನ್ಹ್ಯಾ ಕಾ ಹುಡಕಾಡಿಯೊಸ? ಎ ಮರಲ ವಾಲಾವೊನೆ ಮುಕ್ತಕಾನಿ ಭಗಾ ವ್ಹ್ಯೆ!

6 ಯೆಸು ನ್ಹ್ಯಾನತ್ತಿ. ತೆ ಜಿವ್ವೊ ಧೈನ ಉಟ್ಟೊಸ! ತೆ ಗಲಿಲಾಯಮಾ ರ್ಡತಾಮಾ ಕದಲ ವಾತ ತುಮೊನೆ ಶೆ ನತ್ತಿಸು?

7 ಮನಕ್ಲನಾ ದಿಕ್ತಾನೆ ಕೆಟ್ಟ ಮನಕ್ಲೊನಾ ಹತಮಾ ವಪ್ಪಿನ; ಶಿಲುವಿಪರ ಚಡಾಯಿನ ಖಲಾಸ ಕರಿನ ತನ ದಿನ್ವರ ಜಿವ್ವೊ ಧೈನ ಉಟಿನ ಆವಸ. ಕೈನ ಯೆಸು ಕದ್ಯೊ ನತ್ತಿಸು" ಕೈನ ಕದ್ಯಾ

8 ತೆಳಾಮಾ ತೆ ಹೆಣ ಮನಕ್ಲೊಯೆಸು ಕದಲ ವಾತ ಶೆ ಕರಲಿದಿಯೊ.

9 ತೆ ಹೆಣ ಮನಕ್ಲೊ ಮಜಾರಮಾತಿಯೊ ಗೈನ ಯೆಸುನಾ ಗ್ಯಾರಾ ಶಿಷ್ಯಾವೊಕನ ಗಯ್ಯೊ ತೆ ಹೆಣ ಮನಕ್ಲೊ ಮಜಾರಮಾ ಥಯಲ ಪುರಾ ತಿನಾ ಅಪೊಸ್ತಲೊಕನ ಕದಿಯೊ.

10 ತೆ ಹೆಣ ಮನಕ್ಲೊ ಕುನ್ನ ವ್ಹ್ಯೆ ಕದ್ಯಾಮ; ಮಗ್ದಲನಿ ಮರಿಯಳ, ಯೊಹಾನನಿ, ಯಾಕೊಬನಿ ಯಾ ಥಯಲ ಮರಿಯಳ ವರಿ ಬಿಜಿಯೊ ಹೆಣ ಮನಕ್ಲೊ ಅಪೊಸ್ತಲೊಕನ ತ್ಯನೆ ಕ್ಹಾರು ಕದಿಯೊ.

11 ತೆನ್ನೆಸೊ ತಿನಾ ಅಪೊಸ್ತಲೊ ತೆ ವಾತೆ ಬರೊಕ್ಲೊ ಕರ್ರ್ಯಾ ನೈ ತಿವ್ವಿವಾತೊ ಮಸ್ಕಿರಿ ಲಿಂಗತ ಲಾಗಿಯೊ.

12 ಪೆತ್ರಾ, ತ್ಯನಿಯೊ ವಾತೊ ಕ್ಹರಿ ವ್ಹ್ಯೆಸು ಕೈನ ದೆಕಾಹುತಿ ಯೆಸುನಿ ಮಾಜಾರ ಕನ ನ್ಹಾಟ್ಕೊ ತೆ ಮಜಾರಕನ ಗೈನ ಮ್ಹ್ಯೆ ಗೈನ ದೆಕ್ತಾಮಾ ಯೆಸುನೆ ಸುತ್ತಲ ವಣ್ಣಾ ಯಕ್ತಜ ವ್ಹತ್ತಾ. ತೆ ದೆಕಿನ ಪೆತ್ರಾ ಫಾಬ್ರೊ ಧೈನ ಗೈಪಾಡ್ಯೊ

ಎಮ್ಮಾಹುನಿ ವಾಟಮಾ

(ಮಾರ್ಕ 16:12-13)

13 ತೆ ದಿನಮಾಜ ಯೆಸುನಾ ಶಿಷ್ಯಾವೊಮಾನಾ ಬೆ ಭನಾ ಎಮ್ಮಾಹು ಕವಾನಾ ಗಾಮೆ ಚಾಲ್ಯಾತಾ. ತೆ ಗಾಮಾ ಯೆರುಸೇಲಿಮತು ಕ್ಹಾತ ಮೈಲ ದುರ ವ್ಹತ್ತು.

14 ತ್ಯನೆ ಥಯಲ ಕ್ಹಾರು ಬೊಲ್ಲೆತಾ ಚಾಲ್ಯಾತಾ.

15 ತೆಳಾಮಾ ಯೆಸು ತ್ಯನೊಕನ ಐನ, ತ್ಯನಾ ಕ್ಹಾತೆ ಗಯೊ.

16 (ತ್ಯನೊನೆ ಯೆಸು ವ್ಹೈಕವಾನು ಗ್ವತ್ತ ನ್ಹೊತು)

17 ಯೆಸು ತ್ಯನೊನೆ"ತುಮೆ ಕೈವಿಷಯಮಾ ಬೊಲ್ಲಿವಾಡ್ಯಾಸ? ಕೈನ ಪುಚ್ಚೊ ತಿಮ್ಮಕತಾ ತ್ಯನೆ ತ್ಯಾಜ ಹುಬ್ರಯಾ. ತ್ಯನಾ ಮ್ಹೊಡಾ ದುಖ ಕ್ಹು ಭರಿಗಯಾತಾ.

18 ತ್ಯನೊಮಾ ಕ್ಕಲೆಯೊಫಾ ಕವಾಲೊ"ತೆ ಯೆರುಸಲೆಮಾ ಥಯಲ ಕ್ಹಾರು ನೈತಿಳದಲವಾಲೊ ತು ಯಕ್ಲೊವ್ಹೈಸು" ಕೈನ ಕದ್ಯೊ.

19 ಯೆಸು ತ್ಯನೊನೆ"ತುಮೆ ಶಾನಾ ಹುತಿ ಬೊಲ್ಲಿವಾಡ್ಯಾಸ? ಕೈನ ಪುಚ್ಚೊ ತ್ಯನೆ ತಿನೆ, ಹಮೆ ನಜರೆತನಾ ಯೆಸುನಾ ಹುತಿ ಬೊಲ್ಲಿವಾಡ್ಯಾಸ. ತೆ ಕ್ಹುದಾನಾ ಕಂತೊ. ವರಿ ಮನಕ್ಹೊನಾ ನಜರಮಾ ಮ್ಹೊಟೊ ಪ್ರವಾದಿ ಹೊತೊ. ತೆ ಘನಿಯೊ ಸಂಗತಿಯೊ ವರಿ ಘನ್ನಾ ಅದ್ಭುತೊನಾ ಕಾಮೊ ಕರೈಸ.

20 ಹಮಾರಾ ಯೆಹುದಿಯೊನಾ ನಾಯಕೊ ವರಿ ಪ್ರದಾನ ಯಾಜಕೊ. ತಿನೆ ಮರವಾನಿ ಶಿಕ್ಷಾ ದಿಲಾಯಾ ವರಿ ತಿನೆ ಶಿಲುವಿಪರ ಫಾಲ್ಯಾ.

21 ಯೆಸು ಇಸ್ರಾಯಲನಾ ಮನಕ್ಹೊ ಬಂದನಮಾತೊ ಛೊಡಾತೊತೊ ಹಮೆ ಕೈಲೆತಾತಾ. ತೆಕ್ಲಾಮಾಜ ಎಕ್ಹಾರು ಧೈಗಯು. ಯಕ್ಲಾಮಜ ವರಿ ಯಕ್ ಸಂಗತಿ ಧೈಗೈಸ. ತೆ ಮರಿನ ತನ ದಿನ್ನ ಧೈ ಗಯಾಸ.

22 ಆಜ ಹಮಾರಾ ಕ್ಹಾತೆ ರ್ಹಯಲ ಹೆಣ ಮನಕ್ಹೊ ಫಾಬ್ರಿ ಥಾವಾನಿಯೊ ವಾತೊ ಕದಿಯೊ. ಪಾಟೆ ನಸಕೆ ತೆ ಹೆಣ ಮನಕ್ಹೊ ಯೆಸುನೆ ಮ್ಹೆಲಲ ಮಜಾರಕನ ಗಯೊತ್ಯೊ.

23 ತ್ಯಾತ್ಯನೆ ಯೆಸುನು ಅಂಗ ದಿಕ್ಪುನೈ. ತ್ಯನೆ ಫರಿನೆ ಐನ ಹಮೊನೆ ದೆವದುತೊ ದಿಕ್ಪಾ ವರಿ ತೆ ದೆವದುತೊ ಯೆಸು ಮರಯೊ ನತ್ತಿ ಕೈನ ಹಮೊನೆ ಕದ್ಯಾಕೈನ ಕದಿಯೊ.

24 ತಿನಾಹುತಿ ಹಮೊಮಾನಾ ದಕ್ಹಾಜನಾ ಯೆಸುನಿ ಮಜಾರಕನ ಗಯಾ. ತೆ ಹೆಣ ಮನಕ್ಹೊ ಕದಲ ಲಿಂಗತಜ ತೆ ಮಜಾರ ಕ್ಹಾಲಿ ವ್ಹತ್ತಿ. ತ್ಯನೆ ಸುತ್ತಿ ಮುತ್ತಿ ದೆಕ್ಪಾ ವರಿ ತ್ಯನೊಮಾ ತೆ (ಯೆಸು) ಕಿನೆಜ ದಿಕ್ಪೊ.

ನೈ ಕೈನ ಕದ್ಯಾ

25 ತೆಳಾಮ ಯೆಸು ತ್ಯುನೊನೆ ಕದ್ಯೊ ತುಮೆ ಗ್ಯಾನ ನೈಸೊವಾಲಾ ವ್ಹೈ ವರಿ ಕ್ಹರಿ ತುಮೊನೆ ವಳಕಾನೆ ಥಾತು ನೈ ಪ್ರವಾದಿಯೊ ಕವಾನು ಕ್ಹಾರು ತುಮೆ ನಂಬು.

26 ಕ್ರಿಸ್ತ ತಿನಿ ಮಹಿಮಾ ದೆಕಾಡಾತಿ ಅಗ್ಗುರ ಹವಾ ತ್ರಾಸೊ ಅನುಭವಿಸು ಕೈನ ಪ್ರವಾದಿಯೊ ಕದ್ಯಾಸ "ಕದ್ಯೊ

27 ಪಾಚಲ್ಲೊ ಯೆಸು ತಿನಾ ಹುತಿ ಮೊಶೆನಾ ಗ್ರಂಥಮಾ ಬರ್ದಲ ಹರಿ ಯಕ್ಕ ಕದ್ಯೊ ಯೆಸು ಮೊಶೆನು ಗ್ರಂಥತೊ. ಶುರು ಕರಿನ ತಿನಾ ಹುತಿ ಪ್ರವಾದಿಯೊ ಕದಲ ಕ್ಹಾರು ಕದ್ಯೊ

28 ತ್ಯುನೆ ಹಮ್ಮಾಹು ಕವಾನಾ ಗಾಮನಾ ನಜಿಕ ಆತಾಮಾ. ತೆ ಅಗೊ ಗಯಲಲಿಂಗತ ಕರ್ದೊ

29 ತೆನೈಸೊ ತ್ಯುನೆ ಯೆಸುನೆ ಬಲೈನ ಹಮ್ಮಾ ರಾತ ಧೈಗೈಸ ಹಮಾರಾ ಕ್ಹಾತೆ ನ್ಹಾಜ ರ್ಹೈ ಕೈನ ತಿನೆ ಕೈಲಿದ್ಯಾ ತಿನಾ ಹುತಿ ತೆ ತ್ಯುನಾ ಕ್ಹಾತೆ ತೆ ಗಾಮ್ನಾಗಯೊ.

30 ಯೆಸು ತಿವ್ನಾ ಕ್ಹಾತೆ ರೊಕ್ಕೊ ಖಾವಾನೆ ಬೈಟ್ಸೊ ತೆ ರೊಕ್ಕೊ ಲಿನ ಕ್ಹುದಾನೆ ಸ್ತೊತ್ರಾ ಕೈನ ತೆ ಭಾಗಿನ ತ್ಯುನೊನೆ ದಿದ್ಯೊ

31 ತೆಳಾಮಾ ತ್ಯುನೆ ಯೆಸುನೆ ವಳಕ್ಯಾ ತೆನೈಸೊ ತ್ಯುನೆ ವಳಕ್ಕತಾಮಾ ಯೆಸುನೆ ಗ್ವತ್ತ ಧೈನ ತ್ಯುನಾ ಡೊಳೆ ದಿಕ್ವೆನೈಸೊ ಮಾಯಾ ಥಯೊ.

32 ತ್ಯುನೆ ಭಂಬಿಜನಾ"ತೆ ಅಪ್ಪಾ ಕ್ಹಾತೆ ಬೊಲ್ತಾಮಾ ಅಪೊಮಾ ಆಗ ಲಾಗಲ ಲಿಂಗತ ಧೈನೈ? ಪವಿತ್ರ ಗ್ರಂಥಮಾ ರ್ಹಯಲ ಕ್ಹರಿಮಾನು ಮತ್ಲಬ್ ತೆ ಕತಾಮಾ ಘನ್ನು ಚೊಕು ಲಾಗ್ತುನೈ?

33 ತೆಳಾಮಾಜ್ಜ ತ್ಯುನೆ ಉಟಿನ ಯೆರೊಸೆಲಿಮೆ ಗಯಾ. ಯೆರುಸೆಲಿಮಾ ತಿನಾ ಕ್ಹಾರಾ ಶಿಷ್ಯಾ ಮಳಿನ ಆಯಾ. ಗ್ಯಾರಾ ಶಿಷ್ಯಾ ವರಿ ತ್ಯುನಾ ಕ್ಹಾತೆ ರ್ಹಯಲ ಮನಕ್ವೊ

34 ಪ್ರಭು (ಯೆಸು) ಮರಲ ವಾಲಾವೊಮಾತೊ ಕ್ಹರಿಮಾಜ್ಜ ಜಿವ್ವೊ ಧೈನ ಉಟ್ವೊಸ! ತೆ ಪೆತ್ರಾನೆ ದಿಕ್ವೊಸ ಕೈನ ಕದ್ಯಾ

35 ತೆಳಾಮಾ ವಾಟ್ಕಾ ಜಾವಾಲಾ ತ್ಯುನಾ ಕ್ಹಾತೆ ಥಯಲ ತ್ಯುನೆ ತ್ಯುನೊಕನ ಕದ್ಯಾ ವರಿ ಹಮೆ ತೆ ರೊಕ್ಲೊ ಭಾಗತಾಮಾ ತಿನೆ ವಳಕ್ಕಾ ಕೈನ ಕದ್ಯಾ

ಯೆಸು ತಿನಾ ಶಿಷ್ಯಾವೊನೆ ದಿಕ್ಹಲ

(ಮತ್ತಾಯ 28:16-20; ಮಾರ್ಕ 16:14-18; ಯೋಹಾನ 20:19-23)

36 ತ್ಯುನೆ ಭಂಬಿಜನಾ ತೆ ಕ್ಹಾರು ಕತಾಮಾ, ತ್ಯುನಾ ವಚಮಾ ಯೆಸು ಐನ ತುಮೊನೆ ಚೊಕು ಥಾವಾದೆ ಕದ್ಯೊ.

37 ತೆಳಾಮಾ ಶಿಷ್ಯಾ ತ್ಯುನೊನೆ ಭೆ ವಾಟ್ಕೊ ಎ ಕೆಟ್ಟ ಆತ್ಮಾವಸೆ ಕೈನ ತಿಳದಿಲಿದ್ಯಾ.

38 ವರಿ ಯೆಸು, ತ್ಯುನೊನೆ ತುಮೆ ಗಲಿ ಬಿಲಿ ಥಯಾಸ? ತುಮೆ ಡೊಳೆ ದೆಕಿನಬಿ ಕಾ ಸಂಶ್ಕೊಕರೊಶಿ?

39 ಮಾರಾ ಹತೊ ವರಿ ಮಾರಾ ಪಗೊ ದೆಕೊ. ಮಿಜ ವ್ಹೈ! ಮನೆ ಮುಟ್ಟೊ ಮಾರು ಜಿವ್ತು ಅಂಗ ದೆಕೊ. ಕೆಟ್ಟ ಆತ್ಮಾನೆ ಇಮ್ಮ ಅಂಗ ರ್ಹತು ನೈ "ಕದ್ಯೊ.

40 ಯೆಸು ಎ ಕದಲ್ಪರ, ಹತೊಮಾ ಪಗೊಮಾ ರ್ಹಯಲ ದುಕ್ಕಕೊ ದೆಕಾಡ್ಯೊ.

41 ತೆಳಾಮಾ ತಿನಾ ಶಿಷ್ಯಾ ಫಾಬ್ರಾಥಯಾ ವರಿ ತ್ಯುನೆ ಜಿವ್ತೊ ಥಯಲ ದೆಕಿನ ಘನ್ನಾ ಖುಶಿ ಥಯಾ. ವರಿಬಿ ತ್ಯುನೆ ಬರೊಕ್ಲೊ ಕರಾನೆ ಥಯು ನೈ ಯೆಸು ತ್ಯುನೊನೆ ತುಮೊಕನ ಖಾವಾನೆ ಸುಬಿ ಅನ್ನ ಲೆಸು? ರ್ಹಯುಮ ಮನೆ ದಿವೊ ಕೈನ ಕದ್ಯೊ.

42 ತ್ಯುನೆ ಬಳಲ ಮಚ್ಚಿ ತಿನೆ ದಿದ್ಯಾ.

43 ಶಿಷ್ಯಾವೊನಾ ಡೊಳಾ ಕ್ಹಾಮೊ ಯೆಸು ತೆ ಮಚ್ಚಲಿ ಲಿನ ಖಾದ್ಯೊ.

44 ಯೆಸು ತ್ಯುನೊನೆ ಮಿ ತುಮಾರಾ ಕ್ಹಾತೆ ರ್ಹಯಲ ಶೆಕರಿಲಿವೊ. ಮಾರಿ ವಿಷಯಮಾ ಮೊಶೆನು ಧರಮಶಾಸ್ತ್ರಮಾ ಪ್ರವಾದಿಯೊನಾ ಗ್ರಂಥಮಾ, ಕಿರತನೆಮಾ ಬರ್ದಲ ಹರಿ ಯಕ್ಕ ಸಂಗತಿಯೊ ಪುರಾ ಥಾ ಕೈನ ಮಿ "ಕದ್ಯೊ.

45 ಪಾಚಲ್ಲೊ ಯೆಸು ಪವಿತ್ರ ಗ್ರಂಥಮಾ ರ್ಹಯಲ ತಿನಾ ಹುತಿ ಬರ್ದಲ ಶಿಷ್ಯಾವೊನೆ ತಿಳಶ್ಚೊ.

46 ಪಾಚಲ್ಲೊ, ಯೆಸು ತ್ಯನೊನೆ "ಕ್ರಿಸ್ತ ಮರಿನ ತನ ದಿನ್ವರ ತಿ ಮರಲವಾಲಾವೊಮಾತೊ ಜಿವ್ವೊ ಥೈನ ಉಟಿನ ಆವಸ ಕೈನ ಬರ್ದಲ ಛಿ.

47 ಎಕ್ಹಾರು ಪುರಾ ಥಾವಾನು ತುಮೆ ದೆಕ್ಯಾಸ. ತುಮೆಞ್ ಇನೆ ಸಾಕ್ಷಿ ವ್ಹೊ.

48 ತುಮೆ ಮನಕ್ಹೊಕನ ಭಾವೊ, ತ್ಯನಾ ಪಾವೊನೆ ಪಶ್ಚಾತಾಪ ಪಡಿನ ಕ್ಹುದಾಬಗಲ ಫರಾಲಾವೊನೆ ಪಾಪ ಮಾಫ ಥಾವಸ ಕೈನ ಕವೊ. ತುಮೆ ಸುವಾರ್ತೆ ಯೆರುಸೇಲೆಮಾ ಶುರುಕರಿನ ಜಗತ್ತ್ಯಾ ಮನಕ್ಹೊಮಾ ಮಾರಾ ನಾಮಪರ ತಿಳಸೊ.

49 ಐಕೊ! ಮಾರೊ, ಬಾ, ಕದಲಜ್ಜ ಮಿ ತುಮೊನೆ ತಿಳಸುಸ. ವರಿ ತುಮೆ ಸ್ವರಗನೆ ಶಕ್ತಿ ಮಳೆಲಕ್ಯಾ ಯೆರುಸೇಲೆಮಾಞ್ ಕೈದಿನ ರ್ಹವೊ "ಕದ್ಯೊ.

ಯೆಸು ಸ್ವರ್ಗಮಾ ಗಯಲ

(ಮಾರ್ಕ 16:19-20)

50 ಯೆಸು ತಿನಾ ಶಿಷ್ಯಾವೊನೆ ಯೆರುಸೇಲೆಮ್ಮಾ ಭಾರೊ ಬೆಥಾನಿನಾ ನಜಿಕ ಬಲೈಲಿನಗಯೊ. ಯೆಸು ತಿನಾ ಹತೊ ಉಚ್ಚೆನ ತಿನಾ ಶಿಷ್ಯಾವೊನೆ ಆಶಿರ್ವಾದ ದಿದ್ಯೊ.

51 ತಿಳಾಮಾಞ್ ಯೆಸು ತಿನಾ ಶಿಷ್ಯಾವೊಕಂತೊ ಸ್ವರಗೆ ಗೈಪಾಡ್ಯೊ.

52 ಶಿಷ್ಯಾಯೆಸುನೆ ತ್ಯಾಸ್ತುತಿ ಕರ್ಯ್ ಪಾಭಾತಾ ತ್ಯನೆ ಫರಿನ ಗಾಮ್ತಾ ಗಯಾ. ತ್ಯನೆ ಘನ್ನಾ ಖುಶಿಮಾ ವ್ಹತ್ತಾ.

53 ತ್ಯನೆ ಹಮೆಶಾಬಿ ದೆವಾಲಯಮಾ ಕ್ಹುದಾನಿ ಸ್ತುತಿ ಕರತಾತಾ.

ಕ್ಪುದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪುದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪುದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕ್, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff